

4 A
34
11
3

4A
34
11
3

Fol: 4-22-33

22
3
*Tanto utero Vero horum est liber. Andrea magis
Exigua ut placeant munera mitis uritum*

1
2
3
4
5
6
7
8
9



4A
34
11
3

Tanto uile Vix donū est liber. Andrea, magnū,
Exigua ut placeant manera mitto animum.



Da. L. v. de C.º Real

F R A N C I S C I
DE VERULAMIO/
Summi Angliæ
C A N C E L L A R I S /
Instauratio
magna.



Simeon Pyllyps sculp. Multi pertransibunt & augebitur scientia.

Anno

LONDINI
Apud Joannem Billium
Typographum Regium.

1620

Digitized by Google



ADAM KUTTER
adigitatum
MCCCCXCVII

36



FRANCISCVS DE VERVLAMIO, SIC COGITAVIT;

TALEM QVE A PVD SE

*rationem instituit, quam Vuentibus &
Posteris notam fieri, ipsorum
interesse putauit.*



Vm Illi pro comperto esset, Intellectum humanum sibi ipsi negotiorum facessere, neque auxilijs veris (quæ in Hominis potestate sunt) vti sobrie & comodè; vnde multiplex Rerum Ignoratio, & ex Ignoratione Rerum detrimenta innumera: omni ope connitendum existimauit, si quo modo commercium istud *Mentis, & Rerum* (cui vix aliquid in terris, aut saltem in terrenis, se ostendit simile) restitui posset in integrum, aut saltem in melius deduci. Ut vero errores qui inualuerunt, quique in æternum inualituri sunt, alij post alios (si mens sibi permittatur) ipsi se corrigerent, vel ex vi Intellectus propria, vel ex auxilijs atque adminiculis Dialecticæ, nulla pror-

sus suberat Spes ; propterea quod Notiones Rerum Pri-
mæ , quas Mens hauistu facili & supino excipit , recondit , at-
que accumulat (vnde reliqua omnia fluunt) vitiōse sint , &
confusæ , & temerè à Rebus abstractæ : Neque minor sit in
Secundis & reliquis libido & inconstantia ; ex quo fit , vt
vniuersa ista Ratio Humana , quā utimur quoad Inquisitio-
nem Naturæ , non benè congesta & ædificata sit , sed tanquam
Moles aliqua magnifica sine fundamento . Dum enim Falsas
Mentis vires mirantur homines & celebrant ; Veras eiusdem ,
quæ esse possint (si debita ei adhibeantur auxilia , atque ipsa
Rebus morigera sit , nec impotenter Rebus insultet) præte-
reunt & perdunt . Restabat illud vnum , vt res de integro
tentetur , melioribus præfidijs ; utque fiat Scientiarum , &
Artium , atque omnis Humanæ Doctrinæ , in vniuersum In-
stauratio , à debitissima excitata Fundamentis . Hoc vero licet Ag-
gressu infinitum quiddam videri possit , ac supra vires mortales ;
tamen idem Tractatu sanum inuenietur ac sobrium , magis
quam ea quæ adhuc facta sunt . Exitus enim huius rei est
nonnullus . In ijs vero , quæ iam fiunt circa Scientias , est
Vertigo quædam , & Agitatio perpetua , & Circulus . Neque
Eum fugit , quantâ in solitudine versetur hoc Experimentum ,
& quam durum & incredibile sit ad faciendam fidem . Ni-
hilominus , nec Rem , nec Scipsum deserendum putavit ; quin
Viam , quæ vna Humanæ Menti peruvia est , tentaret atque
iniret . Præstat enim Principium dare Rei , quæ Exitum habe-
re possit ; quam in ijs , quæ Exitum nullum habent , perpetua
contentione & studio implicari . Viæ autem Contemplatiæ ,
Vijs illis actiuis decantatis ferè respondent ; vt Altera ab ini-
tio ardua & difficilis , desinat in apertum ; Altera primo in-
tuitu expedita & procliuis , ducat in auiæ & præcipitia .
Quum autem incertus esset , quando hæc alicui posthac in
mentem ventura sint ; eo potissimum usus Argumento , quod
neminem hactenus inuenit , qui ad similes cogitationes ani-
mum applicuerit ; decreuit prima quæque , quæ perficere
licuit , in publicum edere . Neque hæc festinatio ambitiosa
fuit , sed follicira ; vt si quid Illi humanitus accideret , ex-
taret ,

taret tamen Designatio quædam , ac destinatio Rei quam
animo complexus est ; vtque extaret simul Signum ali-
quod honestæ suæ & propensæ in Generis Humani Com-
moda voluntatis . Certè aliam quamcunque Am-
bitionem inferiorem duxit Re, quam præ ma-
nibus habuit . Aut enim Hoc quod agi-
tur, Nihil est; aut Tantum , ut me-
rito ipso contentum esse de-
beat, nec fructum ex-
trà quærere.

latus et rarus Dignitatis dampnum, ac desiliens Ratiocinum
sumo compescit eis; videlicet sumus signum si-
dum pugnare potest, ac probatur in Generis Humaniorum
mores voluntatis. Ceteris aliis durum mandante Am-
pliciorum interiectorum quinque Reges durum pugna-

Dignitatis. An enim Hoc dum agit
cum Nipis etiam Taurum, at me
fusca luna in tiro ibi conseruari cogere.
Pecunie nec fringuntur, neque perirent
ut dicitur, ut si perirent, non posset


restituere. Ita huiusmodi reges, prae-
sumunt perire, sed postea reges, ut res de natura
content, nullius procul, sicut haec Seruicium
Athos, acne omnis Lycianus Doctor, in viderem
Inventio, adeo etenim Fundamentum.

Ita huiusmodi reges, videlicet reges, qui
etiam idea regalium imperiorum ac
potest, ut quis sit, sicut Reges, videlicet
nullius, ut non reges, sicut Rurik, sicut Sviatoslav, sicut
Vorago, quod reges, ac reges reges, sicut Reges.



SERENISSIMO,
POTENTISSIMOQUE
PRINCIPI, AC DOMINO
NOSTRO,
IACOBO,
DEI GRATIA,
MAGNÆ BRITANNIÆ,
Franciæ, & Hiberniæ Regi,
~~REX BRITANICÆ &c.~~

Serenissime, Potentissimeque Rex,



O T E R I T fortasse
Maiestas Tua me furti
incusare, quod tantum
Temporis, quantum ad
haec sufficiat, Negotijs
Tuis suffuratus sim. Non
habeo quod dicam. Tem-
poris enim non fit Resti-
tutio; nisi forte quod detractum fuerit Temporis
Rebus Tuis, id Memoriæ Nominis Tui, & Ho-
nori

E P I S T O L A

nori Sæculi Tui reponi possit; si modò hęc alicius sint pretij. Sunt certè prorsus noua; etiam toto genere: sed descripta ex veteri admodum exemplari, Mundo scilicet ipso, & Naturā Rerum & Mentis. Ipse certè (vt ingenuē fatear) soleo æstimare hoc Opus magis pro partu Temporis, quam Ingenij. Illud enim in eo solummodo mirabile est; Initia Rei, & tantas de ijs quæ inualuerunt Suspiciones, alicui in mente invenire potuisse. Cætera non illibenter sequuntur. At versatur proculdubio Casus (vt loquimur) & quidam quasi Fortuitum, non minus in ijs quæ Cogitant Homines, quam in ijs quæ Agunt aut Loquuntur. Verum hunc Casum (de quo loquor) ita intelligi volo, vt si quid in his quæ affero sit boni, id immensæ Misericordiæ & Bonitati diuinæ, & Fœlicitati Temporum Tuorum tribuat: Cui & Viuus integerrimo affectu seruiui, & Mortuus fortasse id effecero, vt Illa Posteritati, nouâ hac accensâ face in Philosophiæ tenebris, prælucere possint. Meritò autem Temporibus Regis omnium Sapientissimi & Doctissimi, Regeneratio ista & *Instauratio* Scientiarum debetur. Supereft Petitio, Maiestate Tuâ non indigna; & maximè omnium faciens ad id quod agitur. Ea est, vt quando Salomonem in plurimis referas, Iudiciorum grauitate, Regno pacifico, Cordis latitudine, ~~Excellens denuoque, quos eum pugnabat;~~, Nobilitate: etiam Hoc ad eiusdem Regis Exemplum addas, vt cures Historiam Naturalem & Expe-

DEDICATORIA.

& Experimentalem, veram & seueram (missis Philologicis) & quæ sit in Ordine ad condendam Philosophiam, denique qualem suo loco describemus; congeri & perfici: Ut tandem post tot Mundi ætates, Philosophia & Scientiæ non sint amplius penfiles & aëreæ, sed solidis Experientiæ omnigenæ, eiusdémque benè penfitate, nitantur fundamentis. Evidem *Organum* præbui; verum Materies à Rebus ipsis petenda est.

Deus Opt. Max. Maiestatem

Tuam diù seruet incolumem.

Serenissimæ Maiestati Tuæ

Seruus Deuinctissimus,

&

Deuotissimus,

FRANCISCVS VERVLAM,

CANCELLARIUS.

Dedicatoria.

et Expositionem veritatis et lectionem (missis
Philologicas) & diuersum Ordinem condescendit
Lipologiam, deinde dapsum in loco decedit
Pentus; cogere & perficere. At tandem boyt tot
Mundi scates, Philologias & Sinecias non nisi
aliquibus beatis & sanctis, sed levibus Proceris
omnibus, citoque pene perfracte, intermixta
ludicra est. Edmundus Olausque prepucia
summis Miseris & Reparatis beatus ac
se. **D**einde Mx: Misericordia
Tantumq[ue] iuste inco^m & quid
dam quasi Fortunam, inuenit quod Cog-
itare Hominis, quoniam in ea regno non
quoniam. Verum hunc Calum, de quo loquitur
in intelligi velo, ut si quis adest, non videat
hunc ad amicula Americorum & Boman
etiamque Reginas.

Sermon Distinguimus.

praelucere potest. Ita ut Tertio habeat
legem, quae in aliis non habet.

Dicitur illius

Per te, misericordia Tu non possis facias, nisi
ad te venias. In aliis non possis facias nisi
ad aliis venias.

Franccisus Veranus.

Canticulae

Non solum ad suos, sed ad omnes
hunc unum habet. Non solum ad suos, sed ad omnes



FRANCISCI DE VERVLAMIO, INSTAVRATIO MAGNA.

P R A E F A T I O.

De statu Scientiarum , quòd non sit fœlix , aut maiorem in modum auctus ; quodque alia omnino , quàm prioribus cognita fuerit , via aperienda sit Intellec-
tui humano; & alia comparanda auxilia ,
vt mens suo iure in rerum Na-
turam vti possit .



*I*dentur nobis homines , nec opes , nec vires suas benè nosse ; verùm de illis , ma-
iora quàm paroſt , de his ,
minora credere . Ita fit ,
ut aut artes receptas insanis
pretijs æstimantes , nil am-
plius quærant ; aut seipſos
plus æquo contemnentes , vires suas in leuioribus conſu-
mant ; in ijs , quæ ad summam rei faciant , non expe-
riantur .

riantur. Quare sunt & suæ Scientijs Columnæ, tan-
 quam fatales; cùm ad vltérius penetrandum, homi-
 nes nec desiderio, nec spe excitentur. Atque, cùm
 opinio copiæ, inter maximas causas inopiæ sit; quùm-
 que ex fiduciâ præsentium, vera auxilia negligantur in
 posterum; ex usu est, & planè ex necessitate, vt ab
 illis quæ adbuc inuenta sunt, in ipso operis nostri limine
 (idq; reliclis ambagibus, & non dissimulanter) hono-
 ris & admirationis excessus tollatur; utili monito, ne
 homines eorum aut copiam, aut utilitatem, in maiùs
 accipient, aut celebrent. Nam si quis in omnem
 illam librorum varietatem, quâ Artes & Scientiæ ex-
 ultant, diligenter intropiciat, ubiq; inueniet eiusdem
 rei repetitiones infinitas, tractandi modis diuersas, in-
 uentione præoccupatas; ut omnia primo intuitu nume-
 rosa, facto examine, pauca reperiantur. Et de utili-
 tate aperte dicendum est; Sapientiam istam, quam
 à Græcis potissimum hauiimus, pueritiam quandam
 Scientiæ videri, atque habere quod proprium est puerorū;
 ut ad garriendum prompta, ad generandum in-
 ualida & immatura sit. Controueriarum enim ferax,
 operum effœta est. Adeò vt Fabula illa de Scylla, in li-
 terarum statum, qualis habetur, ad viuum quadrare
 videatur; quæ virginis & vultum extulit, ad vterum
 verò monstra latrantiæ succingebantur & adhærebant.
 Ita habent & Scientiæ, quibus insueuimus, generalia
 quædam blandientia, & speciosa; sed cùm ad particu-
 laria ventum sit, veluti ad partes generationis, ut fru-
 dum & opera ex se edant, tum contentiones & obla-
 trantes disputationes exoriuntur, in quas desinunt, &
 quæ

quæ partus locum obtinent. Præterea, si huiusmodi Scientiæ planè res mortua non essent, id minimè videtur euenturum fuisse, quod per multa iam sæcula usu venit; ut illæ suis immotæ ferè hæreant vestigijs, nec incrementa genere humano digna sumant: eò usque, ut sæpenumerò non solum assertio maneat assertio, sed etiam quæstio maneat quæstio, & per disputationes non soluatur, sed figatur, & alatur; omnisque traditio & successio disciplinarum repræsentet & exhibeat personas Magistri & Auditoris, non Inventoris, & eius qui inuentis aliquid eximium adiiciat. In artibus autem mechanicis, contrarium euenire videmus. Quæ, ac si auræ cuiusdam vitalis forent participes, quotidiè crescunt & perficiuntur; & in primis authoribus rudes plerumq; & ferè onerosæ, & informes apparent, postea verò nouas virtutes, & commoditatem quandam adipiscuntur, eò usq;, ut citius studia hominum & cupiditates deficiant & mutentur, quam illæ ad culmen, & perfectionem suam peruerent. Philosophia contra, & Scientiæ Intellectuales, statuarum more, adorantur & celebrantur, sed non promouentur. Quin etiam in primo nonnunquam authore maxime vigent, & deinceps degenerant. Nam postquam homines deditiij facili sunt, & in unius sententiam (tanquam pedarij Senatores) coierint, Scientijs ipsis amplitudinem non addunt, sed in certis authoribus ornandis & stipandis, seruili officio funguntur. Neque illud afferat qui spiam; Scientias paulatim succrescentes, tandem ad statum quendam peruenisse, & tum demum (quasi confectis spatijs legitimis) in operibus paucorum sedes fixas

posuisse; atque postquam nil melius inueniri potuerit,
 restare scilicet, ut quæ inuenta sint, exornentur, & co-
 lantur. Atque optandum quidem esset, hæc ita se-
 habuisse. Redius illud, & verius, istas Scientiarum
 mancipations nil aliud esse, quam rem ex paucorum ho-
 minum confidentia, & reliquorum socordia, & iner-
 tiâ natam. Postquam enim Scientiæ, per partes di-
 ligenter fortasse excultæ, & tractatæ fuerint, tum for-
 te exortus est aliquis, ingenio audax, & propter Me-
 thodi compendia acceptus, & celebratus, qui specie-
 tenus Artem constituerit, reuera veterum labores cor-
 ruperit. Id tamen posteris gratum esse solet, propter
 usum operis expeditum, & inquisitionis nouæ tedium,
 & impatientiam. Quod si quis, consensu iam inue-
 terato, tanquam Temporis iudicio moueatur, sciat se
 ratione admodum fallaci, & infirmâ niti. Neque
 enim nobis magnâ ex parte notum est, quid in Scientijs
 & Artibus, varijs sæculis & locis, innotuerit, & in
 publicum emanârit, multò minus, quid à singulis ten-
 tatum sit, & secreto agitatum. Itaque nec Tempo-
 ris Partus, nec Abortus extant in Fastis. Neque
 ipse consensus, einsq; diurnitas, magni prorsus æsti-
 mandus est. Ut cunque enim varia sint genera Politia-
 rum, unicus est Status Scientiarum, isq; semper fuit,
 & mansitus est popularis. Atque apud populum plu-
 rimū vigent doctrinæ, aut contentioæ & pugnaces,
 aut speciosæ & inanes; quales videlicet assensum aut
 illaqueant, aut demulcent. Itaq; maxima ingenia pro-
 culdubio per singulas etates vim passa sunt; dum viri
 capti & intellectu non vulgares, nibilo seciùs existi-
1109
21
matio-

mationi suæ consulentes, temporis & multitudinis iudicio se submiserint. Quamobrem attiores Contemplationes si forte usquam emicuerint, opinionum vulgarium ventis subinde agitatæ sunt, & extinctæ. Adeò ut Tempus, tanquam fluuius, leuia & inflata ad nos deuexerit, grauia & solida demerserit. Quin & illi ipsi authores, qui dictaturam quandam in Scientijs invaserunt, & tantâ confidentiâ de rebus pronuntiant; cum tamen per interualla ad se redeunt, ad querimonias de subtilitate Naturæ, veritatis receſibus, rerum obscuritate, Causarum implicatione, ingenij humani infirmitate, se conuertunt: In hoc nihilo tamen modestiores, cum malint communem hominum & rerum conditionem causari, quam de seipſis confiteri. Quin illis hoc ferè solenne est, ut quicquid Ars aliqua non attingat, id ipsum ex eadem arte impossibile esse statuant. Neque verò damnari potest Ars, quum ipsa disceptet, & iudicet. Itaque id agitur, ut ignorantia etiam ab ignominia liberetur. Atque quæ tradita & recepta sunt, ad hunc ferè modum se habent: quoad opera sterilia, quæſtionum plena; incrementis suis tarda & languida; perfectionem in toto simulania, sed per partes malè impleta; delectu autem popularia, & authoribus ipſis ſuſpecta, ideoq; artificijs quibusdam munita, & oſtentata. Qui autem & ipſi experiri, & ſe Scientijs addere, earumq; fines proferre statuerunt, nec illi à receptis prorsus desciscere auſi ſunt, nec fontes rerum petere. Verū ſe magnum quiddam conſequitos putant, ſi aliquid ex proprio inſerant, & adiſciant; prudenter ſecum reputantes, ſe in aſſentien-

do modestiam, in adiiciendo libertatem tueri posse.
Verum dum opinionibus & moribus consulitur, mediocritates istae laudatae, in magnum Scientiarum detrimentum cedunt. Vix enim datur, authores simul & admirari, & superare. Sed fit aquarum more, quae non altius ascendunt, quam ex quo descenderunt. Itaque huiusmodi homines emendant nonnulla, sed parum promouent; & proficiunt in melius, non in maius. Neque tamen defuerunt, qui ausu maiore, omnia integrasibi duxerunt, & ingenii impetu usi, priora prosternendo, & destruendo, aditum sibi & placitis suis fecerunt; quorum tumultu non magnoperè profectum est; quum Philosophiam & Artes non re ac opere amplificare, sed placita tantum permutare, atque regnum opinionum in se transferre contenterint: exiguo sane fructu, quum inter errores oppositos, errandi causæ sint ferè communes. Si qui autem nec alienis, nec propriis placitis obnoxii, sed libertati fauentes, ita animati fuere, ut alios secum simul querere cuperent; illi sane affectu honesti, sed conatu inualidi fuerunt. Probabiles enim tantum rationes sequuti videntur, & argumentorum vertigine circumaguntur, & promiscuâ querendi licentiâ severitatem inquisitionis eneruârunt. Nemo autem reperitur, qui in rebus ipsis, & Experienciam, moram fecerit legitimam. Atque nonnulli rursus qui experientiae vndis se commisere, & ferè Mechanici facti sunt; tamen in ipsa experientia Erraticam quandam inquisitionem exercent, nec ei certâ lege militant. Quin & plerique pusilla quedam pensa sibi proposuere, pro magno ducentes, si unum aliquod inuentum eruere possint;

sint; instituto non minus tenui, quam imperito. *Nemo enim rei alicuius naturam, in ipsa re, recte aut fœliciter perscrutatur; verum post laboriosam experimentorum variationem non acquiescit, sed inuenit quod ulterius quærat.* *Neque illud imprimis omittendum est, quod omnis in experiendo industria, statim ab initio opera quædam destinata, præpropero & intempestivo studio captauit; Fructifera (inquam) Experimenta, non Lucifera, quæsivit; nec ordinem diuinum imitata est, qui primo die lucem tantum creauit, eique unum diem integrum attribuit; neque illo die quicquam materiati operis produxit, verum sequentibus diebus ad ea descendit.* *At, qui summas Dialecticæ partes tribuerunt, atque inde fidissima Scientijs præsidia comparari putarunt, verissimè & optimè viderunt, intellectum humanum sibi permisum, meritò suspicuum esse debere.* *Verum infirmior omnino est malo medicina; nec ipsa mali expers.* *Siquidem Dialectica quæ recepta est, licet ad Ciuitia & Artes, quæ in sermone & opinione positæ sunt, rectissimè adhibetur;* *Naturæ tamen subtilitatem longo interuallo non attingit; & prensando quod non capit, ad errores potius stabiliendos, & quasi figendos, quam ad viam veritati aperiendam valuit.*

Quare, ut quæ dicta sunt complectamus, non videtur hominibus aut aliena fides, aut industria propria, circa Scientias hactenus fœliciter illuxisse; præsertim quum & in demonstrationibus, & in experimentis adhuc cognitis, parum sit præsidij. *Ædificium autem huius Vniuersi, stricturâ suâ, intellectui humano contemplan-*

templanti, instar labyrinthi est; ubi tot ambigua vi-
rum, tam fallaces rerum & signorum similitudines,
tam obliquae & amplexae Naturarum spirae & nodi,
undequaque se ostendunt. Post autem, sub incerto
sensu lumine, interdum affulgente, interdum se con-
dente, per experientiae & rerum particularium sylvas,
perpetuo faciendum est. Quin etiam duces itineris (ut
dictum est) qui se offerunt, et ipsi implicantur; atque
errorum, et errantium numerum augent. In rebus
tam duris, de iudicio hominum ex vi propriâ, aut etiam
de felicitate fortuitâ, desperandum est. Neque enim
Ingeniorum quantacunque excellentia, neque experi-
endi alea saepius repetita, ista vincere queat. Vestigia
filo regenda sunt: omnisque via usque à primis ipsis sen-
suum perceptionibus, certâ ratione munienda. Ne-
que hæc itâ accipienda sunt, ac si nihil omnino tot sæ-
culis, tantiis laboribus actum sit. Neque enim eorum
quæ inuenta sunt, nos pœnitet. Atque antiqui certè
in ijs, quæ in ingenio et meditatione abstracta posita
sunt, mirabiles se viros præstitere. Verum, quem-
admodum sæculis prioribus cum homines in nauigan-
do per stellarum tantum observationes cursum dirige-
bant, veteris sanè Continentis oras legere potuerunt,
aut maria aliqua minora, et mediterranea traijcere;
priusquam autem Oceanus traijceretur, et noui Orbis
regiones detergerentur, necesse fuit, usum acus nauti-
cæ, ut ducem viæ magis fidum, et certum, innotuisse:
simili prorsus ratione, quæ bucusque in Artibus et
Scientijs inuenta sunt, ea huiusmodi sunt, ut usu
meditatione, obseruando, argumentando, reperiri po-
tuerint;

tuerint; ut potè quæ sensibus propiora sint, & communibus notionibus ferè subiaceant. Antequam verò ad remotiora, & occultiora Naturæ liceat appellere, necessariò requiritur, ut melior & perfectior mentis & Intellectus humani usus & adoperatio introducatur.

Nos certè æterno Veritatis amore deuicti, viarum incertis, & arduis, & solitudinibus, nos commisimus; & Diuino auxilio freti & innixi, mentem nostram, & contra opinionum violentias, & quasi instructas acies, & contra proprias & internas hæsitationes & scrupulos, & contra rerum caligines, & nubes, & undequaque volantes phantasias, sustinuimus; ut tandem magis fida & secura indicia, viuentibus & posteris comparare possemus. Quā in re si quid profecerimus, non alia sanè ratio nobis viam aperuit, quām vera & legitima spiritus humani humilia-
tio. Omnes enim ante nos, qui ad artes inueniendas se applicuerunt, coniectis paulisper in res, & exempla, & experientiam oculis, statim, quasi inuentio nil aliud esset, quām quædam excogitatio, spiritus proprios, ut sibi Oracula exhiberent, quodammodo inuocarunt. Nos verò inter res castè & perpetuò versantes, Intellectum longius à Rebus non abstrahimus, quām ut rerum imagines, & radij (ut in sensu fit) coire possint; Unde fit, ut Ingenij viribus & excellentiæ non multum relinquatur. Atque quam in inueniendo adhibemus humilitatem, eandem & in docendo sequuti sumus. Neque enim aut confutationum triumphis, aut antiquitatis aduocationibus, aut authoritatis usurpatiōne quādam, aut etiam obscuritatis velo, aliquam his nostris

nostris inuentis maiestatem imponere, aut conciliare conamur; qualia reperire non difficile esset ei, qui nomini suo, non animis aliorum lumen affundere conaretur. Non (inquam) ullam aut vim, aut infidias hominum iudicis fecimus, aut paramus; verum eos ad res ipsas, & rerum foedera adducimus; ut ipsi videant, quid habeant, quid arguant, quid addant, atque in commune conferant. Nos autem si qua in re, vel male credidimus, vel obdormiuimus, & minus attendimus, vel defecimus in via, & inquisitionem abruptimus; nihilominus iis modis, res nudas & apertas exhibemus, ut errores nostri, antequam Scientiae massam altius insificant, notari & separari possint; atque etiam ut facilis & expedita sit laborum nostrorum continuatio. Atque hoc modo, inter Empiricam & Rationalem facultatem (quarum morosa & inauspicata diuertia, & repudia, omnia in humanâ familiâ turbauere) coniugium verum & legitimum, in perpetuum, nos firmasse existimamus.

Quamobrem, quum hæc arbitrij nostri non sint; in principio Operis, ad Deum Patrem, Deum Verbum, Deum Spiritum, preces fundimus humillimas, & ardentissimas, ut humani generis ærumnarum memores, & peregrinationis istius vitæ, in qua dies paucos & malos terimus; nouis suis Eleemosynis, per manus nostras, familiam humanam dotare dignentur. Atque illud insuper supplices rogamus, ne humana diuinis officiant, néue ex reservatione viarum sensus, & accensione maiore luminis naturalis, aliquid incredulitatis & noctis, animis nostris, erga Diuina mysteria oboriatur:

arbo

sed

sed potius, ut ab intellectu puro, à phantasii & vanitate repurgato, & diuinis oraculis nihilominus subdito, & prorsus dedititio, fidei dentur, quæ fidei sunt. Postremò, ut Scientiæ veneno à serpente infuso, quo animus humanus tumet & inflatur, deposito, nec altum sapiamus, nec ultra sobrium, sed veritatem in charitate colamus.

Peractis autem votis, ad homines conuersti, quædam & salutaria monemus, & aqua postulamus. Monemus primùm (quod etiam precati sumus) ut homines sensum in officio, quoad Diuina, contineant. Sensus enim (instar Solis) Globi terrestris faciem aperit, cœlestis claudit, & obsignat. Rursus, ne huic mali fugâ, in contrarium peccent; quod certè fiet, si naturæ Inquisitionem illa ex parte veluti Interdicto, separatam putant. Neque enim pura illa & immaculata Scientia naturalis, per quam Adam nomina ex proprietate rebus imposuit, principium aut occasionem lapsui dedit. Sed ambitiosa illa & Imperatiua Scientiæ Moralis, de Bono & Malo diudicantis, cupiditas, ad hoc ut Homo à Deo deficeret, & sibi ipsi leges daret, ea demum ratio atque modus temptationis fuit. De Scientiis autem quæ Naturam contemplantur, Sanders ille Philosophus pronuntiat, Gloriam Dei esse celare rem; gloriam Regis autem rem inuenire: non aliter, ac si Diuina Naturæ, innocentia & beneuolo puerorum ludo delectaretur, qui ideo se abscondunt ut inueniantur; atque animam humanam sibi collusorem in hoc ludo, pro suâ in homines indulgentiâ, & bonitate cooptauerit. Postremò omnes in uniuersum

sum monitos volumus, ut Scientiæ veros fines cogitent; nec eam aut animi causâ petant, aut ad contentionem, aut ut alios despiciant, aut ad commodum, aut ad famam, aut ad potentiam, aut huiusmodi inferiora, sed ad meritum, & usus vitæ, eamque in Charitate perficiant, & regant. Ex appetitu enim Potentia, Angeli lapsi sunt; ex appetitu Scientiæ, homines; sed Charitatis non est excessus; neque Angelus, aut Homo, per eam unquam in periculum venit.

Postulata autem nostra, quæ afferimus, talia sunt. De nobis ipsis silemus: De re autem quæ agitur, petimus; ut homines eam non Opinionem, sed Opus esse cogitent; ac pro certo habeant, non Sectæ nos alicuius, aut Placiti, sed utilitatis, & amplitudinis humanæ fundamenta moliri. Deinde, ut suis commodis æqui, exutis opinionum zelis & præiudiciis, in commune consulant, ac ab erroribus viarum atque impedimentis, nostris præsidis & auxiliis liberati & muniti, laborum qui restant, & ipsi in partem veniant. Præterea, ut bene sperent, neque Instauracionem nostram, ut quiddam infinitum, & ultra mortale, fingant, & animo concipient; quum reuera sit infiniti erroris finis, & terminus legitimus mortalitatis autem, & humanitatis, non sit immemor, quum rem non intra unius ætatis curriculum omnino perfici posse confidat, sed successioni destinet; denique Scientias, non per arrogantiam in humani Ingenij cellulis, sed submissè in mundo maiore querat. Vasta verò, ut plurimum solent esse, quæ inania: solida contrahuntur maxime, & in paruo sita sunt. Postremò etiam pertendum

tendum videtur (ne fortè quis rei ipsius periculo nobis
iniquus esse velit) ut videant homines, quatenus ex eo
quod nobis afferere necesse sit (si modò nobis ipsi consta-
re velimus) de his nostris opinandi, aut sententiam fe-
rendi, sibi ius permisum putent: quùm nos omnem
istam rationem humanam præmaturam, anticipantem,
et à rebus temerè, et citius quam oportuit, abstractam,
(quatenus ad inquisitionem Naturæ) ut rem va-
riam, et perturbatam, et male extrectam,
reijciamus. Neque postulandum est,
ut eius iudicio stetur, quæ ipsa
in iudicium vocatur.

DISTRIBVTIO OPERIS.

Eius constituuntur Partes sex.

Prima; Partitiones Scientiarum.

Secunda; Nouum Organum *sive* Indicia de Interpretatione Naturæ.


Tertia; Phænomena Vniuersi, *sive* Historia Naturalis & Experimentalis ad condendam Philosophiam.

Quarta; Scala Intellectus.

Quinta; Prodromi, *sive* Anticipationes Philosophiæ Secundæ.

Sexta; Philosophia secunda, *sive* Scientia Activa.

Singularum Argumenta.



Ars autem Instituti nostri est, ut omnia, quantum fieri potest, aperte & perspicue proponantur. Nuditas enim animi, ut olim corporis, innocentiae, & simplicitatis comes est. Pateat itaque primo Ordo Operis, atque ratio eius. Partes Operis à nobis constituuntur sex.

Prima pars exhibit Scientiæ eius *sive* Doctrinæ, in cuius possessione humanum genus hactenus versatur,

Summam, sive Descriptionem uniuersalem. Visum
enim est nobis, etiam in ijs, quæ recepta sunt, non-
nullam facere moram: eo nimirum consilio, ut facilius
& Veteribus perfectio, & Novis aditus detur. Pa-
ri enim ferè studio ferimur, & ad vetera excolenda,
& ad ulteriora assequenda. Pertinet etiam hoc ad fa-
ciendam fidem: iuxta illud; Non accipit Indo-
ctus verba Scientiæ, nisi priùs ea dixeris, quæ
versantur in corde eius. Itaque Scientiarum at-
que Artium receptarum oras legere, necnon utilia quæ-
dam in illas importare, tanquam in transitu non neg-
ligemus.

Partitiones tamen Scientiarum adhibemus eas,
quæ non tantum iam inuenta & nota, sed hactenus
omissa, & debita complecantur. Etenim inueniuntur
in globo Intellectuali, quemadmodum in Terrestri,
& culta pariter, & deserta. Itaque nil mirum videri de-
bet, si à diuisionibus vñitatis quandoque recedamus.
Adiectio enim, dum totum variat, etiam partes ea-
rumque sectiones necessariò variat: receptæ autem
diuisiones, receptæ summæ Scientiarum, qualis nunc
est, tantum competunt.

Circa ea vero, quæ ceu omissa notabimus, ita nos ge-
remus; ut non leues tantum titulos & argumenta con-
cisa eorum, quæ desiderantur, proponamus. Nam
siquid inter omissa retulerimus, (modò sit dignioris sub-
iecti) cuius ratio paulò videatur obscurior; (adeò ut
merito suspicari possimus, homines non facile intellectu-
ros, quid nobis velimus, aut quale sic illud opus quod ani-
mo & cogitatione complectimur:) perpetuò nobis curæ
erit,

erit, aut præcepta huiusmodi Operis conficiendi, aut etiam partem operis ipius iam à nobis confectam, ad exemplum totius subiungere: ut in singulis aut operâ aut consilio iuuenus. Etenim, etiam ad nostram existimationem, non solum aliorum utilitatem pertinere putauimus; ne quis arbitretur, leuem aliquam de istiusmodi rebus notionem mentem nostram perstrinxisse; atque esse illa, quæ desideramus ac prensamus, tanquam votis similia. Ea verò talia sunt, quorum & penes homines (nisi sibi ipsi desint) potestas planè sit; & nos apud nosmet rationem quandam certam & explicatam habeamus. Neque enim regiones metiri animo, ut Augures, auspiciorum causâ: sed intrare, ut Duces, promerendi studio, suscepimus.

Atque hæc prima Operis pars est.

Porro præteruedi Artes veteres, Intellectum humanum ad traiiciendum instruemus. Destinatur itaque Parti secundæ, Doctrina de meliore & perfectiore usu rationis in Rerum inquisitione, & de auxilijs veris Intellectus: ut per hoc (quantum conditio humanitatis ac mortalitatis patitur) exaltetur Intellectus, & facultate amplificetur ad Naturæ ardua & obscura superanda. Atque est ea, quam adducimus, Ars (quam Interpretationem Naturæ appellare consuevimus) ex genere Logicæ; licet plurimum, atque adeò immensum quiddam intersit. Nam & ipsa illa Logica vulgaris auxilia & præsidia Intellectui moliri ac parare profitetur: & in hoc uno consentiunt. Differt autem planè à Vulgari, rebus præcipue tribus: viz. ipso fine, ordine demonstrandi, & inquirendi initijs.

Nam huic nostræ Scientiæ finis proponitur ; ut inueniantur non Argumenta , sed Artes ; nec Principijs consentanea , sed ipsa Principia ; nec Rationes probabiles, sed Designationes & indicationes Operum. Itaque ex intentione diuersâ , diuersus sequitur effodus. Illic enim aduersarius Disputatione vincitur & constringitur : hic Naturâ , Opere .

Atque cum huiusmodi fine conueniunt Demonstrationum ipsarum natura & Ordo. In Logica enim vulgari opera ferè vniuersa circa Syllogismum consumit. De Inductione verò Dialectici vix serio cogitasse videntur ; leui mentione eam transmittentes , & ad disputandi formulas properantes. At nos demonstrationem per Syllogismum reijcimus , quod confusus agat , & Naturam emittat e manibus. Tametsi enim nemini dubium esse possit , quin , quæ in medio termino conueniunt , ea & inter se conueniant ; (quod est Mathematicæ cuiusdam certitudinis :) nihilominus hoc subest fraudis , quod Syllogismus ex propositionibus constet , propositiones ex verbis , verba autem notionum tesseræ & signa sint. Itaque si Notiones ipsæ mentis (quæ verborum quasi anima sunt , & totius huiusmodi structuræ ac fabricæ basis) male ac temerè à rebus abstractæ , & vagæ , nec satis definitæ & circumscriptæ , denique multis modis vitiosæ fuerint , omnia ruunt. Reijcimus igitur Syllogismum ; neque id solum quoad principia ; (ad quæ nec illi eam adhibent) sed etiam quoad propositiones medias : quas educit sanè atque parturit , vt cunque Syllogismus ; sed operum steriles , & à Practicâ remotas , & plane quo-

ad partem actiuaam Scientiarum incompetentes. Quamuis igitur relinquamus Syllogismo & huiusmodi Demonstrationibus famosis ac iactatis, iurisdictionem in Artes populares & opinabiles, (nil enim in hac parte mouemus) tamen ad Naturam Rerum, Inductionem per omnia, & tam ad minores propositiones, quam ad maiores, utimur. Inductionem enim censemus eam esse demonstrandi formam, quæ Sensum tuetur, & Naturam premit, & Operibus imminet ac ferè immisetur.

Itaque Ordo quoque demonstrandi planè inuertitur. Adhuc enim res ita geri consuevit; ut à sensu & particularibus primo loco ad maximè generalia aduoletur, tanquam ad polos fixos circa quos disputationes vertantur; ab illis cetera per media deriventur: Viam certè compendiariā, sed præcipiti, & ad Naturam imperiā, ad Disputationes verò proclivi & accommodatā. At secundū nos, Axiomata continentē, & gradatim excitantur, ut nonnisi postremo loco ad Generalissimam veniatur: Ea verò Generalissima eiadunt, non notionalia, sed bene terminata; & talia quæ Natura ut reuera sibi notiora agnoscat, quæque rebus hærent in medullis.

At in formā ipsā quoque Inductionis, & iudicio quod per eam fit, opus longè maximum mouemus. Ea enim de qua Dialectici loquuntur, quæ procedit per Enumerationem simplicem, puerile quiddam est, & præcario concludit, & periculo ab instantiā contradictioni exponitur, & consuetat tantum intuetur; nec existit reperit.

Atqui

Atqui opus est ad Scientias Inductionis formâ tali,
quæ experientiam soluat, & separet, & per exclusio-
nes ac reiectiones debitas necessariò concludat. Quòd si
Judicium illud vulgatum Dialecticorum tam operosum
fuerit, & tanta ingenia exercuerit; quanto magis la-
borandum est in hoc altero, quod non tantum ex Men-
tiis penetralibus, sed etiam ex Naturæ visceribus ex-
trahitur?

Nequaque tamen hic finis. Nam fundamenta quo-
que Scientiarum fortius deprimimus & solidamus,
atque Initia inquirendi altius sumimus, quam adhuc
homines fecerunt: ea subiectando examini, quæ Logica
vulgaris tanquam fide alienâ recipit. Etenim Diale-
ctici principia Scientiarum à Scientiis singulis tanquam
mutuo sumunt: rursus notiones mentis primas veneran-
tur: Postremò informationibus immediatis sensus be-
ne dispositi acquiescunt. At nos Logicam veram sin-
gulas Scientiarum Prouincias maiore cum imperio,
quam penes ipsarum Principia sit, debere ingredi de-
cremimus: atque illa ipsa Principia putativa ad ratio-
nes reddendas compellere, quoisque planè consilent.
Quod vero attinet ad notiones primas Intellectus; ni-
hil est eorum, quæ Intellectus sibi permisus congesit,
quin nobis pro suspecto sit, nec ullo modo ratum, nisi
nouo iudicio se fliterit, & secundùm illud pronuntia-
tum fuerit. Quinetiam sensus ipsius informationes
multis modis excutimus. Sensus enim fallunt utique;
sed & errores suos indicant: Verum errores præstò,
indicia eorum longè petita sunt.

Duplex autem est Sensus culpa: Aut enim destituit

nos

nos, aut decipit. Nam primò plurimæ sunt res quæ sensum etiam rectè dispositum, nec ullo modo impeditum effugiunt; aut subtilitate totius corporis, aut partium minutissimis, aut loci distantia, aut tarditate atque etiam velocitate motus, aut familiaritate obiecti, aut alias ob causas. Neque rursus, ubi Sensus rem tenet, prehensiones eius admodum firmæ sunt. Nam testimonium & informatio sensus semper est ex analogia Hominis, non ex analogia Uniuersi: atque magno prorsus errore asseritur, Sensem esse mensuram rerum.

Itaque ut his occurrat; nos multo & fido ministerio auxilia Sensui undique conquisuimus, & contraximus: ut deslitionibus substitutiones, variacionibus rectificationes suppeditentur. Neque id molimur tam Instrumentis, quam experimentis. Etenim Experimentorum longè maior est subtilitas, quam Sensus ipius, licet instrumentis exquisitis adiuti: (de iis loquimur Experimentis, quæ ad intentionem eius quod queritur peritè, & secundum artem excogitata & apposita sunt.) Itaque perceptioni Sensus immediatæ ac propriæ non multum tribuimus: sed eò rem deducimus, ut Sensus tantum de Experimento, Experimentum de Re iudicet. Quare existimamus nos Sensus (à quo omnia in Naturalibus petenda sunt, nisi forte libeat insanire) Antistites religiosos, & oraculorum eius non imperitos Interpretes nos præstisset: ut alii professione quadam, nos re ipsâ Sensem tueri, ac colere videamus. Atque huiusmodi sunt ea, quæ ad lumen ipsum Naturæ, eiusque accensionem, & immisionem

sionem paramus : quæ per se sufficere possent , si Intellectus humanus æquus , & instar tabulae abrasæ esset . Sed cùm mentes hominum miris modis adeo obfessæ sint , ut ad veros Rerum radios excipiendos sincera & polita area prorsus desit ; necessitas quædam incumbit , ut etiam huic rei remedium quærendum esse putemus .

Idola autem , à quibus occupatur Mens , vel Adscititia sunt , vel Fnnata . Adscititia verò immigrarunt in mentes hominum , vel ex Philosophorum placitis & sectis , vel ex peruersis legibus demonstratum . At Fnnata inhærent Naturæ ipsius Intellectus , qui ad errorem longè procliuior esse deprehenditur , quam Sensus . Ut cunque enim homines sibi placent , & in admirationem Menti humanæ ac fere adorationem ruant , illud certissimum est ; Sicut speculum inæquale rerum radios ex figurâ & sectione propriâ immutat ; ita & Mensem , cùm à rebus per Sensum patitur , in notionibus suis expediendis & comminiscendis , haud optimâ fide Rerum naturæ suam naturam inserere & immiscere .

Atque priora illa duo Idolorum genera , aegrè ; postrema verò hæc nullo modo euelli possunt . Id tantum relinquitur , vt indicentur ; atq[ue] ut vis ista Menti insidiatrix notetur & conuincatur , ne forte à destruptione veterum , noui subinde errorum surculi ex ipsa malâ complexione Menti pullulent ; eoque res recidat , vt errores non extinguantur , sed permittentur : Verum è contra , vt illud tandem in æternum ratum & fixum sit , Intellectum nisi per Inductionem , eius-

que

que formam legitimam, indicare non posse. Itaque Doctrina ista de expurgatione Intellectus, ut ipse ad veritatem habilis sit; tribus redargutionibus absolvitur: Redargutione Philosophiarum, Redargutione Demonstrationum, & Redargutione Rationis humanæ natuæ. His verò explicatis, ac postquam demùm patuerit, quid Rerum natura, quid Mentis natura ferat; existimamus nos thalamum Mentis & Vniuersi, pronubâ diuinâ bonitate, strauisse & ornatissime. Epithalamij autem votum sit, vt ex eo connubio auxilia humana, & stirps Inventorum, quæ necessitates ac miseras hominum aliquâ ex parte doment & subigant, suscipiatur. Hæc verò est Operis pars secunda.

At vias non solum monstrare & munire, sed inire quoque consilium est. Itaque Tertia pars Operis complectitur Phænomena Vniuersi; hoc est, omnigenam Experientiam, atque Historiam Naturalem, eius generis, quæ possit esse ad condendam Philosophiam fundamentalis. Neque enim excellens aliqua Demonstrandi via, sive Naturam Interpretandi forma; vt Mentem ab errore & lapsu defendere ac sustinere, ita ei materiam ad sciendum præbere & subministrare possit. Verum ijs, quibus non coniucere & hariolari, sed inuenire & scire propositum est; qui que non simolas & fabulas Mundorum commisici, sed huius ipsius veri Mundi naturam introspicere, & velut dissecare in animo habent; omnia à Rebus ipsis petenda sunt. Neque huic labori, & inquisitioni, ac mundanæ perambulationi vlla ingenij,

aut meditationis, aut argumentationis substitutio, aut compensatio sufficere potest; non si omnia omnium ingenia coierint. Itaque aut hoc prorsus habendum, aut negotium in perpetuum deserendum. Ad hunc verò usque diem ita cum hominibus actum est, ut minimè mirum sit, si *Natura* sui copiam non faciat.

Nam primò, sensus ipsius *Informatio*, & des-
rens, & fallens: *Observatio*, indiligens, & inæqualis,
& tanquam fortuita: *Traditio*, vana, & ex rumore:
Practica, operi intenta & seruilis: *vis Experimenta-
lis*, cæca, stupida, vaga, & prærupta: denique *Hi-
storia naturalis*, leuis & inops; vitiosissimam mate-
riam Intellectui ad *Philosophiam* & *Scientias* con-
gesserunt.

Deindè, præpostera *Argumentandi* subtilitas &
ventilatio, serum rebus plane desperatis tentatur reme-
dium: nec negotium ullo modo restituit, aut errores
separat. Itaque nulla spes maioris augmenti, ac pro-
gressus sita est, nisi in *Restauratione* quadam *Scienc-
iarum*.

Huius autem exordia omnino à naturali *Histo-
riâ* sumenda sunt, eaque ipsâ noui cuiusdam generis
& apparatus. Frustrè enim fuerit speculum expolire,
si defint imagines: & planè *Materia* idonea præpa-
randâ est Intellectui, non solum præsidia fida compa-
randâ. Differt verò rursus *Historia nostra* (quemad-
modum *Logica nostra*) ab ea quæ habetur, multis re-
bus: fine, sive officio; ipsâ mole & congerie; dein sub-
tilitate; etiam delectu; & constitutione in ordine ad ea
quæ sequuntur.

Primò

Primò enim eam proponimus Historiam Naturalem; quæ non tam aut rerum varietate delectet, aut præsenti Experimentorum fructui iuuet; quam lucem Inventioni causarum affundat, & Philosophiae enutricandæ primam mammam præbeat. Licet enim Opera, atque Actiuam Scientiarum partem præcipue sequamur, tamen messis tempus expectamus, nec muscum & segetem herbidam demetere conamur. Satis enim scimus Axiomata rectè inuenta, tota agmina Operum secum trahere; atq[ue] opera non sparsim, sed confertim exhibere. Intempestiuum autem illum & puerilem affectum, ut pignora aliqua nouorum Operum properè captentur, prorsus damnamus & amouemus, ceu pomum Atalantæ quod cursum retardat. Atque Historiæ nostræ Naturalis Officium tale est.

Quoad Congeriem verò, conficimus Historiam non solum Naturæ liberæ ac solvitæ; (cùm scilicet illa sponte fluit, & opus suum peragit; qualis est Historia Cœlestium, Meteororum, Terræ, & Maris, Mineralium, Plantarum, Animalium:) sed multò magis Naturæ constrictæ & vexatae; nempè, cùm per Artem & ministerium humanum de statu suo detruditur, atque premitur & fngit. Itaque omnia Artium Mechanicarum, omnia Operatiuæ partis Liberalium, omnia Prædicarum complurium, quæ in Artes propriam non coäluerunt, Experimenta, (quantum inquirere licuit, & quantum ad finem nostrum faciunt) perscribimus. Quin etiam (ut quod res est, eloquamur) fastum hominum & speciosa nil morati, multò plus & operæ & præsidii in hac parte, quam in illâ alterâ, ponimus:

quandoquidem Natura rerum magis se prodit per vexationes Artis, quam in libertate propria.

Neque Corporum tantum Historiam exhibemus, sed diligentiae insuper nostrae esse putauimus, etiam Virtutum ipsarum Ciliarum dicimus, quæ tanquam Cardinales in Naturæ censeri possint, & in quibus Naturæ primordia plane constituuntur; ut potè Materia primis Passionibus ac desiderijs, viz. Denso, Raro, Calido, Frigido, Consistenti, Fluido, Gravi, Leui, alijsque hanc paucis Historiam seorsum comparare.

Enimvero ut de Subtilitate dicamus, plane conquirimus genus Experimentorum longè subilius & simplicius quam sunt ea quæ occurunt. Complura enim à tenebris educimus & eruimus, quæ nulli in mentem venisset inuestigare, nisi qui certo & constanti tramite ad inuentionem Ciarum pergeret; cum in se nullius magnopere sint usus; ut liquido appareat, ea non propter se quaesita esse; sed ita prorsus se habeant illa ad Res & Opera, quemadmodum literæ Alphabeti se habent ad Orationem & verba: quæ licet per se inutiles, eadem tamen omnis sermonis elementa sunt.

In Delectu autem Narrationum & Experimentorum melius hominibus cauisse nos arbitramur, quam qui adhuc in Historia Naturali versati sunt. Nam omnia fide oculata, aut saltem perspecta, & summa quadam cum Seueritate recipimus: ita ut nil referatur auctum Miraculi causa, sed quæ narramus, à fabulis & vanitate casta & intemerata sint. Quinetiam & recepta quæque ac iactata mendacia (quæ mirabili quodam

dam neglectu per sēcula multa obtinuerunt & inueterata sunt) nominatim proscribimus & notamus; ne Scientijs amplius molesta sint. Quod enim prudenter animaduertit quidam; fabulas, & superstitiones, & nugas, quas Nutriculæ pueris instillant, mentes eorum etiam serio deprauare: ita eadem nos mouit ratio, ut solliciti atque etiam anxij sumus, ne ab initio, cùm veluti infantiam Philosophiæ sub Historiâ Naturali tractemus & curemus; illa alicui vanitati assuefcat. At in omni Experimento nouo & paulò subtiliore, licet (ut nobis videtur) certo ac probato, modum tamen experimenti, quo usi sumus, aperte subiungimus: ut, postquam patefactum sit, quomodo singula nobis constiterint; videant homines quid erroris subesse & adhaerere possit; atque ad probationes magis fidas, & magis exquisitas (si quæ sint) expurgiscantur. Denique ubique monita, & scrupulos, & cautiones aspergimus, religione quadam, & tanquam exorcismo omnia phantasma ejientes, ac cohidentes.

Postremò, cùm nobis exploratum sit, quantoperè Experientia & Historia aciem mentis humanae disgreget; & quam difficile sit (præsertim animis vel tenerris, vel præoccupatis) à principio cum Naturâ consuescere; adiungimus sepius observationes nostras, tanquam primas quasdam conuersiones & inclinations, ac veluti aspectus Historiæ ad Philosophiam: ut & pignoris loco hominibus sint; eos in Historiæ studiis perpetuo non detentos iri; utque, cùm ad opus Intellectus deueniatur, omnia sint magis in procinctu. Atque per huiusmodi (qualem describimus) Historiam

riam Naturalem, aditum quendam fieri posse ad Naturam tutum & commodum; atque Materiam Intellectui præberi probam & præparatam censemus.

Postquam vero & Intellectum fidissimis auxiliis ac præsidii stipuimus, & iustum Diuinorum Operum exercitum seuerissimo delectu comparauiimus; nil amplius superesse videtur, nisi ut Philosophiam ipsam aggrediamur. Attamen in retam arduam & suspensam, sunt quedam quæ necessariò videntur interponenda: partim docendi gratiâ, partim in usum præsentem.

Horum primum est, ut Exempla proponantur inquirendi & inueniendi, secundum nostram rationem ac viam, in aliquibus subiectis repræsentata: sumendo eapotissimum subiecta, quæ, & inter ea quæ quæruntur, sunt nobilissima, & inter se maximè diuersa; ut in unoquoque genere Exemplum non desit. Neque de iis Exemplis loquimur, quæ singulis Præceptis ac Regulis illustrandi gratiâ adiiciuntur: (hoc enim in Secunda Parte operis abundè præstitimus) sed planè Typos intelligimus & Plasmata, quæ uniuersum Menti processam, atque inueniendi continuatam fabricam & ordinem in certis subiectis, iisque variis & insignibus, tanquam sub oculos ponant. Etenim nobis in mentem venit, in Mathematicis, astante machina, sequi Demonstrationem facilem & perspicuam: contra, absque hac commoditate, omnia videri inuoluta, & quam reuera sunt, subtiliora. Itaque huiusmodi Exemplis Quartam partem nostri Operis attribuimus: quæ reuera nil aliud est, quam Secundæ Partis applicatio particularis & explicata.

At quinta pars ad tempus tantum, donec reliqua perficiantur, adhibetur: & tanquam fœnus redditur, usque dum sors haberi possit. Neque enim finem nostrum ita petimus occurrati, ut, quæ occurunt in via utilia, negligamus. Quamobrem Quintam partem Operis ex ijs conficimus, quæ à nobis aut inuenta, aut probata, aut addita sunt: Neque id tamen ex rationibus atque præscriptis Interpretandi, sed ex eodem Intellectus usu, quem alii inquirendo & inueniendo adhibere consueuerunt. Etenim cum, ex perpetua nostra cum Naturâ consuetudine, maiora de Meditationibus nostris, quam pro ingenii viribus, sperramus; tûm poterunt ista veluti tabernaculorum in via positorum vice fungi, ut mens ad certiora contendingens in ijs paulisper acquiescat. Attamen testamur interim, nos illis ipsis, quod ex verâ interpretandi forma non sint inuenta, aut probata, teneri minime velle. Istam verò Iudicij suspensionem, non est quod exhorreat quispiam in Doctrinâ, quæ non simpliciter nil sciri posse, sed nil nisi certo ordine & certâ via sciri posse asserit: atque interea tamen certos Certitudinis gradus ad usum & leuamen constituit; donec Mens in Causarum explicatione consistat. Neque enim illæ ipsæ Scholæ Philosophorum, qui Acatalepsiam simpliciter tenuerunt, inferiores fuere istis quæ pronuntiandi licentiam usurparunt. Illæ tamen Sensui & Intellexui auxilia non parauerunt, quod nos fecimus: sed fidem & autoritatem planè sustulerunt; quod longè alia res est, & ferè opposita.

Sexta tandem pars Operis nostri (cui reliquæ in-

seruiunt ac ministrant) eam demùm recludit & proponit Philosophiam, quæ ex huiusmodi (qualem ante docuimus & parauimus) inquisitione legitimā, & castā, & seuerā educitur & constituitur. Hanc verò postremam Partem perficere & ad exitum perducere, res est & suprà vires, & ultra spes nostras collocata. Nos ei initia (ut speramus) non contemnenda, exitum generis humani fortuna dabit; qualem fortè homines in hoc Rerum & Animorum statu, haud facile animo capere aut metiri queant. Neque enim agitur solum felicitas Contemplatiua, sed verè res humanæ & fortunæ, atque omnis Operum potentia. Homo enim Naturæ minister & interpretantur facit & intelligit, quantum de Naturæ ordine, Opere, vel Mente, obseruauerit: nec amplius scit, aut potest. Neque enim ullæ vires Causarum catenam soluere aut perfringere possint: neque Naturæ aliter quam paren- do vincitur. Itaque intentiones geminæ illæ, humanæ scilicet Scientiæ, & Potentiæ, verè in idem coincidunt: & frustratio Operum maximè fit ex ignoratione Causarum.

Atque in eo sunt omnia, si quis oculos Mentis à Rebus ipsis nunquam deiiciens, earum imagines planè ut sunt, excipiat. Neque enim hoc suerit Deus, ut Phantasie nostræ somnium pro Exemplari Mundi edamus: sed potius benignè faueat, ut Apocalipsum, ac veram visionem vestigiorum & sigillorum Creatoris super Creaturas, scribamus.

Itaque Tu Pater, qui lucem visibilem primitias Creaturæ dedisti, & lucem Intellectualem ad fastigium Operum

Operum tuorum in faciem Hominis inspirasti ; Opus
hoc , quod à tua Bonitate profectum , tuam gloriam re-
petit , tuere & regere . Tu postquam conuersus es ad spe-
randum Opera quæ fecerunt manus tuæ , vidisti quòd
omnia essent bona valde ; & requieuesti . At Homo
conuersus ad Opera quæ fecerunt manus suæ , vidit
quòd omnia essent vanitas & vexatio spiritus ; nec ullo
modo requieuit . Quare si in Operibus tuis sudabimus ,
facies nos visionis tuæ & Sabbati tui participes . Sup-
plices petimus , ut hæc mens nobis constet : utque
nouis Eleemosynis per manus nostras &
aliorum , quibus eandem mentem
largieris , familiam huma-
nam dotatam velis .

ASSONERIA SECUNDA PAR.
INSTRV RATIONE
OPUS AETEM I PAM

Obseruare tunc in lacrimis Horumque ; Oq[ue]n
poc , dux atra Bonaria legem , tuam legem
beas , nre G[ra]ce . In quodcumque conuenienter ha[bit]e
b[ea]tum Oq[ue]n a deo (eccl[esi]ate m[an]u[m] tuu[m])
omniis t[er]r[ae] ; sicut a deo (eccl[esi]ate m[an]u[m] tuu[m])
convenienter ha[bit]e . Oq[ue]n a deo (eccl[esi]ate m[an]u[m] tuu[m])
eccl[esi]ate ; sicut a deo (eccl[esi]ate m[an]u[m] tuu[m])
convenienter ha[bit]e . Oq[ue]n a deo (eccl[esi]ate m[an]u[m] tuu[m])
eccl[esi]ate ; sicut a deo (eccl[esi]ate m[an]u[m] tuu[m])
convenienter ha[bit]e . Oq[ue]n a deo (eccl[esi]ate m[an]u[m] tuu[m])
eccl[esi]ate ; sicut a deo (eccl[esi]ate m[an]u[m] tuu[m])
convenienter ha[bit]e . Oq[ue]n a deo (eccl[esi]ate m[an]u[m] tuu[m])
eccl[esi]ate ; sicut a deo (eccl[esi]ate m[an]u[m] tuu[m])
convenienter ha[bit]e .

O[ste]nso[rum] m[an]u[m] reg[is] m[an]u[m] reg[is]
O[ste]nso[rum] m[an]u[m] reg[is] m[an]u[m] reg[is]

O[ste]nso[rum] m[an]u[m] reg[is] m[an]u[m] reg[is]

O[ste]nso[rum] m[an]u[m] reg[is] m[an]u[m] reg[is]

O[ste]nso[rum] m[an]u[m] reg[is] m[an]u[m] reg[is]

O[ste]nso[rum] m[an]u[m] reg[is] m[an]u[m] reg[is]

O[ste]nso[rum] m[an]u[m] reg[is] m[an]u[m] reg[is]

**DEEST PARS PRIMA
INSTAVRATIONIS,
QVÆ COMPLECTITVR
PARTITIONES SCIENTIARVM.**

*Ille tamen ex Secundo Libro de Progres-
sibus faciendis in Doctrinâ Di-
uinâ & Humanâ, nonnul-
la ex parte peti
possunt.*

**SEQVITVR SECVNDA PARS
INSTVARATIONIS,**


QVÆ ARTEM IPSAM
*Interpretandi Naturam, & verioris adoperatio-
nis Intellectus exhibet: neque eam ipsam
tamen in Corpore tractatus iusti;
sed tantum digestam per
summas, in Apho-
rismos.*

DEBET TUTRIAM
 INSTAVRATIONIS
 QVAE COMPLECTITUR
 PARTITIONES SCIENTIALEM
 quae sunt ex secunda Tractate Propter
 triplex precibus in Dogma Di
 visione Humanorum nominum
 ad ea parte pertinet
 postmodum

SECUNDARIA SECUNDATUR
 INSTAVRATIONIS
 MATERIA ETIAM QV
 Interpretabilis est etiam ratione acceptatio
 de intelligenti ex parte: nomen enim ipsius
 sumitur in nomine magistris iuriis
 sed tantum diligenter per
 lumen in tipo-
 tifacere

PRÆF.

PARS SECUNDA OPERIS,
QVAE DICITVR
NOVVM ORGANVM,
SIVE
INDICIA VERA
DE INTERPRETATIONE
NATVRÆ.




PARS SECONDA OPERIS
GVAE DICITAR
NOVVM ORGANVM
SIAE
INDICIA VERA
DE ILLATRATIOLAE
EXATA





PRAEFATIO.



*Vi de Naturā, tanquam
de re exploratā, pronuntiare
ausi sunt, siue hoc ex animi
fiduciā fecerint, siue ambi-
tiose, & more professorio;
maximis illi Philosophiam,
& Scientias detrimentis af-
fecere. Ut enim ad fidem
faciendam valdi, ita etiam ad inquisitionem extin-
guendam & abrumpendam efficaces fuerunt. Ne-
que virtute propriā tantū profuerunt, quantum in
hoc nocuerunt, quod aliorum virtutem corriperint, &
perdiderint. Qui autem contrariam huic viam ingressi
sunt, atque nihil prorsus sciri posse afferuerunt, siue
ex Sophistarum veterum odio, siue ex animi fluctua-
tione, aut etiam ex quadam doctrinæ copiā, in hanc op-
inionem delapsi sunt, certè non contemnendas eius ratio-
nes adduxerunt; veruntamen nec à veris initij senten-
tiam suam deriuárunt, & studio quodam, atque af-
fectione prouedi, prorsus modum excesserunt. At
antiquiores ex Græcis (quorum scripta perierunt)*

D

inter

inter pronuntiandi iactantiam, & Acatalepsiae desperationem, prudentius se sustinuerunt: Atque de inquisitionis difficultate, & rerum obscuritate, saepius querimonias & indignationes miscentes, & veluti frænum mordentes, tamen propositum vrgere, atque Natura se immiscere, non desiterunt: Consentaneum (ut videtur) existimantes, hoc ipsum (videlicet virum aliquid sciri possit) non disputare, sed experiri. Et tamen illi ipsi, impetu tantum intellectus vxi, Regulam non adhibuerunt, sed omnia in acri meditacione, & mentis volutatione, & agitatione perpetua, posuerunt.

Nostra autem ratio, ut opere ardua, ita dictu facilis est. Ea enim est, ut certitudinis gradus constituamus, Sensem per reductionem quandam tueamur, sed Mensis opus quod Sensem subsequitur, plerunque rejiciamus; nouam autem & certam viam, ab ipsis Sensuum perceptionibus, Menti aperiamus, & muniamus. Atque hoc proculdubio videbunt & illi, qui tantas Dialecticæ partes tribuerunt. Ex quo liquet, illos Intellectui adminicula quæsuisse, Mensis autem processum natum, & sponte mouentem, suspicendum habuisse. Sed serum planè rebus perditis hoc adhibetur remedium; postquam Mens ex quotidiana vita consuetudine, & auditionibus, & doctrinis inquinatis occupata, & vanissimis Idolis obsessa fuerit. Itaque Ars illa Dialecticæ, serò (ut diximus) cauens, neque rem ullo modo restituens, ad errores potius figendos, quam

ad

ad veritatem aperiendam valuit. Restat vniuersalitas, ac sanitas, ut opus M^{entis} vniuersum de integro resumatur; ac M^{ens}, iam ab ipso principio, nullo modo sibi permittatur, sed perpetuo regatur; ac res, veluti per machinas, conficiatur. Sanè si homines opera Mechanica nudis manibus, absque instrumentorum vi, & ope, aggressi essent, quemadmodum opera Intellectualia nudis ferè M^{entis} viribus tradare non dubitarunt; paruae admodum fuissent res, quas mouere & vincere potuissent, licet operas enixa-
as, atque etiam coniunctas præstitterent. Atque si paulisper morari, atque in hoc ipsum exemplum, veluti in speculum, intueri velimus; exquiramus (si placet) si fortè obeliscus aliquis, magnitudine insignis, ad triumphi vel huiusmodi magnificentiae decus transferendus esset, atque id homines nudis manibus aggrederentur, annon hoc magnæ cuiusdam esse de-
mentiae, spectator quispiam rei sobrius fateretur? Quòd si numerum augerent operariorum, atque hoc modò se valere posse considerent, annon tanto magis? Sin autem delectum quendam adhibere vellent, atque imbecilliores separare, & robustis tantum & vigentibus vti, atque hinc saltem se voti compotes fore sperarent, annon adhuc eos impensis delirare diceret? Quin etiam si hoc ipso non contenti, artem tandem athleticam consulere statuerent, ac omnes deinceps manibus, & lacertis, & neruis ex arte bene vñctis, & medicatis, adesse iuberent, annon prorsus eos dare operam, ut cum ratione quadam & pru-

dentiā insanirent, clamaret? Atque homines tamen simili malefano impetu, & conspiratione inutili, feruntur in Intellectualibus; dum ab ingeniorum vel multitudine & consensu, vel excellentiā & acuminē, magna sperant; aut etiam Dialecticā (quæ quædam Athletica censeri possit) mentis neruos roborant: Sed interim licet tanto studio & conatu, (si quis verè indicauerit) intellectum nudum applicare non desinunt. **M**anifestissimum autem est, in omni opere magno, quod manus hominis præstat, sine instrumentis & machinis, vires nec singulorum intendi, nec omnium coire posse.

Itaque ex his quæ diximus præmissis, statuimus duas esse res, de quibus homines planè monitos volumus, nè fortè illæ eos fugiant, aut prætereant. Quarum prima huiusmodi est; fieri fato quodam (ut existimamus) bono, ad extinguendas & depellendas contradictiones, & tumores animorum, ut & Veteribus honor, & reuerentia intacta, & imminuta maneant, & nos destinata perficere, & tamen modestiæ nostræ fructum percipere possimus. **N**am nos, si profiteamur nos meliora afferre quam antiqui, eandem quam illi viam ingressi; nullâ verborum arte efficere possimus, quin inducatur quædam ingenij, vel excellentiæ, vel facultatis comparatio, sive contentio; non ea quidem illicita, aut noua; (Quidni enim possimus, pro iure nostro (neque eo ipso alio, quam omnium) si quid apud eos non recte inveniunt, aut positum sit, reprehendere, aut notare?) Sed tamen vt cunque iusta aut permissa; nihilominus impar fortasse

fortasse fuisset ea ipsa contentio, ob virium nostrarum modum. Verum quum per nos illud agatur, ut alia omnino via Intellectui aperiatur, illis intentata & incognita, commutata iam ratio est; cessant studium & partes; nosque indicis tantummodo personam sustinemus; quod mediocris certe est authoritatis, & fortunae cuiusdam potius, quam facultatis & excellentiae. Atque hæc moniti species ad Personas pertinet, altera ad Res ipsas.

Nos siquidem de deturbandâ eâ, quæ nunc floret, Philosophiâ, aut si quæ alia sit, aut erit, hâc emendatior, aut auctior, minimè laboramus. Neque enim officimus, quin Philosophia ista recepta, & aliæ id genus, disputationes alant, Sermones ornent, ad professoria munera, & vitæ civilis compendia, adhibeantur, & valeant. Quin etiam aperte significamus, & declaramus, eam quam nos adducimus Philosophiam, ad istas res admodum utilem non futuram. Non præstò est; neque in transitu capitur; neque ex prænotionibus Intellectui blanditur; neque ad vulgi captum, nisi per utilitatem, & effecta descendet.

Sint itaque (quod fœlix faustumque sit utriusque parti) duæ doctrinarum emanationes, ac duæ dispensationes; duæ similiter Contemplantium, sive Philosophantium Tribus, ac veluti Cognitiones; atque illæ neutquam inter se inimicæ, aut alienæ, sed fœderatæ, & mutuis auxilijs deuinctæ: sit denique alia Scientias Colendi, alia fñueniendi ratio. Atque quibus prima potior & acceptior est, ob festinationem, vel vitæ civilis

lis rationes, vel quod illam alteram ob mentis infirmitatem capere & complecti non possint, (id quod longe plurimis accidere necesse est) optamus, ut ijs fæliciter, & ex voto succedat, quod agunt; atque ut quod sequuntur, teneant. Quod si cui mortalium cordi & curæ sit, non tantum Inuentis hærere, atque ijs vti, sed ad vltiora penetrare; atque non disputando aduersarium, sed opere naturam vincere; denique, non bellè & probabiliter opinari, sed certò & oftensuè scire; tales, tanquam veri Scientiarum filij, nobis (si videbitur) se adiungant; ut omissis Naturæ atris, quæ infiniti contriuerunt, aditus aliquando ad interiora patet. Atque ut melius intelligamur, utque illud ipsum quod volumus, ex nominibus impositis magis familiariter occurrat; altera ratio, siue via, Anticipatio Mentis; altera, Interpretatio Naturæ, à nobis appellari consuevit.

Est etiam quod petendum videtur. Nos certè cogitationem suscepimus, & curam adhibuimus, ut quæ à nobis proponentur, non tantum vera essent, sed etiam ad animos hominum (licet miris modis occupatos & interclusos) non incommodè, aut asperè accederent. Veruntamen æquum est, ut ab hominibus impetremus, (in tantâ præsertim Doctrinarum & Scientiarum restauratione) ut qui de hisce nostris aliquid, siue ex sensu proprio, siue ex autoritatum turbâ, siue ex demonstrationum formis (quæ nunc tanquam Leges quædam iudiciales inualuerunt) statuere, aut existimare velit; nè id in transitu, & velut aliud agendo, facere se posse

Se posse speret; sed ut rem pernoscat; nostram, quam de-
scribimus & munimus, viam, ipse paulatim tentet;
subtilitati rerum, quæ in experientiâ signata est, af-
fuescat; prauos denique, atque altè hærentes men-
tis habitus, tempestiuâ, & quasi legitimâ mo-
râ corrigat; atque tum demùm (si placue-
rit) postquam in potestate suâ esse cœ-
perit, iudicio suo utatur.

PARTIS SECUNDÆ SVMMA.


DIGESTA
SEQVITVR
PARTIS SECUNDÆ SVMMA;
DIGESTA
¶ APHORISMOS.

SECVLAR

PARTIS SECANDE SUMMA

DIGESTA

СОМІЯОНТЪ ХІ



APHORISMI
DE INTERPRETATIONE
PARTIS SECUNDÆ
S V M M A,
D I G E S T A
I N
APHORISMOS.

Interpres, tantum facit, et
imperit, quantum de re
enca Ordine re, vel venere,
diffinuerit, nec amplius
aut perdit.

N E manu nuda, nec fatigellus sibi permisus
naturam valet. Instrutus **E** & auxilijs respon-
satur, quiaq[ue] opus est, non tunc ad intellectum, sed
ad manum. Et que ut instrumenta omnia moris eis

IMAGINIS
PARTIS SECUNDÆ
SUMMA
DIDACTA
IN
APHORISMOS.



APHORISMI
DE INTERPRETATIONE
NATVRAE,
ET REGNO HOMINIS.

APHORISMVS

I.



Omo Naturæ minister, &
Interpres, tantum facit, &
intelligit, quantum de Naturæ
Ordine re, vel mente,
obseruauerit, nec amplius
scit, aut potest.

II.

Nec manus nuda, nec Intellectus sibi permisus;
multum valet; Instrumentis & auxilijs res perficitur;
quibus opus est, non minus ad intellectum, quam
ad manum. Atque ut instrumenta manus motum aut

Ez

cient;

cient, aut regunt; Ita & instrumenta Mentis, Intellectui aut suggestur, aut cauent.

III.

Scientia & Potentia humana in idem cointidunt, quia ignoratio causa destituit effectura. **N**atura enim non nisi parendo vincitur: Et quod in Contemplatione, instar causæ est; sed in Operatione, instar Regulae est.

IV.

Ad opera nil aliud potest Homo, quam ut corpora naturalia admoueat, & amoueat: reliqua, **N**atura intus transigit.

V.

Solent se immiscere Naturæ (quoad Opera) Mechanicus, Mathematicus, Medicus, Alchymista, & Magus: sed omnes (ut nunc sunt res) conatu leui, successu tenui.

VI.

In sanum quiddam esset, & in se contrarium, estimare ea, quæ adhuc nunquam facta sunt, fieri posse, nisi per modos adhuc nunquam tentatos.

VII.

Generationes Mentis & Manū numerosæ admidum videntur in libris, & Opificijs. Sed omnis ista varietas sua est in subtilitate eximia, & deriuacioni-

tionibus paucarum rerum, quæ innotuerunt; non in numero Axiomatum.

VIII.

Etiam Opera, quæ iam inuenta sunt, Casui debentur, & Experiencie, magis quam Scientijs: Scientiæ enim, quas nunc habemus, nihil aliud sunt quam quedam Concinnationes rerum anteà inuenta- rum; non modi inueniendi, aut designationes nouorum Operum.

IX.

Causa verò & radix ferè omnium malorum in Scientijs ea una est; quod dum Mentis humanæ vices falso miramur & extollimus, vera eius auxilia non queramus.

X.

Subtilitas Naturæ subtilitatem Sensus & Intellectus multis partibus superat; ut pulchræ illæ meditationes, & speculationes humanæ, & Causationes, res male-fana sunt, nisi quod non adsit, qui aduertat.

XI.

Sicut Scientiæ, quæ nunc habentur, inutiles sunt ad inuentionem Operum: Ita & Logica quæ nunc habetur, inutilis est ad inuentionem Scientiarum.

XII.

Logica, quæ in usu est, ad errores (qui in notio- nibus vulgaribus fundantur) stabiliendos & si- gendos

gendos valet, potius quam ad inquisitionem veritatis;
ut magis damnoſa ſit, quam utilis.

XIII.

Sylogismus ad Principia Scientiarum non adhibetur, ad media Axiomata fruſtrā adhibetur, cùm ſit Subtilitati Naturæ longè impar. Assenſum itaque conſtringit, non res.

XIV.

Sylogismus ex Propositionibus conſtat, propositio-nes ex verbis, verba Notionum tefſeræ ſunt. Itaque ſi notiones ipſæ (id quod basis rei eſt) confuſæ ſint, et temerè à rebus abſtractæ; nihil in iis, quæ ſuperſtruuntur, eſt firmitudinis. Itaque ſpes eſt vna in Inductione verâ.

XV.

In Notionibus nil ſani eſt, nec in Logici, nec in Physici; non Subtantia, non Qualitas, Agere, Pati, ipſum Eſſe, bonæ notiones ſunt; multò minus Graue, Leue, Denuſum, Tenue, Humidum, Siccum, Generatio, Corruptio, Attrahere, Fugare, Elementum, Materia, Forma, & id genus; ſed omnes phantasticæ & male terminatae.

XVI.

Notiones infimarum Specierum, Hominis, Canis, Columbæ, & prehensionum immediata-rum

rum sensus; Calidi, Frigidi, Albi, Nigri, non fallunt magnoperè; quæ tamen ipsæ à fluxu Materiæ & Commissione rerum quandoque confunduntur; reliquæ omnes (quibus homines hactenùs usi sunt) aberrationes sunt, nec debit is modis à rebus abstractæ, & excitatæ.

XVII.

Nec minor est libido & aberratio in constituendis Axiomatibus, quam in Notionibus abstrahendis; idque in ipsis principiis, quæ ab inductione vulgari pendent. At multò maior est in Axiomatibus, & propositionibus inferioribus, quæ educit Syllogismus.

XVIII.

Quae adhuc inuenta sunt in Scientiis, ea huiusmodi sunt, ut notionibus vulgaribus ferè subjaceant: Ut verò ad interiora & remotiora Naturæ penetretur, necesse est, ut tam Notiones, quam Axiomata magis certa & munita viâ à rebus abstrahantur; atque omnino melior & certior Intellectus ad operatio, in usum veniat.

XIX.

Duae viæ sunt, atque esse possunt ad inquirendam & inueniendam veritatem. Altera à sensu & particularibus aduolat ad Axiomata maxime genera- lia, atque ex ijs principijs eorumque immotâ veritate, iudicat & inuenit Axiomata media: Atque hæc via

in usu

in usu est; Altera à sensu & particularibus excitat Axiomata, ascendendo continentè & gradatim, ut ultimo loco perueniatur ad maximè generalia; quæ via vera est, sed intentata.

XX.

E Andem ingreditur viam (priorem scilicet) Intellectus sibi permisso, quam facit ex ordine Dialeticæ. Gestit enim Mens exilire ad magis generalia, ut acquiescat: Et post paruam moram fastidit experientiam: Sed hæc mala demùm aucta sunt à Dialeticâ ob pompas disputationum.

XXI.

I Ntellectus sibi permisso, in ingenio sobrio & patiente, & graui (præsertim si à doctrinis receptis non impediatur) tentat nonnihil illam alteram viam, quæ recta est, sed exiguo profectu; cum Intellectus, nisi regatur & iuuetur, res inæqualis sit, & omnino inhabilis ad superandam rerum obscuritatem.

XXII.

VTraque via orditur à sensu & particularibus, & acquiescit in maximè generalibus: Sed immensum quiddam discrepant; cum altera perstringat tantum experientiam & particularia cursim; altera in ijs ritè & Ordine versetur; Altera rursus iam à principio constituat generalia quædam abstracta, & inutilia; altera gradatim exurgat ad ea quæ reuerè Naturæ sunt notiora.

Non

XXIII.

Non leue quiddam interest inter humanæ mentis Idola, & diuinæ mentis Idæas, hoc est, inter placita quædam inania, & veras signaturas, atque impressiones factas in creaturis, prout inueniuntur.

XXIV.

Nullo modo fieri potest, ut Axiomata per argumentationem constituta ad inuentionem nouorum Operum valeant; quia subtilitas Naturæ subtilitatem argumentandi multis partibus superat. Sed Axiomata à particularibus rite & Ordine abstracta, noua particularia rursus facile indicant, & designant; Itaque Scientias reddunt actiuas.

XXV.

Axiomata, quæ in vsu sunt, ex tenui & manipulari experientiâ, & paucis particularibus, quæ ut plurimùm occurrunt, fluxere; & sunt ferè ad mensuram eorum facta, & extensa: ut nil mirum sit, si ad noua particularia non ducant. Quod si forte instantia aliqua non priùs animaduersa aut cognita se offerat, Axioma distinctione aliquâ friuolâ saluatur, ubi emendari ipsum verius foret.

XXX

XXVI.

Rationem humanam, quâ utimur, ad Naturam Anticipationes Naturæ, (quia res temeraria est & præmatura,) at illam Rationem quæ debitè mo-

dis elicitor à rebus, Interpretationem Naturæ, docendi gratiâ, vocare consueuimus.

XXVII.

Anticipationes satis firmae sunt ad consensum; quandoquidem, si homines etiam insanirent ad vitium modum & conformiter, illi satis bene inter se congruere possent.

XXVIII.

QVIN longè validiores sunt ad subeundum assensum Anticipationes, quam Interpretationes, quia ex paucis collectæ, ijsq; maximè quæ familiariter occur- runt, Intellectum statim perstringunt & phantasiam implet; ubi contra, Interpretationes ex rebus admodum varijs & multùm distantibus sparsim collectæ, Intellectum subitò percutere non possunt; ut necesse sit eas, quoad Opiniones, duras & absonas, ferè instar mysteriorum fidei videri.

XXIX.

IN Scientijs, quæ in Opinionibus & placitis fundatae sunt, bonus est usus Anticipationum, & Dia- leticæ; quando opus est assensum subiugare, non res.

XXX.

NON, si omnia omnium ætatum ingenia coierint, & labores contulerint & transmiserint, progressus magnus fieri poterit in Scientiis per Anticipatio- nes: quia errores radicales, & in primâ digestione mentis

mentis, ab excellentia functionum & remediorum, sequentium non curantur.

XXXI.

FRustra magnum expectatur augmentum in Scientijs ex superinductione & insitione nouorum super vetera; sed instauratio facienda est ab imis fundamentis, nisi libeat perpetuo circumvolui in Orbem, cum exili, & quasi contemnendo progressu.

XXXII.

ANe quis Authoribus suis constat honos, atque adeo omnibus; quia non ingeniorum aut facultatum inducitur comparatio, sed viæ; nosque non Iudicis, sed Indicis personam sustinemus.

XXXIII.

NUllum (dicendum enim est aperte) redere fieri potest iudicium nec de via nostrâ, nec de ijs quæ secundum eam inuenta sunt, per Anticipationes (rationem scilicet quæ in vsu est) quia non postulandum est ut eius rei iudicio stetur, quæ ipsa in iudicium vocatur.

XXXIV.

NEque etiam tradendi aut explicandi ea, quæ adducimus, facilis est ratio; quia, quæ in se noua sunt, intelligentur tamen ex analogiâ veterum.

XXXV.

Dixit Borgia de expeditione Gallorum in Italiā, eos venisse cum cretā in manib⁹ ut diuersoria notarent, non cum armis, ut perrumperent; Ftidem & nostra ratio est, ut doctrina nostra animos idoneos & capaces subintret; Confutationum enim nullus est usus, ubi de Principijs & ipsis Notionibus, atque etiam de formis Demonstrationum dissentimus.

XXXVI.

Restat verò nobis modus tradendi unus & simplex, ut homines ad ipsa particularia & eorum Series & Ordines adducamus; & ut illi rursus imperent sibi ad tempus abnegationem Notionum, & cum rebus ipsis consuescere incipient.

XXXVII.

Ratio eorum, qui Acatalepsiam tenuerunt, & via nostra, initij suis quodammodo consentiunt; exitu immensūm disiunguntur & opponuntur. Illi enim nihil sciri posse simpliciter asserunt; Nos, non multum sciri posse in Naturā, eā, quæ nunc in usu est, via: Verū illi exinde autoritatem sensus & intellectus destruunt; Nos auxilia iisdem excogitamus & subministramus.

XXXVIII.

IDola & Notiones falsæ quæ Intellectum humānum jam occuparunt, atque in eo altè hærent, non solum Mentes hominum, ita obsident, ut veritati adi-

tus

tus difficultis pateat; sed etiam dato & concessō aditu, illa rursū in ipsā instauratiōne Scientiarum occurrēt, & molesta erunt; nisi homines præmoniti, aduersū ea se, quantum fieri potest, muniānt.

XXXIX.

Quartuor sunt genera Idolorum quæ mentes humanae obſident. Iis (docendi gratiā) nomina imposuimus; ut primum genus, Idola Tribūs; secundum, Idola Specūs; tertium, Idola Fori; quartum, Idola Theatri vocentur.

XL.

Excitatio Notionum & Axiomatū per Inductionem veram, est certè proprium remedium ad Idola arcenda & summouenda; Sed tamen indicatio Idolorum magni est usus. Doctrina enim de Idolis similitè se habet ad Interpretationem Naturæ, sicut doctrina de Sophisticis Elenchis ad Dialecticam vulgarēm.

XLI.

Idola Tribūs sunt fundata in ipsā Naturā humana, atque in ipsā Tribu seu gente hominum. Falso enim asseritur, Sensum humanum esse Mensuram rerum; Quin contra, omnes Perceptiones tam Sensus quam Mentis sunt ex analogiā hominis, non ex analogiā Vniuersi. Estque Intellectus humanus instar ſpeculi inaequalis ad radios rerum, qui suam naturam Naturæ rerum immiscet, eamque distorquet & inficit.

Idola

XLII.

IDOLA Specūs sunt Idola hominis indiuidui. Habet enim unusquisque (præter aberrationes Naturæ humanæ in genere) Specum sive cāuernam quandam indiuiduam, quæ lumen Naturæ frangit & corrumpit; vel propter naturam cuiusque propriam & singularem, vel propter educationem & conuerstationem cum aliis; vel propter lectionem librorum, & authoritates eorum quos quisque colit & miratur, vel propter differentias Impressionum prout occurrunt in animo præoccupato & prædisposito, aut in animo æquo & sedato, vel ejusmodi; ut plānè spiritus humanus (prout disponitur in hominibus singulis) sit res varia, & omnino perturbata, & quasi fortuita: Unde bene Heraclitus, homines Scientias querere in minoribus Mundis, & non in maiore sive communi.

XLIII.

Sunt etiam Idola tanquam ex contradicione & societate humani generis ad iniucem, quæ Idola Fori propter hominum commercium, & consortium, appellamus. Homines enim per sermones sociantur; At verba ex captu vulgi imponuntur. Itaque mala & inepta verborum impositio, miris modis intellectum obsidet. Neque definitiones aut explicationes, quibus homines docti se munire & vindicare in nonnullis consueuerunt, rem ullo modo restituunt. Sed verba plānè vim faciunt intellectui, & omnia turbant; & homines ad inanes, & innumeras Controuersias, & commenta, deducunt. Sunt

XLIV.

SVnt denique Idola quæ immigrarunt in animos hominum ex diuersis Dogmatibus Philosophiarum, ac etiam ex perueris legibus Demonstrationum; quæ Idola Theatri nominamus; quia quot Philosophiæ receptæ aut inuentæ sunt, tot fabulas productas & actas censemus, quæ Mundos effecerunt fiditios & scenicos. Neque de his quæ jam habentur, aut etiam de veteribus Philosophiis & Sectis tantum loquimur, cum complures aliæ ejusmodi fabulæ componi & concinnari possint; quandoquidem errorum prorsus diuersorum causæ sint nihilominus ferè communes. Neque rursus de Philosophiis vniuersalibus tantum hoc intelligimus, sed etiam de Principiis & Axiomatibus pluribus Scientiarum, quæ ex traditione & fide & neglectu inualuerunt: Verum de singulis istis generibus Idolorum, fusius & distinctius dicendum est, ut Intellectui humano cautum sit.

XLV.

INtellectus humanus ex proprietate suâ facile supponit maiorem ordinem, & æqualitatem in rebus, quam inuenit: Et cum multa sint in Naturâ monodica, & plena imparitatis, tamen affingit Parallelæ, & Correspondentia, & Relatiua quæ non sunt. Hinc Commenta illa, In cœlestibus omnia moueri per circulos perfectos, lineis spiralibus & draconibus (nisi nomine tenus) prorsus reiectis. Hinc elementum Ignis cum Orbe suo introductum est ad constitueretdam.

dam quaternionem cum reliquis tribus, quæ subjiciuntur sensui. Etiam Elementis (quæ vocant) imponitur ad placitum, decupla proportio excessus, in raritate ad inuicem; & huiusmodi somnia. Neque vanitas ista tantum valet in dogmatibus, verum etiam in Notionibus simplicibus.

XLVI.

INtellectus humanus in ijs quæ semel placuerunt, (aut quia recepta sunt & credita, aut quia delectant,) alia etiam omnia trahit ad suffragationem, & consensum cum illis: Et licet maior sit instantiarum vis & copia, quæ occurrunt in contrarium; tamen eas aut non obseruat, aut contemnit, aut distinguendo summouet & reiicit, non sine magno & perniciose præiudicio, quò prioribus illis Syllepsibus authoritas maneat inuiolata. Itaq; rectè respondit ille, qui cùm suspensa tabula in templo ei monstraretur eorum qui vota soluerant, quòd naufragij periculo elapsi sint; atque interrogando premeretur, annè tum quidem Deorum Numen agnosceret. Quæsuit denuò, At vbi sint illi depicti qui post vota nuncupata perierint? Eadem ratio est ferè omnis superstitionis, ut in Astrologicis, in Somnijs, Ominibus, Nemefibus, & huiusmodi; in quibus, homines delectati huiusmodi vanitatibus, aduertunt euentus, vbi implentur; ast vbi fallunt (licet multò frequentius) tamen negligunt, & prætereunt. At longè subtilius serpit hoc malum in Philosophijs, & Scientijs; in quibus quod semel placuit, reliqua (licet multò firmiora & potiora) inficit, & in ordinem redigit:

digit. Quinetiam licet abfuerit ea, quam diximus, delectatio & vanitas, istamen humano intellectui error est proprius, & perpetuus, ut magis moueat & excitetur Affirmatiis, quam Negatiis; cum ritè & ordine æquum se utriusque, præbere debeat; quin contrà, in omni Axiomate vero constituendo, maior est via instantiæ negatiæ.

XLVII.

Intellectus humanus illis, quæ simul & subito mentem ferire & subire possunt, maximè mouetur; à quibus phantasia impleri & inflari consuevit: reliqua verò modo quodam, licet imperceptibili, ita se habere fingit, & supponit, quomodo se habent pauca illa quibus Mens obsidetur; ad illum verò transcursum ad instantias remotas & heterogeneas, per quas Axiomata, tanquam igne probantur, tardus omnino Intellectus est, & inhabilis, nisi hoc illi per duras leges, & violentum imperium, imponatur.

XLVIII.

Gliscit Intellectus humanus, neque consistere, aut acquiescere potis est, sed ulterius petit; at frustra. Itaque incogitabile est ut sit aliquid extreum aut extimum Mundi, sed semper quasi necessario occurrit ut sit aliquid ulterius: Neque rursus cogitari potest quomodo æternitas defluxerit ad hunc diem; cum distinctio illa quæ recipi consuevit, quod sit Infinitum à parte ante, & à parte post, nullo modo constare possit; quia inde sequeretur, quod sit unum

infinitum alio infinito maius, atque ut consumatur infinitum, & vergat ad finitum. Similis est subtilitas de lineis semper diuisibilibus, ex impotentiâ cogitationis: at maiore cum pernicie interuenit hæc impotentia Menti in inuentione causarum: Nam cùm maximè vniuersalia in Naturâ positiuâ esse debeant, quemadmodum inueniuntur, neque sunt reuerâ causabilia; tamen Intellectus humanus nescius acquiescere, adhuc appetit notiora. Tum verò, ad vteriora tendens, ad proximiora recidit, videlicet ad causas finales; quæ sunt planè ex naturâ hominis, potius quàm Vniuersi: atque ex hoc fonte, Philosophiam miris modis corruprunt. Est autem æquè imperiti & leuiter philosophantis, in maximè vniuersalibus causam requirere, ac in subordinatis & subalternis, causam non desiderare.

XLIX.

*I*n tellectus humanus luminis siccii non est; sed recipit infusionem à voluntate & affectibus, id quod generat Ad quod vult Scientias: Quod enim mauult homo verum esse, id potius credit. Reijcit itaque difficultia, ob inquirendi impatientiam; sobria, quia coarctant spem; altiora Naturæ, propter superstitionem; lumen experientiæ, propter arrogantiam & fastum, ne videatur Mens versari in vilibus & fluxis; paradoxa, propter Opinionem vulgi; Denique innumeris modis, ijsque interdum imperceptibilibus, affectus intellectum imbuit & inficit.

At

L.

AT longè maximum impedimentum & aberratio
Intellectus humani prouenit à stupore & incompe-
tentia & fallacijs Sensuum; ut ea quæ Sensum feri-
ant, illis quæ Sensum immediate non feriunt, licet po-
tioribus, præponderent. Itaque contemplatio ferè desi-
nit cum aspectu; adeò ut rerum inuisibilium exigua aut
nulla sit obseruatio. Itaq; omnis operatio spirituum in cor-
poribus tangibilibus inclusorum latet, & homines fugit.
Omnis etiam subtilior meta-schematismus in partibus
rerum crassiorum, (quam vulgò alterationem vocant,
cùm sit reuerà latio per minima) latet similitèr: &
tamen nisi duo ista, quæ diximus, explorata fuerint &
in lucem producta, nihil magni fieri potest in Naturâ
quoad opera. Rursus ipsa natura aëris communis, &
corporum omnium, quæ aërem tenuitate superant, (quæ
plurima sunt) ferè incognita est. Sensus enim per se
res infirma est, & aberrans; neque organa ad amplifi-
candos Sensus aut acuendos multum valent; sed omnis
verior interpretatio Naturæ conficitur per instantias,
& experimenta idonea & apposita; ubi Sensus de ex-
perimento tantum, experimentum de Naturâ, & res
ipsâ iudicat.

L.

INtellectus humanus fertur ad abstracta propter
naturam propriam; atque ea, quæ fluxa sunt, fingit
esse

esse constantia; Melius autem est Naturam secare, quām abstrahere, id quod Democriti Schola fecit, quæ magis penetravit in Naturam, quām reliquæ. Materia potius considerari debet, & ejus Schematismi, & Meta-schematismi, atque Actus purus, & lex Actūs, sive Motūs; Formæ enim Commenta animi humani sunt, nisi libeat leges illas Actūs Formas appellare.

LII.

Huiusmodi itaque sunt Idola, quæ vocamus Idola Tribūs; quæ ortum habent aut ex æqualitate substantiæ spiritus humani; aut ex præoccupatione eius; aut ab angustijs eius; aut ab inquieto Motu eius; aut ab infusione affectuum; aut ab incompetencia Sensuum; aut ab impressionis modo.

LIII.

IDOLA Specús ortum habent ex propriâ cuiusque Naturâ & animi & corporis; atque etiam ex educatione, & consuetudine, & fortuitis. Quod genus, licet sit varium, & multiplex, tamen ea proponemus, in quibus maxima Cautio est, quæque plurimum valent ad polluendum Intellectum, nè sit purus.

LIV.

ADAMANT homines Scientias & Contemplationes particulares; aut quia authores & inuentores se earum credunt; aut quia plurimum in illis operæ posuerunt, ijsque maximè assueuerunt. Huiusmodi vero homines, si ad Philosophiam & Contemplationes universales

uer sales se contulerint, illas ex prioribus Phantasijs detorquent, & corrumpunt; id quod maximè conspicuum cernitur in Aristotele, qui Naturalem suam Philosophiam, Logicæ suæ prorsùs mancipauit, ut eam ferè inutilem & contentiosam reddiderit. Chymicorum autem genus, ex paucis experimentis fornacis, Philosophiam constituerunt phantasticam, & ad pauca spectantem: Quinetiam Gilbertus postquam in contemplationibus Magnetis se laboriosissimè exercuisse, confinxit statim Philosophiam consentaneam rei apud ipsum præpollenti.

L V.

Maximum & velut radicale discriminem ingeniiorum, quo ad Philosophiam & Scientias, illud est; quòd alia ingenia sint fortiora, & aptiora ad notandas rerum differentias; alia, ad notandas rerum similitudines. Ingenia enim constantia & acuta, figere contemplationes, & morari, & hærere in omni subtilitate differentiarum possunt: Ingenia autem sublimia, & discursua, etiam tenuissimas, & catholicas rerum similitudines, & agnoscunt, & compонunt: Vtrumque autem ingenium facile labitur in excessum, prensando aut gradus rerum, aut umbras.

L VI.

Reperiuntur ingenia alia in admirationem Antiquitatis, alia in amorem & amplexum Noutatis effusa; pauca vero ejus temperamenti sunt, ut modum tenere possint, quin aut quæ redè posita sunt ab Antiquis

tiquis conuellant, aut ea contemnunt, quæ rectè affe-
runtur à *Nouis*. Hoc verò magno scientiarum &
Philosophiæ detrimento fit, quùm studia potius sint
Antiquitatis & Noutatis, quam iudicia: Veritas
autem non à fœlicitate temporis alicuius, quæ res va-
ria est; sed à lumine *Naturæ & Experienciæ*, quod
æternum est, petenda est. Itaque abneganda sunt
ista studia; & videndum, nè intellectus ab illis ad con-
fensem abripiatur.

LVII.

Contemplationes *Naturæ*, & corporum in sim-
plicity suā, intellectum frangunt & comminu-
unt: Contemplationes verò *Naturæ*, & corporum
in compositione & configuratione suā, intellectum stu-
peficiunt & soluunt. Id optimè cernitur in scholā
Leucippi & Democriti, collatā cum reliquis Philo-
sophijs. Illa enim ità versatur in particulis Rerum,
ut fabricas ferè negligat: reliquæ autem ità fabricas
intuentur attonitæ, ut ad simplicitatem naturæ non pe-
netrent. Itaque alternandæ sunt contemplationes
istæ, & vicissim sumendæ; ut Intellectus reddatur si-
mūl penetrans, & capax; & evitentur ea quæ dixi-
mus incommoda, atque Idola ex ijs prouenientia.

LVIII.

Talis itaqùe esto Prudentia contemplativa in ar-
cendis & summouendis Idolis Specūs; quæ aut
ex prædominantia, aut ex excessu compositionis & di-
visionis, aut ex studijs erga tempora, aut ex obiectis lar-
gis &

gis & minutis, maximè ortum habent. Generaliter autem pro suspecto habendum vnicuique rerum Naturam contemplanti, quicquid Intellectum suum potissimum capte & detinet; tantoq; maior adhibenda in huiusmodi placitis est cautio, ut Intellectus seruetur æquus & purus.

LIX.

AT Idola Fori omnium molestissima sunt; quæ ex fædere verborum & nominum, se insinuârunt in Intellectum. Credunt enim homines, rationem suam verbis imperare; sed sit etiam ut verba vim suam super Intellectum retorqueant & reflectant; quod Philosophiam & Scientias reddidit Sophisticas & inadiuas. Verba autem plerunq; ex captu vulgi induuntur, atque per lineas vulgari intellectui maximè conspicuas, res secant. Quum autem Intellectus acutior, aut obseruatio diligentior, eas lineas transferre velit, ut illæ sint magis secundum naturam; verba obstrepunt. Unde fit, ut magnæ & solennes disputationes hominum doctorum, sæpè in controuerbias circa verba & nomina desinant; à quibus, (ex more & prudentiâ Mathematicorum) incipere consultius foret, easque per definitiones in ordinem redigere. Quæ tamen definitiones, in Naturalibus & materiatis, huic malo mederi non possunt; quoniam & ipsæ definitiones ex verbis constant, & verba gignunt verba: adeò ut necesse sit, ad instantias particulares, earumq; series & ordines recurrere; ut mox dicemus, quum ad modum & rationem constituendi Notiones & Axiomata deuentum fuerit.

Idola

LX.

IDola quæ per verba Intellectui imponuntur, duorum generum sunt: Aut enim sunt rerum nomina, quæ non sunt, (quemadmodum enim sunt res, quæ nomine carent, per inobseruationem; ita sunt & nomina, quæ carent rebus, per suppositionem phantasticam;) aut sunt nomina rerum quæ sunt, sed confusa, & male terminata, & temerè & inæqualiter à rebus abstracta. Prioris generis sunt, Fortuna, Primum Mobile, Planetarum Orbes, Elementum Fgnis, & huiusmodi commenta, quæ à vanis & falsis theorijs ortum habent. Atque hoc genus Idolorum facilius ejicitur, quia per constantem abnegationem, & antiquationem theoriarum exterminari possunt.

At alterum genus perplexum est, & altè hærens; quod ex malâ & imperitâ abstractione excitatur. Exempli gratiâ, accipiatur aliquod verbum, (Humidum, si placet) & videamus quomodo sibi constent, quæ per hoc verbum significantur; & inuenietur verbum istud, Humidum, nihil aliud quam nota confusa diuersarum actionum, quæ nullam constantiam aut reductionem patiuntur. Significat enim, & quod circa aliud corpus facile se circumfundit; & quod in se est indeterminabile, nec consistere potest; & quod facile cedit vndique; & quod facile se diuidit, & differt; & quod facile se vnit, & colligit; & quod facile fluit, & in motu ponitur; & quod alteri corpori facile adhæret, idq; madefacit; & quod facile reducitur in liquidum, sive colliquatur, cùm anteâ consisteret.

sisteret. Itaque quum ad huius nominis prædicationem, & impositionem ventum sit; si alia accipias, flamma humida est; si alia accipias, aer humidus non est; si alia, puluis minutus humidus est; si alia, vitrum humidum est; ut facile appareat, istam Notionem ex aqua tantum, & communibus & vulgaribus liquoribus, absque ullâ debitâ verificatione, temerè abstractam esse.

In verbis autem, gradus sunt quidam prauitatis & erroris. Minus vitiosum genus est nominum substantiae alicuius, præsertim specierum infimarum, & benè deductarum; (nam notio creta, luti bona, terræ mala,) vitiosius genus est actionum, ut generare, corrumpere, alterare: vitiosissimum qualitatum (exceptis obiectis sensu immediatis) ut grauis, leuis, tenuis, densi, &c. & tamen in omnibus ipsis fieri non potest, quin sint aliae Notiones alijs paulò meliores, prout in sensum humanum incidit rerum copia.

LXI.

AT Idola Theatri innata non sunt, nec occultò insinuata in Intellectum; sed ex fabulis theoriarum, & peruersis legibus Demonstrationum, plane indita & recepta. In his autem confutationes tentare & suscipere, consentaneum prorsus non est illis, quæ à nobis dicta sunt. Quum enim nec de Principijs consentiamus, nec de Demonstrationibus; tollitur omnis argumentatio. Id verò bono fit fato, ut Antiquis suis constet bonos. Nihil enim illis detrahitur, quum de via omnino quæstio sit. Claudus enim (ut dicitur) in

viā , anteuerit cursorem extra viam . Etiam illud manifestò liquet , currenti extra viam , quò habilior sit & velocior , eò maiorem contingere aberrationem .

Nostra verò inueniendi Scientias ea est ratio , ut non multùm ingeniòrum acuminis & robori relinquatur ; sed quæ ingenia & Intellectus ferè exæquet . Quemadmodum enim ad hoc ut linea recta fiat , aut circulus perfectus describatur , multùm est in constantiâ & exercitatione manus , si fiat ex vi manus propriâ ; sin autem adhibeatur regula , aut circinus , parùm aut nihil ; omnino similis est nostra ratio . Licet autem confutationum particularium nullus sit usus ; de sectis tamen & generibus huiusmodi theoriarum nonnihil dicendum est ; atque etiam paulò post de signis exterioribus , quòd se malè habeant ; & postremò de causis tantæ infelicitatis , & tam diuturni & generalis in errore consensûs ; ut ad vera minùs difficilis sit aditus , & Intellectus humanus volentiùs expurgetur , & Idola dimittat .

LXII.

IDOLA THEATRI , sive THEORIARUM , multa sunt , & multò plura esse possunt , & aliquandò fortasse erunt . Nisi enim , per multa iam sacula , hominum ingenia circa religionem & Theologiam occupata fuissent ; atque etiam Politicæ Ciuiiles (præsertim Monarchicæ) ab istiusmodi nouitatibus , etiam in contemplationibus , essent auersæ ; ut cum periculo & detimento fortunarum suarum in illas homines incumbant , non solum præmio destituti , sed etiam contemptui & iniuidiæ

inuidiæ expositi; complures aliae proculdubio Philoſo-
phiarum & Theoriarum ſectæ, ſimiles illis quæ magnâ
varietate olim apud Græcos floruerunt, introductæ fuif-
ſent. Quemadmodum enim ſuper Phænomena æthe-
ris, plura Themata Cœli confingi poſſunt; ſimiliter, &
multò magis ſuper Phænomena Philoſophiæ fundari
poſſunt, & conſtitui varia dogmata. Atque huius-
modi Theatrica fabulae habent eiam illud, quod in The-
atro Poetarum uſu venit: ut narrationes fictæ ad
Scenam, narrationibus ex historia veris concinniores
ſint, & elegantiores, & quales quis magis vellet.

In genere autem, in materiam Philoſophiæ ſumitur
aut multum ex paucis, aut parūm ex multis; ut virinque
Philoſophia, ſuper experientiæ & naturaliſticiæ hiſtoriæ ni-
mīs angustam basin fundata ſit, atque ex paucioribus
quām par est, pronunciet. Rationale enim genus philo-
ſophantium ex experientiâ arripiunt varia & vulga-
ria, eaque nequè certò comperta, nec diligentè exami-
nata & penſata; reliqua in meditatione, atque inge-
nijs agitatione ponunt.

Est & aliud genus Philoſophantium, qui in paucis
experimentis ſedulo & accurate elaborarunt, atque in-
de Philoſophias educere & configere auſt ſunt; reli-
qua miris modis ad ea detorquentes.

Est & tertium genus eorum, qui Theologiam &
traditiones ex fide & veneratione immiſcent; inter
quos vanitas nonnullorum, ad petendas & deriuandas
Scientias, à Spiritibus ſcilię & Genijs, deflexit;
ita ut stirps errorum, & Philoſophia falſa, genere
triplex ſit: Sophistica, Empirica, & Superstitioſa.

LXIII.

PRIMI generis exemplum in Aristotele maxime conspicuum est, qui Philosophiam Naturalem Dialecticā suā corruptit; quād Mundum ex Categorīs effecerit; animæ humanæ, nobilissimæ Substantiæ, genus ex vocibus secundæ intentionis tribuerit; negotium densi & rari, per quod corpora subeunt maiores & minores dimensiones sive spatiæ, per frigidam distinctionem Actus & Potentia transegerit; motum singulis corporibus unicum & proprium, & si participant ex alio motu, id aliud moueri, asseruerit, & innumera alia pro arbitrio suo, Naturæ rerum imposuerit: magis ubique sollicitus quomodo quis respondendo se explicet, & aliquid reddatur in verbis posituum, quam de internâ rerum veritate; quod etiā optimè ostendit in comparatione Philosophiæ eius, ad alias philosophias, quæ apud Græcos celebrabantur. Habant enim Homoiomera Anaxagoræ, Atomi Leucippi & Democriti, Cœlum & Terra Parmenidis, Lis & Amicitia Empedoclis, Resolutio corporum in adiaphoram naturam Ignis, & Replicatio eorumdem ad densum, Heracliti, aliquid ex Philosopho naturali, & rerum naturam, & experientiam, & corpora sapiunt; ubi Aristotelis Physica, nihil aliud quam Dialecticæ voces plerūque sonet; quam etiā in Metaphysicis sub solenniore nomine, & ut magis scilicet Realis, non Nominalis, retractauit. Neque illud quenquam moueat, quod in libris eius de Animalibus, & in Problematibus, & in alijs suis tractatibus,

tibus, versatio frequens sit in experimentis. Ille enim prius decreuerat, neque experientiam ad constituenda Decreta & Axiomata ritè consuluit; sed postquam pro arbitrio suo decreuisset, experientiam ad sua placita tortam circumducit, & captiuam; ut hoc etiam nomine magis accusandus sit, quam sectatores eius moderni (Scholasticorum Philosophorum genus) qui experientiam omnino deseruerunt.

LXIV.

AT Philosophiae genus Empiricum placita magis deformia & monstrosa educit, quam Sophisticum aut rationale genus; quia non in luce notionum vulgarium, (quæ licet tenuis sit & superficialis, tamen est quodammodo uniuersalis, & ad multa pertinens) sed in paucorum experimentorum angustijs & obscuritate fundatum est. Itaque talis Philosophia, illis qui in huiusmodi experimentis quotidie versantur, atque ex ipsis phantasiam contaminarunt, probabilis videtur, & quasi certa; cæteris, incredibilis & vana. Cuius exemplum notabile est in Chymicis, eorumque dogmatibus; alibi autem vix hoc tempore inuenitur, nisi forte in Philosophia Gilberti. Sed tamen circa huiusmodi Philosophias cautio nullo modo pretermittenda erat; quia mente iam præuidemus & auguramur, si quando homines, nostris monitis excitati, ad experientiam se serio consulerint (valere iussis doctrinis Sophisticis,) tum demum propter præmaturam & præproperam Intellectus festinationem, & saltum, sive volatum ad generalia,

neralia, & rerum principia, fore ut magnum ab huiusmodi Philosophijs periculum immineat; cui malo etiam nunc obuiam ire debemus.

LXV.

AT Corruptio Philosophiae ex Superstitione, & Theologia admista, latius omnino patet, & plurimum mali infert, aut in Philosophias integras, aut in earum partes. Humanus enim Intellectus non minus impressionibus Phantasiae est obnoxius, quam impressionibus vulgarium notionum. Pugnax enim genus Philosophiae & Sophisticum, illaqueat Intellectum: at illud alterum fantasticum, & tumidum, & quasi Poeticum, magis blanditur Intellectui. Inest enim homini quædam Intellectus ambitio, non minor quam Voluntatis; præsertim in ingenij altis & eleuatis.

Huius autem generis exemplum inter Græcos illucscit, præcipue in Pythagora, sed cum Superstitione magis crassâ & onerosâ coniunctum; at periculosus, & subtilius in Platone, atque eius scholâ. Inuenitur etiam hoc genus mali in partibus Philosophiarum reliquarum, introducendo formas abstractas, & causas finales, & causas primas; omitendo saepissime medias, & huiusmodi. Huic autem rei summa adhibenda est cautio. Pessima enim res est errorum Apotheosis, & propeste Intellectus habenda est, si vanis accedat veneratio. Huius autem vanitati, nonnulli ex modernis summa levitate ita indulserunt, ut in primo capitulo Geneseos, & in libro Job, & alijs Scripturis sacris, Philosophiam naturalem fundare conati sint;

inter

inter viua quærentes mortua. Tantoque magis hæc vanitas inhibenda venit, & coercenda, quia ex Diuinorum & Humanorum male-fanâ admistione, non solum educitur Philosophia phantastica, sed etiam Religio hæretica. Itaque salutare admodum est, si mente sobriâ, fidei tantum dentur, quæ fidei sunt.

LXVI.

ET de malis autoritatibus Philosophiarum, quæ aut in Vulgaribus notionibus, aut in paucis experimentis, aut in superstitione fundatæ sunt, iam dictum est. Dicendum porrò est, & de vitiosa materia Contemplationum, præsertim in Philosophia Naturali. Inficitur autem Intellectus humanus ex intuitu eorum, quæ in Artibus Mechanicis fiunt, in quibus corpora per compositiones aut separationes ut plurimum alterantur; ut cogitet simile quiddam etiam in naturâ rerum vniuersali fieri. Undè fluxit commentum illud Elementorum, atque illorum concursu, ad constituenda corpora naturalia. Rursus, quum homo Naturæ libertatem contempletur, incidit in species Rerum, Animalium, Plantarum, Mineralium, vndè facile in eam labitur cogitationem, ut existimet esse in Naturâ quasdam formas Rerum primarias, quas Natura educere molitur, atque reliquam varietatem ex impedimentis, & aberrationibus Naturæ in opere suo conficiendo, aut ex diuersarum specierum conflictu, & transplantatione alterius in alteram, prouenire. Atque prima cogitatio qualitates primas elementares, secunda proprietates occultas, & virtutes

speci-

specificas, nobis peperit; quarum vtraque pertinet ad inania contemplationum compendia, in quibus acquiscit animus, & à solidioribus auertitur. At Medicis, in secundis rerum qualitatibus & operationibus, Attrahendi, Repellendi, Attenuandi, Inspissandi, Dilatandi, Astringendi, Discutiendi, Maturandi, & huiusmodi, operam præstant meliorem; atque nisi ex illis duobus (quæ dixi) compendijs (qualitatibus scilicet elementaribus, & virtutibus specificis) illa altera (quæ rectè notata sunt) corrumperent, reducendo illa ad primas qualitates, earumq; mixturas subtiles & incommensurabiles; aut ea non producendo cum maiore & diligentiore obseruatione ad qualitates tertias & quartas, sed contemplationem intempestivè abrumpendo; illi multò melius profecissent. Neque huiusmodi virtutes (non dico eadem, sed similes) in humani corporis medicinis tantùm exquirendæ sunt; sed etiam in cæterorum corporum naturalium mutationibus.

Sed multò adhuc maiore cum malo fit, quòd quiescentia rerum principia, ex quibus; & non mouentia, per quæ res fiunt, contemplentur & inquirant. Illa enim ad sermones, ista ad opera spectant. Neq; enim vulgares illæ differentiæ Motūs, quæ in Naturali Philosophiâ receptā notantur, Generationis, Corruptionis, Augmentationis, Diminutionis, Alterationis, & Lationis, nullus sunt pretij. Quippè hoc sibi volunt; Si corpus, alias non mutatum, loco tamen moueatur, hoc Lationem esse; si manente & loco, & specie, qualitate mutetur, hoc Alterationem esse; si verò ex illâ mu-

tatio-

tatione moles ipsa, & quantitas corporis non eadem maneat, hoc Augmentationis & Diminutionis motum esse; si etenim mutentur, speciem ipsam & substantiam mutant, & in alia migrant, hoc Generationem & Corruptionem esse. At ista mere popularia sunt, & nullo modo in Naturam penetrant; suntque mensuræ & periodi tantum, non species motus. Innuunt enim illud, Hucusque, & non, Quomodo, vel Ex quo fonte. Neque enim de corporum appetitu, aut de partium eorum processu, aliquid significant; sed tantum quum motus ille rem aliter ac prius, crasso modo, sensui exhibeat, inde diuisionem suam auſpicantur. Etiam quum de causis motuum aliquid significare volunt, atque diuisionem ex illis instituere, differentiam motus naturalis & violenti, maximâ cum socordiâ, introducunt; quæ & ipsa omnino ex notione vulgari est; cum omnis motus violentius etiam naturalis revera sit, scilicet cum externum efficiens naturam alio modo in opere ponet, quam quo prius.

At hisce omissis; si quis (exempli gratiâ) obſeruerit, inesse corporibus appetitum contactus ad iniucem, ut non patiantur unitatem Naturæ prorsus dirimi, aut abſcindi, ut vacuum detur: aut si quis dicat, inesse corporibus appetitum se recipiendi in naturalem suam dimensionem, vel tensuram, ut si ultræ eam, aut citræ eam, comprimantur, aut distrahantur, statim in veterem sphæram & exprorectionem suam, se recuperare & remittere moliantur: aut si quis dicat, inesse corporibus appetitum congregationis ad massas connaturalium suorum, densorum videlicet versus Orbem

Terræ, renuiorum & rariorum versus ambitum Cœli;
hæc & huiusmodi verè Physica sunt genera Motuum;
At illa altera planè Logica sunt, & Scholastica, ut ex
hâc collatione eorum manifestò liquet.

Neque minus etiam malum est, quod in Philosophijs & contemplationibus suis, in Principijs rerum atque Ultimitatibus naturæ inuestigandis, & tractandis, opera insumatur; cum omnis utilitas & facultas operandi, in medijs consistat. Hinc sit, ut abstrahere Naturam homines non desinant, donec ad materiam potentialem & informem ventum fuerit; nec rursus secare Naturam desinant, donec peruentum fuerit ad Atomum, quæ, etiam si vera essent, tamen ad iuuandas hominum fortunas parùm possunt.

LXVII.

Danda est etiam cautio Intellectui, de intemperantijs Philosophiarum, quoad assensum præbendum aut cōhibendum; quia huiusmodi intemperantiae videntur Idola figere, & quodammodo perpetuare, nè detur aditus ad ea summoenda.

Duplex autem est excessus: Alter eorum, qui facile pronunciant, & scientias reddunt positivas & Magistrales; Alter eorum, qui Acatalepsiam introduxerunt, & inquisitionem vagam sine termino; quorum primus Intellectum deprimit, alter enervat. Nam Aristotelis Philosophia, postquam cæteras Philosophias (more Ottomanorum erga fratres suos) pugnacibus confutationibus contrucidasset; de singulis pronunciavit;

ciavit; & ipse rursus quæstiones ex arbitrio suo subor-
nat, deinde conficit; ut omnia certa sint & decreta;
quod etiam apud successiones suas valet, & in usu est.

At Platonis schola Acatalepsiam introduxit,
primò tanquam per iocum & ironiam, in odium vete-
rum Sophistarum, Protagoræ, Hippiaæ, & reliquo-
rum, qui nihil tam verebantur, quam nè dubitare de re
aliquâ viderentur. At noua Academia Acataleps-
iam dogmatizauit, & ex professo tenuit. Quæ licet
honestior ratio sit, quam pronunciandi licentia, quum
ipsi pro se dicant, se minimè confundere inquisitionem,
ut Pyrrho fecit, & Ephectici, sed habere quod se-
quantur ut probabile, licet non habeant quod teneant
ut verum; tamen postquam animus humanus de veri-
tate inueniendâ semel desperauerit; omnino omnia sunt
languidiora: Ex quo fit, ut deflectant homines potius
ad amœnas disputationes & discursus, & rerum quas-
dam peragrationes, quam in severitate inquisitionis se-
sustineant. Verum quod à principio diximus, & per-
petuò agimus, sensui & intellectui humano, eorumque
infirmitati authoritas non est deroganda, sed auxilia
præbenda.

LXVIII.

ATque de Idolorum singulis generibus, eorumque
apparatu iam diximus; quæ omnia constanti &
solenni decreto sunt abneganda, & renuncianda, & In-
tellectus ab ijs omnino liberandus est, & expurgandus;
ut non aliis ferè sit aditus ad Regnum Hominis, quod

fundatur in Scientijs, quam ad Regnum Cælorum, in quod, nisi sub personâ infantis, intrare non datur.

LXIX.

AT prauæ demonstrationes, Idolorum veluti munitiones quædam sunt & præsidia; eæque, quas in Dialecticis habemus, id ferè agunt, ut Mundum planè cogitationibus humanis, cogitationes autem verbis addicant & mancipent. Demonstrationes verò Potentia quādam Philosophiæ ipsæ sunt, & Scientiæ. Quales enim eæ sunt, ac prout ritè, aut malè institutæ, tales sequuntur Philosophiæ, & Contemplationes. Fallunt autem, & incompetentes sunt eæ, quibus utimur in uniuerso illo processu, qui à sensu & rebus dicit ad Axiomata, & Conclusiones. Qui quidem Processus quadruplex est, & vitia eius totidem. Primò, impressiones sensus iphus vitiosæ sunt; sensus enim & destituit, & fallit. At destitutionibus substitutiones, fallacijs rectificationes debentur. Secundò, Notiones ab impressionibus sensuum male abstrahuntur; & interminatæ, & confusæ sunt, quas terminatas & bene finitas esse oportuit. Tertiò, Inductio mala est, quæ per enumerationem simplicem Principia concludit Scientiarum, non adhibitis exclusionibus & solutionibus, siue separationibus Naturæ debit is. Postremò, modus ille inueniendi & probandi, ut primò Principia maximè generalia constituantur, deindè media Axiomata ad ea applicentur & probentur, errorum mater est, & Scientiarum omnium calamitas. Verùm de istis, quæ iam obitè perstringimus, fusius dicemus, quùm veram interpretandæ

pretandæ Naturæ viam, absolutis istis expiationibus
& expurgationibus Mentis, proponemus.

LXX.

Sed demonstratio longè optima est Experientia; modo hæreat in ipso experimento. Nam si traducatur ad alia quæ similia existimantur, nisi ritè & ordine fiat illa traductio, res fallax est. At modus experientiæ, quo homines nunc vtuntur, cæcus est & stupidus. Itaque cùm errant & vagantur nullâ viâ certâ, sed ex occurso rerum tantum consilium capiunt, circumferuntur ad multa, sed parùm promouent; & quandoquæ gestiunt, quandoquæ distractabuntur; & semper inueniunt quod ulterius querant. Ferè autem itâ fit, ut homines leuitè & tanquam per ludum experiantur, variando paululum experimenta jam cognita; & si res non succedat, fastidiendo, & conatum deserendo. Quod si magis serio & constanter ac laboriosè ad Experimenta se accingant; tamen in uno aliquo experimento eruendo operam collocant; quemadmodum Gilbertus in Magnete, Chymici in auro. Hoc autem faciunt homines, instituto non minus imperito, quam tenui. Nemo enim alicuius rei naturam in ipsâ refœlicitè perscrutatur: sed amplianda est inquisitio ad magis communia.

Quòd si etiam scientiam quandam & dogmata ex Experimentis moliantur; tamen semper ferè studio præpropero & intempestivo, deflectunt ad praxin: non tantum propter usum & fructum eiusmodi praxeos, sed ut in opere aliquo novo veluti pignus sibi arripiant, se non inutiliter

inutiliter in reliquis versatuos: atque etiam alijs se venditent, ad existimationem meliorem comparandam de ijs in quibus occupati sunt. Ita fit, ut more Atlantæ, de viâ decedant ad tollendum aureum pomum; interim verò cursum interrumpant, & victoriam emitant è manibus. Verùm in Experientiæ vero curiculo, eoque ad noua opera producendo, Diuina Prudentia omnino, & Ordo pro exemplari sumenda sunt. Deus autem primo die Creationis Lucem tantum creavit, eique operi diem integrum attribuit; nec aliquid materiati operis eo die creavit. Similiter & ex omnimodâ Experientiâ, primum inuentio Causarum & Axiomatum verorum elicienda est: & lucifera Experimenta, non fructifera querenda. Axiomata autem rectè inuenta & constituta Praxin non stridim, sed confertim instruunt; & Operum agmina ac turmas post se trahunt. Verùm de experiendi vijs, quæ non minùs quam viæ Iudicandi obseßæ sunt & interclusæ, posteà dicemus: Impræsentiarum de Experientiâ vulgari, tanquam de malâ Demonstratione, tantum loquuti. Nam verò postulat ordo rerum, ut de ijs, quorum paulò antè mentionem fecimus, signis, (quòd Philosophiæ & Contemplationes in vsu male se habeant;) & de Causis rei primo intuitu tam mirabilis & incredibilis, quedam subiungamus. Signorum enim notio præparat assensum: Causarum verò explicatio tollit miraculum. Quæ duo ad extirpationem Idolorum ex Intellectu faciliorem & clementiorem multum iuvant.

Scienc-

LXXI.

Scientiae, quas habemus, ferè à Græcis fluxerunt. Quæ enim Scriptores Romani, aut Arabes, aut Recentiores addiderunt, non multa, aut magni momenti sunt: & qualiacunque sint, fundata sunt super basin eorum quæ inuenta sunt à Græcis. Erat autem sapientia Græcorum, professoria, & in disputationes effusa: quod genus inquisitioni veritatis aduersissimum est. Itaque nomen illud Sophistarum, quad per contemptum ab ijs, qui se Philosophos haberii voluerunt, in antiquos Rhetores reiectum & tradidum est, Gorgiam, Protagoram, Hippiam, Polum; etiam vniuerso generi competit; Platonis, Aristoteli, Zenoni, Epicuro, Theophrasto; & eorum successoribus, Chrysippo, Carneadi, reliquis. Hoc tantum intererat; quod prius genus vagum fuerit & mercenarium, cinitates circumcursando, & sapientiam suam ostentando, & mercedem exigendo; Alterum vero solennius & generosius, quippe eorum qui sedes fixas habuerunt, & scholas aperuerunt, & gratis philosophati sunt. Sed tamen utrumque genus (licet cætera dispar) professorium erat, & ad disputationes rem deducebat, & sectas quasdam atque hereses Philosophiae instituebat & propugnabat: ut essent ferè doctrinæ eorum (quod non male cauillatus est Dionysius in Platonem) Verba otiosorum senum ad impecritos iuuenes. At antiquiores illi ex Græcis, Empedocles, Anaxagoras, Leucippus, Democritus,

Par-

Parmenides, Heraclitus, Xenophanes, Philolaus, reliqui, (nam Pythagoram, ut superstitiosum, omittimus) Scholas (quod nouimus) non aperuerunt: sed maiore silentio, & seuerius, & simplicius, id est, minore cum affectatione & ostentatione, ad inquisitionem veritatis se contulerunt. Itaque & melius, ut arbitramur, se gesserunt; nisi quod Opera eorum à leuioribus istis, qui vulgari captui & affectui magis respondent ac placent, tradit temporis extincta sint: Tempore (ut fluui) leuiora & magis inflata ad nos devehente, grauiora & solida mergente. Neque tamen isti à Nationis vitio prorsus immunes erant: sed in ambitionem & vanitatem sectae condendae, & auræ popularis captandæ nimium propendebant. Pro desperata autem habenda est veritatis inquisitio, cum ad huiusmodi inania deflectat. Etiam non omittendum videtur iudicium illud, siue vaticinum potius Sacerdotis Aegyptij, de Gracis: Quod semper pueri essent; neque haberent antiquitatem Scientiæ, aut Scientiam Antiquitatis. Et certè habent id quod puerorum est; ut ad garriendum prompti sint, generare autem non possint: Nam verbosa videtur Sapientia eorum, & operum sterilis. Itaque ex Ortu & Gente Philosophiae, quæ in usu est; quæ capiuntur signa, bona non sunt.

LXXII.

Nequo multò meliora sunt Signa, quæ ex naturā Temporis & Aetatis capi possunt, quam quæ ex naturā Loci & Nationis. Angusta enim erat & temuis

tenuis notitia per illam ætatem, vel Temporis, vel Orbis: quod longè pessimum est, præsertim ijs qui omnia in Experienciam ponunt. Neque enim mille annorum Historiam, quæ digna erat nomine Historiæ, habebant; sed fabulas & rumores Antiquitatis. Regionum verò tractuumque mundi exiguum partem nouerant; cùm omnes Hyperboreos, Scythes; omnes Occidentales, Celtas indistinctè appellarent: nil in Africâ ultra citimam Æthiopiæ partem, nil in Asia ultra Gangem; multò minus Noi Orbis prouincias, ne per auditum sanè aut famam aliquam certam, & constantem noscent: imò & plurima climata & zone, in quibus populi infiniti spirant & degunt, tanquam inhabitabiles ab illis pronuntiata sint: quinetiam peregrinationes Democriti, Platonis, Pythagoræ, non longinqua profecto, sed potius suburbanæ, ut magnum aliquid celebrarentur. Nostris autem temporibus, & Noi Orbis partes complures, & Veteris Orbis extrema vndique innotescunt; & in infinitum, Experimentorum cumulus excreuit. Quare si ex Natinitatis aut genituræ tempore (Astrologorum more) signa capienda sint, nil magni de istis Philosophijs significari videtur.

LXXIII.

Inter Signa, nullum magis certum aut nobile est, quam quod ex fructibus. Fructus enim & Opera inuenta, pro veritate Philosophiarum velut sponsores & fideiussores sunt. Atque ex Philosophijs istis Græcorum, & deriuationibus earum per particulares

Scientias, iam per tot annorum spatio, vix unum Experimentum adduci potest, quod ad hominum statum leuandum & iuuandum spectet; & Philosophiae speculationibus ac dogmatibus verè acceptum referri possit. Idque Celsus ingenuè ac prudentè fatetur; nimis, Experimenta Medicinæ primò inuenta fuisse, ac postea homines circa ea philosophatos esse, & causas in-dagasse & assignasse; non ordine inuerso euenisse, ut ex Philosophia & causarum cognitione, ipsa Experimenta inuenta aut deprompta essent. Itaque mirum non erat, apud Ægyptios (qui rerum Inuentoribus diuinitatem & consecrationem attribuerunt) plures fuisse Brutorum animalium imagines, quam Hominum: quia bruta animalia, per instinctus naturales, multa inuenta pepererunt; ubi homines, ex sermonibus & conclusionibus rationalibus, pauca aut nulla exhibuerint.

At Chymicorum industria, nonnulla peperit; sed tanquam fortuitò, & obiter, aut per Experimentorum quandam variationem, (ut Mechanici solent) non ex arte aut Theoriâ aliquâ; nam ea, quam confinxerunt, Experimenta magis perturbat, quam iuuat. Eorum etiam, qui in Magia (quam vocant) Naturali versati sunt, pauca reperiuntur inuenta; eaque levia, & imposturae propiora. Quocircà, quemadmodùm in Religione cauetur, ut Fides ex Operibus monstretur; idem etiam ad Philosophiam optimè traducitur, ut ex Fructibus iudicetur, & vana habeatur, quæ sterilis sit: atque eò magis, si loco fructuum vuæ & oliuæ, producat disputationum & contentionum carduos & spinas.

LXXIV.

Capienda etiam sunt Signa ex incrementis & progressibus Philosophiarum & Scientiarum. Quæ enim in Naturâ fundata sunt, crescunt & augmentur: quæ autem in Opinione, variantur, non augmentur. Itaque si istæ Doctrinæ planè instar Plantæ à stirpibus suis reuulsæ non essent, sed utero Naturæ adhærerent, atque ab eâdem alerentur, id minimè euenterum fuisse, quod per annos bis mille iam fieri videamus: nempe, ut Scientiæ suis hæreant vestigijs, & in eodem ferè statu maneant, neque augmentum aliquod memorabile sumpserint; quin potius in primo Authore maximè floruerint, & deinceps declinauerint. In Artibus autem Mechanicis, quæ in Naturâ & Experiencie luce fundatæ sunt, contrâ euenire videmus: quæ (quamdiu placent) veluti spiritu quodam replete, continuò vegetant & crescunt; primò rudes, deinde commoda, posteà excultæ, & perpetuò auctæ.

LXXV.

ETiam aliud Signum capiendum est; Si modò Signi appellatio huic competit; cùm potius Testimonium sit, atque adeò testimoniorum omnium validissimum; Hoc est, propria Confessio Authorum, quos homines nunc sequuntur. Nam & illi qui tantâ fiducia de rebus pronuntiant, tamen per interualla cùm ad se redeant, ad querimonias de Naturæ subtilitate, Rerum obscuritate, Humani ingenij infirmitate, se conuertunt. Hoc verò si simpliciter fieret; alios fortasse,

qui sunt timidiiores, ab ulteriori inquisitione deterrere, alios vero, qui sunt ingenio alacriori & magis fidenti, ad ulteriore progressum acuere & incitare possit. Verum non satis illis est, de se confiteri, sed quicquid sibi ipsis aut Magistris suis incognitum aut intactum fuerit, id extra terminos Possibilis ponunt; & tanquam ex arte, cognitu aut factu impossibile pronuntiant: summa superbia & inuidia suorum Inuentorum infirmitatem, in Naturae ipsius calumniam, & aliorum omnium desperationem vertentes. Hinc schola Academica nouæ, quæ Acatalepsiam ex professo tenuit, & homines ad sempiternas tenebras damnauit. Hinc opinio, quod Formæ sive veræ rerum Differentiæ (quæ reuerâ sunt leges Actus puri) inuentu impossibiles sint, & ultra hominem. Hinc opiniones illæ in Actiuâ & Operatiuâ parte; Calorem Solis & Ignis toto genere differre; nè scilicet homines putent se per opera fgnis, aliquid simile ijs, quæ in Naturâ fiunt, educere & formare posse. Hinc illud: Compositiōnem tantum opus Hominis, Missionem vero opus solius Naturæ esse: nè scilicet homines sperent aliquam ex arte Corporum naturalium generationem aut transformationem. Itaque ex hoc signo homines sibi persuaderi facile patientur, nè cum dogmatibus non solum desperatis, sed etiam desperationi deuotis, fortunas suas & labores misceant.

LXXVI.

NEque illud Signum prætermittendum est, quod tanta fuerit inter Philosophos olim dissensio, & Schola-

Scholarum ipsarum varietas: Quod satis ostendit, viam à Sensu ad Intellectum non bene munitam fuisse, cùm eadem materia Philosophiæ (Natura scilicet rerum) in tam vagos & multiplices errores abrepta fuerit & distracta. Atque licet hisce temporibus dissensiones & dogmatum diuersitates circa Principia ipsa, & Philosophias integras, ut plurimum extinctæ sint; tamen circa partes Philosophiæ, innumeræ manent quæstiones & controversiæ; ut plane appareat, neque in Philosophijs ipsis, neque in modis Demonstrationum aliquid certi aut sani esse.

LXXVII.

Quod verò putant homines in Philosophiâ Aristotelis magnum utique Consensum esse, cùm post illam editam, Antiquorum Philosophiæ cessauerint & exoleuerint; ast apud tempora, quæ sequuta sunt, nil melius inuentum fuerit; adeò ut illa tam bene posita & fundata videatur, ut utrumque tempus ad se traxerit: Primo, quod de cessatione Antiquarum Philosophiarum post Aristotelis Opera edita homines cogitant, id falsum est; diù enim posteà, usquè ad tempora Ciceronis, & saecula sequentia, manserunt opera veterum Philosophorum. Sed temporibus insequentibus, ex inundatione Barbarorum in Imperium Romanum, postquam Doctrina humana velut naufragium perpeccsa esset; tum demùm Philosophiæ Aristotelis & Platonis tanquam tabulæ ex materiâ leuiore & minus solidâ per fluctus temporum seruatæ sunt. Illud etiam de Consensu fallit homines, si acutius rem introspiciant.

spiciant. Verus enim *Consensus* is est, qui ex libertate iudicij (re prius explorata) in idem conueniente, constitit. At numerus longè maximus eorum qui in Aristotelis Philosophiam consenserunt, ex præiudicio & autoritate aliorum, se illi mancipauit; ut sequacitas sit potius & coitio, quam *Consensus*. Quod si fuisset ille verus *Consensus*, & latè patens, tantum abest, ut *Consensus* pro verâ & solidâ Authoritate haberi debeat, ut etiam violentam præsumptionem inducat in contrarium. Pessimum enim omnium est augurium quod ex *Consensu* capitur in rebus Intellectualibus: exceptis Diuinis & Politicis, in quibus suffragiorum jus est. Nihil enim multis placet, nisi imaginationem feriat, aut Intellectum vulgarium notionum nodis astringat, ut supra-dictum est. Itaque optimè traducitur illud Phocionis, à Moribus ad Intellectualia; Ut statim se examinare debeant homines, quid errauerint, aut peccauerint; si multitudo consentiat & complaudat. Hoc Signum igitur ex auerissimis est. Itaque quod Signa veritatis & sanitatis Philosophiarum & Scientiarum, quæ in usu sunt, male se habeant; siue capiantur ex Originibus ipsarum, siue ex Fructibus, siue ex Progressibus, siue ex Confessionibus Authorum, siue ex *Consensu*; iam dictum est.

LXXVIII.

Iam verò veniendum ad Causas errorum, & tam diuturnæ in illis per tot sæcula moræ; quæ plurimæ sunt & potentissimæ: ut tollatur omnis admiratio, hæc

quæ

quæ adducimus, homines hucusque latuisse & fugisse;
& maneat tantum admiratio, illa nunc tandem alicui mortalium in mentem venire potuisse, aut cogitationem cuiuspiam subiisse: quod etiam (ut nos existimamus) Fælicitatis magis est cuiusdam, quam excellentis alicuius Facultatis; ut potius pro Temporis partu haberri debeat, quam pro partu fñgenij.

Primò autem tot sæculorum numerus, verè rem reputanti, ad magnas angustias recidit. Nam ex viginti quinque annorum Centurijs, in quibus memoria & doctrina hominum fere versatur, vix sex Centuriæ seponi & excerpti possunt, quæ Scientiarum feraces, earumque prouentui utiles fuerunt. Sunt enim non minus Temporum, quam Regionum Eremi & vastitates. Tres enim tantum Doctrinarum reuolutiones & periodi rectè numerari possunt: Una, apud Græcos; Altera, apud Romanos; Ultima, apud nos, Occidentales scilicet Europæ nationes: quibus singulis vix duæ Centuriæ annorum meritò attribui possunt. Media Mundi tempora, quoad Scientiarum segetem uberem aut latam, infelicia fuerunt. Neque enim causa est, ut vel Arabum, vel Scholasticorum mentio fiat: qui per intermedia tempora Scientias potius contriverunt numerosis tractatibus, quam pondus earum auxerunt. Itaque prima Causa tam pusilli in Scientijs profectus, ad angustias Temporis erga illas propitijs, ritè & ordine refertur.

LXXIX.

AT secundo loco se offert Causa illa magni certè per omnia momenti: ea videlicet, quod per illas ipsas ætates, quibus hominum ingenia & literæ maximè vel etiam mediocriter floruerint, Naturalis Philosophia minimam partem humanæ operæ sortita sit. Atque hæc ipsa nihilominus pro magna Scientiarum matre haberi debet. Omnes enim Artes & Scientiae ab hac stirpe reuulsæ, poliuntur fortasse, & in usum effinguntur; sed nil admodum crescunt. At manifestum est, postquam Christiana fides recepta fuisset & adoleuiisset, longè maximam ingeniorum præstantissimorum partem ad Theologiam se contulisse; atque huic rei & amplissima præmia proposita, & omnis generis adiumenta copiosissimè subministrata fuisse: Atq[ue] hoc Theologiæ studium præcipue occupasse tertiam illam partem sive periodum temporis apud nos Europæos Occidentales; eò magis, quod sub idem ferè tempus & literæ florere, & controversiae circa Religionem pullulare cœperint. At ævo superiori, durante periodo illâ secundâ apud Romanos, potissimæ Philosopherum meditationes & industriæ in Morali Philosophiâ (quæ Ethnicis vice Theologiæ erat) occupatae & consumptæ fuerunt: Etiam summa ingenia, illis temporibus ut plurimum ad res Ciuiiles se applicuerunt, propter magnitudinem Imperij Romani, quod plurimorum hominum operâ indigebat. At illa ætas, quâ Naturalis Philosophia apud Græcos maximè florere

visa

visa est, particula fuit Temporis minimè diurna; cùm & antiquioribus temporibus septem illi qui Sapientes nominabantur, omnes (præter Thaletem ad Moralem Philosophiam & Ciuitatem se applicuerint; & posterioribus temporibus postquam Socrates Philosophiam de cœlo in terras deduxisset, adhuc magis inua- luerit Moralis Philosophia, & ingenia hominum à Naturali auerterit.

At ipsissima illa periodus temporis, in quā inquisitiones de Naturā viguerunt, contradictionibus & nouorum placitorum ambitione corrupta est, & inutilis redditā. Itaque quandoquidem per tres istas periodos, Naturalis Philosophia maiorem in modum neglecta aut impedita fuerit, nil mirum si homines parūm in eā re profecerint, cùm omnino aliud egerint.

LXXX.

Accepit & illud, quod Naturalis Philosophia in ijs ipsis viris qui ei incubuerint, vacantem & integrum hominem, præsertim his recentioribus temporibus, vix nacta fit; nisi forte quis Monachi aliquius in cellulā, aut Nobilis in villulā lucubrantis, exemplum adduxerit: Sed facta est demum Naturalis Philosophia instar transitūs cuiusdam & ponti-sternij ad alia.

Atque magna ista Scientiarum Mater mirā indignitate ad officia & Ancillæ detrusa est; quæ Me-

L

dicinæ

dicinæ aut Mathematicis operibus ministret, & rursus quæ adolescentium immatura ingenia lauet & imbuat velut tincturâ quadam primâ, ut aliam postea fœlicius & commodius excipient. Interim nemo exceptet magnum progressum in Scientijs, (præsertim in parte earum Operatiuâ) nisi Philosophia Naturalis ad Scientias particulares producta fuerit, & Scientiæ particulares rursus ad Naturalem Philosophiam reductæ. Hinc enim fit, ut Astronomia, Optica, Musica, plurimæ Artes Mechanicæ, atque ipsa Medicina, atque (quod quis magis miretur) Philosophia Moralis & Ciuilis, & Scientiæ Logicæ nil ferè habeant altitudinis in profundo; sed per superficiem & varietatem rerum tantum labantur: quia postquam particulares istæ Scientiæ dispergitæ & constitutæ fuerint, à Philosophiâ Naturali non amplius alantur; quæ ex fontibus & veris contemplationibus, Motuum, Radiorum, Sonorum, Texturæ, & Schematismi Corporum, Affectuum, & prebensionum Intellectuum, nouas vires & augmenta illis impertiri potuerit. Itaque minimè mirum est si Scientiæ non crescant, cum à radicibus suis sint separatæ.

LXXXI.

Rursus se ostendit alia causa potens & magna, cur Scientiæ parùm promouerint. Ea verò hæc est; quod fieri non possit, ut rectè procedatur in curriculo, ubi ipsa Meta non rectè posita sit, & defixa. Meta autem Scientiarum vera & legitima, non alia est,

est, quām ut dotetur vita humana nouis Inuentis, & co-
pijs. At turba longē maxima nihil ex hoc sapit, sed
meritoria planè est, & professoria; nisi fortè quando-
què eueniat, ut artifex aliquis acrioris ingenij, & glo-
riæ cupidus, novo alicui Inuento det operam; quod ferè
sit cum facultatum dispendio. At apud plerosque tan-
tum abest, ut homines id sibi proponant, ut Scientia-
rum & Artium Massa augmentum obtineat; ut ex eā,
quæ præstò est, Massâ, nil amplius sumant aut querant,
quām quantum ad usum professorium, aut lucrum, aut
existimationem, aut huiusmodi compendia conuertere
possint. Quòd si quis ex tantâ multitudine Scientiam
affectu ingenuo, & propter se expetat; inuenietur ta-
men ille ipse, potius contemplationum & doctrinarum
varietatem, quām veritatis severam & rigidam inqui-
sitionem sequi. Rursus, si alius quispiam fortassis veri-
tatis inquisitor sit severior; tamen & ille ipse talem
sibi proponet veritatis conditionem, quæ Menti & In-
tellectui satisfaciat in redditione causarum, rerum quæ
iampridem sunt cognitæ; non eam quæ noua operum
pignora, & nouam Axiomatum lucem asequatur.
Itaque, si finis Scientiarum à nemine adhuc bene pos-
tus sit, non mirum est si in ijs, quæ sunt subordinata ad
finem, sequatur aberratio.

LXXXII.

Quemadmodum autem finis & Meta Scientia-
rum malè posita sunt apud homines; ita rursus
etiam si illa rectè posita fuissent, viam tamen sibi de-

legerunt omnino erroneam, & imperuiam. Quod stupore quodam animum ritè rem reputanti perculserit; non ulli mortalium Curæ aut Cordi fuisse, ut Intellectui humano, ab ipso sensu & experientia ordinata & bene condita, via aperiretur & muniretur; sed omnia vel traditionum caligini, vel argumentorum vertigini, & turbini, vel casus & experientiae vagæ & inconditæ undis, & ambagibus permissa esse. Atque cogitet quis sobriè & diligentè, qualis sit ea via, quam in inquisitione & inuentione alicuius rei homines adhibere consueuerunt; Et primò notabit proculdubio inueniendi modum simplicem & inartificiosum, qui hominibus maximè est familiaris. Hic autem non aliud est, quam ut is qui se ad inueniendum aliquid comparat & accingit, primò quæ ab alijs circa illa dicta sint inquirat & euoluat; deinde propriam meditationem addat, atque per Mentis multam agitationem, spiritum suum proprium sollicitet, & quasi inuocet, ut sibi oracula pandat; quæ res omnino sine fundamento est, & in opinionibus tantùm voluitur.

At aliud quissimam Dialedicam ad inueniendum adiuvat, quæ nomine tenus tantùm ad id quod agitur, pertinet. Inuentio enim Dialedicæ non est Principiorum, & Axiomatum præcipuorum, ex quibus Artes constant, sed eorum tantùm quæ illis consentanea videntur. Dialedicta enim magis curiosos & importunos, & sibi negotium facessentes, eamq; interpellantes de probationibus, & inuentionibus Principiorum, sive Axiomatum primorum, ad fidem, & veluti Sacramentum cuilibet Arti præstandum, notissimo responsore reiijcit.

Restat

Restat Experientia mera, quæ si occurrat, Casus; si quaesita sit, Experimentum nominatur. Hoc autem Experientiae genus nihil aliud est, quam (quod aiunt) scopæ dissolutæ, & mera palpatio, quali homines nondum videntur, omnia pertentando, si forte in rectam viam incidere detur; quibus multò satius & consultius foret, diem præstolari, aut lumen accendere, & deinceps viam inire. At contrà, verus Experientiae ordo primò lumen accedit, deinde per lumen iter demonstrat, incipiendo ab Experienciam ordinatâ, & digestâ, & minime præpostera aut erraticâ, atque ex eâ educendo Axiomata, atque ex Axiomatibus constitutis rursus Experientia noua, quum nec verbum Diuinum in rerum Massam, absque ordine operatum sit.

Itaque desinant homines mirari, si spatium Scientiarum non confectum sit, cum à viâ omnino aberrarent; relictâ prorsus, & desertâ Experientia, aut in ipsâ (tanquam in Labyrintho) se intricando, & circumcursando; cùm ritè institutus ordo, per Experientiae sylvas, ad aperta Axiomatum, tramite constanti ducatur. **LXXXIII.**
Excrevit autem mirum in modum istud malum, ex opinione quadam, sive estimatione inueteratâ, verum tamidâ, & dâmnosâ; Minui nempe Mentis humanae Majestatem, si experimentis, & rebus particularibus sensui subiectis, & in materia determinatis, diu ac multum versetur: præsertim quum huiusmodi

.

res ad inquirendum laboriosæ, ad meditandum ignobiles, ad dicendum asperæ, ad practicam illiberales; numero infinitæ, & subtilitate tenues esse soleant. Itaque iam tandem huic res redijt, ut via vera non tantum deserta, sed etiam interclusa & obstructa sit; fastiditâ Experienciam, nedum relictâ, aut malè administratâ.

LXXXIV.

Rursus verò homines à progressu in Scientijs detinuit & ferè incantauit Reverentia Antiquitatis, & virorum, qui in Philosophiâ magni habiti sunt, authoritas, atquè deindè Consensus. Atquè de Consensu superius dictum est.

Dè Antiquitate autem, opinio quam homines de ipsâ fouent, negligens omnino est, & vix verbo ipsi congrua. Mundi enim senium & grandæuitas pro Antiquitate verè habenda sunt; quæ temporibus nostris tribui debent, non iuniori ætati Mundi, qualis apud Antiquos fuit. Illa enim ætas respectu nostri, antiqua & maior; respectu mundi ipsius, noua & minor fuit: Atque revera quemadmodum maiorem rerum humana- rum notitiam, & maturius iudicium, ab homine sene expectamus, quam à Iuene, propter Experienciam, & rerum quas vidit, & audivit, & cogitauit, varie- tatem & copiam; eodem modo & à nostra ætate (si vires suas nosset, & experiri, & intendere vellet) maiora multò quam à priscis temporibus expectari par est; ut potè ætate Mundi grandiore, & infinitis expe- rimentis & obseruationibus aucta & cumulata.

Neque

Neque pro nihilo aestimandum, quod per longin-
quas navigationes & peregrinationes (quae seculis no-
stris increbuerunt) plurima in Naturā patuerint, &
reperta sint, quae nouam Philosophiae lucem immittere
possint. Quin & turpe hominibus foret, si globi mate-
rialis tractus, Terrarum videlicet, Marium, Astro-
rum, nostris temporibus immensū aperti & illustrati
sint; globi autem Intellectualis fines, inter veterum in-
uentā & angustias cohibeantur.

Authores verò quod attinet, summæ pusillanimi-
tatis est, Authoribus infinita tribuere, Authori autem
authorum, atque adeò omnis authoritatis, Tempori,
ius suum denegare. Redè enim Veritas, Temporis fi-
lia dicitur, non Authoritatis. Itaque mirum non est, si
fascinat Antiquitatis, & Authorum, & Consensūs,
hominum virtutem ita ligauerint, ut cum rebus ipsis
consuecere, (tanquam Maleficiati) non potuerint.

LXXXV.

Neque solum admiratio Antiquitatis, Authorita-
tis, & Consensūs, hominum industriam in ijs quæ
iam inuenta sunt acquiescere compulit; verùm etiam
operum ipsis admiratio, quorum copia iam pridem
facta est humanogeneri. Etenim quùm quis rerum va-
rietatem, & pulcherrimum apparatus, qui per Artes
Mechanicas ad cultum humanum congestus & in-
trodactus est, oculis subiecerit, eò certè inclinabit, ut po-
tiùs ad opulentiae humanæ admirationem, quam ad in-
opiæ sensum accedat; minimè aduertens primitiuas ho-
minis

minis obseruationes, atque Naturæ operationes, (quæ ad omnem illam varietatem, instar animæ sunt, & pri-
mi Motus) nec multas, nec altè petitas esse ; Cetera
ad patientiam hominum tantum, & subtilem & ordi-
natum Manūs, vel instrumentorum motum, pertinere.
Res enim (exempli gratiā) subtilis est certè & ac-
curata, confectio horologiorum, talis scilicet, quæ cœle-
stia in rotis, pulsū animalium in motu successivo &
ordinato, videatur imitari; quæ tamen res, ex uno aut
altero Naturæ Axiomate pendet.

Quòd si quis rursus subtilitatem illam intueatur, quæ ad Artes Liberales pertinet; aut etiàm eam, quæ ad corporum naturalium præparationem, per Artes Me-
chanicas spectat, & huiusmodi res suspiciat; veluti In-
ventionem motuum cœlestium in Astronomiâ, Concen-
tuum in Musicâ, literarum Alphabeti (quæ etiàm adhuc in regno Synarum in usu non sunt) in Gramma-
tica; aut rursus in Mechanicis, factorum Bacchi &
Cereris, hoc est, præparationem vini & ceruisiae, panifi-
ciorum, aut etiam Mensæ deliciarum, & distillatio-
num, & similium; ille quoque si secum cogitet, & ani-
mum aduertat, per quantos temporum circuitus (cùm
hæc omnia, præter distillationes, antiqua fuerint) hæc ad
eam quam nunc habemus culturam perducta sint, &
(ut iam de horologijs dictum est) quam parum habeant
ex obseruationibus & Axiomatibus Naturæ, atque
quam facile, & tanquam per occasiones obuias, & con-
templationes incidentes, ista inueniri potuerint; ille
(inquam) ab omni admiratione se facile liberabit, &
potius humanæ conditionis miserebitur, quòd per tot sœ-
cula

cula, tanta fuerit rerum & Inuentorum penuria, & sterilitas. Atque hæc ipsa tamen, quorum nunc mentionem fecimus, Inuenta, Philosophia & Artibus Intellectus antiquiora fuerunt. Adeò ut (si verum dicendum sit) cùm huiusmodi Scientiæ rationales & dogmaticæ inceperint, Inuentio operum utilium desierit.

Quòd si quis ab Officinis ad Bibliothecas se conuerterit, & immensam quam videmus librorum varietatem in admiratione habuerit, is examinatus & diligentius introspectis ipsorum librorum materijs & contentis, obstupescet certè in contrarium; & postquam nullum dari finem repetitionibus obseruauerit, quamq; homines eadem agant & loquantur, ab admiracione varietatis transibit ad miraculum indigentiae, & paucitatis earum rerum, quæ hominum mentes adhuc tenuerunt & occuparunt.

Quòd si quis ad intuendum ea, quæ magis curiosa habentur quam sana, animum submiserit, & Alchymistarum aut Magorum opera penitus introspexerit, is dubitabit forsitan vtrum risu, an lachrymis potius illa digna sint. Alchymista enim spem alit æternam, atque ubi res non succedit, errores proprios reos substituit; secum accusatoriè reputando, se aut Artis, aut Authorum vocabula non satis intellexisse, vnde ad traditiones & auriculares susurros animum applicat; aut in practicæ suæ scrupulis & momentis aliquid titubatum esse; vnde Experimenta in infinitum repetit; ac interim quum inter Experimentorum sortes, in quædam incidat aut ipsa facie noua, aut utilitate non contem-

nenda; huiusmodi pignoribus animum pascit, eaque
in maius ostentat & celebrat; reliqua spe sustentat.
Neque tamen negandum est, Alchymistas non pauca
inuenisse, & Inuentis utilibus homines donasse. Ve-
rū fabula illa non malè in illos quadrat de Sene,
qui filijs aurum in vineā defossum, (sed locum se ne-
scire simulans) legauerit; vnde illi vineæ fodiendæ di-
ligenter incubuerunt, & aurum quidem nullum reper-
tum, sed vindemia ex eâ culturā facta est vberior.

At Naturalis Magiae Cultores, qui per re-
rum Sympathias & Antipathias omnia expediunt, ex
coniectionis otiosis & supinissimis, rebus virtutes &
operationes admirabiles affinxerunt; atque si quando
opera exhibuerint, ea illius sunt generis, ut ad admira-
tionem & nouitatem, non ad fructum & utilitatem,
accommadata sint.

In superstitione autem Magia, (si & de hac di-
cendum sit) illud imprimis animaduertendum est,
esse tantummodo certi cuiusdam & definiti generis sub-
iecta, in quibus Artes curiosæ & superstitiones, per
omnes Nationes, atque etates, atque etiam religio-
nes, aliquid potuerint aut luserint. Itaque ista missa
faciamus: Interim nil mirum est, si opinio Copiæ, causam
Inopiae dederit.

LXXXVI.

ATque hominum admirationi quoad Doctrinas &
Artes, per se satis simplici, & propè puerili,
incrementum accessit ab eorum astu & artificio, qui

Scien-

Scientias tractauerunt & tradiderunt. Illi enim ea ambitione & affectatione eas proponunt, atque in eum modum efformatas, ac veluti personatas in hominum conspectum producunt, ac si illæ omni ex parte perfectæ essent, & ad exitum perducantur. Si enim Methodum aspicias, & partitiones, illæ prorsus omnia complecti & concludere videntur, quæ in illud subiectum cadere possunt. Atque licet membra illa male impleta, & veluti Capsulæ inanes sint; tamen apud fntellectum vulgarem Scientiæ formam & rationem integræ præse ferunt.

At primi & Antiquissimi veritatis Inquisitores, meliore fide & fato, cognitionem illam, quam ex rerum contemplatione decerpere, & in usum recondere statuebant, in Aphorismos, sive breues, easdemque sparsas, nec Methodo reuinctas sententias, comijcere solebant; neque se Artem vniuersam complecti simulabant, aut profitebantur. At eo quo nunc res agitur modo, minimè mirum est, si homines in ijs vltiora non quærant, quæ pro perfectis & numeris suis iam pridem absolutis traduntur.

LXXXVII.

ETiam Antiqua magnum existimationis & fidei incrementum acceperunt, ex eorum vanitate & leuitate, qui noua proposuerunt; præsertim in Philosophiæ Naturalis parte actiua & operatiua. Neq; enim defuerunt homines vaniloqui & fantastici, qui partim ex credulitate, partim ex imposturâ, genus humanum pro-

missis onerârunt: vitæ Prolongationem, Senectutis retardationem, dolorum leuationem, Naturalium defectuum reparationem, Sensuum deceptions, Affectionum ligations & incitationes, Intellectualium facultatum illuminationes & exaltationes, Substantiarum transmutationes, & Motuum ad libitum roborationes & multiplicationes, Aeris impressiones & alteraticnes, Cœlestium Influentialium deductiones & procurationes, rerum futurarum diuinationes, remotarum repræsentationes, occultarum reuelationes, & alia complura pollicitando & ostentando. Verùm de istis Largitoribus non multùm aberrauerit, qui istiusmodi iudicium fecerit, tantum nimirùm in doctrinis Philosophiæ, inter horum vanitates, & veras Artes interesse, quantum inter res gestas Iulij Cæsaris, aut Alexandri Magni, & res gestas Amadicij ex Galliâ, aut Arthuri ex Britanniâ, in historiæ narrationibus intersit. Inueniuntur enim clarissimi illi Imperatores reuerà maiora gesſisse, quam umbratiles isti Heroes etiam fecisse fingantur; Sed modis & vijs scilicet actionum, minimè fabulosis & prodigiosis. Neque proptereà æquum est veræ memoriæ fidem derogari, quòd à fabulis illa quandoquè læsa sit, & violata. Sed interim minimè mirum est, si propositionibus nouis (præsertim cum mentione operum) magnum sit factum præiudicium, per istos impostores qui similia tentauerunt; cùm vanitatis excessus & fastidium, etiam nunc omnem in eiusmodi conatibus magnanimitatem destruxerit.

At longè

LXXXVIII.

AT longè maiora à pusillanimitate, & pensorum, quæ humana industria sibi proposuit, paruitate & tenuitate, detrimenta in Scientias inuecta sunt. Et tamen (quod pessimum est) pusillanimitas ista non sine arrogantiâ, & fastidio se offert.

Primum enim, omnium Artium illa reperitur canta-
la iam facta familiaris, ut in quâlibet Arte Authores,
Artis suæ infirmitatem in Naturæ calumniam ver-
tant; & quod Ars ipsorum non assequitur, id ex eâ-
dem Arte impossibile in Naturâ pronunciant. Ne-
que certè damnari potest Ars, si ipsa iudicet. Etiam
Philosophia quæ nunc in manibus est, in sinu suo posita
quædam fouet, aut placita, quibus (si diligentius in-
quiratur) hoc hominibus omnino persuaderi voluit, nil ab
Arte, vel hominis opere arduum, aut in Naturam impe-
riosum, & validum, expectari debere; ut de Heteroge-
niâ Caloris, Astri & Ignis, & Mistione, superius di-
ctum est. Quæ si notentur accuratius, omnino perti-
nent ad humanæ potestatis circumscriptiōnem malitio-
sam, & ad quæfitam & artificiofam desperationem,
quæ non solùm spei auguria turbet, sed etiam omnes in-
dustriæ stimulos & neruos incidat, atque ipsius Experi-
entiæ aleas abijciat; dum de hoc tantum solliciti sint, vt
Ars eorum perfecta censeatur; gloriæ vanissimæ & per-
ditissimæ dantes operam, scilicet ut quicquid adhuc in-
uentum & comprehensum non sit, id omnino nec inue-
niri, nec comprehendendi posse in futurum credatur. At si
quis

quis rebus addere se, & nouum aliquod reperire conetur, ille tamen omnino sibi proponet & destinabit, unum aliquod Inuentum (nec ultra) perscrutari & eruere; ut Magnetis naturam, Maris fluxum & refluxum, Thema Cœli, & huiusmodi, quæ secreti aliquid habere videntur, & hactenus parum fœliciter tractata sint: Quum summæ sit imperitiæ, rei alicuius naturam in se ipsa perscrutari: quandoquidem eadem Natura, quæ in alijs videtur latens & occulta, in alijs manifesta sit, & quasi palpabilis; atque in illis admirationem, in his nè attentionem quidem moueat; ut sit in Naturâ Consistentiæ, quæ in ligno vel lapide non notatur, sed solidi appellatione transmittitur, neque amplius de fugâ separationis aut solutionis continuitatis inquiritur: At in Aquarum bullis eadem res videtur subtilis, & ingenuosa; quæ bullæ se coniiciunt in pelliculas quasdam, in Hemisphærij formam curiosè efficitas, ut ad momentum temporis evitetur solutio continuitatis.

Atque prorsùs illa ipsa quæ habentur pro secretis, in alijs habent naturam manifestam & communem; quæ nunquam se dabit conspicendi, si hominum Experimenta aut contemplationes in illis ipsis tantum versentur. Generaliter autem & vulgo, in Operibus Mechanicis habentur pro nouis Inuentis, si quis iampridem Inuenta subtilius poliat, vel ornet elegantiùs, vel simul vniat & componat, vel cum usu commodius copulet, aut opus maiore, aut etiam minore quam fieri consuevit mole vel volumine exhibeat, & similia.

Itaque minimè mirum est, si nobilia, & genere humano digna Inuenta in lucem extracta non sint, quum

quum homines huiusmodi exiguis pensis, & puerilibus, contenti & delectati fuerint; quinetiam in ijsdem se magnum aliquod sequitos, aut assequitos putauerint.

LXXXIX.

Nequè illud prætermittendum est, quòd nacta sit Philosophia Naturalis per omnes ætates aduersarium molestum & difficultem; Superstitionem nimirum, & zelum Religionis cæcum & immoderatum. Etenim videre est apud Græcos, eos, qui primùm causas naturales Fulminis & Tempestatum insuetis adhuc hominum auribus proposuerunt, impietatis in Deos eo nomine damnatos: Nec multò melius à non-nullis antiquorum Patrum Religionis Christianæ exceptos fuisse eos, qui ex certissimis demonstrationibus (quibus nemo hodie sanus contradixerit) Terram rotundam esse posuerunt, atque ex consequenti Antipodas esse assertuerunt.

Quinetiam, ut nunc sunt res, conditio sermonum de Naturâ facta est durior & magis cum periculo, propter Theologorum Scholasticorum Summas & Methodos; qui cum Theologiam (satis pro potestate) in ordinem redegerint, & in Artis formam effinxerint, hoc insuper effecerunt, ut pugnax & spinosa Aristotelis Philosophia Corpori Religionis, plus quam par erat, immisceretur.

Eodem etiam spectant (licet diuerso modo) eorum Commentationes, qui veritatem Christianæ Religionis ex Principijs & Authoritatibus Philosophorum deduc-

cere &

cere & confirmare baud veriti sunt ; Fidei & Sensus coniugium tanquam legitimum multâ pompâ & solennitate celebrantes, & gratâ rerum varietate animos hominum permulcentes ; sed interim Diuina Humanis, impari conditione, permiscentes. At in huiusmodi Misturis Theologiæ cum Philosophiâ, ea tantum, quæ nunc in Philosophiâ recepta sunt, comprehenduntur ; sed noua, licet in melius mutata, tantum non sum mouentur & exterminantur.

Denique inuenias, ex quorundam Theologorum imperiū, aditum alicui Philosophiæ, quamvis emendatæ, pene interclusum esse. Alij siquidem simplicius subuerentur, ne fortè altior in Naturam inquisitio ultra concessum sobrietatis terminum penetret ; traducentes & perperam torquentes ea quæ de diuinis Mysterijs in Scripturis Sacris aduersus rimantes secreta diuina dicuntur, ad occulta Naturæ, que nullo interdicto prohibentur. Alij callidius coniiciunt & animo versant, si media ignorentur, singula ad manum & virgulam diuinam (quod Religionis, ut putant, maximè interfit) facilius posse referri : quod nihil aliud est, quam Deo per mendacium gratificari velle. Alij ab exemplo metuunt, ne motus & mutationes circa Philosophiam in Religionem incurvant, ac desinant. Alij denique solliciti videntur, ne in Naturæ inquisitione aliquid inueniri possit, quod Religionem (præsertim apud indoctos) subuertat, aut saltem labefactet. At isti duo posteriores metus nobis videntur omnino sapientiam animalem sapere ; ac si homines in mentis suæ recessibus & secretis cogitationibus

nibus, de firmitudine Religionis, & Fidei in Sensum imperio diffiderent ac dubitarent; & propterea ab inquisitione Veritatis in Naturalibus periculum illis impendere metuerent. At verè rem reputanti, Philosophia Naturalis, post Verbum Dei, certissima Superstitionis medicina est; eademq; probatissimum Fidei alimentum. Itaque merito Religioni donatur tanquam fidissima Ancilla: cùm altera Voluntatem Dei, altera Potestatem manifestet. Nequē enim errauit ille qui dixit; Erratis, nescientes Scripturas, & Potestatem Dei: informationem de Voluntate, & meditationem de Potestate, nexu indiuiduo commiscens & copulans. Interim minus mirum est si Naturalis Philosophiae incrementa cohita sint; cum Religio, quæ plurimum apud animos hominum pollet, per quorundam imperitiam & zelum incatum in partem contrariam transierit, & abrepta fuerit.

XC.

RUFSUS in moribus & institutis Scholarum, Academicarum, Collegiorum, & similium Conuentuum, quæ doctorum hominum sedibus, & eruditio-
nis culturæ destinata sunt, omnia progressui Scientiarum aduersa inueniuntur. Lectiones enim & Exercitia ita sunt disposita, ut aliud à consuetis haud facile cuiquam in mentem veniat cogitare, aut contemplari. Si vero unus aut alter fortasse iudicij libertate vti sustinuerit, is sibi soli hanc operam imponere possit; ab aliorum autem consortio nihil capiet utilitatis. Sin & hoc

N

tolera-

tolerauerit, tamen in capessendâ fortunâ industria m
hanc & magnanimitatem sibi non leui impedimento
fore experietur. Studia enim hominum in eiusmodi lo-
cis in quorundam Authorum scripta, veluti in carce-
res, conclusa sunt; à quibus si quis dissentiat, continuo
ut homo turbidus, & rerum nouarum cupidus corripi-
tar. At magnum certè discrimen inter Res Ciuiiles,
& Artes: Non enim idem periculum à novo motu,
& à nouâ luce. Verum in rebus Ciilibus mutatio
etiam in melius suspecta est ob perturbationem; cum Ci-
uilia authoritate, consensu, famâ, & opinione, non
demonstratione nitantur. In Artibus autem & Scien-
tijs tanquam in metalli-fodinis omnia nouis Operibus &
ulterioribus progressibus circumstrepere debent. Atque
secundum rectam Rationem res ita se habet, sed inter-
rim non ita vivitur: sed ista, quam diximus, Doctrina-
rum administratio & Politia, Scientiarum augmenta
durius premere consuevit.

XCI.

ATque insuper licet ista inuidia cessauerit, tamen
satis est ad cohendum augmentum Scientiarum,
quod huiusmodi conatus & industriæ præmij careant.
Non enim penes eosdem est cultura Scientiarum, &
præmium. Scientiarum enim augmenta à mag-
nis utique Ingenijs proueniunt; at pretia & præ-
mia Scientiarum sunt penes Vulgus aut Principes vi-
ros, qui (nisi raro admodum) vix mediocriter docti
sunt. Quinetiam huiusmodi progressus non solum præ-
mij

mijs & beneficentiā hominum, verūm etiam ipsā populari laude destituti sunt. Sunt enim illi suprà capitum maximæ partis hominum, & ab opinionum vulgarium ventis facile obruuntur & extinguuntur. Itaque nil mirum si res illa non fœlicitè successerit, quia in honore non fuit.

XCI.

Sed longè maximum progressibus Scientiarum, & nouis pensis ac prouincijs in ijsdem suscipiendis obstatum, deprehenditur in desperatione hominum, & suppositione Impossibilis. Solent enim viri prudentes & seueri in huiusmodi rebus planè diffidere: Naturæ obscuritatem, Vitæ breuitatem, Sensuum fallacias, Iudicij infirmitatem, Experimentorum difficultates, & similia secum reputantes. Itaque existimant esse quosdam Scientiarum, per temporum & ætatum, Mundi reuolutiones, fluxus & refluxus; cum alijs temporibus crescant & florent, alijs declinent & iaceant: ita tamen, ut cum ad certum quendam gradum & statum peruererint, nil ulterius possint.

Itaque si quis maiora credat aut spondeat, id putant esse cuiusdam impotentis & immaturi animi; atque huiusmodi conatus, initia scilicet lata, media ardua, extrema confusa habere. Atque cum huiusmodi cogitationes eæ sint, quæ in viros graues & iudicio præstantes facile cadant; curandum reuerà est, nè rei optimæ & pulcherrimæ amore capti severitatem iudicij

relaxemus, aut minuamus; & sedulò videndum quid spei affulgeat, & ex quâ parte se ostendat; atque auris leuioribus spei reiectis, eæ quæ plus firmitudinis habere videntur, omnino discutiendæ sunt & pensitandæ. Quinetiam Prudentia Civilis ad consilium vocanda est & adhibenda, quæ ex præscripto diffidit, & de rebus humanis in deterius coniicit. Itaque iam & de Spe dicendum est; præsertim cùm nos promissores non simus, nec vim aut insidias hominum iudicijs faciamus aut struamus, sed homines manu & sponte ducamus. Atque licet longè potentissimum futurum sit remedium ad spem imprimendam, quando homines ad particula-
ria, præsertim in Tabulis nostris Tranueniendi digesta & disposita (quæ partim ad secundam, sed multò magis ad quartam Instauracionis nostræ partem pertinent) adducemus; cùm hoc ipsum sit non spes tantum, sed tan-
quam res ipsa: tamen ut omnia clementius fiant, per-
gendum est in instituto nostro de præparandis hominum-
mentibus; cuius Præparationis, ista ostensio Spei pars
est non exigua. Nam absque eâ, reliqua faciunt ma-
gis ad contristationem hominum, (scilicet, ut deterio-
rem & viliorem habeant de ijs, quæ iam in usu sunt, opi-
nionem, quam nunc habent; & suæ conditionis infortu-
nium plus sentiant & pernoscant) quam ad alacrita-
tem aliquam inducendam, aut industriam experiendi
acuendam. Itaque Coniecturæ nostræ, quæ spem in
hac re faciunt probabilem, aperiendæ sunt & proponendæ: sicut Columbus fecit, ante nauigationem
illam suam mirabilem maris Atlantici; cùm rationes ad-
duxer-

duxerit, cur ipse nouas Terras & Continentes, præter eas quæ antè cognitæ fuerunt, inueniri posse consideret: Quæ rationes licet primò reiectæ, postea tamen experimen-
to probatæ sunt, & rerum maximarum causæ & initia fuerunt.

XCIII.

PRINCIPIUM autem sumendum à Deo: Hoc nimi-
rūm quod agitur, propter excellentem in ipso Boni
naturam, manifestè à Deo esse; qui Author Boni, &
Pater luminum est. In operationibus autem diuinis,
initia quæque tenuissima exitum certo trahunt. At-
que quod de Spiritualibus dictum est, Regnum Dei
non venit cum obseruatione; id etiam in omni ma-
iore Opere Prudentiæ diuinæ euenire reperitur: ut
omnia sine strepitu & sonitu placide labantur; atque
res planè agatur, priusquam homines eam agi putent
aut aduertant. Neque omittenda est Prophetia
Danielis de ultimis Mundi temporibus; Multi per-
transibunt, & multiplex erit scientia: Mani-
festè innuens & significans, esse in Fatis, id est, in
Prudentiâ, ut pertransitus Mundi (qui per tot
longinquas nauigationes impletus planè, aut iam in ope-
re esse videtur) & augmenta Scientiarum in eandem
ætatem incident.

Sequi-

XCIV.

Sequitur ratio omnium maxima ad faciendam spem, nempè ex erroribus temporis præteriti, & viarum adhuc tentatarum. Optima enim est ea reprehensio, quam de Statu Ciuiti haud prudenter administrato quispiam his verbis complexus est : Quod ad præterita pessimum est, id ad futura optimum videri debet. Si enim vos omnia, quæ ad officium vestrum spectant, præstitissetis, neque tamen res vestræ in meliore loco essent ; ne spes quidem vlla reliqua foret, eas in melius prouehi posse. Sed cum rerum vestrarum status, non à vi ipsâ rerum, sed ab erroribus vestris malè se habeat ; sperandum est, illis erroribus missis aut correctis, magnam rerum in melius mutationem fieri posse. Simili modo, si homines per tanta annorum spatia viam veram inueniendi & colendi Scientias tenuissent, nec tamen ulterius progredi potuissent ; audax proculdubio & temeraria foret opinio, posse rem in ulterius prouehi. Quod si in via ipsâ erratum sit, atque hominum opera in ijs consumpta in quibus minime oportebat ; sequitur ex eo, non in Rebus ipsis difficultatem oriri, quæ potestatis nostræ non sunt ; sed in Intellectu humano, eiusq; vsu & applicatione ; quæ res remedium & medicinam suscipit. Itaque optimum fuerit illos ipsos errores proponere : Quot enim fuerint errorum impedimenta in præterito, tot sunt spei argumenta in futurum. Ea verò licet in his quæ superius dicta sunt, non intacta omnino fuerint ; tamen ea etiam

nunc

nunc breuitèr , verbis nudis ac simplicibus repræsentare visum est.

XCV.

Qui tractauerunt Scientias , aut Empirici , aus
Dogmatici fuerunt. Empirici , formicæ more ,
congerunt tantùm & viuntur : Rationales , aranea-
rum more , telas ex se conficiunt : Apis verò ratio media
est , quæ materiam ex floribus horti & agri elicit ; sed
tamen eam propriâ facultate vertit & digerit . Ne-
que absimile Philosophiæ verum opificium est ; quod nec
Mentis viribus tantùm aut præcipue nütitur , neque
ex Historia Naturali & Mechanicis Experimen-
tis præbitam materiam , in Memoria integrum , sed
in Intellectu mutatam & subiectam reponit . Itaque
ex harum facultatum (Experimentalis scilicet , &
Rationalis) ardiore & sanctiore fœdere (quod adhuc
factum non est) benè sperandum est .

XCVI.

Naturalis Philosophia adhuc syncera non inueni-
tur , sed infecta & corrupta : In Aristotelis
scholâ , per Logicam ; in Platonis scholâ , per Theolo-
giam naturalem ; in secundâ scholâ Platonis , Procli ,
& aliorum , per Mathematicam ; quæ Philosophi-
am naturalem terminare , non generare aut procreare
debet . At ex Philosophiâ naturali purâ & impermi-
stâ , meliora speranda sunt .

Nemo

XCVII.

Nemo adhuc tantâ mentis constantiâ & rigore inuentus est, ut decreuerit & sibi imposuerit, Theorias & Notiones communes penitus abolere, & Intellectum ab rasum & aequum ad particularia de integro applicare. Itaque Ratio illa humana quam habemus, ex multâ fide, & multo etiam casu; nec non ex puerilibus, quas primò hauisimus, Notionibus, farriago quædam est & congeries.

Quod si quis ætate maturâ, & sensibus integris, & mente repurgatâ, se ad Experientiam & ad Particularia de integro applicet, de eo melius sperandum est. Atque hac in parte nobis spodemus fortunam Alexandri Magni: neque quis nos vanitatis arguat, antequam exitum rei audiat, quæ ad exuendam omnem vanitatem spectat.

Etenim de Alexandro & eius rebus gestis Æschines ita loquitus est: Nos certè vitam mortalem non viuimus; sed in hoc nati sumus, ut posteritas de nobis portenta narret & prædicet: perinde ac si Alexandri res gestas pro miraculo habuisset.

At æuis sequentibus Titus Liuius melius rem aduerdit & introspexit, atq; de Alexandro huiusmodi quippiam dixit: Eum non aliud quâm benè ausum vanâ contemnere. Atque simile etiam de nobis iudicium futuris temporibus factum iri existimamus: Nos nil magni fecisse; sed tantum ea quæ pro magnis habentur, minoris fecisse. Sed interim (quod iam diximus)

diximus) non est spes nisi in Regeneratione Scientiarum; ut eae scilicet ab Experiencia certo ordine excitantur & rursus condantur: quod adhuc factum esse aut cogitatum, nemo (ut arbitramur) affirmauerit.

XCVIII.

ATque Experiencia fundamenta (quando ad hanc omnino deueniendum est) aut nulla, aut admodum infirma adhuc fuerunt; nec Particularium sylua & materies, vel numero, vel genere, vel certitudine, informando Intellectui competens, autullo modo sufficiens adhuc quaesita est & congesta. Sed contra homines Docti (supini sane & faciles) rumores quosdam Experiencia, & quasi famas & auras eius ad Philosophiam suam vel constituendam vel confirmandam exceperunt, atque illis nihilominus pondus legitimi testimonij attribuerunt. Ac veluti si Regnum aliquod aut Statuus non ex literis & relationibus à Legatis & Nuntijs fide-dignis missis, sed ex Urbanorum sermunculis & ex triuijs consilia sua & negotia gubernaret; omnino talis in Philosophiam administratio, quatenus ad Experienciam, introducta est. Nil debitum modis exquisitum, nil verificatum, nil numeratum, nil appensum, nil dimensum in Naturali Historia reperitur. At quod in obseruatione indefinitum & vagum, id in informatione fallax & infidum est. Quod si cui haec mira dictu videantur, & querelæ minus iustæ propiora, cum Aristoteles tantus ipse vir, & tanti Regis opibus subnixus, tam accuratam de Animali-

bus Historiam confecerit; atque alij nonnulli maiore diligentia (licet strepitu minore) multa adiecerint; & rursus alij de Plantis, de Metallis, & Fossilibus, historias & narrationes copiosas conscripserint; is sanè non satis attendere & perspicere videtur, quid agatur in præsentia. Alia enim est ratio Naturalis Historiæ, quæ propter se confecta est; alia eius, quæ collecta est ad informandum Intellectum in ordine ad condendam Philosophiam. Atque haec duæ Historiæ tūm alijs rebus, tūm præcipue in hoc differunt; quod prima ex illis specierum naturalium varietatem, non Artium Mechanicarum Experimenta contineat. Quemadmodum enim in Civilibus ingenium cuiusque, & occultus animi affectuumque sensus melius elicetur, cūm quis in perturbatione ponitur, quam alias: Simili modo, & occulta Naturæ magis se produnt per vexationes Artium, quam cum cursu suo meant. Itaque tum demum benè sperandum est de Naturali Philosophia, postquam Historia Naturalis (quæ eius basis est & fundamen-
tum) melius instructa fuerit: antea verò minimè.

XCIX.

ATQUE rursus in ipsâ Experimentorum Mechanicorum copiâ, summa eorum quæ ad Intellectus informationem maximè faciunt, & iuvant, detegi-
tur inopia. Mechanicus enim de veritatis inquisi-
tione nullo modo sollicitus, non ad alia, quam quæ operi
suo subseruiunt, aut animum erigit, aut manum porri-
git. Tum verò de Scientiarum ulteriore progressa
Spes

Spes bene fundabitur, quām in Historiam Naturalem recipientur & aggregabuntur complura Experimenta, quae in se nullius sunt usus, sed ad inuentionem causarum & Axiomatum tantum faciunt; quae nos Lucifera Experimenta, ad differentiam Fructiferorum, appellare consueuimus. Illa autem miram habent in se virtutem & conditionem; hanc videlicet, quod nunquam fallant, aut frustrentur. Cum enim ad hoc adhibeantur, non ut opus aliquod efficiant, sed ut causam naturalem in aliquo reuelent, quaqua-versum cadunt, intentioni æquè satisfaciunt, cum quæstionem terminent.

C.

AT non solum copia maior Experimentorum quærenda est & procuranda; atque etiam alterius generis, quam adhuc factum est; sed etiam Methodus planè alia, & Ordo, & Processus, continuandæ & prouehendæ Experientiæ, introducenda. Vaga enim Experientia, & se tantum sequens, (ut superius dictum est) mera palpatio est, & homines potius stupefacit, quam informat. At cum Experientia lege certâ procedet, seriatim & continentè; de Scientijs aliquid melius sperari poterit.

C. I.

POstquam vero Copia & Materies Historiæ Naturalis & Experientiæ talis, qualis ad opus

Intellectus, sive ad opus Philosophicum requiritur, præstò iam sit & parata; tamen nullo modo sufficit Intellectus, ut in illam Materiem agat sponte & memoriter; non magis, quam si quis Computationem alicuius Ephemeridis memoriter se tenere, & superare posse speret. Atque hactenùs tamen potiores Meditationis partes, quam Scriptionis in inueniendo fuerunt; neque adbuc Experientia literata facta est: Atqui nulla nisi de Scripto inuentio probanda est. Illa verò in usum veniente, ab Experienciâ factâ demùm literatâ, melius sperandum.

CII.

ATque insuper, cùm tantus sit particularium numerus, & quasi exercitus, isque ita sparsus & diffusus, ut Intellectum disgreget & confundat; de velitationibus, & leuibus Motibus, & transcurribus Intellectus, non benè sperandum est; nisi fiat instratio & coordinatio per tabulas inueniendi idoneas, & benè dispositas, & tanquam vias, eorum quæ pertinent ad subiectum in quo versatur inquisitio, atque ad harum tabularum auxilia præparata & digesta. Mens applicetur.

CIII.

VErùm post Copiam particularium, ritè & ordine, veluti sub oculos positorum, non statim transeundum est ad Inquisitionem, & inventionem nouorum particularium, aut operum; aut saltè, si hoc fiat, in eo non acquiescendum. Neque enim negamus, postquam

quām omnia omnium Artium Experimenta collecta & digesta fuerint, atque ad unius hominis notitiam & iudicium peruererint; quin ex ipsâ traductione Experimentorum unius Artis in alias, multa noua inueniri possint, ad humanam vitam & statum utilia, per istam Experientiam quam vecamus Literatam; sed tamen minora de ea speranda sunt; Maiora vero à nouâ luce Axiomatum, ex particularibus illis certâ viâ & regulâ eductorum, quæ rursus noua particularia indicent & designent. Neque enim in plano via sita est, sed ascendendo, & descendendo; Ascendendo primò ad Axiomata, Descendendo ad Opera.

CIV.

Neque tamen permittendum est, ut Intellectus à particularibus, ad Axiomata remota, & quasi generalissima (qualia sunt Principia (quæ vocant) Artium, & Rerum) saliat, & volet; & ad eorum immotam veritatem Axiomata media probet, & expeditat: quod adhuc factum est, prono ad hoc impetu naturali Intellectus, atque etiā ad hoc ipsum, per Demonstrationes quæ sunt per Syllogismum, iampridem edoco & assuefacto. Sed de Scientijs tum demùm benē sperandum est, quando per Scalam veram, & per gradus continuos, & non intermissos, aut hiulcos, à particularibus ascendetur ad Axiomata minora, & deinde ad media, alia alijs superiora, & postremò demùm ad generalissima. Etenim Axiomata infima non multū ab Experiencia nudā discrepant. Su-

prema

prema verò illa, & generalissima (quæ habentur) notionalia sunt, & abstracta, & nil habent solidi. At media sunt Axiomata illa vera, & solida, & viua, in quibus humanæ res, & fortunæ, sitæ sunt; & supra hæc quoque, tandem ipsa illa generalissima; talia scilicet, quæ non abstracta sint, sed per hæc media verè limitantur.

*I*taque hominum Intellectui non plumæ addenda, sed plumbum potius, & pondera; ut coibent omnem saltum & volatum. Atque hoc adhuc factum non est; Quum verò factum fuerit, melius de Scientijs sperare licebit.

C V.

IN constituendo autem Axiomate, forma Inductionis alia quam adhuc in usu fuit, excogitanda est; eaque non ad Principia tantum (quæ vocant) probanda & inuenienda, sed etiam ad Axiomata minora, & media, denique omnia. Inductio enim quæ procedit per enumerationem simplicem, res puerilis est, & precariò concludit, & periculo exponitur ab instantiâ contradictoriâ, & plerumquæ secundum pauciora quam par est, & ex his tantummodo quæ præstò sunt, pronunciat. At Inductio, quæ ad inuentionem & demonstrationem Scientiarum & Artium erit utilis, Naturam separare debet, per reiectiones & exclusiones debitas; ac deinde post negatiuas tot quot sufficiunt, super affirmatiuas concludere; quod adhuc factum non est, nec tentatum certè, nisi tantummodo à Platone, qui ad exutiendas definitiones & idæas, hæc certè formâ Inductionis

Inductionis aliquatenus vitetur. Verum ad huius Inductionis, sive Demonstrationis instructionem bonam & legitimam, quamplurima adhibenda sunt, quae adhuc nullius mortalium cogitationem subiere; adeo ut in ea maior sit consumenda opera, quam adhuc consumpta est in Syllogismo. Atque huius Inductionis auxilio, non solum ad Axiomata inuenienda, verum etiam ad Notiones terminandas, utendum est. Atque in hac certe Inductione, spes maxima sita est.

CVI.

AT in Axiomatibus constituendis per hanc Inductionem, examinatio & probatio etiam facienda est; utrum quod constituitur Axioma aptatum sit tantum, & ad mensuram factum eorum particularium ex quibus extrahitur; an vero sit amplius, & latius. Quod si sit amplius, aut latius, videndum an eam suam amplitudinem & latitudinem, per nouorum particularium designationem, quasi fide-iussione quedam firmet; ne vel in iam notis tantum bareamus, vel laxiore fortasse complexu, umbras & formas abstractas, non solida & determinata in materia, preseimus. Hec vero cum in usum venerint, solida tum demum spes merito affulserit.

CVII.

ATque hic etiam resumendum est, quod superius dictum est de Naturali Philosophia producta, & Scientijs

Scientijs particularibus ad eam reductis, ut non fiat scissio & truncatio Scientiarum; Nam etiam absque hoc, minus de progressu sperandum est.

CVIII.

ATque de desperatione tollendâ, & spe facienda, ex præteriti temporis erroribus valere iussis, aut rectificatis, iam dictum est. Videndum autem & si quæ alia sint, quæ spem faciant. Illud verò occurrit; si hominibus non querentibus, & aliud agentibus, multa utilia, tanquam casu quodam, aut per occasionem, inuenta sint; nemini dubium esse posse, quin ijsdem querentibus, & hoc agentibus, idq; viâ & ordine, non impetu & desultoriè, longè plura detegi necesse sit. Licet enim semel, aut iterum accidere possit, ut quispiam in id fortè fortunâ incidat, quod magno conatu, & de industria scrutantem, anteâ fugit; tamen insunnum rerum, proculdubio contrarium invenitur. Itaque longè plura, & meliora, atque per minora interualla, à ratione & industria, & directione, & intentione hominum, speranda sunt, quam à casu, & instinctu animalium, & huiusmodi, quæ hactenus principium Inuentis dederunt.

CIX.

ETiam illud ad spem trahi possit, quod nonnulla ex his quæ iam inuenta sunt, eius sunt generis, ut antequam inuenirentur, haud facile cuiquam in mente

tem venisset, de ijs aliquid suspicari, sed planè quis illa ut impossibilia contempisset. Solent enim homines de rebus nouis, ad exemplum veterum, & secundum phantasiam ex ijs præceptam, & inquinatam, bariolari; quod genus opinandi fallacissimum est, quandoquidem multa ex his quæ ex fontibus rerum petuntur, per riuitos consuetos non fluant.

Veluti si quis ante tormentorum igneorum inventionem, rem per effectus descripsisset, atque in hunc modum dixisset; Inuentum quoddam detectum esse, per quod muri, & munitiones quæque maximæ, ex longo interuallo concuti, & deici possint, homines sane de viribus tormentorum & machinarum, per pondera, & rotas, & huiusmodi arietationes, & impulsus multiplicandis, multa & varia secum cogiaturi fuissent. De vento autem igneo, tam subito & violenter se expandente, & exsufflante, vix unquam aliquid alicuius imaginationi, aut phantasie occursurum fuisset; ut potè cum exemplum in proximo non vidisset, nisi forte in terræ motu, aut fulmine, quæ ut Magnalia Naturæ, & non imitabilia ab homine, homines statim reiecturi fuissent.

Eodem modo, si ante filii bombycini inventionem, quispiam huiusmodi sermonem iniecisset; Esse quoddam fili genus Inuentum, ad vestium & suppledilis usum quod filum linteum aut laneum, tenuitate, & nihilominus tenacitate, ac etiam splendore, & mollitie longe superaret; homines statim aut de serico aliquo vegetabili, aut de animalis alicuius pilis delicioribus, aut de avium plumis, & lanugine, aliquid opinaturi fuissent;

verūm de vermis pusilli texturā, eaq; tam copiosa, & se
renouante, & anniversariā, nil fuissent certe commen-
turi. Quod si quis etiam de vermi verbum aliquod in-
ieciisset, ludibrio certe futurus fuisset, ut qui nouas
Aranearum operas somniaret.

Similiter, si ante inuentionem Acūs Nauticæ,
quispiam huiusmodi sermonem intulisset; Inuentum esse
quoddam instrumentum, per quod Cardines, & puncta
Cœli, exactè capi & dignosci possint, homines statim, de
magis exquisitâ fabricatione instrumentorum Astrono-
micorum, ad multa & varia, per agitationem phanta-
siæ, discursuri fuissent; quod vero aliquid inueniri possit,
cuius motus cùm cœlestibus tam bene conueniret, atque
ipsum tamen ex cœlestibus non esset, sed tantum substan-
tia lapidea, aut metallica; omnino incredibile visum fu-
isset. Atque hæc tamen, & similia, per tot mundi ætates,
homines latuerunt, nec per Philosophiam, aut Artes
rationales inuenta sunt, sed casu, & per occasionem; sunt q;
illius (ut diximus) generis, ut ab ijs quæ antea cognita
fuerunt, planè heterogenea, & remotissima sint, ut præ-
notio aliqua nibil prorsus ad illa conducere potuisset.

Itaque sperandum omnino est, esse adhuc in Naturæ
sinu, multa excellentis usus recondita, quæ nullam cum
iam Inuentis cognitionem habent, aut parallelismum;
sed omnino sita sunt extra vias phantasie, quæ tamen
adhuc inuenta non sunt; quæ proculdubio per multis
sæculorum circuitus & ambages, & ipsa quandoquæ
prodibunt, sicut illa superiora prodierunt; sed per viam
quam nunc tractamus, properè, & subito, & simul re-
presentari, & anticipari possunt.

Atta-

CX.

AT tamen conficiuntur & alia Inuenta eius genesis, quæ fidem faciant, posse genus humanum nobilia Inuenta, etiam ante pedes posita, præterire, & transfilire. Ut cunquè enim Pulueris tormentarij, vel fili bombycini, vel Acus nauticæ, vel Sacchari, vel Papryi, vel similiūm Inuenta, quibusdam rerum & Naturæ proprietatibus niti videantur, at certè Imprimendi artificium nil habet, quod non sit apertum, & ferè obuium. Et nihilominus homines non aduertentes literarum modulos difficilius scilicet collocari, quam literæ per Motum manū scribantur; sed hoc interesse, quod literarum moduli semel collocati, infinitis impressionibus, literæ autem per manum exaratæ, unicae tantum scriptio sufficiant; aut fortasse iterum non aduertentes, atramentum ita inspissari posse, ut tingat, non fluat; præsertim literis resupinatis, & impressione factâ desuper: hoc pulcherrimo Inuento (quod ad Doctrinarum propagationem tantum facit) per tot sacula caruerunt.

Solet autem Mens humana, in hoc Inventionis curriculo, tam læua sæpenumerò & malè composita esse, ut primò diffidat, & paulò post se contemnat; atque primò incredibile ei videatur, aliquid tale inueniri posse; postquam autem inuentum sit, incredibile rursus videatur, id homines tamdiu fugere potuisse. Atque hoc ipsum ad spem ritè trahitur; superesse nimirum ad huc magnum Inuentorum cumulum, qui non solùm ex

operationibus incognitis eruendis, sed & ex iam cognitis transferendis, & componendis, & applicandis, per eam quam diximus Experientiam literatam deduci possit.

C XI.

Neque illud omittendum ad faciendam Spem; Reputent (si placet) homines, infinitas ingenij, temporis, facultatum expensas, quas homines in rebus, & studijs longè minoris usus & pretij, collocant; quorum pars quota, si ad sana & solida verteretur, nulla non difficultas superari possit. Quod idcirco adiungere visum est, quia planè fatemur Historiae Naturalis & Experimentalis collectionem, qualem animo metimur, & qualis esse debet, opus esse magnum, & quasi Regium, & multæ operæ atquè impensa.

C XII.

In terim particularium multitudinem nemo refor midet, quin potius hoc ipsum ad spem reuocet. Sunt enim Artium & Naturæ particularia Phænomena, Manipuli instar, ad ingenij Commenta, postquam ab evidentiâ rerum disuncta & abstracta fuerint. Atquè huius viæ, exitus in aperto est, & ferè in propinquo; Alterius, exitus nullus, sed implicatio infinita. Homines enim adhuc paruam in Experienciam moram fecerunt, & eam leuitè perstrinxerunt, sed in meditationibus & commentationibus ingenij, infinitum tempus

tempus contriuerunt. Apud nos verò si esset præstò quissiam, qui de facto Naturæ ad interrogatarespon-deret, paucorum annorum esset fñuentio Causarum, & Scientiarum omnium.

CXIII.

ETIAM non nihil hominibus spei fieri posse putamus ab exemplo nostro proprio; nequè iactantiæ causâ hoc dicimus, sed quòd utile dictu sit. Si qui diffidant, me videant, hominem inter homines ætatis meæ, Ciui-libus negotijs occupatissimum, nec firmâ admodùm va-letudine (quod magnum habet temporis dispendium) atque in hâc re planè Protopirum, & vestigia nullius sequutum, nequè hæc ipsa cum ullo mortalium communicantem; & tamen veram viam constantè in-gressum, & ingenium rebus submittentem, hæc ipsa aliquatenus (ut existimamus) prouexisse: Et deinceps videant, quid ab hominibus otio abundantibus, atquè à laboribus consociatis, atque à temporum successione, post hæc indicia nostra expectandum sit; præsertim in via, quæ non singulis solummodo peruia est, (ut sit in via illâ rationali) sed ubi hominum labores & operæ (præsertim quantum ad Experienciæ Collectam) op-timè distribui, & deinde componi possint. Tum enim homines vires suas nosse incipient, cùm non eadem infi-niti, sed alia alij præstabunt.

CXIV.

POstremò, etiam si multò infirmior & obscurior au-ra Spei ab istâ nouâ Continente spirauerit; ta-men

men omnino experientum esse (nisi velimus animi esse planè abiecti) statuimus. Non enim res pari periculo non tentatur, & non succedit; cùm in illo, ingentis boni; in hoc, exiguae humanæ operæ iactura vertatur. Verum ex dictis, atque etiam ex non dictis, visum est nobis spei abundè subesse, non tantum homini strenuo ad experientum, sed etiam prudenti & sobrio ad credendum.

CXV.

ATquè de desperatione tollendâ, quæ inter Causas potentissimas ad progressum Scientiarum remorandum & inhibendum fuit, iam dictum est: Atquè simûl sermo de Signis & Causis Errorum, & inertiae, & ignorantiae quæ inualuit, absolutus est; præsertim cùm subtiliores causæ, & quæ in iudicium populare, aut obseruationem non incurruunt, ad ea quæ de Idolis animi humani dicta sunt, referri debeant.

Atquè hic simûl pars destruens Instaurationis nostræ claudi debet, quæ perficitur tribus Redargutionibus; Redargutione nimirūm Humanæ Rationis Natiuæ, & sibi permisæ; Redargutione Demonstrationum; & Redargutione Theoriarum, sive Philosophiarum, & Doctrinarum, quæ receptæ sunt. Redargutio verò earum talis fuit, qualis esse potuit; videlicet per signa, & Evidentiam Causarum; cùm confutatio alia nulla à nobis (qui & de Principijs, & de Demonstrationibus, ab alijs dissentimus) adhiberi potuerit.

Quocircà tempus est, ut ad ipsam Artem & Normam

Normam Interpretandi Naturam veniamus; & tamen nonnihil restat, quod praeuertendum est. Quum enim in hoc primo Aphorismorum libro illud nobis propositum sit, ut tam ad intelligendum, quam ad recipiendum ea quae sequuntur, Mentes hominum præparentur; Expurgata iam, & abrasa, & equata Menti Area, sequitur ut Mens sistatur in positione bona, & tanquam Aſpedu beneuolo, ad ea quae proponemus. Valeat enim in re noua ad præiudicium, non ſalutem præoccupatio ſortis opinionis veteris, ſed & præceptio ſive præfiguratio falſa, rei quae affertur. Itaq; conabimur efficere, ut habeantur bona, & veræ, de ijs quae adducimus, opiniones, licet ad tempus tantummodo, & tanquam usurariæ, donec res ipſa pernoſatur.

CXV.I.

Primo itaque postulandum videtur, ne existiment homines nos more Antiquorum Græcorum, aut quorundam nouorum hominum, Telesij, Patricij, Seuerini, ſectam aliquam in Philosophia condere velle; Neque enim hoc agimus, neque etiam multum intereffe putamus, ad hominum fortunas, quales quis opiniones abstractas de Naturâ & rerum Principijs habeat: Neque dubium eſt, quin multa huiusmodi, & vetera reuocari, & noua introduci poſſint; quemadmodum & complura Themata Cœli ſupponi poſſunt, quæ cum Phænomenis ſat bene conueniunt, inter ſe tamen diſſentient.

At nos de huiusmodi rebus opinabilibus, & simul inutilibus, non laboramus. At contrà nobis constitutum est experiri, an reuerâ potentiae & amplitudinis humanae firmiora fundamenta iacere, ac fines in latius proferre possimus. Atque licet sparsim, & in aliquibus subiectis specialibus, longè veriora habemus, & certiora (ut arbitramur) atque etiam magis fructuosa, quam quibus homines adhuc utuntur, (quæ in quintam Instauracionis nostræ partem congesimus) tamen Theoriam nullam uniuersalem, ad integrum proponimus. Neque enim huic rei tempus adhuc adesse videtur. Quin nec spem habemus vitæ producendæ, ad sextam Instauracionis partem (quæ Philosophiæ, per legitimam Naturæ interpretationem, inuentæ, destinata est) absoluendam; sed satius habemus, si in Medijs sobrie & utiliter nos geramus; atque interim semina Veritatis sincerioris in posteros spargamus, atque initijs rerum magnarum non defimus.

ATQUE quemadmodum Sectæ Conditores non sumus; ita nec operum particularium Largitores, aut Promissores. Attamen possest aliquis hoc modo occurrere; quod nos, qui tam sœpè Operum mentionem faciamus, & omnia eò trahamus; etiam Operum aliquorum pignora exhibeamus. Verum via nostra, & ratio (ut sœpè perspicue diximus, & adhuc dicere iuuat) ea est; vt non Opera ex Operibus, sive Experiēta ex Experi-

mentis.

rimentis, (ut Empirici) sed ex operibus & Experimentis Causas & Axiomata, atque ex Causis & Axiomatibus, rursus noua Opera & Experimenta (ut legitimi Naturae Interpretes) extrahamus.

Atque licet in Tabulis nostris inueniendi (ex quibus quarta pars Instauracionis consistit) atque etiam exemplis particularium (quas in secundâ parte adduximus) atque insuper in obseruationibus nostris super Historiam (quæ in tertia parte Operis descripta est) quiuis vel mediocris perspicaciae & solertiae, complurium operum nobilium indicationes, & designationes ubique notabit; ingenuè tamen fatemur, Historiam Naturalem, quam adhuc habemus, aut ex libris, aut ex inquisitione propriâ, non tam copiosam esse & verificaram, ut legitimæ Interpretationi satisfacere, aut ministrare possit.

Itaque si quis ad Mechanica sit magis aptus, & paratus, atque sagax ad venanda opera, ex conuersatione solâ cum Experimentis, ei permittimus & relinquimus illam industriad, ut ex Historia nostrâ, & Tabulis, multa tanquam in viâ decerpatur, & applicetur ad Opera, ac veluti fenus recipiat ad tempus, donec sors haberi possit. Nos vero, cum ad maiora contendamus, moram omnem præproperam & præmaturam in istiusmodi rebus, tanquam Atalantæ pilas (ut saepius solemus dicere) damnamus. Neque enim aurea poma pueriliter affectamus, sed omnia in victoriâ cursus Artis super Naturam ponimus; neque muscum, aut segetem herbidam demetere festinamus, sed messem tempestivam expectamus.

CXVIII.

Occurret etiam alicui proculdubio, postquam ipsam Historiam nostram, & Inventionis Tabulas perlegerit, aliquid in ipsis Experimentis minus certum, vel omnino falsum; atque propterea secum fortasse reputabit, fundamentis & Principijs falsis, & dubijs, fñuenta nostra niti. Verum hoc nihil est; necesse enim est, talia sub initijs euenire. Simile enim est, ac si in scriptione aut impressione, una forte litera aut altera, perperam posita aut collocata sit; id enim legentem non multum impedire solet, quandoquidem errata ab ipso sensu facile corrigitur: Ita etiam cogitent homines multa in Historia Naturali Experimenta falso credi & recipi posse; quæ paulo post à Causis & Axiomatibus Inuentis facile expunguntur, & reiciuntur. Sed tamen verum est, si in Historia Naturali, & Experimentis, magna, & crebra, & continua fuerint errata, illa nullâ ingenij aut Artis fœlicitate corrigi aut emendari posse. Itaque si in Historia nostrâ Naturali, quæ tantâ diligentia, & seueritate, & ferè religione probata & collecta est, aliquid in particularibus quandoque subsit falsitatis, aut erroris; quid tandem de Naturali Historia vulgari, quæ præ nostrâ tam negligens est, & facilis, dicendum erit? aut de Philosophia & Scientijs super huiusmodi arenas (vel Syrtes potius) ædificatis? Itaque hoc quod diximus, neminem moueat.

Occur-

C X I X .

Occurrent etiam in Historiâ nostrâ & Experi-
mentis plurimæ res; primò leues & vulgatæ, de-
inde viles & illiberales, postremò nimis subtile ac merè
speculatiuæ, & quasi nullius usus: Quod genus rerum,
hominum studia auertere & alienare possit.

Atque de istis rebus, quæ videntur vulgatæ, illud
homines cogitent; solere sane eos adhuc nihil aliud
agere, quam ut eorum, quæ rara sunt, causas ad ea,
quæ frequentè sunt, referant & accommodent: At ip-
sorum, quæ frequentè eueniunt, nullas causas inquirant,
sed ea ipsa recipiant tanquam concessa & admissa.

Itaque non Ponderis, non Rotationis Cœlestium,
non Caloris, non Frigoris, non Luminis, non Duri, non
Mollis, non Tenuis, non Densi, non Liquidi, non
Consistens, non Animati, non Inanimati, non Simi-
laris, non Dissimilares, nec demum Organici causas
querunt; sed illis, tanquam pro euidentibus & mani-
festis, receptis; de cæteris rebus, quæ non tam frequen-
ter & familiariter occurrunt, disputant & iudicant.

Nos vero, qui satis scimus nullum de rebus rarib[us] aut
notabilibus iudicium fieri posse, multò minus res nouas
in lucem protrahi, absque vulgarium rerum causis, &
causarum causis ritè examinatis & repertis; necessariò
ad res vulgarissimas in Historiam nostram recipiendas
compellimur. Quinetiam nil magis Philosophiæ offe-
cisse deprehendimus, quam quod res, quæ familiares
sunt & frequentè occurrunt, contemplationem homi-
num non morentur & detineant, sed recipiantur obiter,

neque earum causæ quæri soleant: ut non sæpius requiratur Informatio de rebus ignotis, quam Attentio in notis.

CXX.

Quod verò ad rerum Vilitatem attinet, vel etiam Turpitudinem, quibus (ut ait Plinius) bonos præfandus est; eæ res, non minus quam lautiissimæ & pretiosissimæ, in Historiam Naturalem recipiendæ sunt. Neque propterea polluitur Naturalis Historia: Sol enim æquè palatia & cloacas ingreditur, neque tamen polluitur. Nos autem non Capitolum aliquod aut Pyramidem hominum superbiae dedicamus aut condimus, sed Templum sanctum ad exemplar Mundi in intellectu humano fundamus. Itaque exemplar sequimur. Nam quicquid Essentiæ dignum est, id etiam Scientiæ dignum; quæ est essentiæ imago. At vilia æquè subsistunt ac lauta. Quinetiam, ut è quibusdam putridis materijs, veluti Musco & Zibetho, aliquando optimi odores generantur; ita & ab instantijs vilibus & sordidis, quandoquæ eximia lux & informatio emanat. Verùm de hoc nimis multa; cùm hoc genus fastidij sit planè puerile & effæminatum.

CXXI.

At de illo omnino magis accurate dispiciendum; Quod plurima in Historiâ nostrâ captui vulgari, aut etiam cuius intellectui (rebus præsentibus assuefacto)

facto) videbuntur curiosæ cuiusdam & inutilis subtilitatis. Itaque de hoc ante omnia & dictum & dicendum est: *Hoc scilicet; Nos iam sub initijs & ad tempus, tantum lucifera Experimenta, non fructifera quærere; ad exemplum Creationis diuinæ, quod sæpius diximus, quæ primo die lucem tantum produxit, eique soli unum integrum diem attribuit, neque illo die quicquam materiati operis immiscuit.*

Itaque si quis istiusmodi res nullius esse usus putet, idem cogitat ac si nullum etiam Lucis esse usum censeat, quia res scilicet solida aut materiata non sit. Atque reuerà dicendum est, Simplicium Naturarum cognitionem bene examinatam & definitam instar Lucis esse; quæ ad vniuersa Operum penetralia adiutum præbet, atque tota agmina Operum turmas, & Axiomatum nobilissimorum fontes potestate quadam compleditur & post se trahit; in se tamen non ita magnus usus est. Quin & Literarum elementa per se & separatim nihil significant, nec alicuius usus sunt, sed tamen ad omnis sermonis compositionem & apparatum instar Materiæ primæ sunt. Etiam semina rerum potestate valida, usu (nisi in processu suo) nihil sunt. Atque lucis ipsius radij dispersi, nisi coëant, beneficium suum non impertiuntur.

Quòd si quis Subtilitatibus speculatiuis offendatur; quid de Scholasticis viris dicendum erit, qui subtilitatibus immensum indulserunt? Quæ tamen Subtilitates in verbis, aut saltē vulgaribus notionibus, (quod tandem valet) non in rebus aut Naturā consumptæ fuerunt; atque utilitatis expertes erant, non tantum in Ori-

in Origine, sed etiam in Consequentijs: Tales autem non fuerunt, ut haberent in præsens utilitatem nullam, sed per consequens infinitam; quales sunt eæ de quibus loquimur. Hoc verò sciant homines pro certo, omnem Subtilitatem disputationum & discursuum Menti, si adhuc beatur tantum post Axiomata inuenta, seram esse & præpostera: & Subtilatis tempus verum ac proprium, aut saltēm præcipuum versari in penitandā Experientiā, & indè constituendis Axiomatibus: Nam illa altera Subtilitas Naturam prensat & captat, sed nunquam apprehendit aut capit. Et verissimum certè est, quod de Occasione sive Fortunā dici solet, si transferatur ad Naturam: videlicet, eam à fronte comitam, ab occipitio caluam esse.

Denique de contemptu in Naturali Historiā rerum aut Vulgarium, aut Vilium, aut nimis Subtilium, & in originibus suis inutilium, illa vox Mulierculæ ad tumidum Principem, qui petitionem eius, ut rem indignam, & Maiestate suā inferiorem abiecisset, pro oraculo sit; Desine ergo Rex esse: Quia certissimum est, imperium in Naturam, si quis huiusmodi rebus ut nimis exilibus & minutis vacare nolit, nec obtineri nec geri posse.

CXXII.

Occurrit etiam & illud mirabile quiddam esse & durum, quod nos omnes Scientias atque omnes Autores simul ac veluti uno idu & impetu summo- ueamus: idquè non assumptione aliquo ex Antiquis in auxilium & præsidium nostrum, sed quasi viribus proprijs. Nos

Nos autem scimus, si minus sincera fide agere voluissimus, non difficile fuisse nobis, ista, quae afferuntur, vel ad antiqua sacula ante Græcorum tempora, (cum Scientiæ de Naturâ magis fortasse, sed tamen maiore cum silentio floruerint; neque in Græcorum tubas & fistulas adhuc incidissent) vel etiam (per partes certè) ad aliquos ex Græcis ipsis referre, atque astipulationem & honorem inde petere: more nouorum hominum, qui nobilitatem sibi ex antiquâ aliquâ præsapiâ, per genealogiarum fauores, ascriuunt & affingunt. Nos verò rerum euidentia freti, omnem commenti & imposturæ conditionem reijcimus; neque ad id quod agitur plus interesse putamus, utrum quæ iam inuenientur Antiquis olim cognita, & per rerum vicissitudines & sacula Occidentia & Orientia sint; quam hominibus curæ esse debere, utrum Novus Orbis fuerit Insula illa Atlantus, & veteri Mundo cognita; an nunc primùm reperta. Rerum enim inuentio à Naturæ luce petenda, non ab Antiquitatib[us] tenebris repetenda est.

Quod verò ad uniuersalem istam reprehensionem attinet, certissimum est verè rem reputanti, eam & magis probabilem esse, & magis modestam, quam si facta fuisset ex parte. Si enim in primis Notionibus errores radicati non fuissent, fieri non potuisset, quin nonnulla recte inuenta, alia perperam inuenta correxisserent. Sed cum errores fundamentales fuerint, atque eiusmodi ut homines potius res neglexerint ac præterierint, quam de illis prauum aut falsum iudicium fecerint; minimè mirum est, si homines id non obtinuerint,

quod

quod non egerint; nec ad metam peruerent, quam non posuerint aut collocarint; neque viam emensi sint, quam non ingressi sint aut tenuerint.

Atque insolentiam rei quod attinet, certe si quis manus constantiam atque oculi vigore lineam magis rectam, aut circulum magis perfectum se describere posse, quam alium quempiam, sibi assumat; inducitur scilicet facultatis comparatio: Quod si quis afferat se adhibitam regulam aut circumducto circino, lineam magis rectam, aut circulum magis perfectum posse describere, quam aliquem alium vi sola oculi & manus; is certe non admodum iactator fuerit. Quin hoc, quod dicimus, non solum in hoc nostro conatu primo & incæptiuo locum habet; sed etiam pertinet ad eos qui huic rei posthac incumbent. Nostra enim via Inueniendi Scientias, exæquat ferè ingenia, & non multum excellentiae eorum relinquit: cùm omnia per certissimas Regulas & Demonstrationes transfigat. Itaque hæc nostra (ut sè pè diximus) Fœlicitatis cuiusdam sunt potius quam Facultatis, & potius Temporis partus quam Ingenij. Est enim certè Casus aliquis non minus in Cogitationibus humanis, quam in Operibus & factis.

ITaque dicendum de nobis ipsis quod ille per iocum dixit, præsertim cùm tam bene rem fecet: Fieri non potest ut idei sentiant, qui aquam, & qui vinum bibant. At cæteri homines, tamen Veteres quam Noui, liquorem biberunt crudum in Scientijs, tan-

quam

quam aquam, vel sponte ex Intellectu manantem, vel per Dialecticam, tanquam per rotas ex puto haustam. At nos liquorem bibimus & propinamus ex infinitis confectam vuis, iisque maturis & tempestiis, & per racemos quosdam collectis ac decerpatis; & subinde in torculari pressis, ac postremo in vase repurgatis & clarificatis. Itaque nil mirum, si nobis cum alijs non conueniat.

CXXIV.

Ocurret proculdubio & illud: nec metam aut Scopum Scientiarum à nobis ipsis (id quod in alijs reprehendimus) verum & optimum præfixum esse. Esse enim Contemplationem veritatis, omni Operum utilitate & magnitudine, dignorem & celsorem: longam verò istam & sollicitam moram in Experientia & Materiâ, & rerum Particularium fluctibus, M entem veluti humo affigere, vel potius in Tartarum quoddam confusionis & perturbationis deicere; atque ab Abstractâ Sapientiae serenitate & tranquillitate (tanquam à statu multò diuiniore) arcere & summuere. Nos verò huic rationi libenter assentimur; & hoc ipsum, quod innuunt ac præoptant, præcipue atque ante omnia agimus. Etenim verum exemplar Mundi in Intellectu humano fundamus; quale inuenitur, non quale cuiquam sua propria ratio dictauerit. Hoc autem perfici non potest, nisi factâ Mundi dissectione atque Anatomiâ diligentissimâ. Modulos verò ineptos Mundorum & tanquam simolas, quas in Philosophijs

phijs phantasie hominum extruxerunt, omnino dissipandas edicimus. Sciant itaque homines (id quod superius diximus) quantum inter sit inter humanae M^entis Idola, & diuinæ M^entis Ideas. Illa enim nihil aliud sunt, quam Abstractiones ad placitum: Hæ autem sunt vera signacula Creatoris super creaturas, prout in M^eteria per lineas veras & exquisitas imprimuntur & terminantur. Itaque ipissimæ Res sunt (in hoc genere) Veritas & Utilitas: atque Opera ipsa pluris facienda sunt, quatenus sunt veritatis pignora, quam propter vitæ commoda.

CXXV.

Ocurret fortasse illud: nos tanquam actum agere; atque Antiquos ipsos eandem, quam nos, viam tenuisse. Itaque verisimile putabit quispiam etiam nos, post tantum motum & molitionem, deuenturos tandem ad aliquam ex illis Philosophijs quæ apud Antiquos valuerunt. Nam & illos in Meditationum suarum Principijs vim, & copiam magnam Exemplorum & Particularium parauisse; atque in Commentarios, per locos & titulos, digessisse; atque inde Philosophias suas & Artes confecisse; & posteā, re compertā, pronuntiāsse; & Exempla ad fidem & docendi lumen sparsim addidisse; sed Particularium notas, & codicillos ac commentarios suos in lucem edere, superuacuum & molestum putasse: ideoq;
fecis-

fecisse, quod in ædificando fieri solet; nempe post ædificij structuram, machinas & scalas à conspectu amouisse. Neque aliud factum esse, credere certè oportet. Verum nisi quis omnino oblitus fuerit eorum quæ superius dicta sunt, huic obiectioni (aut scrupulo potius) facile respondebit. Formam enim inquirendi & inueniendi apud Antiquos & ipsi profitemur, & scripta eorum præ se ferunt. Ea autem non alia fuit, quam ut ab Exemplis quibusdam & Particularibus (additis Notionibus communibus, & fortasse portione nonnullâ ex opinionibus receptis, quæ maximè placuerunt) ad Conclusiones maximè generales sive Principia Scientiarum aduolarent; ad quorum veritatem immotam & fixam, Conclusiones inferiores per Media educerent ac probarent, ex quibus Artes constituebant. Tum demum si noua Particularia & Exempla mota essent & adducta, quæ placitis suis refragarentur; illa aut per distinctiones, aut per regularum suarum explanatio-nes, in ordinem subtiliter redigebant; aut demum per exceptiones grosso modo summovebant: At rerum Particularium non refragantium causas, ad illa Principia sua laboriosè & pertinaciter accommodabant. Verum nec Historia Naturalis & Experientia illa erat, quam fuisse oportebat; (longè certè abest) & ista aduolatio ad Generalissima, omnia perdidit.

CXXVI.

Occurret & illud; nos, propter inhibitionem quan-dam pronuntiandi, & principia certa ponendi donec per medios gradus ad Generalissima ritè per-

uentum sit; Suspensionem quandam iudicij tueri, atque ad Acatalepsiam rem deducere. Nos verò non Acatalepsiam, sed Eucatalepsiam meditamur & proponimus: Sensui enim non derogamus, sed ministramus; & Intellectum non contemnimus, sed regimus. Atque melius est scire quantum opus sit, & tamen nos non penitus scire putare; quam penitus scire nos putare, & tamen nil eorum quæ Opus est scire.

CXXVII.

ETiam dubitabit quispiam potius quam obijciet; utrum nos de Naturali tantum Philosophia, etiam de Scientijs reliquis, Logicis, Ethicis, Politicis, Secundum viam nostram perficiendis loquamur. At nos certè de vniuersis hæc, quæ dicta sunt, intelligimus: Atque quemadmodum vulgaris Logica, quæ regit res per Syllogismum, non tantum ad Naturales, sed ad omnes Scientias pertinet; Ita & nostra, quæ procedit per Inductionem, omnia compleuditur. Tam enim Historiam & Tabulas inueniendi conficimus de Frâ, Metu, & Verecundiâ, & similibus; ac etiam de exemplis rerum Ciuilium; nec minus de motibus mentalibus Memoriæ, Compositionis & Diuisionis, Fudicij, & reliquorum: quam de Calido & Frigido, aut Luce, aut Vegetatione, aut similibus. Sed tamen cum nostra ratio Interpretandi, post Historiam preparatam & ordinatam, non Menti tantum motus & discursus, (ut Logica vulgaris) sed & rerum naturam intueatur; ita Mentem regimus, ut ad Rerum Naturalium

ram se, aptis per omnia modis, applicare possit. Atque propterea multa & diuersa in Doctrinā Interpretationis præcipimus, quæ ad Subiecti, de quo inquirimus, qualitatem & conditionem, modum Inueniendi nonnullā ex parte applicent.

CXXVIII.

AT illud de nobis nè dubitare quidem fas sit, utrum nos Philosophiam & Artes & Scientias, quibus utimur, destruere & demoliri cupiamus: Contrà enim, earum & usum & cultum & honores libenter amplectimur. Neque enim ullo modo officimus, quin istæ quæ inualuerunt, & disputationes alant, & Sermones ornent, & ad professoria munera ac vitæ Ciuitatis compendia adhibeantur & valeant; denique tanquam numismata quædam, consensu inter homines recipiantur. Quinetiam significamus apertè, ea, quæ nos adducimus, ad istas res non multùm idonea futura; cùm ad vulgi captum deduci omnino non possint, nisi per effecta & Operatantum. At hoc ipsum, quod de affectu nostro & bonâ voluntate erga Scientias receptas dicimus, quam verè profiteamur: Scripta nostra in publicum edita (præsertim libri de Progressu Scientiarum) fidem faciant. Itaque id verbis amplius vincere non conabimur. Illud interim constantè & disertè monemus; his modis, qui in usu sunt, nec magnos in Scientiarum doctrinis & contemplatione progressus fieri, nec illas ad amplitudinem Operum deduci posse.

CXXIX.

SVpereft vt de Finis excellentiâ pauca dicamus. Ea si prius dicta fuissent, votis similia videri potuis-
sent: sed fpe iam factâ, & iniquis præiudicijs sublatis,
plus fortassè ponderis habebunt. Quòd si nos omnia
perfecissemus & planè absoluissemus, nec alios in par-
tem & consortium laborum subinde vocaremus; etiam
ab huinsmodi verbis abstinuissemus, ne acciperentur in
prædicationem meriti nostri. Cùm verò aliorum indu-
stria acuenda sit, & animi excitandi atque accendendi;
consentaneum est, vt quædam hominibus in mentem
redigamus.

Primò itaque, videtur Inuentorum nobilium intro-
ductio, inter Actiones humanas longè primas partes te-
nere: id quod antiqua sæcula iudicauerunt. Ea enim,
Rerum Inuentoribus diuinos honores tribuerunt: ijs au-
tem, qui in Rebus Ciuilibus merebantur, (quales erant
urbium & imperiorum Conditores, Legillatores, Pa-
triarum à diuturnis malis Liberatores, Tyrannidum
Debellatores, & his similes) Heroum tantum honores
decreuerunt. Atque certè si quis ea rectè conferat, iu-
stum hoc prisci sæculi iudicium reperiet. Etenim In-
uentorum beneficia ad uniuersum genus humanum per-
tinere possunt; Ciulia ad certas tantummodò hominum
sedes: hæc etiam non ultra paucas ætates durant; illa,
quasi perpetuis temporibus. Atque Statûs emendatio
in Ciuilibus non sine vi & perturbatione, plerumq[ue]
procedit: at Inuenta beant, & beneficium deferunt
absquè alicuius iniuriâ aut tristitia.

Etiam

*Etiam fñuenta quasi nouæ Creationes sunt,
& diuinorum Operum Imitamenta ; ut bene cecinicit
ille :*

Primùm frugiferos fœtus mortalibus ægris

Dididerant quondam præstanti nomine Athena :

Et RECREAVERVNT vitam, legésque rogávunt.

*Atque videtur notatu dignum in Solomone ; quod
cùm fñperio, Auro, magnificientia Operum, Satellitio,
Famulitio, Classe insuper, & Nominis claritate , ac
summa hominum admiratione floreret ; tamen nihil ho-
rum delegerit sibi ad gloriam , sed ita pronuntiauerit :
Gloriam Dei esse, celare rem ; gloriam Regis, in-
uestigare rem.*

*Rursus (si placet) reputet quispiam , quantum
intersit inter hominum vitam in excultissimâ quapiam
Europæ Prouinciâ , & in Regione aliquâ Nove In-
diæ maximè ferâ & barbarâ : Ea tantum differre
existimabit ; ut meritò Hominem homini Deum
esse , non solùm propter auxilium & beneficium , sed
etiam per statûs comparationem , redē dici possit . At-
que hoc , non Solum , non Cœlum , non Corpora ; sed Ar-
tes præstant.*

*Rursus , vim & virtutem & consequentias Re-
rum inuentarum notare iuuat : quæ non in alijs mani-
festius occurunt , quam in illis tribus , quæ Antiquis
incognitæ ; & quarum primordia , licet recentia , ob-
scura & ingloria sunt : Artis nimirùm Imprimendi,
Pulueris Tormentarij , & Acûs Nauticæ . Hac
enim tria , rerum faciem & statum in Orbe terrarum*

muta-

mutauerunt: primum, in Re Literariâ; secundum, in Re Bellicâ: tertium, in Nauigationibus: Unde innumeræ rerum mutationes sequitæ sunt; ut non Imperium aliquod, non Secta, non Stella maiorem efficaciam & quasi influxum super res humanas exercuisse videatur, quam ista Mechanica exercuerunt.

Præterea non abs re fuerit tria hominum Ambitionis genera & quasi gradus distinguere: Primum eorum, qui propriam potentiam in Patriâ suâ amplificare cupiunt; quod genus vulgare est & degener. Secundum eorum, qui Patriæ potentiam & Imperium inter humanum genus amplificare nituntur: Illud plus certè habet dignitatis, cupiditatis haud minus. Quod si quis humani generis ipsius potentiam & imperium in rerum Uniuersitatem instaurare & amplificare conetur; ea proculdubio Ambitio (si modò ita vocanda sit) reliquis & senior, est & augustior. Hominis autem imperium in Res, in solis Artibus & Scientijs ponitur. Naturæ enim non imperatur, nisi parendo.

Præterea, si unius alicuius particularis Inuenti utilitas ita homines affecerit, ut eum, qui genus humaanum uniuersum beneficio aliquo deuincire potuerit, Homine maiorem putauerint; quantò celsius videbitur tale aliquid inuenire, per quod alia omnia expeditè inueniri possint? Et tamen (ut verum omnino dicamus) quemadmodum luci magnam habemus gratiam, quod per eam vias inire, Artes exercere, legere, nos inueniem dignoscere possumus; & nihilominus ipsa visio lucis res præstantior est & pulchrior, quam multiplex eius

eius usus: Ita certe ipsa Contemplatio Rerum, prout sunt, sine Superstitione aut Impostura, Errore aut Confusione, in seipsa magis digna est, quam uniuersus Inventorum fructus.

Postremo si quis depravationem Scientiarum Artium ad malitiam & luxuriam & similia obiecerit, id neminem moueat. Illud enim de omnibus mundanis Bonis dici potest, Ingenio, Fortitudine, Viribus, Formâ, Duitijs, Luce ipsa & reliqua. Recuperet modo genus humanum ius suum in Naturam, quod ei ex dotatione diuinâ competit; & detur ei copia: usum verò recta Ratio, & sana Religio gubernabit.

CXXX.

IAm vero tempus est ut Artem ipsam Interpretandi Naturam proponamus: in qua licet nos utilissima & verissima praecepisse arbitremur, tamen necessitatem ei absolutam (ac si absq; ea nil agi posset) aut etiam perfectionem non attribuimus. Etenim in ea opinione sumus; si iustum Naturæ & Experiencie Historiam præstò haberent homines, atque in ea sedulò versarentur; si bique duas res imperare possent; unam, ut receperas opiniones & notiones deponerent; alteram, ut Mentem à generalissimis & proximis ab illis, ad tempus cohicerent; fore ut etiam vi propria & genuina Mentis, absque alia Arte, in formam nostram Interpretandi incidere possent. Est enim Interpretatio verum & naturale opus Mentis, demptis ijs

quæ obstant; Sed tamen omnia certè per nostra
Præcepta erunt magis in procinctu, & multò fir-
miora.

*Neque tamen illis nihil addi posse affirmamus :
sed contra, nos qui Mētēm respicimus, non tan-
tum in facultate propriā, sed quatenus co-
pulatur cum Rebus ; Ar̄tem In-
ueniendi cum Inuentis adole-
scere posse, statuere
debemus.*

XXX



LIBER
SECUNDVS
APHORISMORVM.

S 2



LIBER SECUNDAS
APORIAS

L I B E R
S E C U N D A S
A P O R I A S



LIBER SECUNDVS
APHORISMORVM,
 DE INTERPRETATIONE
NATVRAE,
 SIVE
 DE REGNO
HOMINIS.

APHORISMVS

I.

SUPER datum Corpus nouam Naturam, siue nouas Naturas generare & superinducere, Opus & Intentio est humanae Potentiae. Datæ autem Naturæ Formam, siue Differentiam veram, siue Naturam naturantem, siue Fontem emanationis (ista enim vocabula babemus, quæ ad indicationem rei proximè accedunt) inuenire, Opus & Intentio est humanæ Scientiæ. Atque his operibus primarijs, subordinantur alia Opera duo secundaria, & inferioris notæ; Priori, transformatio Corporum concretorum

cretorum de alio in aliud, intra terminos possibilis; Posteriori, inuentio, in omni generatione & Motu, latentis processus continuati ab Efficiente manifesto, & Materia manifesta, usque ad Formam inditam; & inuentio similiter latentis Schematismi Corporum quiescentium, & non in Motu.

II.

QUAM infeliciter se habeat Scientia humana quæ in vsu est, etiam ex illis liqueat quæ vulgo asseruntur. Rectè ponitur; Verè scire, esse per Causas scire. Etiam non malè constituuntur Causæ quatuor; Materia, Forma, Efficiens, & Finis. At ex his, Causa Finalis, tantum abest ut profit, ut etiam Scientias corrumpat, nisi in Hominis actionibus. Formæ inuentio habetur pro desperata. Efficiens vero & Materia (quales quæruntur & recipiuntur, remotæ scilicet, absque latenti processu ad formam) res profundioræ sunt, & superficiales, & nihil ferè ad Scientiam veram & actiuam. Neque tamen oblii sumus, nos superius notasse, & correxisse errorem Mentis humanæ, in deferendo Formis primas Essentia. Licet enim in Naturâ nihil verè existat præter Corpora individua, edentia actus puros individuos ex lege; in doctrinis tamen, illa ipsa lex, eiusque inquisitio, & inuentio, atque explicatio, pro fundamento est tam ad sciendum, quam ad operandum. Eam autem legem, eiusque Paragraphos, Formarum nomine intelligimus; præseriim cum hoc vocabulum inualuerit, & familiariter occurrat.

Qui

III.

Qui Causam alicuius Naturæ (veluti Albedinis, aut Caloris) in certis tantum subiectis nouit; eius Scientia imperfecta est; & qui Effectum super certas tantum Materias (inter eas quæ sunt susceptibiles) inducere potest; eius Potentia pariter imperfecta est. At qui Efficientem & Materialē Causam tantummodo nouit, (quæ Causæ fluxæ sunt, & nihil aliud quam vehicula, & Causæ Formam deferentes in aliquibus) is ad noua Inuenta, in Materiâ aliquatenus simili, & præparata, peruenire potest; sed rerum Terminos altius fixos non mouet. At qui Formas nouit, is Naturæ unitatem in Materijs dissimillimis complectitur. Itaque quæ adhuc facta non sunt, qualia nec Naturæ vicissitudines, neque Experimentales industriae, neque Casus ipse, in Aetum unquam perduxissent, neque cogitationem humanam subituras suissent; detegere & producere potest. Quare ex Formarum Inventione, sequitur Contemplatio vera, & Operatio libera.

IV.

L'Icet viæ ad Potentiam, atque ad Scientiam humanaam, coniunctissimæ sint, & ferè eadem; tamen propter perniciosam & inueteratam consuetudinem versandi in abstractis, tutius omnino est ordiri, & excitare Scientias ab ijs fundamentis, quæ in ordine sunt

Sunt ad partem Actiuam, atque ut illa ipsa partem Contemplatiuam signet & determinet. Videndum itaque est, ad aliquam Naturam super Corpus datum generandam & superinducendam, quale quis præceptum, aut qualem quis directionem, aut deductionem maximè optaret; idque sermone simplici, & minimè abstruso.

Exempli gratia; si quis argento cupiat superinducere flauum colorem auri, aut augmentum ponderis (seruatis legibus materiæ) aut lapidi alicui non diaphano diaphaneitatem, aut vitro tenacitatem, aut corpori alicui non vegetabili vegetationem; Videndum (inquam) est, quale quis præceptum, aut deductionem potissimum sibi dari exoptet. Atque primò, exoptabit aliquis proculdubio, sibi monstrari aliquid huiusmodi, quod opere non frustret, neque experimento fallat. Secundò, exoptabit quis aliquid sibi præscribi, quod ipsum non astringat, & coerceat ad Media quædam, & Modos quosdam operandi particulares. Fortassè enim destituetur, nec habebit facultatem, & commoditatem, tali media comparandi & procurandi. Quòd si sint & alia Media, & alij Modi (præter illud præceptum) progignendæ talis Naturæ; ea fortassè ex ijs erunt, quæ sunt in operantis potestate; à quibus nihilominus per angustias præcepti excludetur, nec fructum capiet. Tertiò, optabit aliquid sibi monstrari, quod non sit eque difficile, ac illa ipsa operatio de qua inquiritur, sed proprius accedat ad praxin.

Itaque de præcepto vero & perfecto operandi, pronuntiatum erit tale; ut sit certum, liberum, & disponens,

ponens, siue in ordine ad actionem. Atque hoc ipsum idem est cum Inuentione Formæ veræ. Etenim Forma Naturæ alicuius talis est, ut eā posita Naturæ data infallibiliter sequatur. Itaque adest perpetuò, quando Naturæ illa adest, atque eam uniuersaliter affirmat, atque inest omni. Eadem Forma talis est, ut eā amotā, Naturæ data infallibiliter fugiat. Itaque abest perpetuò, quando Naturæ illa abest, eāmque perpetuò abnegat, atque inest soli. Postremò, Forma vera talis est, ut Naturam datam ex fonte aliquo Essentiæ deducat, quæ inest pluribus, & notior est Naturæ (ut loquuntur) quam ipsa Forma. Itaque de Axiomate vero & perfecto sciendi, pronuntiatum & præceptum tale est; ut inueniatur Naturæ alia, quæ sit cum Naturâ datâ conuertibilis, & tamen sit limitatio Naturæ notioris, instar generis veri. Ista autem duo pronuntiata, Actuum & Contemplatiuum, res eadem sunt; & quod in operando utilissimum, id in sciendo verissimum.

V.

AT Præceptum siue Axioma de transformatione Corporum, duplicitis generis. Primum intuetur Corpus, ut turmam siue coniugationem Naturarum simplicium: ut in Auro hæc conueniunt; quod sit flauum; quod sit ponderosum, ad pondus tale; quod sit malleabile, aut ductile, ad extensionem talem; quod non fiat volatile, nec deperdat de quanto suo per ignem; quod fluat fluore tali; quod separetur & soluatur modis talibus; & similitè de ceteris Naturis, quæ in Auro

T

con-

concurrunt. Itaque huiusmodi Axioma rem deducit ex Formis Naturarum simplicium. Nam qui Formas & Modos novit superinducendi, flavi, ponderis, ductilis, fixi, fluoris, solutionum, & sic de reliquis, & eorum graduationes & modos; videbit & curabit, ut ista coniungi possint in aliquo corpore, unde sequatur transformatio in aurum. Atque hoc genus operandi pertinet ad Actionem primariam. Eadem enim est ratio generandi Naturam unam aliquam simplicem, & plures; nisi quod arctetur magis & restringatur homo in operando, si plures requirantur, propter difficultatem tot Naturas coadunandi; quae non facile conueniunt, nisi per vias Naturæ tritæ & ordinarias. Ut cunque tamen dicendum est, quod iste Modus operandi (qui Naturas intuetur simplices, licet in corpore concreto) procedat ex ijs, quæ in Naturâ sunt constantia, & æterna, & Catholica, & latae præbeat potentiae humanae vias, quales (ut nunc sunt res) Cogitatio humana vix capere aut repræsentare possit.

At secundum genus Axiomatis, (quod à latentis processus inuentione pendet) non per Naturas simplices procedit, sed per concreta corpora, quemadmodum in Naturâ inueniuntur, cursu ordinario. Exempli gratiâ; In casu ubi fit Inquisitio, ex quibus initijs, & quo modo, & quo processu, Aurum, aut aliud quodvis metallum, aut lapis generetur, à primis menstruis, aut rudimentis suis, usque ad Mineram perfectam: Aut similiter, quo processu herbæ generentur, à primis concretionibus succorum in terra, aut à seminibus, usque ad plantam formatam, cum uniuersâ illâ successione

sione Motūs, & diuersis & continuatis Naturæ mixtibus; Similiter, de generatione ordinatim explicata Animalium, ab Initu ad partum; & similiter de corporibus alijs.

Enim uero neque ad generationes Corporum tantum spectat hæc Inquisitio, sed etiam ad alios motus & opificia Naturæ. Exempli gratiâ, In casu ubi sit Inquisitio de uniuersâ serie, & continuatis actionibus alimentandi, à primâ receptione alimenti, ad assimilacionem perfectam; aut similiter de Motu voluntario in Animalibus, à primâ impressione imaginationis, & continuatis nixibus spiritus, usque ad flexiones & motus artuum; aut de explicato motu linguae, & labiorum, & instrumentorum reliquorum, usque ad editionem vocum articulatarum. Nam hæc quoque spectant ad Naturas concretas, siue Collegiatas, & in fabricâ; & intuentur veluti consuetudines Naturæ particulares, & speciales, non leges fundamentales & communes, quæ constituunt formas. Veruntamen omnino fatendum est, rationem istam videri expeditiorem, & magis fitam in propinquo, & spem iniucere magis, quam illam primariam.

At pars Operatiua similiter, quæ huic parti Contemplatiua respondet, operationem extendit & promouet, ab ijs quæ ordinario in Naturâ inueniuntur, ad quædam proxima, aut à proximis non admodum remota; Sed altiores & radicales operationes super Naturam, pendent utique ab Axiomatibus primariis. Quinetiam ubi non datur homini facultas operandi, sed tantum sciendi, ut in Cœlestibus, (neque enim con-

ceditur homini operari in Cœlestia, aut ea immutare
aut transformare) tamen Inquisitio facti ipsius, siue ve-
ritatis rei, non minus quam cognitio Causarum &
consensuum, ad primaria illa & Catholica Axiomata
de Naturis simplicibus (veluti de Naturâ Rotatio-
nis spontaneæ, Attractionis siue virtutis Magneticæ,
& aliorum complurium quæ magis communia sunt,
quam ipsa Cœlestia) refertur. Neque enim speret ali-
quis terminare questionem, utrum in Motu diurno
revera Terra, aut Cœlum rotet; nisi Naturam Rota-
tionis spontaneæ prius comprehenderit.

VI.

LAtens autem Processus, de quo loquimnr, lon-
gè alias est, quam animis hominum (qualiter
nunc obſidentur) facile possit occurrere. Neque enim
intelligimus mensuras quasdam, aut signa, aut scalas
processus, in corporibus spectabiles; sed planè processum
continuatum, qui maximâ ex parte sensum fugit.

Exempli gratiâ; In omni generatione & trans-
formatione Corporum, inquirendum, quid deperdatur
& euoleat, quid maneat, quid accedat; quid dilatetur,
quid contrahatur; quid vniatur, quid separetur; quid
continuetur, quid abscindatur; quid impellat, quid im-
pediat; quid dominetur, quid succumbat; & alia
complura.

Neque hic rursus, hæc tantum in generatione aut
transformatione Corporum quærenda sunt; sed & in
omnibus alijs alterationibus, & Motibus, similiter
inqui-

inquirendum, quid antecedat, quid succedat; quid sit
incitatus, quid remissus; quid Motum præbeat, quid
regat; & huiusmodi. Ita vero omnia Scientijs (quæ
nunc pinguissimâ Mineruâ, & prorsus inhabili con-
texuntur) incognita sunt & intacta. Cum enim om-
nis Actio naturalis per minima transfigatur, aut saltèm
per illa quæ sunt minora, quam ut sensum ferant; nemo
se Naturam regere aut vertere posse speret, nisi illa
debito modo comprehendenterit, & notauerit.

VII.

Similiter, Inquisitio & Inuentio latentis Sche-
matismi in Corporibus, res noua est; non minus,
quam Inuentio latentis processus & Formæ. Versa-
mur enim plane adhuc in atrijs Naturæ, neque ad in-
teriora paramus aditum. At nemo corpus datum no-
ua Naturâ dotare, vel in nouum corpus feliciter &
apposite transmutare potest, nisi Corporis alterandi aut
transformandi bonam habuerit notitiam. In modos
enim vanos incurret, aut saltèm difficiles, & peruer-
sus, nec pro corporis naturâ, in quod operatur. Itaque
ad hoc etiam via plane est aperienda & munienda.

Atque in Anatomia Corporum Organicorum (qua-
lia sunt hominis, & animalium) opera sane rede &
utiliter insumitur, & videtur res subtilis, & scruti-
nium Naturæ bonum. At hoc genus Anatomiae
spectabile est, & sensu subiectum, & in corporibus tan-
tum organicis locum habet. Verum hoc ipsum obuium
quiddam

quiddam est, & in promptusitum, præ Anatomiâ verâ Schematismi latentis in corporibus, quæ habentur pro similaribus; præsertim in rebus specificatis, & earum partibus, ut ferri, lapidis; & partibus similaribus, plantæ, animalis, veluti radicis, folij, floris, carnis, sanguinis, ossis, &c. At etiam in hoc genere non prorsùs cessauit industria humana; hoc ipsum enim innuit separatio corporum similarium per distillationes, & alios solutionum modos, ut dissimilaritas compositi per congregationem partium homogenearum appareat. Quod etiam ex usu est, & facit ad id quod querimus; licet saepius res fallax sit; quia complures Naturæ separationi imputantur & attribuuntur, ac si prius substitissent in composito, quas revera ignis & calor, & alij modi apertiorum de novo induunt, & superinducunt. Sed & hæc quoquè parua pars est operis, ad inueniendum Schematum verum in composito; qui Schematismus res est longè subtilior, & accuratior, & ab operibus ignis potius confunditur, quam eruitur & elucescit.

Itaque facienda est corporum separatio & solutio; non per ignem certè, sed per rationem & Inductionem veram, cum Experimentis auxiliaribus; & per comparationem ad alia corpora, & reductionem ad Naturas simplices, & earum formas, quæ in composito conueniunt & complicantur; & transeundum planè à Vulcano ad Mineruam, si in animo sit veras corporum texturas & Schematismos (vndè omnis occulta, atque (ut vocant) specifica proprietas & virtus in rebus pendet; vndè etiam omnis potentis alterationis & transformationis

formationis norma educitur) in lucem protrahere.

Exempli gratia; inquirendum, quid sit in omni corpore spiritus, quid essentiæ tangibilis; atque ille ipse Spiritus, utrum sit copiosus & turgeat, an ieiunus & paucus; tenuis, aut crassior; magis aëreus, aut igneus; acris, aut deses; exilis, aut robustus; in progressu, aut in regressu; abscissus, aut continuatus; consentiens cum externis & ambientibus, aut dissentiens; &c. Et similiter, Essentia tangibilis (quæ non pauciores recipit differentias, quam spiritus) atque eius villi, & fibræ, & omnimoda textura; rursus autem collocatio Spiritus per corpoream molem, eiusque pori, meatus, venæ, & cellulæ, & rudimenta, sive tentamenta Corporis organici, sub eandem Inquisitionem cadunt. Sed & in his quoque, atque adeò in omni latentis Schematismi Inuentione, lux vera & clara ab Axiomatibus primarijs immittitur, quæ certè caliginem omnem, & Subtilitatem discutit.

VIII.

NEque propterea res deducetur ad Atomum, qui præsupponit Vacuum, et Materiam non fluxam, (quorum utrumq; falsum est) sed ad particulas veras, quales inueniuntur. Neque rursus est, quod exborreat quispiam istam subtilitatem, ut inexplicabile; sed contrà, quod magis vergit Inquisitio ad Naturas simplices, eò magis omnia erunt sita in plano & perspicua; translato negotio à multiplico, in simplex; & ab incommeſurabili,

ad

ad commensurabile; & à surdo, ad computabile; & ab infinito & vago, ad definitum & certum; vt sit in elementis literarum, & tonis concentuum. Optimè autem cedit Inquisitio Naturalis, quando Physicum terminatur in Mathematico. At rursùs multitudinem, aut fractiones nemo reformidet. In rebus enim quæ per numeros transfiguntur, tam facile quis posuerit, aut cogitauerit Millenarium, quam unum; aut millesimam partem unius, quam unum integrum.

IX.

EX duobus generibus Axiomatum, quæ superiùs posita sunt, oritur vera diuisa Philosophiæ, & scientiarum; translatis vocabulis receptis (quæ ad indicationem rei proximè accedunt) ad sensum nostrum. Videlicè, ut Inquisitio Formarum, quæ sunt (ratione certè, & suâ lege) æternæ & immobiles, & constituant Metaphysicam; Inquisitio verò Efficientis, & Materię, & latentis processus, & latentis Schematismi (quæ omnia cursum Naturæ communem & ordinariū, non leges fundamentales & æternas respiciunt) constituant Physicam; atque his subordinentur similiter Prædicæ duæ; Physicæ Mechanica; Metaphysicæ (per purgato nomine) Magia, propter latas eius vias, & maius imperium in Naturam.

Positio

IX.

Posito itaque doctrinæ scopo, pergendum ad præcep-
tia; idque ordine minime peruerso, aut perturbato.
Atque indicia de Interpretatione Naturæ comple-
xuntur partes in genere duas; primam, de educendis aut
excitandis Axiomatibus ab Experienciam; secundam, de
deducendis aut deriuandis Experimentis nouis ab Axio-
matibus. Prior autem trifariam dividitur; in tres nem-
pè Ministrations; Ministrationem ad sensum; Mi-
nistrationem ad Memoriam; & Ministrationem ad
Mentem, sive Rationem.

Primò enim paranda est Historia Naturalis, &
Experimentalis, sufficiens & bona; quod fundamen-
tum rei est: Neque enim fingendum, aut excogitan-
dum, sed inueniendum, quid Natura faciat, aut
ferat.

Historia verò Naturalis & Experimentalis tam
varia est & sparsa, ut Intellectum confundat & dis-
greget, nisi sistatur & compareat ordine idoneo. Ita-
que formandæ sunt Tabulæ, & Coordinationes In-
stantiarum, tali modo & instructione, ut in eas agere
possit Intellectus.

Id quoque licet fiat; tamen Intellectus sibi permisus,
& spontè mouens, incompetens est, & inhabilis ad op-
ificium Axiomatum, nisi regatur, & muniatur. Itaque
tertiò, adhibenda est Inductio legitima, & vera, quæ
ipsa clavis est Interpretationis. Incipiendum autem
est à Fine, & retrò pergendum ad reliqua.

XI.

Inquisitio Formarum sic procedit; Super Naturam datam primò facienda est coniparentia ad Intellectum omnium Instantiarum Notarum, quæ in eadem Naturâ conueniunt, per Materias licet dissimillimas. Atque huiusmodi collectio facienda est historice, absque contemplatione præfestinâ, aut subtilitate aliquâ maiore. Exempli gratiâ; In Inquisitione de Formâ Calidi.

Instantiæ Conuenientes in Naturâ Calidi.

1. Radij Solis, præsertim Æstate & Meridie.
2. Radij Solis reflexi & constipati, ut inter montes, aut per parietes, & maximè omnium in speculis comburentibus.
3. Meteora fgnita.
4. Fulmina Comburentia.
5. Eructationes flamarum ex Cavis montium, &c.
6. Flamma omnis.
7. Ignita solida.
8. Balnea Calida Naturalia.
9. Liquida feruentia, aut calefacta.
10. Vapores & Fumi feruentes, atque Aër ipse, qui fortissimum & furentem suscipit calorem, si concludatur; ut in Reuerberatorijs.

Tem-

- 11 Tempestates aliquæ fidae per ipsam constitutionem Aeris, non habitâ ratione Temporis Anni.
- 12 Aer conclusus & subterraneus in Cauernis nonnullis, præsertim hyeme.
- 13 Omnia villosa, ut lana, pelles animalium, & plumagines, habent nonnihil teporis.
- 14 Corpora omnia, tam solida, quam liquida, & tam densa, quam tenuia (qualis est ipse Aer) Igni ad tempus approximata.
- 15 Scintillæ ex silice & chalybe per fortè percussiōnem.
- 16 Omne Corpus fortiter attritum, ut lapis, lignum, pannus, &c. adeò ut temones, & axes rotarum, aliquando flamمام concipiāt; & Mos excitandi Ignis apud Indos Occidentales fuerit per Attritionem.
- 17 Herbae virides & humidæ simul conclusæ & contrusæ, ut Roseæ, pisæ in coribibus; adeò ut fœnum si repositum fuerit madidum, sèpè concipiāt flamمام.
- 18 Calx viua, aquâ aspersa.
- 19 Ferrum, cùm primò dissoluitur per aquas fortes in vitro, idque absque ullâ admotione ad ignem: & stannum similiter, &c. sed non adeò intense.
- 20 Animalia, præsertim & perpetuò per interiora, licet in insectis calor ob paruitatem corporis non deprehendatur ad tactum.
- 21 Fimus equinus, & huiusmodi excrementa animalium recentias.
- 22 Oleum forte Sulphuris & Vitrioli exequitur opera

Caloris, in linteo adurendo.

- 23 *Oleum Origani, & huiusmodi exequitur opera Caloris, in adurendis ossibus dentium.*
- 24 *Spiritus vini fortis & bene rectificatus exequitur opera Caloris; adeò ut si albumen ovi in eum iniiciatur, concrescat & albescat, ferè in modum albuminis cocti; & panis inectus torrefiat & incrustetur, ad modum panis tosti.*
- 25 *Aromata, & herbæ calidæ, ut Dracunculus, Nasturtium vetus, &c. licet ad manum non sint calida, (nec integra, nec pulueres eorum) tamen ad linguam & palatum parum masticata, percipiuntur calida, & quasi adurentia.*
- 26 *Acetum forte, & omnia acida, in membro ubi non sit Epidermis, ut in oculo, lingua, aut aliquâ aliâ parte vulnerata, & cute detedâ, dolorem cident, non multum discrepantem ab eo qui inducitur à calido.*
- 27 *Etiam frigora acria & intensa inducunt sensum quendam vstitutionis;*

Nec Boreæ penetrabile frigus adurit. 81

- 28 *Alia.*
- Hanc Tabulam Essentiae & Præsentiae, appellare consueuimus.

XII.

Secundò, facienda est Comparentia ad intellectum Instantiarum, quæ Naturæ data priuantur:

tur: quia Forma (ut dictum est) non minus abesse debet, ubi Natura data abest; quam adesse, ubi adest. Hoc vero infinitum esset in omnibus.

Itaque subiungenda sunt Negatiua Affirmatiuis, & Priuationes inspiciendae tantum in illis Subiectis, quæ sunt maxime cognata illis alteris, in quibus Natura data inest & comparet. Hanc Tabulam declinationis, sive Absentiæ in proximo, appellare consueuimus.

Instantiæ in proximo, quæ priuantur

naturā Calidi.

Lunæ & Stellarum, & Cometarum radij non inveniuntur Calidi ad tactum: quinetiam obseruari solent tiam I. ^{am} Afacerrima frigora in Plenilunijs. At Stellæ fixæ Maiores, quando Sol eas subit, aut ijs approximatur, existimantur feruores Solis augere & intendere; ut fit cum Sol sistitur in Leone, & Diebus Canicularibus.

Instantia i² Negatiua vel Subiunctiva.

Radij Solis in Media (quam vocant) Regione Ad 2. ^{am}
Aëris non calefaciunt, cuius ratio vulgo non male redditur; quia Regio illa nec satis appropinquat ad Corpus Solis unde radij emanant, nec etiam ad Terram, unde reflectuntur. Atque hoc liquet ex fastigijs Montium, (nisi sint præalti) ubi niues perpetuò durant. Sed contrà notatum est à nonnullis, quod in cacumine Picū de Tenariph, atque etiam in Andis Peruuiæ, ipsa fastigia Montium niue destituta sint; niuibus iacentibus tantum inferius in ascensu. Atque in super Aër in illis ipsis Verticibus Montium deprehendi-
tur

tur minime frigidus, sed tenuis tantum & acer; adeo ut, in Andis, pungat & vulneret oculos per nimiam acrimoniam, atque etiam pungat os ventriculi, & inducat vomitum. Atque ab Antiquis notatum est, in vertice Olympi tantam fuisse Aeris tenuitatem, ut necesse fuerit illis, qui eò ascenderant, secum deferre spongias aceto & aqua madefactas, easque ad os & nares subinde apponere; quia Aer ob tenuitatem non sufficiebat respirationi: In quo Vertice etiam relatum est, tantam fuisse serenitatem & tranquillitatem à pluvijs, & niubus, & ventis; ut Sacrificantibus literæ descrip- tæ digito in cineribus Sacrificiorum super aram Iouis, manerent in annum proximum absque ullâ perturba-
nsfni bAtionē.
BA ms. I msi Atque etiam bodie ascendentes ad verticem
msuiaitini Picūs de Tenariph, eò vadunt noctū & non interdiū;
mrgn i sinesfni & paulò post ortum Solis monentur & excitantur à
autfnoiud2 leysu Ducibus suis, ut festinat descendere, propter pericu-
lum (ut videtur) à tenuitate Aeris, ne soluat spiritus &
suffocet.

Ad 2. ^{am} bA

Y Reflexio radiorum Solis, in Regionibus prope Cir-
 culos Polares, admodum debilis & inefficax inuenitur
 in Calore: adeo ut Belge, qui hybernārunt in nouā
 Zembla, cùm expectarent nauis suæ liberationem &
 deobstructionem à glaciali mole (quæ eam obsederat)
 per initia mensis Iulij spe suâ frustrati sint, & coadi-
 scaphie se committere. Itaque radij Solis directi vi-
 dentur parùm posse, etiam super terram planam, nec re-
 flexi etiam, nisi multiplicentur & uniantur; quòd fit,
 cùm Sol magis vergit ad perpendicularum; quia tum
 incidentia radiorum facit angulos acutiores;

vt

ut lineæ radiorum sint magis in propinquuo : ubi contrâ in magnis obliquitatibus Solis, anguli sunt valde obtusi, & proinde lineæ radiorum magis distantes. Sed interim notandum est, multas esse posse operationes radiorum Solis, atque etiam ex naturâ Calidi, quæ non sunt proportionatæ ad tactum nostrum : adeò ut respectu nostri non operentur usque ad calefactionem, sed respectu aliorum nonnullorum corporum exequantur opera Calidi.

Fiat huiusmodi Experimentum. Accipiatur speculum fabricatum, contrâ ac sit in speculis Comburentibus; & interponatur inter manum & radios Solis; & fiat obseruatio, vtrum minuat calorem Solis, quemadmodum speculum Comburens eundem auget & intendit. Manifestum est enim quoad radios Opticos, prout fabricatur speculum in densitate inæquali respectu Medij & Laterum, ita apparere simulachra magis diffusa, aut magis contracta. Itaque idem videndum in Calore.

Ad 2.^{am} 4^o

Fiat Experimentum diligentè, vtrum per Specula Comburentia fortissima & optimè fabricata, radij Lunæ possint excipi & colligi in aliquem vel minimum gradum teoris. Is verò gradus teoris, si fortasse nimis subtilis & debilis fuerit, ut ad tactum percipi & deprehendi non possit; configiendum erit ad Vitra illa quæ indicant constitutionem Aëris calidam aut frigidam; ita ut radij Lunæ per Speculum Comburens incidant, & iacentur in summitatem Vitri huiusmodi; atque tum notetur, si fiat depresso aquæ per temporem.

Practi-

Ad 2.^{am} 6.^a

Practicetur etiam Vitrum Comburens super Calidum, quod non sit radiosum aut luminosum, ut Ferri, & Lapidis calefacti, sed non igniti; aut Aquæ ferventis, aut similium: & notetur, utrum fiat augmentum & intentio Calidi, ut in radijs Solis.

Ad 2.^{am} 7.^a

Practicetur etiam Speculum Comburens in flamma communi.

Ad 3.^{am} 8.^a

^{BA} Cometarum (si illos numerare inter Meteora libuerit) non deprehenditur constans aut manifestus effectus in augendis ardoribus anni, licet siccitates saepius inde sequi notatae sint. Quinetiam Trabes, & Columnæ Lucidae, & Chasmata, & similia, apparent saepius temporibus hybernis, quam aestiuis; & maximè per intensissima frigora, sed coniuncta cum siccitatibus. Fulmina tamen & Coruscationes & Tonitrua raro eueniunt hyeme, sed sub tempore magnorum feruorum. At Stellæ (quas vocant) Cadentes, existimantur vulgo magis constare ex viscosa aliquâ materiâ splendidâ & accensâ, quam esse naturæ igneæ fortioris. Sed de hoc inquiratur ulterius.

Ad 4.^{am} 9.^a

Sunt quædam Coruscationes, quæ præbent Lumen, sed non vrunt: Eæ verò semper fiunt sine Tonitru.

Ad 5.^{am} 10.^a

Eruptiones & eructationes Flamarum inueniuntur non minus in Regionibus frigidis quam calidis; ut in Islandiâ & Groenlandiâ: quemadmodum & Arbores per regiones frigidas magis sunt quandóque inflammabiles, & magis piceæ ac resinosæ, quam per regiones calidas; ut sit in Abiete, Pinu, & reliquis: Verum in qualibet naturâ Soli huiusmodi eruptiones

nes fieri soleant, ut possimus Affirmatiæ subiungere
Negatiuam, non satis quæsumus est.

Omnis flamma perpetuò est calida magis aut mi-
nùs, neque omnino subiungitur Negatiua: Et tamen
referunt Ignem Fatuum, (quem vocant) qui etiam
aliquando impingitur in parietem, non multum habe-
re caloris; fortasse instar flammæ spiritus vini, quæ
clemens & lenis est. Sed adhuc tenior videtur ea
flamma, quæ in nonnullis Historijs fidis & grauibus
inuenitur apparuisse circa capita & comas Puerorum
& Virginum; quæ nullo modo comas adurebat, sed
molliter circum eas trepidabat. Atque certissimum
est, circa Equum in itinere sudantem, noctu & sudâ
tempestate apparuisse quandoque Coruscationem quan-
dam absque manifesto calore. Atque paucis ab
hinc annis, notissimum est, & pro miraculo quasi habi-
tum, Gremiale cuiusdam Puellæ paulò motum aut fri-
catum coruscasse: quod fortasse factum est ob alumen
aut sales, quibus gremiale tinctum erat, paulò crassius
hærentia & incrustata, & ex fricatione fracta. Atque
certissimum est, Saccharum omne, siue Conditum (ut
vocant) siue simplex, modo sit durius, in tenebris fra-
ctum aut cultello scalptum coruscare. Similiter Aqua
Marina & salsa, noctu interdum inuenitur remis
fortiter percussa coruscare. Atque etiam in tempe-
statibus Spuma Maris fortiter agitata noctu corus-
cat; quam Coruscationem Hispani pulmonem Ma-
rinum vocant. De illâ Flammâ autem, quam Anti-
qui nautæ vocabant Castorem & Pollucem, &

Ad 6. am 11.

moderni Focum Sancti Ermi, qualem calorem habet, non satis quæsum est.

Ad 7.^{am 12.} Omne fgnitum ita ut vertatur in ruborem ignem, etiam sine flammâ perpetuò Calidum est; neque huic Affirmatiæ subiungitur Negatiua: sed quod in proximo est, videtur esse Lignum putre; quod splendet noctù, neque tamen deprehendit calidum: & squamae Piscium putrescentes, quæ etiam splendent noctù, nec inueniuntur ad tactum calidæ; neque etiam corpus Cicindelæ, aut Muscæ (quam vocant Luciolam) calidum ad tactum deprehendit.

Ad 8.^{am 13.} De Balneis calidis, in quo situ & naturâ Soli emanare soleant, non satis quæsum est: itaque non subiungitur Negatiua.

Ad 9.^{am 14.} Liquidis feruentibus subiungitur Negatiua ipsius Liquidi in naturâ suâ. Nullum enim inuenitur liquidum tangibile, quod sit in naturâ suâ & maneat constantè Calidum; sed superinducitur ad tempus tantum Calor, ut Natura ascititia: adeò ut quæ potestate & operatione sunt maximè Calida, ut spiritus Vini, olea aromatum chymica, etiam olea vitrioli & sulphuris, & similia, quæ paulò post adurunt; ad primum tactum sint frigida. Aqua autem Balneorum naturalium excepta in vas aliquod, & separata à fontibus suis defruescit perinde ac aqua igne calefacta. At verum est corpora Oleosa, ad tactum paulò minus esse frigida quam Aquea; ut Oleum minus quam Aqua, Sericum minus quam Linteum. Verum hoc pertinet ad Tabulam Graduum de Frigido.

Simi-

Similitèr Vapori feruido subiungitur Negatiua naturæ ipsius Vaporis, qualis apud nos inuenitur. Etenim exhalationes ex Oleosis, licet facile inflammabiles, tamen non inueniuntur calidæ, nisi à corpore calido recentè exhalauerint.

Ad 10.^{am} 15.^a

Similitèr Aëri ipsi feruentis subiungitur Negatiua naturæ Aëris ipsius. Neque enim inuenitur apud nos Aër calidus; nisi fuerit aut conclusus, aut attritus, aut manifestè calefactus à Sole, figne, aut aliquo alio corpore calido.

Ad 10.^{am} 16.^a

Subiungitur Negatiua Tempestatum frigidarum magis quam pro ratione temporis Anni, quæ eueniunt apud nos flante Euro & Borea: quemadmodum & contrariæ tempestates eueniunt flante Austro & Zephyro. Etiam inclinatio ad pluuiam (præsertim temporibus hyemalibus) comitatur tempestatem tepidam: at Gelu contrà, frigidam.

Ad 11.^{am} 17.^a

Subiungitur Negatiua Aëris conclusi in cavernis tempore aestiuo. At de Aere concluso omnino diligenter inquirendum. Primo enim non absque causâ in dubitationem venit, qualis sit natura Aëris, quatenus ad Calidum & Frigidum in naturâ suâ propriâ. Recipit enim Aër Calidum manifestò ex impressione Cœlestium; Frigidum autem fortassè ab expiratione Terræ; & rursùs in Mediâ (quam vocant) Regione Aëris, à vaporibus frigidis & niubus: Ut nullum iudicium fieri possit de Aëris naturâ per Aërem qui foras est & sub Diò, sed verius foret iudicium per Aërem conclusum. Atqui opus est etiam ut Aër concludatur in tali vase & materia, quæ nec ipsa imbuat Aërem calido, vel fri-

Ad 12.^{am} 18.^a

gido ex vi propriâ, nec facile admittat vim Aëris extra-nei. Fiat itaque Experimentum per ollam sigularem, multipli corio obductam ad muniendam ipsam ab Aëre extraneo, factâ morâ per tres aut quatuor dies in vase benè occluso: deprehensio autem fit post apertione vas, vel per manum, vel per vitrum graduum ordine applicatum.

Ad 13.^{am} 19.^a Subest similiter dubitatio, utrum tepor in lana, & pellibus, & plumis, & huiusmodi, fiat ex quodam exili calore inhærente, quatenus excernuntur ab animalibus; aut etiam ob pinguedinem quandam & oleositatem, quæ sit naturæ congruæ cum tempore; vel planè ob conclusionem & fractionem Aëris, ut in articulo præcedente dictum est. Videlur enim omnis Aër abscissus à continuitate Aëris forinseci, habere nonnihil temporis. Itaque fiat Experimentum in fibrosis, quæ sunt ex lino; non ex lana, aut plumis, aut serico, quæ excernuntur ab animatis. Notandum est etiam, omnes pulueres (vbi manifestò includitur Aër) minus esse frigidos, quam corpora integra ipsorum: quemadmodum etiam existimamus omnem spumam (utpote quæ aërem continet) minus esse frigidam, quam liquorem ipsum.

Ad 14.^{am} 20.^a Huic non subiungitur Negatiua. Nihil enim reperitur apud nos siue Tangibile, siue Spiritale, quod admotum igni non excipiat calorem. In eo tamen differunt, quod alia excipient calorem citius, ut Aër, Oleum, & Aqua; alia tardius, ut Lapis & Metalla. Verum hoc pertinet ad Tabulam Graduum.

Ad 15.^{am} 21.^a Huic Instantiæ non subiungitur Negatiua alia, quam ut bene notetur; Non excitari scintillas ex silice & cha-

& chalybe, aut alia aliquâ substantiâ durâ, nisi ubi excutiuntur minutæ aliquæ ex ipsâ substantiâ Lapidis vel Metalli: neque Aërem attritum unquam per se generare scintillas, ut vulgo putant: Quin & ipsæ illæ scintillæ ex pondere corporis igniti magis vergunt deorsum quam sursum, & in extinctione redeunt in quandam fuliginem corpoream.

Existimamus huic Instantiæ non subiungi Negatiuam. Nullum enim inuenitur apud nos corpus tangibile, quod non ex attritione manifestò calefacat; adeò ut Veteres somniarent non inesse Cœlestibus aliam viam aut virtutem calefaciendi, nisi ex attritione Aëris per rotationem rapidam & incitatam. Verùm in hoc genere ulterius inquirendum est, utrum corpora quæ emituntur ex Machinis (qualia sunt pilæ ex Tormentis) non ex ipsâ percussione contrahant aliquem gradum caloris; adeò ut postquam deciderint, inueniantur non-nihil calida. At Aer motus magis infrigidat quam calefacit; ut in Ventis, & Follibus, & flatu oris contradicatur. Verùm huiusmodi motus non est tam rapidus ut excitet calorem; & fit secundum totum, non per particulas: ut mirum non sit, si non generet calorem.

Circa hanc Instantiam facienda est inquisitio diligentior. Videntur enim Herbæ & Vegetabilia viridia & humida aliquid habere in se occulti caloris. Illa verò calor tam tenuis est, ut in singulis non percipiatur ad tactum: Verùm postquam illa adunata sint & conclusa, ut spiritus ipsorum non expiret in aerem, sed se inuicem foueat; tum verò oritur calor manifestus, & nonnunquam flamma in materiâ congrua.

Etiam

Ad 16.^{am} 22.

Ad 17.^{am} 23.

Ad 18.^{am}

^{24.} Etiam circa hanc instantiam diligentior facienda est inquisitio. Videtur enim Calx viua aquâ afferata concipere calorem; vel propter unionem caloris qui anteâ distrahebatur, (ut antè dictum est de Herbis conclusis) vel ob irritationem & exasperationem spiritus ignei ab aquâ, ut fiat quidam conflictus & antiperistasis. Vtra verò res sit in causâ, facilius apparebit, si loco Aquæ immittatur Oleum: Oleum enim æquè ac Aqua valebit ad unionem spiritus inclusi, sed non ad irritationem. Etiam faciendum est Experimentum latius tam in cineribus & calcibus diuersorum corporum, quam per immisionem diuersorum liquorum.

Ad 19.^{am}

^{25.} ^{26.} ^{27.} Huic instantiæ subiungitur Negatiua aliorum metallorum, quæ sunt magis mollia & fluxa. Etenim bracteolæ Auri solutæ in liquorem per Aquam Regis, nullum dant calorem ad tactum in dissolutione: neque similitè plumbum in Aquâ forti. Neque etiam Argentum viuum, (ut memini) sed Argentum ipsum parùm excitat caloris, atque etiam Cuprum, (ut memini) sed magis manifestò Stannum, atque omnium maximè Ferrum & Chalybs; quæ non solum fortè excitant calorem in dissolutione, sed etiam violentam ebullitionem. Itaque videtur calor fieri per conflictum, cum Aquæ fortes penetrant & fodiunt & diuellunt partes corporis, & corpora ipsa resistunt. Ubi verò corpora facilius cedunt, vix excitatur Calor.

Ad 20.^{am}

^{26.} Calori Animalium nulla subiungitur Negatiua, nisi Insectorum (ut dictum est) ob paruitatem corporis. Etenim in Piscibus collatis ad Animalia terrestria magis notatur gradus coloris, quam priuatio. In Vegetabi-

getabilibus autem & Plantis nullus percipitur gradus caloris ad tactum, neque in lachrymis ipsorum, neque in Medullis recentè apertis. At in Animalibus magna reperitur diuersitas Caloris, tum in partibus ipsorum; (alius est enim calor circa Cor, aliis in Cerebro, aliis circa Externa) tum in Accidentibus eorum, ut in exercitatione vehementi, & febribus.

Huic Instantiæ vix subiungitur Negatiua. Quintam excrementa Animalium non recentia manifestè habent calorem potentialem, ut cernitur in impinguatione Soli.

Liquores (sive Aquæ vocentur, sive Olea) qui Ad 22.^{am} & habent magnam & intensam acrimoniam, exequuntur 23.^{am} opera caloris in diuulsione corporum, atque adustione post aliquam moram: sed tamen ad ipsum tactum manus non sunt calidi ab initio. Operantur autem secundum analogiam, & poros corporis cui adiunguntur. Aqua enim Regis Aurum soluit, Argentum minimè: At contrà, Aqua fortis Argentum soluit, Aurum minimè: Neutrum autem soluit Vitrum; & sic de cæteris.

Fiat Experimentum spiritus vini in Lignis, ac Ad 24.^{am} etiam in Butyro, aut Cerâ, aut Pice; si forte per calorem suum ea aliquatenus liquefaciat. Etenim Instantia 24.^a ostendit potestatem eius imitatiuam Caloris in incrustationibus. Itaque fiat similiter Experimentum in Liquefactionibus. Fiat etiam Experimentum per Vitrum Graduum sive Calendare, quod concavum sit in summitate suâ per exterius; & immittatur in illud concavum exterius, spiritus vini benè rectificatus, cum operculo

culo ut melius contineat calorem suum; & notetur vtrum per calorem suum faciat aquam descendere.

Ad 25.^{am 30.a} Aromata, & Herbæ acres ad palatum, multò magis sumptæ interiùs, percipiuntur calida. Videndum itaque in quibus alijs materijs exequantur opera caloris. Atque referunt Nautæ, cùm cumuli & massæ Aromatum diù conclusæ subito aperiuntur, periculum instare illis qui eas primò agitant & extrahunt, à febribus & inflammationibus spiritus. Similiter fieri poterit Experimentum, vtrum pulueres huiusmodi Aromatum aut Herbarum non arefaciant Laridum, & carnem suspensam super ipsos, veluti fumus Ignis.

Ad 26.^{am 31.a} Acrimonia sive Penetratio inest tam Frigidis, qualia sunt Acetum, & Oleum Vitrioli; quam Calidis, qualia sunt oleum Origani & similia. Itaque similiter & in Animatis carent dolorem, & in non-Animatis diuelunt partes & consumunt. Neque huic Instantiæ subiungitur Negatiua. Atque in Animatis nullus reperitur dolor, nisi cum quodam sensu caloris.

Ad 27.^{am 32.a} Communes sunt complures actiones & Calidi, & Frigidi, licet diuersâ admodum ratione. Nam niues, puerorum manus videntur paulò post vrever; & frigora tuentur carnes à putrefactione, non minus quam ignis; & Calores contrahunt corpora in minus, quod faciunt & Frigida. Verum hæc & similia opportunius est referre ad Inquisitionem de Frigido.

Aphor. XIII.

Tertiò facienda est Comparentia ad Intellectum Instantiarum in quibus Natura, de qua sit Inquisitio, inest secundum magis & minus; siue facta comparatione incrementi & decrementi in eodem subiecto, siue facta comparatione ad inuicem in subiectis diversis. Cum enim Forma rei sit ipissima Res; neque differat Res à Formâ, aliter quam differunt Apparens & Existens, aut Exterius & Interius, aut in ordine ad Hominem & in Ordine ad Uniuersum; omnino sequitur, ut non recipiatur aliqua Natura pro verâ Formâ, nisi perpetuo decrescat quando Natura ipsa decrescit, & similiter perpetuo augeatur quando Natura ipsa augetur. Hanc itaque Tabulam, Tabulam Graduum siue Tabulam Comparatiæ appellare consueimus.

Tabula Graduum, siue Comparatiæ
in Calido.

Primò itaque dicemus de ijs quæ nullum prorsus gradum Caloris habent ad tactum; sed videntur habere potentiam tantum quendam calorem, siue dispositionem & præparationem ad calidum. Postea demum descendemus ad ea, quæ sunt actu, siue ad tactum Calida, eorumque fortitudines & Gradus.

1. *In corporibus solidis & tangilibus non inuenit
ur aliquid, quod in Naturā suā Calidum
sit originaliter. Non enim lapis aliquis, non
metallum, non sulphur, non fossile aliquod, non
lignum, non aqua, non cadaver animalis, inueni-
untur Calida. Aquæ autem calidae in Balneis
videntur calefieri per accidens, sive per flam-
mam, aut ignem subterraneum, qualis ex Aet-
nā, & montibus alijs compluribus evomitur; si-
ue ex conflictu corporum, quemadmodū Calor
fit in ferri & stanni dissolutionibus. Itaque gra-
dus Caloris in Inanimatis, quatenus ad tactum
humanum, nullus est; veruntamen illa Gradus
Frigoris differunt; non enim æquè frigidum est
lignum, ac metallum. Sed hoc pertinet ad Ta-
bulam graduum in Frigido.*
2. *Ad 27. Attamen quoad potentiales Calores & præ-
parationes ad flammarum, complura inueniuntur
inanimata admodū disposita, ut Sulphur,
Naphtha, Petrelæum.*
3. *Quæ anteā incaluerunt, ut simus equinus ex ani-
mali, aut calx, aut fortassis cinis aut fuligo ex Igne,
reliquias latentes quasdam caloris prioris reti-
nent. Itaque fiunt quædam distillationes & se-
parationes corporum, per sepulturam in fimo
equino; atque excitatur calor in calce, per asper-
sionem aquæ; ut iam dicendum est.*

4. *Inter Vegetabilia non inuenitur aliqua Plantæ, sive pars Plantæ (veluti lachryma, aut medulla) quæ sit ad tactum humanum calida. Sed tamen (ut superius dictum est) herbae virides conclusæ calescunt; atque ad interiore tactum, veluti ad palatum, aut ad stomachum, aut etiam ad exteriores partes post aliquam moram (ut in emplastris & unguentis) alia vegetabilia inueniuntur calida, alia frigida.*

5. *Non inuenitur in partibus animalium, postquam fuerint mortuae aut separatae, aliquid calidum ad tactum humanum. Nam neque simus equinus ipse, nisi fuerit conclusus & sepultus calorem retinet. Sed tamen omnis simus habere videtur calorem potentiale, ut in agrorum impinguatione. Et similiter, cadaver animalium, huiusmodi habent latentem & potentialem calorem; adeò ut in Cœmeterijs, ubi quotidiè sunt sepulturæ, Terra calorem quandam occultum colligat, qui cadauer aliquod recentè impositum consumit, longè citius quam terra pura. Atque apud Orientales traditur inueniri textile quoddam tenue & molle, factum ex avium plumagine, quod vi innata butyrum soluat & liquefaciat, in ipso leuitè inuolutum.*

6. *Quæ impinguant agros, ut Fimi omnis generis, Creta, Arena maris, Sal, & similia, dispositionem nonnullam habent ad Calidum.*

7. *Omnis putrefactio in se rudimenta quædam exilis Caloris habet, licet non hucusque, ut ad tactum percipiatur. Nam nec ea ipsa quæ putrefacta soluuntur in animalcula, ut Caro, Caseus, ad tactum percipiuntur Calida; neque lignum putre, quod noctù splendet, deprehenditur ad tactum Calidum. Calor autem in putridis quandoque se prodit per odores tetros & fortes.*
8. *Primus itaque Caloris gradus, ex ijs quæ ad tactum humanum percipiuntur Calida, videtur esse Calor animalium, qui benè magnam habet gradum latitudinem; Nam insimus gradus (ut in insectis) vix ad tactum deprenditur; Summus autem gradus vix attingit ad gradum Caloris radiorum Solis in regionibus & temporibus maximè feruentibus; neque ita acris est, quin tolerari possit à manu. Et tamen referunt de Constantio, aliisque nonnullis, qui Constitutionis & habitus Corporis admodum siccii fuerunt, quod acutissimis febribus correpti, ita incaluerint, ut manum admotam aliquantulum urere visi sint.*
9. *Animalia, ex Motu & exercitatione, ex vino & epulis, ex venere, ex febribus ardenti-bus, & ex dolore, augentur Calore.*
10. *Animalia in accessibus febrium intermit-tium, à principio, frigore & horrore corripiuntur,*

tur; sed paulò pòst maiorem in modum incalescunt; quod etiam faciunt à principio in Causonibus, & febribus pestilentialibus.

11. Inquiratur ulterius de Calore comparato in diversis animalibus, veluti piscibus, quadrupedibus, serpentibus, avibus; atque etiam secundùm species ipsorum, ut in Leone, Milvio, Homine; Nam ex vulgari opinione, pisces per interiora minus Calidi sunt, aves autem maxime Calidæ; præsertim Columbae, Accipitres, Struthiones.

12. Inquiratur ulterius de Calore comparato in eodem animali, secundùm partes & membra eius diuersa. Nam lac, sanguis, sperma, oua, inueniuntur gradu modico tepida, & minus Calida quam ipsa caro exterior in animali, quando mouetur, aut agitur. Qualis verò gradus sit Caloris in cerebro, stomacho, corde, & reliquo, similitè adhuc non est quæsumum.

13. Animalia omnia, per hyemem & tempestates frigidas, secundùm Exterius frigent; sed per Interiora etiam magis esse Calida existimantur.

14. Calor Cœlestium etiam in regione calidissimâ, atque temporibus Anni & diei calidissimis, non eum gradum Caloris obtinet, qui vel lignum aridissimum, vel stramen, vel etiam linteum vestrum incen-

incendat aut adurat, nisi per specula comburen-
tia roboretur; sed tamen è rebus humidis vapo-
rem excitare potest.

15. *Ex traditione Astronomorum ponuntur stellæ aliæ magis, aliæ minùs Calidæ. Inter Planetas enim post Solem ponitur Mars calidissimus; deinde Iupiter, deinde Venus; Ponuntur autem tanquam frigidi, Luna, & deinde omnium maximè Saturnus. Inter fixas autem ponitur calidissimus Sirius; deinde Cor Leonis, sive Regulus; deinde Canicula, &c.*
16. *Sol magis calefacit, quo magis vergit ad perpendicularum, sive Zenith; quod etiam credendum est de alijs Planetis, pro modulo suo Caloris; Exempli gratiâ, Iouem magis apud nos calefacere, cùm positus sit sub Cancro, aut Leone, quam sub Capricorno, aut Aquario.*
17. *Credendum est Solem ipsum, & Planetas reliquos, magis calefacere in Perigæis suis, propter propinquitatem ad terram, quam in Apogæis. Quòd si eueniat, ut in aliquâ regione Sol sit simul in Perigæo, & proprius ad perpendicularum; necesse est ut magis calefaciat, quam in regione ubi Sol sit similiter in Perigæo, sed magis ad obliquum. Adeò ut Comparatio exaltationis Planetarum notari debeat, prout ex perpendiculari aut obliquitate participet, secundum regionum varietatem.*

18. *Sole* etiam, & similiter reliqui Planetæ, calefaccere magis existimantur, cum sint in proximo ad Stellas fixas maiores; veluti cum Sol ponitur in Leone, magis vicinus fit cordi Leonis, caudæ Leonis, & Spicæ virginis, & Sirio, & Canicula, quam cum ponitur in Cancro, ubi tamen magis sifstitur ad perpendiculum. Atque credendum est partes Cœli maiorem infundere calorem (licet ad tactum minimè perceptibilem) quo magis ornatæ sint Stellis, præsertim maioribus.

19. Omnidò Calor Cœlestium augetur tribus modis; videlicet ex perpendiculo, ex propinquitate siue Perigæo, & ex coniunctione siue consortio Stellarum.

20. Magnum omnino inuenitur interuallum, inter Calorem Animalium, ac etiam radiorum Cœlestium (prout ad nos deferuntur,) atque flammarum, licet lenissimam, atque etiam fgnitam omnia; atque insuper liquores, aut Aërem ipsum, maiorem in modum ab igne calefactum. Etenim flamma spiritus vini, præsertim rarā, nec constipata, tamen potis est stramen, aut linteum, aut papyrus incendere; quod nunquam faciet Calor Animalis, vel Solis, absque speculis comburentibus.

21. Flammæ autem, & Ignitorum, plurimi sunt gradus in fortitudine & debilitate Caloris. Verum

rūm de his nulla est facta diligens Inquisitio ; ut
necessē sit ista leuiter transmittere . Videtur
autem ex flammis illa ex spiritu vini esse mollis-
fima ; nisi forte Ignis fatuus , aut flammæ , seu
coruscationes ex sudoribus animalium , sint molli-
ores . Hanc sequi opinamur flammat ex vege-
tabilibus leuibus & porosis , ut stramine , scirpis ,
& folijs arefactis , à quibus non multū differ-
re flammat ex pilis aut plumis . Hanc sequitur
fortassē flamma ex lignis , præsertim ijs quæ non
multum habent ex resinā aut pice ; ita tamen ut
flamma ex lignis quæ paruā sunt mole (quæ vul-
gō colligantur in fasciculos) lenior sit , quam
quæ fit ex truncis arborum & radicibus . Id
quod vulgō experiri licet in fornacibus quæ fer-
rum excoquunt , in quibus ignis ex fasciculis &
ramis arborū non est admodū utilis . Hanc
sequitur (ut arbitramur) flamma ex oleo , &
seuo , & cerā , & huiusmodi oleosis & pingui-
bus , quæ sunt sine magnā acrimonia . For-
tissimus autem Calor reperitur in pice & resinā ;
atque adhuc magis in Sulphure , & Caphurā , &
Naphthā , & Petrelæo , & Salibus , (post-
quam materia cruda eruperit) & in horum com-
positionibus , veluti puluere Tormentario , Igne
Græco , (quem vulgō Ignem ferum vocant) &
diuersis eius generibus , quæ tam obstinatum ha-
bent Calorem , ut ab aquis nō facile extinguantur .

22. Existimamus etiam flammat , quæ resultat ex
non-

nonnullis metallis imperfectis, esse valde robusta & acrem. Verum de istis omnibus inquiratur ulterius.

23. Videlur autem flamma fulminum potentiorum
has omnes flamas superare; adeò ut ferrum
non ipsum perfectum aliquando colliguauerit in gut-
tas; quod flammæ illæ alteræ facere non pos-
sunt.

24. In Ignitis autem diuersi sunt etiam gradus Ca-
loris, de quibus etiam non facta est diligens in-
quisitio. Calorem maximè debilem existimamus
esse ex linteo vsto, quali ad flammæ excitatio-
nem vti solemus; & similiter ex ligno illo spon-
gioso, aut funiculis arefactis, qui ad tormento-
rum accensionem adhibentur. Post hunc se-
quitur carbo ignitus ex lignis, & anthracibus,
atque etiam ex lateribus ignitus, & similibus.
Ignitorum autem vehementissimè Calida existi-
mamus esse metalla ignita, vt Ferrum, & Cu-
prum, & cætera. Verum de his etiam facienda
est ulterior inquisitio.

25. Inueniuntur ex Ignitis nonnulla longè Calidio-
ra, quam nonnullæ ex flammis. Multò e-
nim Calidius est, & magis adurens Ferrum Ig-
nitum, quam flamma spiritus vini.

26. Inueniuntur etiam ex illis quæ Ignita non sunt,

sed tamen ab igne Calefacta, sicut Aquæ feruentes, & Aer conclusus in reuerberatorijs, nonnulla quæ superant Calorem multa ex flammis ipsis, & Ignitis.

27. Motus auget Calorem; ut videre est in foliibus & flatu; adeò ut duriora ex Metallis non soluantur, aut liquefiant per ignem mortuum aut quietum, nisi flatu excitetur.

28. Fiat Experimentum per specula comburentia, in quibus (ut memini) hoc fit; ut si speculum ponatur (exempli gratiâ) ad distantiam Spithamæ ab obiecto combustibili, non tantoperè incendat aut adurat, quam si positum fuerit speculum (exempli gratiâ) ad distantiam Semispithamæ, & gradatim & lentè trahatur ad distantiam Spithamæ. Conus tamen, & unio radiorum eadem sunt, sed ipse Motus auget operationem Caloris.

29. Existimantur incendia illa, quæ sunt flante vento forti, maiores progressus facere aduersus ventum, quam secundum ventum; quia scilicet flamma resilit motu perniciose, vento remittente, quam procedit vento impellente.

30. Flamma non emicat aut generatur, nisi detur aliquid concavi, in quo flamma mouere possit & ludere; præterquam in flammis flatuosis pulueris Tor-

Tormentarij, & similibus, vbi compressio & incarceratio flammæ auget eius furorem.

31. Incus per malleum calefit admodum; adeò ut si Incus fuerit laminæ tenuioris, existimemus illam per fortes & continuos ictus mallei posse rubescere, ut ferrum ignitum; sed de hoc fiat Experimentum.

32. At in Ignitis quæ sunt porosa, ita ut detur spatum ad exercendum motum ignis, si cohibeatur huiusmodi motus per compressionem fortem, statim extinguitur ignis; veluti cum linteum vestum, aut filum ardens candelæ aut lampadis, aut etiam carbo aut pruna ardens, comprimitur per pressorium, aut pedis conculcationem, aut huiusmodi, statim cessant operationes Ignis.

33. Approximatio ad corpus Calidum auget Calorem, pro gradu approximationis; quod etiam fit in lumine: Nam quo propius collocatur obiectum ad lumen, eo magis est visibile.

34. Vno calorum diuersorum auget Calorem, nisi facta sit commixtio corporum. Nam focus magnus, & focus parvus in eodem loco, non nihil in uicem augent Calorem; at aqua tepida immissa in aquam feruentem refrigerat.

35. *Mora corporis calidi auget Calorem. Etenim Calor perpetuò transiens & emanans, commiscetur cum calore præexistente, adeò ut multiplicet Calorem. Nam focus non aequè calefacit cubiculum per moram semiboræ, ac si idem focus duret per horam integrum. At hoc non facit lumen; Etenim lampas aut candela in aliquo loco posita, non magis illuminat per moram diuturnam, quàm statim ab initio.*

36. *Irritatio per frigidum ambiens, auget Calorem; ut in focis videre est per gelu acre. Quod existimamus fieri non tantùm per conclusionem & contractionem Caloris, quæ est species unionis; sed per exasperationem: veluti cùm Aér aut baculum violenter comprimitur aut flectitur, non ad punctum loci prioris resilit, sed ulterius in contrarium. Itaque fiat diligens Experimentum, per baculum vel simile aliquid immisum in flammarum, utrum ad latera flammæ non uratur citius, quàm in medio flammæ.*

37. *Gradus autem in susceptione Caloris sunt complures. Atque primò omnium notandum est, quàm paruus & exilis calor, etiam ea corpora quæ Caloris minimè omnium sunt susceptiva, immitidetur tamen & nonnihil calefaciat. Nam ipse calor manus, globulum plumbi, aut alicuius Metalli, paulisper detentum nonnihil calefacit. Adeò facile, & in omnibus transmitti-*

tur & excitatur Calor, corpore nullo modo ad apparentiam immutato.

38. Facillimè omnium corporum apud nos & excipit, & remittit Calorem Aer; quod optimè cernitur in vitris Calendaribus. Eorum confatio est talis: Accipiatur vitrum ventre concavo, collo tenui & oblongo; resupinetur & demittatur huiusmodi vitrum ore deorsum verso, ventre sursum, in aliud vasculum vitreum ubi sit Aqua; tangendo fundum vasculi illius recipientis, extremo ore vitri immisi, & incubat paululum vitri immisi collum ad os vitri recipientis, ita ut stare possit; quod ut commodius fiat, apponatur parum ceræ ad os vitri recipientis, ita tamen ut non penitus obturetur os eius, ne ob defectum Aeris succendentis impediatur motus, de quo iam dicetur, qui est admodum facilis & delicatus.

Oportet autem ut vitrum demissum, antequam inseratur in alterum, calefiat ad ignem à parte superiori, ventre scilicet. Postquam autem fuerit vitrum illud collocatum, ut diximus, recipiet & contrahet se Aer (qui dilatatus erat per calefactionem) post moram sufficientem pro extinctione illius ascititiij Caloris, ad talem extensionem sive dimensionem, qualis erit Aeris ambientis aut communis tunc temporis, quando immittitur vitrum, atque attrahet aquam in sursum ad huiusmodi mensuram. Debet autem appen-

appendi charta angusta & oblonga, & gradibus (quot libuerit) interstincta. Videbis autem prout tempestas diei incalescit aut frigescit, Aërem se contrahere in angustius per frigidum, & extendere se in latius per Calidum; id quod conspicietur per aquam ascendentem quando contrahitur Aër, & descendente siue depresso quando dilatatur Aër. Sensus autem aeris, quatenus ad Calidum, & Frigidum, tam subtilis est & exquisitus, ut facultatem tactus humani multum superet; adeò ut Solis radius aliquis, aut calor anhelitus, multò magis calor manus, super vitri summitatē positus, statim deprimat aquam manifestò. Attamen existimamus spiritum animalium magis adhuc exquisitum sensum habere Calidi & Frigidi, nisi quod à mole corporeā impediatur & hebetetur.

39. Post Aërem existimamus corpora esse maximè sensitiua Caloris ea, quæ à frigore recenter immutata sint & compressa, qualia sunt Nix, & Glacies; ea enim leni aliquo tempore solui incipiunt & colliquari. Post illa sequitur fortasse Argentum viuum. Post illud sequuntur corpora pinguia, ut oleum, butyrum, & similia; deinde Lignum; deinde Aqua. Postremò Lapi des, & Metalla, quæ non facile calefiunt, præsertim interiùs. Illatamen Calorem semel suscepimus diutissimè retinent, ita ut later, aut lapis, aut ferrum ignitum in peluum aquæ frigidæ immissum,

missum, & demersum per quartam partem horae (plus minus) retineat Calorem, ita ut tangi non possit.

40. Quod minor est corporis moles, eò citius per corpus calidum approximatum incalescit; id quod demonstrat omnem Calorem apud nos, esse corpori tangibili quodammodo aduersum.

41. Calidum, quatenus ad sensum & tactum humanum, res varia est & respectiva; adeo ut aqua tepida, si manus frigore occupetur, sentiantur esse calida; si manus incaluerit, frigida.

Aphor. XIV.

Quam inopes sumus historiae, qui quis facile aduetet, cum in Tabulis superioribus, præterquam quod loco historiæ probatae & Instantiarum certarum nonnunquam traditiones & relationes inseramus, (semper tamè adiecta dubiæ fidei & Authoritatis vota) sæpenumerò etiam hisce verbis, Fiat Experimentum, vel Inquiratur ulterius, uti cogamur.

XV.

Atque Opus & officium harum trium Tabularum, Comparentiam Instantiarum ad intellectum, vocare consueimus. Facta autem Comparentia, in opere ponenda est ipsa Inductio, fñuenienda

enda est enim, super Comparentiam omnium & singularum Instantiarum, Naturā talis, quæ cum naturā data perpetuò adsit, absit; atque crescet, & decrescat; sitq; (ut superius dictum est) limitatio Naturae magis communis. Hoc si mens iam ab initio facere tentet affirmatiū (quod sibi permitta semper facere solet) occurrit phantasmatum, & opinabilia, & Notionalia male terminata, & Axiomata quotidie emendanda; nisi libeat (Scholarum more) pugnare pro falsis. Ea tamen proculdubio erunt meliora aut prauiora, pro facultate & robore intellectus qui operatur. At omnino Deo (Formarum Inditori & opifici) aut fortasse Angelis & Intelligentijs competit, Formas per Affirmationem immediate nosse, atque ab initio Contemplationis. Sed certè supra hominem est; Cui tantum conceditur, procedere primò per Negatiuas, & postremo loco desinere in Affirmatiuas, post omnimodam exclusionem.

XVI.

ITaq; Naturae facienda est prorsus solutio & separatio; non per Ignem certè, sed per Mētem, tanquam Fgnem diuinum. Est itaq; Inductionis veræ opus primum (quatenus ad inueniendas Formas) Reiectio sue Exclusiva Naturarum singularum, quæ non inueniantur in aliquā Instantiā, ubi Natura data adest; aut inueniantur in aliquā Instantiā, ubi Natura data abest; aut inueniuntur in aliquā Instantiā crescere, cùm Natura data crescet; aut decrescere,

cùm

cum Natura data crescat. Tum vero post Reiectio-
nem & Exclusiua debit is modis factam , secundo
loco (tanquam in fundo) manebit (abeuntibus in fu-
mum opinionibus volatilibus) Forma affirmativa , soli-
da , & vera , & bene terminata . Atque hoc breue
dic tu est , sed per multas ambages ad hoc peruenitur .
Nos autem nihil fortasse ex ijs , quae ad hoc faciunt ,
prætermittimus .

XVII.

C auendum autem est , & monendum quasi perpe-
tuò , ne cum tantæ partes Formis videantur à no-
bis tribui , trahantur ea , quæ dicimus , ad Formas eas , qui-
bus hominum contemplationes & cogitationes hactenùs
assueuerunt .

Primò enim , de Formis copulatis , quæ sunt (ut
diximus) Naturarum simplicium Coniugia ex cursu
communi vniuersi , vt Leonis , Aquilæ , Rosæ , Au-
ri , & huiusmodi , impræsentiarum non loquimur . Tem-
pus enim erit de ijs tractandi , cum ventum fuerit ad
latentes Processus , & latentes Schematismos ,
eorumque inuentionem , prout reperiuntur in substantijs
(quas vocant) seu Naturis concretis .

Rursus vero , non intelligantur ea quæ dicimus
(etiam quatenus ad Naturas simplices) de formis &
Idæis abstractis , aut in materiâ non determinatis , aut
malè determinatis . Nos enim quum de Formis lo-
quimur , nil aliud intelligimus , quam leges illas & de-
terminationes Actus puri , quæ Naturam aliquam

simplicem ordinant & constituunt ; ut calorem , lumen , pondus , in omnimodâ materiâ & subiecto susceptibili . Itaque eadem res est Forma Calidi , aut Forma Luminis , & Lex Calidi , sive Lex Luminis ; neque verò à rebus ipsis & parte operatiuâ , unquam nos abstrahimus , aut recedimus . Quare cùm dicimus (exempli gratiâ) in Inquisitione Formæ Caloris , Reijce tenuitatem , aut , tenuitas non est ex Formâ Caloris ; idem est ac si dicamus , potest homo superinducere Calorem in corpus densum ; aut contrà , potest homo auferre aut arcere Calorem à corpore tenui .

Quòd si cuiquam videantur etiam Formæ nostræ habere nonnihil abstracti , quòd misceant & coniungant heterogenea (videntur enim valde esse heterogenea Calor Cœlestium , & Ignis ; rubor fixus in rosâ , aut similibus , & apparet in Iride , aut radijs Opalij , aut Adamantis ; Mors ex sumersione , ex crematione , ex puncturâ gladij , ex Apoplexiâ , ex Atrophiâ ; & tamen conueniunt ista in Naturâ Calidi , Ruboris , Mortis) is se habere intellectum nôrit consuetudine , & integralitate rerum , & opinionibus captum & detentum . Certissimum enim est , ista , vt cunq; heterogenea & aliena , coire in Formam , sive Legem eam quæ ordinat Calorem , aut ruborem , aut mortem ; nec emancipari posse potentiam humanam , & liberari à Naturæ cursu communi , & expandi & exaltari ad Efficientia noua , & Modos operandi nouos , nisi per reuelationem & inuentionem huiusmodi Formarum ; & tamen post istam unionem Naturæ , quæ est

est res maximè principalis, de Naturæ diuisiōnibus & venis, tam ordinarijs, quām interioribus & verioribus, suo loco posteā dicetur.

XVIII.

Iam verò proponendum est Exemplum Exclusionis & Rejectionis Naturarum, quæ per Tabulas Comparentiæ reperiuntur non esse ex Formâ Calidi; illud interim monendo, non solum sufficere singulas Tabulas ad Rejectionem alicuius Naturæ, sed etiam vnamquamque ex Instantijs singularibus in illis contentis. Manifestum enim est ex ijs quæ dicta sunt, omnem Instantiam contradictoriam destruere opinabile de Formâ. Sed nihilominus quandoque perspicuitatis causâ, & ut usus Tabularum clarius demonstretur, Exclusiuam duplicamus, aut repetimus.

Exemplum Exclusiæ, & Rejectionis
Naturarum à formâ Calidj.

1. **P**er radios Solis, Reijce Naturam Elementarem.

2. Per Ignem communem, & maximè per Ignes subterraneos (qui remotissimi sunt, & plurimum intercluduntur à radijs Cœlestibus) Reijce Naturam Cœlestem.

3. Per Calefactionem omnigenū corporum, (hoc est, Mineralium, Vegetabilium, partium exteriorum Animalium, Aquæ, Olej, Aëris, & reliquorum) ex approximatione solā ad Ignem, aut aliud Corpus calidum; Reijce omnem Varietatem, siue subtiliorem Texturam corporum.
4. Per Ferrum & Metalla ignita, quæ calefaciunt alia corpora, nec tamen omnino pondere aut substantiâ minuuntur; Reijce inditionem siue mixturam substantiæ alterius Calidj.
5. Per Aquam feruentem, atque Aërem, atque etiam per Metalla, & alia Solida calefacta, sed non usque ad ignitionem siue ruborem; Reijce Lucem aut Lumen.
6. Per radios Lunæ, & aliarum Stellarum, (excepto Sole) Reijce etiam Lucem & Lumen.
7. Per Comparatiuam Ferri igniti, & Flammatæ spiritus vini (ex quibus, Ferrum ignitum plus habet calidi & minus lucidi, Flamma autem spiritus vini plus lucidi & minus calidi) Reijce etiam Lucem & Lumen.
8. Per aurum & alia Metalla ignita, quæ densissimi sunt corporis secundum totum; Reijce Tenuitatem.

9. Per

9. *Per Aërem, qui inuenitur ut plurimum frigidus, & tamen manet tenuis; Reijce etiam Tenuitatem.*
10. *Per Ferrum ignitum, quod non intumescit mole, sed manet intra eandem dimensionem visibilem; Reijce Motum localem, aut expansuum secundum totum.*
11. *Per dilatationem Aëris in Vitrīs Calendarijs & similibus, qui mouetur localiter & expansuè manifestò, neque tamen colligit manifestum augmentum Caloris; Reijce etiam Motum Localem, aut expansuum secundum totum.*
12. *Per facilem Tepefactionem omnium corporum, absque aliquā destruōione aut alteratione notabilis; Reijce Naturam destruōiam, aut inditionem violentam alicuius Naturæ nouæ.*
13. *Per Consensum & Conformatatem operum similiū, quæ eduntur à Calore & à Frigore; Reijce Motum tam Expansuum quam Contrariū, secundum totum.*
14. *Per Accensionem Caloris ex attritione corporum; Reijce Naturam Principialem. Naturam Principialem vocamus eam, quæ Positiva reperitur in Naturâ, nec causatur à Naturâ præcedente.*

Sunt

Sunt & aliae Naturæ: neque enim Tabulas confimus perfectas, sed Exempla tantum.

Omnis & singulæ Naturæ prædictæ non sunt ex Formâ Calidi. Atque ab omnibus Naturis prædictis liberatur Homo in operatione super Calidum.

Aphor. XIX.

ATQUE in Exclusiuâ iacta sunt fundamenta Inductionis veræ; quæ tamen non perficitur donec si-
statur in Affirmatiuâ. Neque verò ipsa Exclusiuâ
ullo modo perfecta est, neque adeò esse potest sub ini-
tijs. Est enim Exclusiuâ (ut planè liquet) Reiectio
Naturarum Simplicium: Quòd si non habeamus ad-
huc bonas & veras Notiones Naturarum simplici-
um, quomodo rectificari potest Exclusiuâ? At non-
nullæ ex supradictis (veluti Notio Naturæ Elemen-
taris, Notio Naturæ Cœlestis, Notio Tenuitatis)
sunt Notiones vagæ, nec bene terminatae. Itaque
nos, qui nec ignari sumus, nec oblieti, quantum opus
aggrediamur; (viz. ut faciamus Intellectum huma-
num Rebus & Naturæ parem) nullo modo acquies-
cimus in his quæ adhuc præcepimus: sed & rem in ul-
terius prouehimus, & fortiora auxilia in usum Intel-
lectus machinamur & ministramus, quæ nunc subiungemus. Et certè in Interpretatione Naturæ ani-
mus omnino taliter est præparandus & formandus, ut
& sustineat se in gradibus debitissimis & ta-
men cogitet (præsertim sub initijs) ea, quæ adsunt,
multum pendere ex ijs quæ supersunt.

Atta-

XX.

ATtamen quia citius emergit Veritas ex errore quam ex confusione, utile putamus ut fiat permissione Intellectui, post tres Tabulas Comparentiae primae (quales posuimus) factas & pensitatas, accingendi se & tentandi opus Interpretationis Naturae in affirmatiua; tam ex Instantijs Tabularum, quam ex ijs quæ alias occurrent. Quod genus Tentamenti, Permissionem Intellectus, sive Interpretationem inchoatam, sive Vindemiationem primam appellare consueuimus.

Vindematio prima de Formâ
Calidi.

ANimaduertendum autem est, Formam rei inesse (ut ex ijs, quæ dicta sunt, planè liquet) Instantijs vniuersis & singulis, in quibus Res ipsa inest; aliter enim Forma non esset: Itaque nulla planè dari potest Instantia contradictoria. Attamen longè magis conspicua inuenitur Forma & eidens in aliquibus Instantijs, quam in alijs; in ijs videlicet, ubi minus coabit a est Natura Formæ, & impedita, & redacta in ordinem, per Naturas alias. Huiusmodi autem Instantias, Elucescentias vel Instantias Ostensivas appellare consueuimus. Pergendum itaque est ad Vindemiationem ipsam primam de Formâ Calidi.

Per

Per vniuersas & singulas Instantias, Natura,
cuius limitatio est Calor, videtur esse Motus.
Hoc autem maxime ostenditur in Flammā, quæ
perpetuò mouetur; & in Liquoribus feruentibus
aut bullientibus, qui etiam perpetuò mouentur.
Atque ostenditur etiam in incitatione sive incre-
mento Caloris facto per motum; ut in Follibus,
& ventis: de quo vide Instant. 29. Tab. 3.
Atque similiter in alijs modis Motus, de-
quibus vide Instant. 28. & 31. Tab. 3. Rur-
sus ostenditur in extinctione Ignis & Caloris
per omnem fortem compressionem, quæ fræ-
nat & cessare facit Motum: de qua vide
Instant. 30. & 32. Tab. 3. Ostenditur etiam
in hoc, quod omne corpus destruitur aut saltem
insigniter alteratur ab omni Fgne & Calore
forti ac vehementi: Unde liquidò constat, fieri à
Calore tumultum & perturbationem, & motum
acrem in partibus internis Corporis; qui sensim
vergit ad dissolutionem.

Intelligatur hoc quod diximus de Motu, (nem-
pe, ut sit instar Generis ad Calorem) non quod Calor
generet Motum, aut quod Motus generet Calo-
rem; (licet & hæc in aliquibus vera sint) sed quod
ipissimus Calor, sive Quid ipsum Caloris sit Mo-
tus, & nihil aliud: limitatus tamen per Differentias,
quas mox subiungemus, postquam nonnullas cautiones
adiecerimus ad evitandum Äequiuocum.

Calidum ad sensum, res Respectiva est, & in or-
dine

dine ad *Hominem*, non ad *Vniuersum*; & ponitur recte ut Effectus Caloris tantum in spiritum Anima-lem: Quin etiam in seipso res varia est, cum idem cor-pus (prout Sensus prædisponitur) inducat perceptio-nem tam Calidi quam Frigidi: ut patet per Instant:

41. Tab. 3.

*N*eque verò communicatio Caloris, sive *Natura* eius Transiua, per quam corpus admotum corpori cali-ido incalescit, confundi debet cum formâ Cali-di. Aliud enim est Calidum, aliud Calefactuum. *N*am per motum Attritionis inducitur Calor absque aliquo Calido præcedente, unde excluditur Calefacti-uum à Formâ Calidi. Atque etiam ubi Calidum effi-citur per approximationem Calidi, hoc ipsum non fit ex formâ Calidi; sed omnino pendet à *Naturâ* altiore & magis communi; viz. ex *Naturâ* Assimilationis sive Multiplicationis sui: de quâ facienda est Sepa-ratim inquisitio.

At notio Ignis plebeia est, & nihil valet: compo-sita enim est ex concurso qui fit Calidi & Lucidi in ali-quo corpore; ut in Flammâ communi, & corporibus ac-censis usque ad ruborem.

Remoto itaq; omni *Æquiuoco*, veniendum iam tan-dem est ad Differentias veras quæ limitant Motum, & constituant eum in Formam Calidj.

Prima igitur Differentia ea est quod Calor sit Motus Expansius, per quem corpus ni-titur ad dilatationem sui, & recipiendi se in ma-iorem sphærām sive dimensionem, quam prius oc-Bb cupauerat.

cupauerat. Hæc autem Differentia maxime ostenditur in flammâ; ubi fumus sive halitus pinguis manifestò dilatatur & aperit se in flam-mam.

Ostenditur etiam in omni Liquore fervere, qui manifestò intumescit, insurgit, & emittit bulbulas; atque urget processum expandendi se, donec revertatur in corpus longè magis extensum & dilatum, quam sit ipse Liquor; viz. in Vaporem, aut Fumum, aut Aërem.

Ostenditur etiam in omni Ligno & Combustibili; ubi fit aliquando exudatio, at semper euaporatio.

Ostenditur etiam in colligatione Metal-lorum; quæ (cùm sint corporis compactissimi) non facile intumescunt & se dilatant: sed tamen Spiritus eorum, postquam fuerit in se dilatus, & maiorem adèo dilatationem concupierit, trudit planè & agit partes crassiores in Liquidum. Quod si etiam Calor fortius intendatur, soluit & vertit multum ex ijs in volatile.

Ostenditur etiam in Ferro aut Lapidibus: quæ licet non liquefiant aut fundantur, tamen emolliuntur. Quod etiam fit in baculis ligni; quæ calefacta paululum in cineribus calidis sunt flexibilia.

Optime autem cernitur iste Motus in Aere, qui per exiguum calorem se dilatat continuò & manifestò: ut per Instant: 38. Tab. 2.

Ostenditur etiam in naturâ contraria Frigi-

di.

di. Frigus enim omne corpus contrahit & cogit in angustius ; adeò ut per intensa Frigora clavi excidant ex parietibus, æra dissiliant, vitrum etiam calefactum & subito positum in Frigido dissiliat & frangatur. Similiter Aër per leuem infrigidationem recipit se in angustius : ut per Instant. 38. Tab. 3. Verùm de his fusiis dicetur in inquisitione de Frigido.

Neque mirum est, si Calidum & Frigidum edant complures actiones communes, (de quo vide Instant. 32 Tab. 2.) cùm inueniantur duæ ex sequentibus Differentijs (de quibus mox dicemus) quæ competit utrius Naturæ ; licet in hac Differentiâ (de qua nunc loquimur) actiones sint ex diametro oppositæ : Calidum enim dat motum expansum & dilatantem, Frigidum autem dat motum contractuum & coëuntem.

Secunda Differentia est modificatio priorū ; Hæc videlicet, quod Calor sit Motus expansus sive versus circumferentiam : hac lege tamen, ut una feratur corpus sursum. Dubium enim non est, quin sint Motus complures mixti. Exempli gratiâ : sagitta aut spiculum simul & progrediendo rotat, & rotando progreditur. Similiter & Motus Caloris simul est & Expansus, & Latio in sursum.

Hæc verò Differentia ostenditur in Forcipe,

aut Bacillo ferreo immisso in ignem : quia si immittatur perpendiculariter tenendo manum superius, citò manum adurit ; sin ex latere aut inferius, omnino tardius.

Conspicua etiam est in Distillationibus per Descensorium; quibus utuntur homines ad Flores delicatores, quorum odores facile euanescent. Nam hoc reperit industria, ut collocent Ignem non subtèr sed suprà, ut adurat minus. Neque enim Flamma tantum vergit Jursum, sed etiam omne Calidum.

Fiat autem Experimentum huius rei in contraria Naturæ Frigidi : viz. utrum Frigus non contrahat corpus descendendo deorsum; quemadmodum Calidū dilatat corpus ascendendo sursum. Itaq; adhibeantur duo bacilla ferrea, vel duo tubi vitrei, quoad cætera pares; & calefiant nonnihil; & ponatur spongia cum aqua frigidâ, vel nix, subter unam, & similitè super alteram. Existimamus enim celeriorem fore Refrigerationem ad extremitates, in eo bacillo ubi nix ponitur suprà, quam in eo ubi nix ponitur subtèr : contrà ac sit in Calido.

Tertia Differentia ea est ; ut Calor sit Motus, non Expansius uniformiter secundum totum, sed Expansius per particulas minores corporis; & simul cohibitus, & repulsus, & reverberatus, adeò ut induat Motum alternatum, & perpetuò trepidantem, & tentantem, & ni-

& nitentem, & ex repercussione irritatum; unde furor ille Ignis & Caloris ortum habet.

Ista verò Differentia ostenditur maximè in Flammā & Liquoribus bullientibus: quæ perpetuò trepidant, & in paruis portionibus tument, & rursus subsidunt.

Ostenditur etiam in ijs corporibus, quæ sunt tam duræ compagis, ut calefacta aut Ignita non intumescant aut dilatentur mole; & Ferrum ignitum, in quo Calor est acerrimus.

Ostenditur etiam in hoc, quod per frigidissimas tempestates focus ardeat acerrimè.

Ostenditur etiam in hoc, quod cùm extenditur Aer in vitro Calendari absque impedimento aut repulsione, uniformiter scilicet & æqualiter; non percipiatur Calor. Etiam in ventis conclusis, licet erumpant vi maximâ, tamen non percipitur Calor insignis; quia scilicet Motus fit secundum totum, absque Motu alternante in particulis. Atque ad hoc fiat Experimentum, vtrum Flamma non vrat acrius versus latera, quam in medio flammæ.

Ostenditur etiam in hoc, quod omnis vestio transfigatur per minutos poros corporis quod virtutur; adeò ut Vestio subruat, & penetret, & fodicit, & stimulet; perinde ac si essent infinitæ cuspides acūs. Itaque ex hoc illud etiam fit, quod omnes Aquæ fortes (si proportionatæ sint ad corpus, in quod agunt) edant opera Ignis, ex naturâ suâ corrodente & pungente.

Atque

Atque ista Differentia (de quā nunc dicimus) communis est cum naturā Frigidi; in quo cobibetur Motus contractius, per renitentiam expandendi; quemadmodū in Calido cobibetur Motus expansius, per renitentiam contrahendi.

Itaque siue partes corporis penetrerent versūs interius, siue penetrerent versūs exterius, simili est ratio; licet impar admodū sit fortitudo: quia non habemus hīc apud nos in superficie Terræ aliquid, quod sit impensè Frigidum. Vide Instant. 27. Tab. 9.

Quartā Differentia est modificatio prioris: Hæc scilicet, quod Motus ille Stimulationis aut Penetrationis debeat esse nonnihil rapidus & minimè latus; atque fiat etiam per particulas, licet minutas; tamen non ad extremam subtilitatem, sed quasi maiusculas.

Ostenditur hæc Differentia in comparatione operum quæ edit Ignis, cum ijs quæ edit Tempus siue Ætas. Ætas enim siue Tempus arefacit, consumit, subruit, & incinerat, non minus quam Ignis; vel potius longè subtilius: sed quia Motus eiusmodi est latus admodū & per particulas valdè exiles, non percipitur Calor.

Ostenditur etiam in comparatione dissolutiōnum Ferri & Auri. Aurum enim dissoluitur absque

absque calore excitato; Ferrum autem cum velociitate
bimenti excitatione Caloris, licet simili ferè in-
teruallo quoad tempus. Quia scilicet in Auro,
ingressus Aquæ Separationis est clemens & subtiliter insinuans, & cessatio partium Auri facilis:
At in Ferro, ingressus est asper, & cum confli-
ctu, & partes Ferri habent obstinationem
maiorem.

Ostenditur etiam aliquatenus in Gangrenis
nonnullis & Mortificationibus carnium; quæ
non excitant magnum calorem aut dolorem, ob
Subtilitatem putrefactionis.

Atque hæc sit Prima Vindemiatio, sive Interpretabilitas inchoata de Formâ Calidi, facta per Permissionem Intellectus.

Ex Vindemiatione autem istâ primâ, *Forma*,
sive Definitio vera Caloris (eius, qui est in ordine ad
Uniuersum, non relatiuus tantummodo ad Sensum)
talis est, breui verborum complexu. Calor est Mo-
tus Expansiuss, cohibitus, & nitens per partes
minores. Modificatur autem *Expansio*; vt expan-
dendo in ambitum, nonnihil tamen inclinet ver-
sus superiora. Modificatur autem & *Nixus* ille
per partes; vt non sit omnino segnis, sed incitatus
& cum impetu nonnullo.

Quod verò ad Operatiuam attinet, eadem res est.
Nam designatio est talis. Si in aliquo corpore na-
turali poteris excitare Motum ad se dilatandum,
aut expandendum; eumque Motum ita repr-
mere

mere &c in se vertere, ut dilatatio illa non procedat aequaliter sed partim obtineat, partim retrudatur; proculdubio generabis Calidum: non habita ratione, siue corpus illud sit Elementare, (ut loquuntur) siue imbutum a Cœlestibus, siue luminosum, siue opacum; siue tenue, siue densum; siue localiter expansum, siue intra claustra dimensionis primæ contentum; siue vergens ad dissolutionem, siue manens in statu; siue Animal, siue Vegetabile, siue Minerale, siue Aqua, siue Oleum, siue Aër, aut aliqua alia substantia quæcunque susceptiva Motus prædicti. Calidum autem ad Sensum, res eadem est: sed cum analogia, qualis competit Sensui. Nunc verò ad ulteriora auxilia procedendum est.

Aphor. XXI.

Post Tabulas Comparentiæ primæ & Reiectionem siue Exclusiā, nec non Vindemiationem primam factam secundūm eas; pergendū est ad reliqua auxilia Intellectūs, circā Interpretationem Naturæ, & Inductionem veram ac perfectam. In quibus proponendis, ubi opus erit Tabulis, procedemus super Calidum & Frigidum; ubi autem opus erit tantum Exemplis paucioribus, procedemus per alia omnia: ut nec confundatur Inquisitio, & tamen Doctrina versetur minus in angusto.

Dicemus itaque primo loco, de Prerogatiis Instantiarum: Secundō, de Adminiculis Inductionis: Tertiō, de Rectificatione Inductionis:

Quar-

Quarto, de Variatione Inquisitionis pro Naturâ Subiecti: Quinto, de Prærogatiis Naturarum quatenus ad Inquisitionem, sive de eo quod inquirendum est prius & posterius: Sexto, de Terminis Inquisitionis, sive de Synopsi omnium Naturarum in Uniuerso: Septimo, de Deductione ad Praxin, sive de eo quod est in Ordine ad Hominem: Octavo, de Parafceuis ad Inquisitionem: Postremo autem, de Scalâ Ascensoriâ & Descensoriâ Axiomatum.

XXII.

Inter Prærogatiwas Instantiarum, Primo proponemus Instantias Solitarias. Eæ autem sunt Solitariæ, quæ exhibent Naturam, de qua sit Inquisitio, in talibus Subiectis quæ nil habent commune cum alijs Subiectis, præter illam ipsam Naturam: aut rursum quæ non exhibent Naturam, de qua sit Inquisitio, in talibus Subiectis quæ sunt similia per omnia cum alijs Subiectis, præterquam in illâ ipsâ Naturâ. Manifestum enim est, quòd huiusmodi Instantiæ tollant ambages, atque accelerent & roborent Exclusiuam; adeò ut paucæ ex illis sint instar multarum.

Exempli gratiâ: si fiat Inquisitio de Naturâ Coloris, Instantiæ Solitariæ sunt Prismata, Gemmæ Chrystallinæ quæ reddunt colores, non solum in se, sed exterius supra parietem: Item Rores, &c. Istæ enim nil habent commune cum coloribus fixis in Floribus,

C^c

Gem-

Gemmis coloratis, Metallis, Lignis, &c. præter ipsum colorem. Unde facile colligitur, quod Color nil aliud sit quam Modificatio imaginis lucis immisæ & receptæ: in priore genere, per gradus diuersos Incidentes; in posteriore, per Texturas & Schematismos varios corporis. Istæ autem, Instantiæ sunt Solitariæ quatenus ad Similitudinem.

Rursus in eâdem Inquisitione, venæ distinctæ Albi & Nigri in Marmoribus, & variegationes colorum in Floribus eiusdem speciei, sunt Instantiæ Solitariæ. Album enim & Nigrum Marmoris, & maculæ Albi & Purpurei in floribus Garyophylli, conueniunt ferè in omnibus præter ipsum colorem. Unde facile colligitur, Colorem non multum rei habere cum Naturis aliquius corporis intrinsecis, sed tantum situm esse in Posturâ partium crassiori & quasi Mechanicâ. Istæ autem Instantiæ sunt Solitariæ, quatenus ad Discrepantiæ. Vtrunque autem genus, Instantias Solitarias appellare consueimus; aut Ferinas, sumpto vocabulo ab Astronomis.

XXIII.

INTER PRÆROGATIVAS Instantiarum, ponemus secundo loco Instantias Migrantes. Eæ sunt, in quibus Naturæ Inquisita migrat ad generationem, cùm prius non existeret; aut contrâ migrat ad corruptionem, cùm prius existeret. Itaque in utrâque Antistrope, Instantiæ tales sunt semper geminæ; vel potius una Instantia in motu, sive transitu, producta ad periodum aduersam. At huiusmodi Instantiæ non solum acce-
rant

rant & roborant Exclusuam, sed etiam compellunt Affirmatiuam, siue Formam ipsam in angustum. Necesse est enim ut Forma rei sit quippiam, quod per huiusmodi Migrationem indatur; aut contra per huiusmodi Migrationem tollatur, & destruatur. Atque licet omnis Exclusio promoueat Affirmatiuam; tamen hoc magis directe fit in subiecto eodem, quam in diuersis. Forma autem (ut ex omnibus quae dicta sunt manifestò liquet) prodens se in uno, dicit ad omnia. Quò autem simplicior fuerit Migratio; eò magis habenda est Instantia in pretio. Præterea Instantiæ Migrantes magni sunt usus ad partem Operatiuam; quia cum proponant Formam copulatam cum Efficiente aut Priuante, perspicuè designant praxin in aliquibus; unde facilis etiam est transitus ad proxima. Subest tamen in illis nonnihil periculi, quod indiget cautione; hoc videlicet, ne Formam nimis retrahant ad Efficientem, & Intellectum perfundant, vel saltem perstringant falsa opinione de Formâ, ex intuitu Efficientis. Efficientes vero semper ponitur nil aliud esse, quam vehiculum, siue deferens Formæ. Verum huic rei, per Exclusuam legitimè factam, facile adhibetur remedium.

Proponendum itaque est iam Exemplum Instantiæ Migrantis. Sit Natura Inquisita, Candor, siue Albedo: Instantia Migrans ad generationem, est vitrum integrum, & vitrum puluerizatum. Similiter, Aqua simplex, & Aqua agitata in spumam. Vitrum enim integrum, & Aqua simplex, Diaphana sunt, non Alba: At vitrum puluerizatum, & Aqua in spumâ, Alba, non Diaphana. Itaque querendum quid accide-

rit ex istâ Migratione Vitro, aut Aquæ. Manifestum enim est, Formam Albedinis deferri & inuehi per istam contusionem Vitri, & agitationem Aquæ. Nihil autem reperitur accessisse, præter comminutionem partium Vitri & Aquæ, & Aeris insertionem. Neque verò parùm profectum est ad inueniendam Formam Albedinis, quod corpora duo per se Diaphana, sed secundum magis & minus (Aer scilicet & Aqua, aut Aer & Vitrum) simûl posita per minutissimas portiones exhibeant Albedinem, per refractionem inæqualem radiorum lucis.

Verùm hâc in re proponendum est etiam Exemplum periculi & cautionis, de quibus diximus. Nimirum facile hic occurret Intellectui ab huiusmodi Efficientibus deprauato, quod ad Formam Albedinis Aer semper requiratur; aut quod Albedo generetur tantum per corpora Diaphana; quæ omnino falsa sunt, & per multas Exclusiones conuicta. Quin potius apparebit (missa Aere, & huiusmodi) corpora omnino æqualia (secundum portiones Opticas) dare Diaphanum; corpora verò inæqualia, per texturam simplicem, dare Album; corpora inæqualia secundum texturam compositam, sed ordinatam, dare reliquos colores, præter Nigrum; corpora verò inæqualia per texturam compositam, sed omnino inordinatam & confusam, dare Nigrum. Itaque de Instantiâ Migrante ad generationem in Naturâ Inquisitâ Albedinis, propositum est iam Exemplum. Instantia autem Migrans ad Corruptionem in eâdem Naturâ Albedinis, est Spuma dissoluta, aut Nix dissoluta. Exuit enim Albedinem, & induit Diapha-

Diaphanum Aquæ, postquam fit Integralē sine Aere.

*N*eque verò illud ullo modo prætermittendū est, quod sub Instantijs Migrantibus comprehendendi debeant non tantum illæ quæ migrant ad Generationem & Priuationem; sed etiam illæ quæ Migrant ad Maiorationem & Minorationem; cùm illæ etiam tendant ad inueniendā Formam, ut per definitionem Formæ superius factam, & Tabulam Graduum manifestò liquet. Itaque Papyrus, quæ sicca quum fuerit, Alba est; at madefacta (excluso Aere, & recepta Aquâ) minus Alba est, & magis vergit ad Diaphanum; similem habet rationem cum Instantijs supradictis.

XXIV.

*I*nter Prærogatiuas Instantiarum, tertio loco poneamus Instantias Ostensiucas, de quibus in Vindicatione primâ de Calido mentionem fecimus; quas etiam Elucescentias, sive Instantias Liberatas, & Prædominantes, appellare consueuimus. Eae sunt, quæ ostendunt Naturam Inquisitam nudam & substantiam, atque etiam in exaltatione suâ, aut summo gradu Potentia sive; emancipatam scilicet, & liberatam ab impedimentis, vel saltem per fortitudinem sive virtutis dominantem super ipsa, eaque supprimentem & coercentem. Cum enim omne Corpus suscipiat multas Naturarum Formas copulatas, & in Concreto; sit ut alia aliam retundat, deprimat, frangat, & liget; vnde obscurantur Formæ singulæ. Inueniuntur autem subiecta nonnulla, in quibus Naturæ Inquisitæ præ alijs est in suo vigore; vel per absentiam impedimenti;

menti, vel per Prædominantiam virtutis. Huiusmodi autem Instantie sunt maximè Ostensiæ Formæ. Verùm & in his ipsis Instantijs adhibenda est cautio, & cobibendus impetus Intellectus. Quicquid enim ostentat Formam, eamque trudit, ut videatur occurrere Intellectui, pro suspecto habendum est, & recurrendum ad Exclusiuam seueram & diligentem.

Exempli gratiā; sit Natura Inquisita, Calidum. Instantia Ostensiua Motus Expansionis, quæ (ut superius dictum est) portio est præcipua Formæ Calidi, est Vitrum Calendare Aeris. Etenim Flamma, licet manifestò exhibeat Expansionem; tamen propter momentaneam extinctionem, non ostendit progressum Expansionis. A qua autem seruens, propter facilem transitionem Aquæ in vaporem & Aerem, non tam bene ostendit Expansionem Aquæ in corpore suo. Rursus Ferrum Ignitum, & similia, tantum abest ut progressum ostendant, ut contrà per retusionem & fractionem spiritus, per partes compactas & crassas (quæ domant & frænant Expansionem) ipsa Expansione non sit omnino conspicua ad sensum. At Vitrum Calendare clare ostendit Expansionem in Aere, & conspicuam, & progredientem, & durantem, neque transeuntem.

Rursus, Exempli gratiā; sit Natura Inquisita, Pondus. Instantia Ostensiua Ponderis, est Argentum viuum. Omnia enim superat pondere magno interuallo, præter Aurum; quod non multò grauius est. At præstantior Instantia est ad indicandam Formam ponderis, Argentum viuum, quam Aurum; quia Aurum

rum solidum est, & Consistens, quod genus referri videtur ad Densum; At Argentum viuum liquidum est, & turgens Spiritu, & tamen multis partibus exuperat gravitate Diamantem, & ea quae putantur solidissima. Ex quo ostenditur Formam Grauis, siue ponderosi, dominari simpliciter in copia Materiae, & non in arcta Compagie.

XXV.

Inter Prærogatiwas Instantiarum ponemus quarto loco Instantias Clandestinas, quas etiam Instantias Crepusculi appellare consueimus. Eæ sunt veluti oppositæ Instantijs Ostensiuis. Exhibitent enim Naturam Inquisitam in infimâ virtute, & tanquam in incunabulis, & rudimentis suis; tentantem, & tanquam primò experientem, sed sub contraria Naturâ latentem, & subadlam. Sunt autem huiusmodi Instantiæ magni omnino momenti, ad inueniendas Formas; quia sicut Ostensiua ducunt facile ad Differencias, ita Clandestinæ ducunt optimè ad Genera; id est, ad Naturas illas Communes, quarum Naturæ Inquisitæ, nihil aliud sunt quam limitationes.

Exempli gratia; sit Natura Inquisita, Consistens, siue se Determinans; cuius Contrarium est Liquidum, siue Fluens. Instantiæ Clandestinæ sunt illæ, quæ exhibent gradum nonnullum debilem & infimum Consistentis in fluido; veluti Bulla Aquæ, quæ est tanquam pellicula quedam consistens, & determinata, facta ex corpore Aquæ. Similiter Stillicidia, quæ, si adfuerit.

rit Aqua quæ succedat, producunt se in filum admodum tenuem, ne discontinuetur Aqua; At si non detur talis copia Aquæ, quæ succedere possit, cadit Aqua in guttis rotundis, quæ est Figura quæ optimè Aquam sustinet contra discontinuationem. At in ipso temporis articulo, cùm desinit filum Aquæ, & incipit descensus in guttis, refilit ipsa Aqua sursum ad evitandam discontinuationem. Quin in Metallis, quæ quùm funduntur sunt liquida, sed magis tenacia, recipiunt se sàpè guttæ liquefactæ sursum, atque ita hærent. Simile quoddam est Instantia Speculorum puerilium, quæ scilicet facere pueruli in scirpis ex saliuâ, ubi cernitur etiam pellicula Consistens Aquæ. At multò melius ostendit hoc ipsum, in altero illo ludicro puerili; quando capiunt Aquam, per Saponem factam paulò tenacrem, atque inflant eam per Calatum cauum, atque inde formant Aquam, tanquam in Castellum bullarum; quæ per interpositionem Aeris inducit Consistentiam, eò usque ut se projici nonnihil patiatur absque discontinuatione. Optimè autem cernitur hoc in Spuma & Nive, quæ talem induunt Consistentiam, ut ferè securi possint; cùm tamen sint Corpora formata ex Aere & Aquâ, quæ utraque sunt liquida. Quæ omnia non obscurè innuant, Liquidum & Consistens esse Notiones tantum plebeias, & ad sensum; inesse autem reuerâ omnibus Corporibus fugam & evitatem se discontinuandi; eam verò in Corporibus homogeneis (qualia sunt Liquida) esse debilem & infirmam; in Corporibus verò quæ sunt composita ex heterogeneis, magis esse viuidam & fortem: propter ead quod Admotio Heterogenei

genei constringit Corpora; at Subintratio Homogenei soluit & relaxat.

Similiter, Exempli gratia; Sit *Natura Inquisita*, Attracio, sive Coitio corporum. Instantia circa Formam eius Ostensiua maximè insignis est, *Magnes*. Contraria autem *Natura Attrahenti* est, non *Attrahens*; licet in substantia simili. Veluti *Ferrum*, quod non attrahit ferrum, quemadmodum nec *Plumbum plumbum*, nec *Lignum lignum*, nec *Aquam aqua*. Instantia autem Clandestina est, *Magnes Ferro armatus*, vel potius *Ferrum in Magnete armato*. Nam ita fert *Natura*, ut *Magnes armatus* in distantia aliqua, non trahat *Ferrum* fortius, quam *Magnes* non armatus. Verum si admoveatur *Ferrum*, ita ut tangat ferrum in *Magnete armato*, tunc *Magnes armatus* longè maius pondus ferri sustinet, quam *Magnes simplex* & inermis; propter similitudinem substantiae Ferri versus ferrum; quæ operatio erat omnino Clandestina, & latens in Ferro, antequam *Magnes* accessisset. Itaque manifestum est, Formam Coitionis esse quipiam, quod in *Magnete* sit viuidum & robustum, in Ferro debile & latens. Itidem, notatum est sagittas paruas ligneas absque cuspide ferrea, emissas ex sclopetis grandibus, altius penetrare in materiam ligneam, (puta latera *Nauium*, aut similia) quam easdem sagittas Ferro acuminatas, propter similitudinem substantiae Ligni ad lignum, licet hoc ante in ligno latuerit. Itidem, licet Aer aerem, aut Aqua aquam manifeste non trahat in Corporibus integris; tamen bulla approximata bullæ, facilius dissoluit bullam, quam

si bulla illa altera abesset, ob appetitum Coitionis Aquæ cum aquâ, & Aeris cum aere. Atque huiusmodi Instantiæ Clandestinæ (quæ sunt usus nobilissimi, ut dictum est) in portionibus Corporum paruis & subtilibus, maximè se dant conspicendas. Quia Massæ rerum maiores, sequuntur Formas magis Catholicas, & generales; ut suo loco dicetur.

XXVI.

INter Prærogatiuas Instantiarum ponemus quinto loco Instantias Constitutiuas, quas etiam Manipulares appellare consueuimus. Eæ sunt, quæ consti-
tuunt unam speciem Naturæ Inquisitæ tanquam Formam minorem. Cùm enim Formæ legitimæ (quæ sunt semper conuertibiles cum Naturis Inquisitis) lateant in profundo, nec facile inueniantur; postulat res & infirmitas humani Intellectuī, ut Formæ particula-
res, quæ sunt Congregatiuæ Manipulorum quorundam Instantiarum (neutram verò omnium) in Notionem aliquam Communem; non negligantur, verum diligentius notentur. Quicquid enim unit Naturam, licet modis imperfectis; ad inuentionem Formarum viam sternit. Itaque Instantiæ quæ ad hoc utiles sunt, non sunt contemnendæ potestatis, sed habent nonnullam Prærogatiuam.

Verum in his diligens est adhibenda Cautio, ne Intellectus humanus, postquam complures ex ipsis Formis particularibus adinuenerit, atque inde Partitiones sue Divisiones Naturæ Inquisitæ confecerit; in illis omniō

nino acquiescat, atque ad Fnuentionem legitimam Formæ Magnæ se non accingat; sed præsupponat Naturam velut à radicibus esse multiplicem & diuisam, atque vltiorem Naturæ unionem, tanquam rem superuacuæ subtilitatis, & vergentem ad merum Abstrandum, fastidiat & reijciat.

Exempli gratiâ; sit Naturæ Inquisita, Memoria, siue Excitans & Adiuuans memoriam. Instantiæ Constitutiæ sunt; Ordo, siue Distributio, quæ manifestò iuuat Memoriam. Item Loci in Memoriâ Artificiali; qui aut possunt esse Loci secundùm proprium sensum, veluti Ianua, Angulus, Fenestra, & similia; aut possunt esse Personæ familiares, & Notæ; aut possunt esse quiduis ad placitum (modò in ordine certo ponantur) veluti Animalia, Herbæ; etiam Verba, Literæ, Charaderes, Personæ Historicæ, & cætera; licet nonnulla ex his magis apta sint & commoda, alia minus. Huiusmodi autem Loci Memoriam insigniter iuuant, eamque longè supra vires naturales exaltant. Item Carmina facilius hærent, & discuntur Memoriter, quam Prosa. Atque ex isto Manipulo trium instantiarum, videlicet Ordinis, Locorum Artificialis Memoriæ, & Versuum, constituitur Species una Auxilij ad Memoriam. Species autem illa, Abscissio Infiniti rectè vocari possit. Cùm enim quis aliquid reminisci, aut reuocare in Memoriam nititur; si nullam prænotionem habeat, aut perceptionem eius quod querit, querit certè & molitur, & hæc illæc discurrit, tanquam in Fninito. Quod si certam aliquam prænotionem habeat; statim Abscinditur Fninitum, & fit dis-

cursus Memoriæ magis in vicino. In tribus autem illis Instantijs quæ superius dictæ sunt, prænotio perspicua est & certa. In Primâ videlicet; debet esse aliquid quod congruat cum Ordine: In Secundâ debet esse Imago, quæ relationem aliquam habeat, siue conuenientiam ad illa Loca certa: In Tertiâ debent esse Verba, quæ cadant in Versum; atque ita Abscinditur Infinitum. Aliæ autem Instantiæ dabunt hanc alteram Speciem; ut quicquid deducat Intellectuale ad ferendum Sensum (quæ ratio etiam præcipue viget in Artificiali Memoriâ) iuuet Memoriam. Aliæ Instantiæ dabunt hanc alteram Speciem; ut quæ faciunt impressionem in Affectu forti, incutientes scilicet Matum, Admirationem, Pudorem, Delectationem, iuent Memoriam. Aliæ Instantiæ dabunt hanc alteram Speciem; ut quæ maximè imprimuntur à Mente purâ, & minus præoccupatâ antè vel post; veluti quæ discuntur in pueritiâ, aut quæ commentamur ante somnum, etiam primæ quæque rerum vices; magis hærent in Memoriâ. Aliæ Instantiæ dabunt hanc alteram Speciem; ut multitudo Circumstantiarum, siue Anasarum, iuuet Memoriâ; veluti Scriptio per partes non continuatas; Lectio, siue Recitatio voce alta. Aliæ demique Instantiæ dabunt hanc alteram Speciem; ut quæ expectantur, & attentionem excitant, melius hærent, quam quæ præteruolant. Itaque si scriptum aliquod vices perlegeris, non tam facile illud memoriter disces, quam si illud legas Deciès; tentando interim illud recitare, & ubi deficit Memoria, inspiciendo librum. Ita ut sint veluti Sex Formæ Minores eorum
quæ

quæ iuuant Memoriam; videlicet Abscisso Infiniti;
Deductio Intellectualis ad Sensibile; Impressio in Af-
fetu forti; Impressio in Mente purâ; Multitudo Ansa-
rum; Præexpeditatio.

Similiter, Exempli gratiâ; Sit Natura Inquisita,
Gustus, sive Gustatio. Instantiæ quæ sequuntur sunt
Constitutiæ: videlicet, quod qui non olfactiunt, sed
sensu eo à Naturâ destituti sunt, non percipiunt, aut
gusto distinguant cibum rancidum, aut putridum; ne-
que similiter Alliatum, aut Rosatum, aut huiusmodi.
Rursus, illi qui per accidens Nares habent per de-
scensum rheumatis obstructas, non discernunt aut percipi-
piunt aliquid putridum, aut rancidum, aut Aquâ Rosa-
ceâ inspersum. Rursus, qui afficiuntur huiusmodi
rheumate, si in ipso momento cum aliquid fœtidum aut
odoratum habent in Ore, sive palato, emungant forti-
tè; in ipso Instanti manifestam perceptionem habent
rancidi vel odorati. Quæ Instantiæ dabunt & consti-
tuent hanc Speciem, vel partem potius Gustus; ut Sen-
sus Gustationis ex parte nihil aliud sit, quam Olfactus
Interior, transiens & descendens à Narium Meati-
bus superioribus in Os & Palatum. At contra, Sal-
sum, & Dulce, & Acre, & Acidum, & Austerum, &
Amanum, & similia; hæc (inquam) omnia æquè senti-
unt illi, in quibus Olfactus deest, aut obturatur, ac quis-
quam aliis: ut manifestum sit, Sensum Gustus esse
Compositum quiddam ex Olfactu Interiori, & Tactu
quodam exquisito; de quo nunc non est dicendi locus.

Similiter, Exempli gratiâ; Sit Natura Inquisita,
Communicatio Qualitatis, absque Commixtione Sub-
stantiæ.

stantiæ. Instantia Lucis, dabit vel constituet unam Speciem Communicationis; Calor verò & Magnes, alteram. Communicatio enim Lucis est tanquam Momentanea, & statim perit, amotâ Luce Originali. At Calidum, & Virtus Magnetica, postquam transmissa fuerint, vel potius excitata in alio Corpore, barent & manent ad tempus non paruum, amoto primo movente.

Denique magna est omnino Prærogatiua Instantiarum Constitutiuarum; ut quæ plurimum faciant, & ad Definitiones, (præsertim particulares) & ad Diuisiones, sive Partitiones Naturarum; de quo non malè dixit Plato, Quod habendus sit tanquam pro Deo, qui Definire & Diuidere benè sciat.

XXVII.

In ter Prærogatiwas Instantiarum ponemus sexto loco Instantias Conformes, sive Proportionatas; quas etiam Parallelas, sive Similitudines Physicas, appellare consueimus. Ex verò sunt, quæ ostendunt Similitudines & Coniugationes rerum, non in Formis Minoribus (quod faciunt Instantiæ Constitutiæ) sed planè in Concreto. Itaque sunt tanquam primi & infimi Gradus ad unionem Naturæ. Neque constituunt aliquod Axioma statim ab initio; sed indicant & obseruant tantum quendam Consensum Corporum. Attamen licet non multum promoueant ad inueniendas Formas; nihilominus magnâ cum utilitate reuelant partium

tium Uniuersi fabricam, & in membris eius exercent velutì Anatomiam quandam; atque proinde velutì manusducunt interdum ad Axiomata sublimia & nobilia; præsertim illa que ad Mundi configurationem pertinent, potius quam ad Naturas & Formas simplices.

Exempli gratiâ; Instantiæ Conformes sunt quæ sequuntur: Speculum, & Oculus; & similiter fabrica Auris, & loca reddentia Echo. Ex quâ Conformatitate, præter ipsam obseruationem Similitudinis, quæ ad multa utilis est, proclive est insuper colligere & formare illud Axioma; videlicet, Organa Sensuum & Corpora quæ pariunt reflexiones ad Sensus, esse similis Naturæ. Rursus ex hoc ipso admonitus Intellectus, non ægrè insurgit ad Axioma quoddam altius & nobilius. Hoc nimirum; Nihil interesse inter Consensus, sive Sympathias Corporum sensu præditorum, & inanimateorum sine sensu, nisi quod in illis accedat spiritus Animalis ad Corpus ita dispositum; in his autem absit. Adeò ut quot sint Consensus in Corporibus inanimatis, tot possint esse sensus in Animalibus, si essent perforationes in Corpore Animato, ad discursum spiritus Animalis in membrum ritè dispositum, tanquam in Organum idoneum. Et rursus, quot sint sensus in Animalibus, tot sint proculdubio Motus in Corpore inanimato, ubi Spiritus Animalis abfuerit; licet necesse sit multò plures esse Motus in Corporibus inanimatis, quam Sensus in Animatis, propter paucitatem Organorum Sensus. Atque huius rei ostendit se Exemplum valde manifestum in doloribus. Etenim quum sint plura genera Doloris in Animalibus, & tanquam varij

varijs illius Charakteres (veluti alijs est Dolor Vstionis, alijs Frigoris intensi, alijs Puncturæ, alijs Comprehensionis, alijs Extensionis, & similius) certissimum est omnia illa, quoad Motum, inesse Corporibus inanimatis; veluti Ligno, aut Lapi, cùm uritur, aut per gelu constringitur, aut pungitur, aut scinditur, aut flectitur, aut tunditur, & sic de alijs; licet non subintrent Sensus, propter absentiam Spiritus Animalis.

Item Instantiæ Conformes (quod mirum fortasse dictu) sunt Radices & Rami Plantarum. Omne enim Vegetabile intumescit, & extrudit partes in Circumferentiam, tam sursum quam deorsum. Neque alia est differentia Radicum & Ramorum, quam quod Radix includatur in terrâ, & Rami exponantur Aeri, & Soli. Si quis enim accipiat Ramum tenerum & vegetum arboris, atque illum reflectat in aliquam terræ particulam, licet non cohæreat ipsi Solo, gignit statim non Ramum, sed Radicem. Atque vice versa, si terra ponatur superius, atque ita obstruatur Lapide, aut aliquâ durâ substaniâ, ut Planta cohiceatur, nec possit frondescere sursum; edet Ramos in Aerem deorsum.

Item Instantiæ Conformes sunt, Gummi arborum, & pleraque Gemmæ rupium. Utraque enim nil aliud sunt, quam Exudationes, & percolationes Succorum: In primo genere scilicet, Succorum ex Arboribus; in secundo, ex saxis; unde gignitur Claritudo & splendor in vtrisque, per percolationem nimirum tenuem & accuratam. Nam inde fit etiam, quod Pili Animalium non sint tam pulchri, & tam viudi coloris,

loris, quām *Auium Plumæ complures*; quia *Succi non tam delicate percolantur per cutem*, quām per *calatum*.

Item Instantiæ Conformes sunt, *Scrotum in Animalibus Masculis*; & *Matrix in Femellis*. Adeò ut nobilis illa *Fabrica*, per quam *Sexus differunt*, (quatenus ad *Animalia terrestria*) nil aliud videatur esse, quām secundūm *Exterius*, & *Interius*; vi scilicet maiore *Caloris genitalia in Sexu Masculo protrudente in exterius*, ubi in *Femellis* nimis debilis est *Calor*, quām ut hoc facere possit; unde accidit, quod contineantur *Interiūs*.

Item Instantiæ Conformes sunt, *Pinnæ Piscium*, & *Pedes Quadrupedum*, aut *Pedes & Alæ Volucrum*; quibus addidit Aristoteles quatuor volumina in motu *Serpentum*. Adeò ut in *Fabricâ Vniuersi*, *Motus viuentium plerunque videatur expediri per quaterniones Artuum, siue Flexionum*.

Item Dentes in *Animalibus terrestribus*, & *Rostra in Auibus*, sunt Instantiæ Conformes; unde manifestum est, in omnibus *Animalibus perfectis*, fluere duram quandam substantiam versus *Os*.

Item non absurdā est Similitudo & Conformatas illa, ut *Homo sit tanquam Planta inuersa*. Nam radix nerorum & facultatum *Animalium*, est *Caput*; Partes autem seminales sunt infimæ, non computatis extremitatibus tibiarum & brachiorum. At in *Plantâ*, radix (quæ instar *Capitis est*) regulariter infimo loco collocatur; semina autem supremo.

Denique illud omnino præcipiendum est, & sæpius

monendum; ut diligentia hominum in Inquisitione & Congerie Naturalis Historiae, deinceps mutetur planè, & vertatur in contrarium eius quod nunc in tñst. Magna enim hucusque, atque adeò curiosa fuit hominum industria, in notandâ rerum varietate, atque explicandis accuratis Animalium, Herbarum, & Fossilium differentijs; quarum pleraque magis sunt Lusus Naturæ, quam seriae alicuius utilitatis versus Scientias. Faciunt certè huiusmodi Res ad delectationem, atque etiam quandoque ad Praxin; verùm ad introspicendam Naturam parùm, aut nihil. Itaque conuertenda planè est opera, ad inquireendas & notandas rerum Similitudines & Analogia, tam in integralibus, quam partibus. Illæ enim sunt, quæ Naturam vniunt, & constituere Scientias incipiunt.

Verùm in his omnino est adhibenda Cautio grauis, & seuera; ut accipientur pro Instantijs Conformatibus & Proportionatis, illæ quæ denotant Similitudines (ut ab initio diximus) Physicas; id est, reales & substantiales, & immersas in Naturâ; non fortuitas & ad speciem; multò minus superstitiones aut curiosas, quales Naturalis Magiæ scriptores (homines levissimi, & in rebus tam serijs, quales nunc agimus, vix nominandi) ubique ostentant, magna cum vanitate & desipientia, inanes Similitudines & Sympathias rerum describentes, atque etiam quandoque affingentes.

Verùm his missis, etiam in ipsâ Configuratione Mundi in Maioribus, non sunt negligendæ Instantiæ Conformes: veluti Africa, & Regio Peruviana, cum Continente se porridente usque ad Fretum Magellani-

gellanicum. *Vtraque enim Regio habet similes Isthmos, & similia Promontoria, quod non temere accidit.*

Item Novus & Vetus Orbis; in eo quod utriusque Orbis versus Septentriones lati sunt, & exponredi; versus Austrum autem angusti & acuminati.

Item Instantiae Conformes nobilissimae sunt, Frigora intensa in Mediâ (quam vocant) Aeris Regione; & Ignes acerrimi, qui sèpè reperiuntur erumpentes ex locis subterraneis; quæ duæ res sunt Ultimitates & Extrema; Naturæ scilicet Frigidi, versus Ambitum Cœli, & Naturæ Calidi versus viscera Terræ; per Antiperistasis, sive Rejectionem Naturæ Contrariæ.

Postremò autem in Axiomatibus Scientiarum, notatu digna est Conformatas Instantiarum. Veluti Tropus Rhetoricæ, qui dicitur Præter Expectatum; Conformatis est Tropo Musicæ, qui vocatur Declinatio Cadentiæ. Similitèr, Postulatum Mathematicum, ut quæ eidem Tertio æqualia sunt, etiam inter se sint æqualia; Conforme est cum Fabricâ Syllogismi in Logicâ; qui unit ea quæ conueniunt in Medio. Denique multum utilis est in quamplurimis, Sagacitas quædam in conquirendis & indagandis Conformatatibus & Similitudinibus Physicis.

XXVIII.

In ter Prærogatiuas Instantiarum, ponemus septimo loco Instantias Monodicas; quas etiam Irre-

gulares, sive Heteroclitas (sumpto vocabulo à Grammaticis) appellare consueimus. Eæ sunt, quæ ostendunt corpora in Concreto; quæ videntur esse Extravagantia, & quasi Abrupta in Naturâ, & minimè conuenire cum alijs rebus eiusdem generis. Etenim Instantiæ Conformes sunt similes alterius: at Instantiæ Monodicæ sunt sui similes. Usus verò Instantiarum Monodicarum est talis, qualis est Instantiarum Clandestinarum: viz. ad euehendam & vniendam Naturam ad inuenienda Genera, sive Communes Naturas, limitandas postea per Differentias veras. Neque enim desistendum ab Inquisitione, donec proprietates & qualitates, quæ inueniuntur in huiusmodi rebus quæ possunt censeri pro Miraculis Naturæ, reducantur & comprehendantur sub aliquâ Formâ sive Lege certâ: ut Irregularitas sive Singularitas omnis reperiatur pendere ab aliquâ Formâ Communi; Miraculum verò illud, sit tandem solummodo in Differentijs accuratis, & gradu, & concursu raro; & non in ipsâ Specie: Vbi nunc Contemplationes hominum non procedant vltra, quam ut ponant huiusmodi res pro Secretis & Magnilibus Naturæ, & tanquam Incausabilibus, & pro Exceptionibus Regularum Generalium.

Exempla Instantiarum Monodicarum sunt, Sol, & Luna, inter Astra; Magnes, inter Lapides; Argentum vitium, inter Metalla; Elephas, inter Quadrupedes; Sensus Veneris, inter genera Tactus; Odor Venaticus in Canibus, inter genera Olfactus. Etiam S. litera apud Grammaticos, habetur pro Monodicâ; ob facilem

ob facilem compositionem, quam sustinet cum Consonantibus, aliquando duplicibus, aliquando triplicibus: quod nulla alia litera facit. Plurimi autem facienda sunt huiusmodi instantiae; quia accidunt & viuificant Inquisitionem, & medentur intellectui depravato à Consuetudine, & ab ijs quæ sunt plerunque.

XXIX.

INTER Prærogatiuas Instantiarum, ponemus loco Octauo Instantias Deuiantes; Errores scilicet Naturæ, & Vaga, ac Monstra: ubi Natura declinat & deflectit à cursu ordinario. Differunt enim Errores Naturæ ab Instantijs Monodicis, in hoc, quod Monodicæ sunt Miracula Specierum, at Errores sunt Miracula Individuorum. Similis autem ferè sunt usus; quia rectificant Intellectum aduersus consueta, & reuelant Formas Communes. Neque enim in his etiam desistendum ab Inquisitione, donec inueniatur Causa huiusmodi Declinationis. Veruntamen Causa illa non exurgit ad Formam aliquam propriè, sed tantum ad latentem processum ad Formam. Qui enim Vias Naturæ nouerit, is Deuiationes etiam facilius obseruabit. At rursus, qui Deuiationes nouerit, is accuratiùs Vias describet.

Atque in illo differunt etiam ab Instantijs Monodicis, quod multò magis instruant Praxin & Operatiuam. Nam nouas Species generare, arduum admodum foret: at Species notas variare, & inde Rara multa ac Inusitata producere, minus arduum. Facilis

autem

autem transitus est à Miraculis Naturæ, ad Mira-
cula Artis. Si enim deprehendatur semel Naturæ in
variatione suâ, eiùsque ratio manifesta fuerit; expedi-
tum erit eò deducere Naturam per Artes, quò per
Casum aberrauerit. Neque solum eò, sed & alior-
sum; cùm Errores ex vnâ parte monstrant & aperiant
viam ad Errores & Deflexiones vnde quaque. Hic
verò Exemplis non est opus, propter eorundem copiam.
Facienda enim est Congeries sive Historia Naturæ
particularis, omnium Monstrorum, & partium Na-
turæ Prodigiorum; omnis denique Nuitatis, &
Raritatis, & Inconsueti in Naturâ. Hoc verò fa-
ciendum est cum seuerissimo detectu, ut constet fides.
Maxime autem habenda sunt pro suspectis, quæ pen-
dunt quomodo cunque à Religione; ut Prodigia Liuij:
Nec minùs, quæ inueniuntur in Scriptoribus Magiæ
Naturæ, aut etiam Alchymiae, & huiusmodi homi-
nibus; qui tanquam proci sunt & amatores fabularum.
Sed depromenda sunt illa ex graui & fidâ Historia, &
auditionibus certis.

XXX.

INTER Prærogatiwas Instantiarum, ponemus loco
Nono Instantias Limitaneas; quas etiam Partici-
pia vocare consueuimus. Eæ verò sunt, quæ exhibent
species Corporum tales, quæ videntur esse compositæ ex
speciebus duabus, vel Rudimenta inter speciem unam
& alteram. Hæ verò Instantiæ inter Instantias
Monodicas sive Heteroclitas rectè numerari possunt:

Sunt

Sunt enim in uniuersitate rerum Raræ & Extraordinariæ. Sed tamen ob dignitatem, scorsim tractandæ & ponendæ sunt: Optimè enim indicant compositionem & fabricam rerum, & innuunt causas Numeri & Qualitatis Specierum Ordinariarum in Uniuerso, & deducunt Intellectum ab eo quod est, ad id quod esse potest.

Harum Exempla sunt: *Muscus*, inter Putredinem & Plantam; *Cometæ* nonnulli, inter Stellas & Meteora ignita; *Pisces volantes*, inter Aues & Pisces; *Vespertilioes*, inter Aues & Quadrupedes: Etiam Simia quam similis turpissima bestia nobis; & Partus Animalium Biformes, & committi ex speciebus diuersis; & similia.

XXXI.

In ter Prærogatiuas Instantiarum ponemus Decimo loco Instantias Potestatis, sive Fascium, (sumpto vocabulo ab Insignibus Imperij;) quas etiam Ingenia, sive Manus Hominis appellare consueuimus. Eæ sunt Opera maximè nobilia & perfeda, & tanquam Ultima in unaquaque Arte. Cum enim hoc agatur præcipue ut Natura pareat rebus & commodis humanis; consentaneum est prorsus ut Opera, quæ iampridem in potestate Hominis fuerunt, (quasi Provinciæ anteà occupatae & subactæ) notentur & numerentur; præsertim ea, quæ sunt maximè enucleata & perfeda: propterea quod ab istis proclivior & magis in propinquu[m] transitus ad Noua & hactenùs non inuen-

supat!

inuenta. Si quis enim ab horum contemplatione atten-
tā propositum acriter & strenuè vrgere velit; fiet cer-
tè, ut aut producat illa paulò longius; aut deflecat illa
ad aliquid, quod finitimum est; aut etiam applicet &
transferat illa ad usum aliquem nobiliorem.

Nequis hic finis. Verū quemadmodū ab Ope-
ribus Naturæ Raris & inconsuetis erigitur Intellec-
tus & eleuatur ad inquirendas & inueniendas For-
mas, quæ etiam illorum sunt capaces: Ita etiam in Ope-
ribus Artis egregijs & admirandis hoc usu uenit. Id-
que multò magis; quia Modus efficiendi & ope-
randi huiusmodi Miracula Artis, manifestus ut plu-
rimū est; cùm plerunque in Miraculis Naturæ sit
magis obscurus. Attamen in his ipsis cautio est adhi-
benda vel maximè ne deprimant scilicet Intellectum,
& eum quasi humo affigant.

Periculum enim est, ne per huiusmodi Opera Ar-
tis, quæ videntur velut Summitates quædam & Fasti-
gia industriæ humanæ, reddatur Intellectus attonitus
& ligatus, & quasi maleficiatus quoad illa; ita ut cum
alijs consuescere non possit: sed cogitet nobileius gene-
ris fieri posse; nisi eadem viâ quâ illa effecta sunt, ac-
cedente tantummodo diligentia maiore, & præparatio-
ne magis accurata.

Contra, illud ponendum est pro certo: vias & mo-
dos efficiendi Res & Opera, quæ adbuc reperta sunt
& notata, res esse plerunque pauperculas; atque om-
nem potentiam maiorem pendere & ordine deriuari à
fontibus Formarum, quarum nulla adhuc inuen-
ta est.

Itaque

Itaque (ut alibi diximus) qui de *Mackinis & Arietibus*, quales erant apud Veteres, cogitasset; licet hoc fecisset obnixè, atque etatem in eo consumpsisset; nunquam tamen incidisset in Inuentum Tormentorum igneorum operantium per Puluerem pyrium. Neque rursus, qui in *Lanificijs & Serico vegetabili obseruationem suam & meditationem collocasset*, unquam per ea reperisset naturam *Vermis aut Serici Bombycini*.

Quocirca omnia Inuenta, quæ censeri possunt magis *Nobilia*, (si animum aduertas) in lucem prodiere, nullo modo per pusillas enucleationes & Extensiones *Artium*, sed omnino per Casum. Nihil autem representat aut anticipat Casum, (cuius mos est, ut tantum per longa sacula operetur) præter Inventionem Formarum.

Exempla autem huiusmodi Instantiarum particularia nihil opus est adducere, propter copiam eorundem. Nam hoc omnino agendum; ut visitentur & penitus introspiciantur omnes Artes Mechanicæ, atque Liberales etiam, (quatenus ad Opera) atque indefacienda est Congeries sue Historia Particularis, tanquam *Magnalium, & Operum Magistralium*, & maximè perfectorum in unaquaque ipsarum: vna cum Modis effectionis sue operationis.

Neque tamen astringimus Diligentiam, quæ adhibenda est in huiusmodi Collectâ, ad ea quæ censentur pro Magisterijs & Arcanis alicuius Artis tantum, atque mouent admirationem. Admiratio enim proles est Raritatis: Siquidem Rara, licet in genere sint

ex Vulgatis Naturis, tamen Admirationem pariunt.

At contrà, quæ reuerà Admirationi esse debent, propter discrepantiam quæ inest illis in specie, collatis ad alias species; tamen si in usu familiari præstò sint; leviter notantur. Debent autem notari Monodica Artis, non minus quam Monodica Naturæ; de quibus anteà diximus. Atque quemadmodùm in Monodicis Naturæ posuimus Solem, Lunam, Magnetem, & similia; quæ Re vulgatissima sunt, sed Naturâ tamen ferè singulari: idem & de Monodicis Artis faciendum est.

Exempli gratiâ: Instantia Monodica Artis, est Papyrus; res admodum vulgata. At si diligentè animum aduertas, Materiæ Artificiales aut planè Textiles sunt per fila directa & transuersa; qualia sunt, Pannus Sericus, aut Laneus, & Linteus, & huiusmodi: aut coagmentantur ex succis concretis; qualia sunt Later, aut Argilla figularis, aut Vitrum, aut Es-malta, aut Porcellana, & similia; quæ si bene vniuantur, splendent; sin minus, indurantur certè, sed non splendent. Attamen omnia talia, quæ sunt ex succis concretis, sunt fragilia; nec ullo modo hærentia, & tenacia. At contrà, Papyrus est corpus tenax, quod scindi & lacerari possit; ita ut imitetur & ferè emuletur Pellem sive Membranam alicuius Animalis, aut Foliū alicuius Vegetabilis, & huiusmodi opifica Naturæ. Nam neque fragilis est, ut Vitrum; neque textilis, ut Pannus; sed habet fibras certè, non fila distincta, omnino ad modum Materiarum Naturæ.

turalium: ut inter Artificiales Materias vix inueniatur simile aliquod, sed sit plane Monodicum. Atque præferenda sane sunt in Artificialibus ea quæ maximè accedunt ad imitationem Naturæ; aut è contrario eam potenter regunt & inuertunt.

Rursus, inter Ingenia & Manus Hominis, non prorsus contempnenda sunt Praesigia & Iocularia. Nonnulla enim ex ipsis, licet sint usu leuia & ludicra, tamen informatione valida esse possunt.

Postremò, neque omnino omittenda sunt Superstitionis, & (prout Vocabulum sensu vulgari accipitur) Magica. Licet enim huiusmodi res sint in immensum obrutæ grandi mole Mendaciorum & fabularum; tamen inspiciendum paulisper, si forte subfit & lateat in aliquibus earum aliqua operatio Naturalis: ut in Fascino; & Fortificatione Imaginationis; & Consensu rerum ad distans; & Transmissione Impressorum à Spiritu ad Spiritum, non minus quam à Corpore ad Corpus; & similibus.

XXXII.

EX ijs, quæ ante dicta sunt, patet; quod quinque illa Instantiarum genera, de quibus diximus, (viz. Instantiarum Conformatum, Instantiarum Monodicarum, Instantiarum Deuiantium, Instantiarum Limitinarum, Instantiarum Potestatis) non debeant reseruari, donec inquiratur Natura aliqua certa; (quemadmodum Instantiae reliquæ, quas primo loco proposuimus; nec non plurimæ ex ijs, quæ sequen-

tur, reseruari debent: sed statim iam ab initio facienda est earum Collectio, tanquam Historia quædam particularis; eò quod digerant ea quæ ingrediuntur Intellectum, & corrigant prauam complexionem Intellectus ipsius, quem omnino necesse est imbui, & infici, & demum peruertere ac distorqueri ab incursibus quotidianis & consuetis.

Itaque adhibendæ sunt eæ Instantiæ tanquam Præparatiuum aliquod, ad rectificandum & expurgandum Intellectum. Quicquid enim abducit Intellectum à consuetis, æquat & complanat aream eius, ad recipiendum Lumen siccum & purum Notionum verarum.

Quin etiam huiusmodi Instantiæ sternunt & præstruunt viam ad Operatiuum; ut suo loco dicemus, quando de Deductionibus ad Praxin sermo erit.

XXXIII.

INTER Prærogatiwas Instantiarum ponemus loco Undecimo Instantias Comitatūs, atque Hostiles; quas etiam Instantias propositionum fixarum appellare consuevimus. Eæ sunt Instantiæ, quæ exhibent aliquod Corpus sive Concretum tale, in quo Natura Inquisita perpetuò sequatur tanquam Comes quidam indiuiduus: aut contrà, in quo Natura Inquisita perpetuò fugiat, atque ex Comitatu excludatur, ut Hostis & inimicus. Nam ex huiusmodi Instantijs formantur Propositiones certæ & Vniuersales; aut Affirmatiuæ, aut Negatiuæ: in quibus Subiectum erit

erit tale Corpus in Concreto, Prædicatum vero *Natura* ipsa Inquisita. Etenim Propositiones particulares omnino Fixæ non sunt, ubi scilicet *Natura* Inquisita reperitur in aliquo Concreto fixa & mobilis; viz. Accedens, sive Acquisita; aut rursus Recedens, sive Deposita. Quocirca Particulares Propositiones non habent Prærogatiuam aliquam maiorem, nisi tantum in Casu Migrationis; de quo ante à dictum est. Et nihilominus, etiam Particulares illæ Propositiones comparatæ & collatæ cum Uniuersalibus, multum iuvant, ut suo loco dicetur. Neque tamen, etiam in Uniuersalibus istis Propositionibus exactam aut absolutam Affirmationem vel Abnegationem requiri mus. Sufficit enim ad id quod agitur, etiam si Exceptionem nonnullam singularem aut raram patientur.

Usus autem Instantiarum Comitatûs est, ad angustiandam Affirmatiuam Formæ. Quemadmodum enim in Instantijs Migrantibus angustiatur Affirmativa Formæ; viz. ut necessario ponи debeat Forma rei esse aliquid, quod per Adum illum Migrationis inditur aut destruitur: Ita etiam in Instantijs Comitatûs angustiatur Affirmativa Formæ; ut necessario ponи debeat Forma rei esse aliquid, quod talem Concretionem corporis subingrediatur, aut contrà ab eadem abhorreat; ut qui bene nōrit Constitutionem aut Schematismum huiusmodi corporis, non longè abfuerit ab extrahendâ in lucem Formâ *Naturæ* Inquisitæ. Exempli gratiâ; sit *Natura* Inquisita, Calidum. Instantia Comitatûs, est Flamma. Etenim in Aquâ, Aere, Lapide, Metallo, & alijs quamplurimis, Cator est

lor est mobilis, & accedere potest & recedere: At omnis Flamma est calida, ita ut Calor in concretione Flammea perpetuo sequatur. At Instantia Hostilis Calidi nulla reperiatur apud nos. Nam de visceribus Terrae nihil constat ad sensum; sed eorum Corporum, quæ nobis nota sunt, nulla prorsus est Concretio quæ non est susceptibilis Caloris.

At rursus, si Natura Inquisita, consistens: Instantia Hostilis, est Aer. Etenim Metallum potest fluere, potest consistere; similiter Vitrum; etiam Aqua potest consistere, cum conglaciatur: at impossibile est ut Aer unquam consistat, aut exuat fluorem.

Verum de Instantijs huiusmodi Propositionum fixarum supersunt duo Monita, quæ utilia sunt ad id quod agitur. Primum, ut si defuerit plane Uniuersalis Affirmatiua aut Negatiua, illud ipsum diligentè notetur tanquam Non-Ens: sicut fecimus de Calido, ubi Uniuersalis Negatiua (quatenus ad Entia, quæ ad nostram notitiam peruererint) in rerum natura deest. Similiter, si Natura Inquisita sit Aeternum, aut Incorruptibile; deest Affirmatiua Uniuersalis hic apud nos. Neque enim praedicari potest Aeternum aut Incorruptibile de aliquo corpore eorum, quæ infra Coelestia sunt, aut supra interiora Terræ. Alterum Monitum est, ut Propositionibus Uniuersalibus, tam Affirmatiuis quam Negatiuis de aliquo Concreto, subiungantur simul ea Concreta, quæ proxime videntur accedere ad id quod est ex Non-Entibus: ut in Calore, Flammæ mollissimæ & minimum adurentes; in Incorruptibili, Aurum, quod proxime accedit. Omnia enim ista

ista indicant terminos Naturæ inter Ens & Non-
Ens; & faciunt ad Circumscriptiones Formarum, nè
gliscant & vagentur extra conditiones Materiæ.

XXXIV.

INter Prærogatiwas Instantiarum, ponemus loco
Duodecimo ipsas illas Instantias Subiunctiuas,
de quibus in superiori Aphorismo diximus: quas etiam
Instantias Ultimitatis sue Termini, appellare con-
sueuimus. Neque enim huiusmodi Instantiæ utiles
sunt tantum, quatenus subiunguntur Propositionibus
Fixis; verum etiam per se, & in proprietate suā. In-
dicant enim non obscurè veras Sectiones Naturæ, &
Mensuras rerum, & illud Quousque Naturæ
quid faciat & ferat, & deinde Transitus Naturæ
ad aliud. Talia sunt; Aurum, in Pondere; Ferrum,
in Duritie; Cete, in Quantitate Animalium; Canis,
in Odore; Inflammatio Pulueris pyrij, in Expansio-
ne celeri; & alia id genus. Nec minus exhibenda
sunt ea, quæ sunt Ultima gradu insimo, quam quæ su-
premo: ut Spiritus vini, in Pondere; Sericum, in Mol-
litie; Vermiculi cutis, in Quantitate Animalium; &
cætera.

XXXV.

INter Prærogatiwas Instantiarum; ponemus loco
Decimo tertio Instantias Foederis sue Unionis.
Eæ sunt, quæ confundunt & adunant Naturas, quæ
existi-

existimantur esse Heterogeneæ ; & pro talibus nō tantur & signantur per diuisiones receptas.

At Instantiæ Fœderis ostendunt operationes & effectus, quæ deputantur alicui ex illis Heterogeneis ut propria, competere etiam alijs ex Heterogeneis ; vt conuincatur ista Heterogenia (quæ in opinione est) vera non esse, aut essentialis ; sed nil aliud esse, quam Modificatio Naturæ communis. Optimi itaque sunt usus ad eleuandum & eueendum Intellectum à Differentijs ad Genera ; & ad tollendum laruas & simulachra rerum, prout occurruunt & prodeunt personæ in substantijs Concretis.

Exempli gratiâ : sit Naturæ Inquisita, Calidum. omnino videtur esse diuiso solennis & authentica, quod sint tria genera Caloris ; viz. Calor Cœlestium, Calor Animalium, & Calor Ignis : quodq[ue] isti Calores (præsertim unus ex illis comparatus ad reliquos duos) sint ipsâ essentiali & specie, siue naturâ specificâ differentes & planè heterogenei : Quandoquidem Calor Cœlestium & Animalium generet & foueat, at Calor Ignis contrâ corrumpat & destruat. Est itaque Instantia Fœderis, Experimentum illud satis vulgatum ; Cùm recipitur ramus aliquis vitis intrâ domum ubi sit focus assiduus, ex quo maturescunt vuæ, etiam mense integro citius quam foras : Ita vt maturatio fructus etiam pendentis super arborem fieri possit scilicet ab Igne, cùm hoc ipsum videatur esse opus proprium Solis. Itaq[ue] ab hoc initio facile insurgit Intellectus, repudiata Heterogenia essentiali, ad inquirendum quæ sint Differentiæ illæ, quæ reuerâ reperiuntur inter Calorem Solis

lis & Ignis; ex quibus fit, ut eorum operationes sint tam dissimiles, utcunque illi ipsi participant ex Naturâ communi.

Quæ Differentiæ reperientur quatuor: viz. Primo, quod Calor Solis respectu Caloris Ignis, sit gradu longè clementior & lenior: Secundo, quod sit (præsertim ut defertur ad nos per Aërem) qualitate multò humidior: Tertio, (quod Caput rei est) quod sit summè inæqualis; atque accedens & auctus, & deinceps recedens & diminutus: id quod maximè consert ad Generationem corporum. Rectè enim asseruit Aristoteles, causam principalem Generationum & Corruptionum quæ fiunt hic apud nos in superficie Terræ, esse viam obliquam Solis per Zodiacum: unde Calor Solis, partim per vicissitudines Diei & Nodis, partim per successiones Estatis & Hyemis, euadit miris modis inæqualis. Neque tamen definit ille Vir, id quod ab eo rectè inuentum fuit, statim corrumpere & deprauare. Nam ut Arbitr scilicet Naturæ (quod illi in more est) valde Magistraliter assignat causam Generationis, Accessui Solis; causam autem Corruptionis, Recessui: cum utraque res (Accessus videlicet Solis, & Recessus) non respectuè, sed quasi indifferenter præbeat causam tam Generationi quam Corruptioni: quandoquidem inæqualitas Caloris, Generationi & Corruptioni rerum; æqualitas, Conservationi tantum ministeret. Est & Quarta Differentia inter Calorem Solis & Ignis, magni prorsus momenti: viz. quod Sol operationes suas insinuet per longa temporis spatio; ubi operationes Ignis (urgente hominum impatientia) per

breuiora interualla ad exitum perducantur. Quod si quis id sedulò agat, ut Calorem Ignis attemperet & reducat ad gradum moderationem & leniorem; (quod multis modis facile fit) deinde etiam inspergat & admisceat nonnullam humiditatem; maximè autem si imitetur Calorem Solis in inæqualitate; postremò, si moram patientè toleret, (non certè eam quæ sit proportionata operibus Solis, sed largiorem, quam homines adhibere solent in operibus Ignis;) & s' facile missam faciet Heterogeniam illam Caloris: & vel tentabit, vel exæquabit, vel in aliquibus vincet opera Solis, per Calorem Ignis. Similis Instantia Fœderis est, resuscitatio Papilionum ex frigore stupentium & tanquam emortuarum, per exiguum tempore Ignis: ut facile cernas, non magis negatum esse Igni vivificare Animantia, quam maturare Vegetabilia. Etiam Inuentum illud celebre Fracastorij de Sareagine acriter calo facta, quā circundant Medici capita Apoplectorum desperatorum, expandit manifestè spiritus animales, ab humoribus & obstructionibus Cerebri compressos & quasi extinctos; illosque ad motum excitat, non aliter quam Ignis operatur in Aquam aut Aërem; & tamen per consequens vivificat. Etiam Oua aliquando excluduntur per Calorem Ignis; id quod prorsus imitatur Calorem Animalem; & complura eiusmodi: ut nemo dubitare possit, quin Calor Ignis in multis subiectis modificari possit ad imaginem Caloris Cœlestium & Animalium.

Similiter sint Naturæ Inquisitæ, Motus & Quies. Videtur esse diuisio solennis atque ex intimâ Philo-

Philosophia, quod corpora Naturalia vel rotent, vel ferantur recta, vel stent sive quiescant. Aut enim est Motus sine termino, aut Statio in termino, aut Latio ad terminum. At motus ille perennis Rotationis, videtur esse Cœlestium proprius: Statio sive Quies, videtur competere globo ipsi Terræ: At corpora cætera (Grauia quæ vocant, & Levia; extrâ loca scilicet connaturalitatis suæ sita) feruntur recta ad Massas sive congregations similium; Levia sursùm, versùs ambitum Cœli; Grauia deorsùm, versùs Terram. Atque ista pulchra dictu sunt.

At Instantia Foederis, est Cometa aliquis humilior; qui cum sit longè infrâ Cœlum, tamen rotat. Atque commentum Aristotelis, de alligatione sive sequacitate Cometæ ad Astrum aliquod, iampridem expolum est; non tantum quia ratio eius non est probabilis, sed propter experientiam manifestam discursus & irregularis motus Cometarum per varia loca Cœli.

At rursus alia Instantia Foederis circâ hoc subiectum, est Motus Aëris; qui intrâ Tropicos (vbi Circuli Rotationis sunt maiores) videtur & ipse rotare ab Oriente in Occidentem.

Et alia rursus Instantia foret Fluxus & Refluxus Maris, si modò aquæ ipsæ deprehendantur ferri motu Rotationis (licet tardo & euanido) ab Oriente in Occidentem; ita tamen, ut bis in die repercutiantur. Itaque si hæc ita se habeant; manifestum est Motum istum Rotationis non terminari in Cœlestibus, sed communicari Aeri & Aquæ. Etiam ista proprietas Leuum, nimirum ut ferantur

tur sursùm, vacillat nonnihil. Atque in hoc, sumi potest pro Instantiâ Fœderis, Bulla aquæ. Si enim aér fuerit subter aquam, ascendit rapide versùs superficiem aquæ, per Motum illum Plagæ, (quam vocat Democritus) per quam aqua descendens percutit & attollit aérem sursùm; non autem per contentionem aut nixum aeris ipsius. Atqui ubi ad superficiem ipsam. Aquæ ventum fuerit, tum cohabetur Aer ab ulteriore ascensu, per leuem resistentiam quam reperit in Aquâ, non statim tolerante se discontinuari: ita ut exilis admidum sit appetitus Aeris ad superiora.

Similiter sit Natura Inquisita, Pondus. Est planè diuisio recepta; ut Densa & Solida ferantur versùs centrum Terræ, Rara autem & Tenuia versùs ambitum Cœli; tanquam ad loca sua propria. Atque loca quod attinet; (licet in Scholis huiusmodi res valeant) planè inepta & puerilis cogitatio est, Locum aliquid posse. Itaque nugantur Philosophi, cùm dicant quòd, si perforata esset Terra, corpora grauia se fisterent quando ventum esset ad Centrum. Eset enim certè virtuosum planè & efficax genus Nibili, aut Pundi Mathematici; quod aut alia afficeret, aut rursùs quod alia appeterent: Corpus enim non nisi à corpore patitur. Verùm iste appetitus Ascendendi & Descendendi, aut est in Schematismo corporis quod mouetur, aut in Sympathia sue consensu cum alio corpore. Quòd si inueniatur aliquod corpus Densum & Solidum, quod nihilominus non feratur ad Terram; confunditur huiusmodi diuisio. At si recipiatur opinio Gilberti, quòd Magnetica vis Terræ ad alliciendum grauia, non exten-

datur

datur ultrà orbem Virtutis suæ, (quæ operatur semper ad distantiam certam, & non ultrà) hòcque per aliquam Instantiam verificetur; ea demùm erit Instantia Fœderis circà hoc subiectum. Neque tamen occurrit impræsentiarùm aliqua Instantia super hoc certa & manifesta. Proximè videntur accedere Cataractæ Cœli, quæ in nauigationibus per Oceanum Atlanticum versùs Indias utrasque, sàpè conspicuntur. Tanta enim videtur esse vis & moles aquarum, quæ per huiusmodi Cataractas subitò effunditur; ut videatur Collectio Aquarum fuisse antè facta, atque in his locis hæsisse & mansisse; & postea potius per causam violentam deiecta & detrusa esse, quam naturali Motu gravitatis cecidisse: adeò ut coniisci possit, corpoream mollem densam atque compactam, in magnâ distantia à Terrâ, fore penibilem tanquam Terram ipsam; nec casuram, nisi deiiciatur. Verùm de hoc nil certi affirmamus. Interim in hoc & in multis alijs facile apparet, quam inopes sumus Historiæ Naturalis; cùm loco Instantiarum certarum, nonnunquam Suppositiones afferre pro Exemplis cogamur.

Similiter sit Natura Inquisita, Discursus Ingenij. Videlur omnino diuisio vera, Rationis Humanæ, & Solertiæ Brutorum. Attamen sunt nonnullæ Instantiæ actionum, quæ eduntur à Brutis, per quas videntur etiam Bruta quasi syllogizare: ut memoriæ proditum est de Coruo, qui per magnas siccitates ferè enectus siti, conspexit aquam in trunco cauo arboris; atque cùm non datur ei intrare propter angustias, non cessauit iacere multos lapillos, per quos surgeret & ascenderet aqua,

vt bi-

ut bibere posset; quod postea cessit in Prouerbiu[m].

Similiter sit Natura Inquisita, Visibile. Videlur omnino esse divisio vera & certa; Lucis, quae est Visibile originale, & primam copiam facit visui; & Coloris, qui est Visibile secundarium, & sine luce non cernitur, ita ut videatur mil aliud esse quam imago aut modificatio Lucis. Attamen ex utraque parte circa hoc videntur esse Instantiae Fœderis; scilicet, Nix in magna quantitate, & Flamma Sulphuris: in quarum altera videtur esse Color primulum lucens, in altera Lux vergens ad colorrem.

XXXVI.

INTER PRÆRGATIUS INSTANTIARUM PONEMUS LOCO decimo quarto Instantias Crucis; translato vocabulo à Crucibus, quæ eratæ in Biuijs, indicant & signant viarum separationes. Has etiam Instantias Decisorias, & Iudiciales, & in Casibus nonnullis Instantias Oraculi, & Mandati, appellare consueuimus. Earum ratio talis est. Cum in Inquisitione Naturæ alicuius, Intellectus ponitur tanquam in Äquilibrio, ut incertus sit, utri Naturarum è duabus, vel quandoque pluribus, Causa Naturæ Inquisitæ attribui aut assignari debeat, propter complurium Naturarum concursum frequentem & ordinarium; Instantiae Crucis ostendunt consortium unius ex Naturis

(quoad

(quoad Naturam Inquisitam) fidum & indissoluble, alterius autem varium & separabile; unde terminatur quæstio, & recipitur Natura illa prior pro Causâ, missâ alterâ & repudiata. Itaque huiusmodi Instantiæ sunt maximæ lucis, & quasi magnæ authoritatis; ita ut Curriculum Interpretationis quandoque in illas desinat, & per illas perficiatur. Interdum autem Instantiæ Crucis illæ occurunt, & inueniuntur inter iampridè notatas; At ut plurimum Natura sunt, & de Industriâ, atque ex Composito quæstæ & applicatæ, & diligentia sedula & acri tandem erutæ.

Exempli gratiâ; sit Natura Inquisita Fluxus & Refluxus Maris, ille bis repetitus in die, atque Sexhorarius, in accessibus & recessibus singulis, cum differentiâ nonnullâ quæ coincidit in Motum Lunæ. Biuum circa hanc Naturam tale est.

Necesse prorsus est, ut iste Motus efficiatur, vel ab Aquarum Progressu & Regressu, in modum Aquæ in pelui agitatæ, quæ quando latus unum peluis alluit, deserit alterum; vel à Sublatione & subsidentiâ Aquarum è profundo, in modum Aquæ ebullientis, & rursus subsidentis. Utri verò Causæ fluxus & Refluxus ille assignari debeat, oritur dubitatio. Quod si recipiatur prior Assertio, necesse est ut cum sit Fluxus in Mari ex una parte, fiat sub idem tempus alicubi in Mari Refluxus ex aliâ. Itaque ad hoc reducitur Inquisitio. Atqui obseruauit Acosta, cum alijs nonnullis (diligenti factâ Inquisitione) quod ad litora Floridæ, & ad litora aduersa Hispaniæ & Africæ, fiant Fluxus Maris ad eadem tempora, & Refluxus itidem

ad

ad eadem tempora; non contrà, quòd cùm fluxus fit ad littora Floridæ, fiat Refluxus ad littora Hispaniæ & Africæ. Attamen adhuc diligentius attendenti, non per hoc euincitur Motus Attollens, & abnegatur Motus in progressu. Fieri enim potest, quòd sit Motus Aquarum in progressu, & nihilominus inundet aduersa littora eiusdem Aluei simul. Si Aquæ scilicet illæ contrudantur & compellantur aliundè; quemadmodum fit in Fluuijs, qui fluunt & refluunt ad utrumque littus horis ijsdem, cùm tamen iste Motus liquidò sit Motus in Progressu, nempe Aquarum ingredientium ostia Fluminum ex Mari. Itaque simili modo fieri potest, ut Aquæ venientes magnâ mole ab Oceano Orientali Indico, compellantur & tradantur in Alneum Maris Atlantici, & propterea inundent utrumque latus simul. Quærendum itaque est, an sit alius Alueus, per quem Aquæ possint ijsdem temporibus minui & refluere. Atque præstò est Mare Australe, Mari Atlantico neutiquam minus; sed potius magis latum & extensem, quod ad hoc sufficere possit.

Itaque iam tandem peruentum est ad Instantiam Crucis circa hoc subiectum: Ea talis est. Si pro certo inueniatur, quòd cùm fit Fluxus ad littora aduersatam Floridæ, quam Hispaniæ, in Mari Atlantico; fiat simul Fluxus ad littora Peruuiae, & iuxta dorsum Chinæ in Mari Australi; Tum certè per hanc Instantiam Decisoriam abiudicanda est Assertio, quòd Fluxus & Refluxus Maris de quo inquiritur, fiat per Motum Progressuum: Neque enim relinquitur aliud Mare, aut locus ubi possit ad eadem tempora fieri Regressus

gressus, aut Refluxus. Commodissimè autem hoc scri-
ri possit, si inquiratur ab Incolis Panamæ, & Limæ
(ubi uterque Oceanus, Atlanticus & Australis, per
paruum Isthmum separantur) utrum ad contrarias
Isthmi partes fiat simul Fluxus & Refluxus Maris,
an è contrà. Verùm hæc Decisio, sive Abiudicatio
certa videtur, posito quod Terra stet immobilis. Quod
si Terra rotet, fieri fortasse potest, ut ex inæquali rota-
tione (quatenus ad celeritatem sive incitationem) Ter-
ræ, & Aquarum Maris, sequatur Compulsio violen-
ta Aquarum in Cumulum sursum, quæ sit Fluxus; &
Relaxatio earundem, (postquam amplius cumulari non
sustinuerint) in deorsum, quæ sit Refluxus. Verùm,
de hoc facienda est Inquisitio separatim. Attamen eti-
am hoc supposito, illud æquè manet fixum, quod necesse
sit fieri alicubi Refluxum Maris ad eadem tempora,
quibus fiunt Fluxus in alijs partibus.

Similiter, sit Natura Inquisita, posterior ille
Motus ex duobus quos supposuimus; videlicet
Motus Maris se Attollens, & rursus Subsidens;
si forte ita acciderit, ut (diligenti facto examine)
reiciatur Motus alter, de quo diximus, Progressi-
uus. Tum verò erit Triuum circa hanc Naturam
tale. Necesse est, ut Motus iste, per quem Aquæ in
Fluxibus & Refluxibus se attollunt, & rursus rela-
buntur, absque aliquâ accessione Aquarum aliarum quæ
aduoluuntur, fiat per unum ex his tribus modis; vel
quod ista Aquarum Copia emanet ex interioribus Ter-
ræ, & rursus in illa se recipiat; vel quod non sit aliqua
amplior Moles Aquarum, sed quod Eadem Aquæ

(non aucto Quanto suo) extendantur, sive rarefiant, ita ut maiorem locum & dimensionem occupent, & rursus se contrahant; vel quod nec Copia accedat maior, nec Extensio amplior, sed eadem Aquæ (prout sunt tam Copiâ, quam Densitate aut Raritate) per vim aliquam Magneticam desuper eas attrahentem, & euocantem, & per Consensum, se attollant, & deinde se remittant. Itaque reducatur (si placet) iam Inquisitio (missis duobus illis Motibus prioribus) ad hunc ultimum; & inquiratur si fiat aliqua talis Sublatio per Consensum, sive vim Magneticam. Atqui primò manifestum est uniuersas Aquas, prout ponuntur in Fossa, sive Cavo Maris, non posse simul attolli, quia defuerit quod succedat in fundo; adeò ut si foret in Aquis aliquis huiusmodi appetitus se attollendi, ille ipse tamen à Nexus rerum, sive (ut vulgo loquuntur) ne detur Vacuum, fractus foret & cohitus. Relinquitur, ut attollantur Aquæ ex aliquâ parte, & per hoc minuantur & cedant ex aliâ. Enimvero rursus necessariò sequetur, ut vis illa Magnetica, cum super Totum operari non possit, circa Medium operetur intensissime; ita ut Aquas in Medio attollat; illæ verò sublate, latera per successionem deserant & destituant.

Itaque iam tandem peruentum est ad Instantiam Crucis circa hoc subiectum. Ea talis est: Si inueniatur quod in Refluxibus Maris, Aquarum superficies in Mari sit arcuata magis & rotunda, attollentibus se scilicet Aquis in medio Maris, & deficientibus circa latera, quæ sunt litora; & in Fluxibus eadem superficies sit magis plana & aqua, redeuntibus scilicet Aquis

Aquis ad priorem suam positionem; tum certè per hanc Instantiam Decisoriam potest recipi Sublatio per vim Magneticam, aliter prorsùs abiudicanda est. Hoc ve- rò in Fretis per lineas nauticas non difficile est experiri; videlicet utrum in Refluxibus versus Medium Ma- ris, Mare non sit magis altum siue profundum, quam in Fluxibus. Notandum autem est, si hoc ita sit, fieri (contrà ac creditur) ut attollant se Aquæ in Refluxi- bus, demittant se tantùm in Fluxibus, ita ut littora ve- stiant & inundent.

Similiter, sit Natura Inquisita, Motus Rotationis spontaneus; & speciatim, utrum Motus Diurnus, per quem Sol & Stellæ ad conspectum nostrum oriuntur & occidunt, sit Motus Rotationis verus in Cœlestibus; aut Motus Apparens in Cœlestibus, Verus in Terrâ. Poterit esse Instantia Crucis super hoc subiectum talis. Si inueniatur Motus aliquis in Oceano ab Oriente in Occidentem, licet admodum languidus & eneruatus; Si idem Motus reperiatur paulò incitator in Aere, præsertim intra Tropicos, ubi propter maiores Circu- los est magis perceptibilis; Si idem Motus reperiatur in humilioribus Cometis, iam factus viuus & validus; Si idem Motus reperiatur in Planetis, ita tamen dispensatus & graduatus, ut quò proprius absit à Terrâ, sit tardior; quò longius, celerior, atque in Cœlo demùm stellato sit velocissimus; tum certè recipi debet Motus Diurnus pro vero in Cœlis, & abnegandus est Motus Terræ; quia manifestum erit, Motum ab Oriente in Occidentem esse planè Cosmicum, & ex Consensu Uni- uersi, qui in Summitatibus Cœli maximè rapidus, gra-

datim labascat, & tandem desinat & extinguitur in Immobili, videlicet Terrâ.

Similiter, sit Natura Inquisita, Motus Rotacionis ille alter apud Astronomos decantatus, renitens & contrarius Motui Diurno, videlicet ab Occidente in Orientem, quem veteres Astronomi attribuunt Planetis, etiam Cælo Stellato; at Copernicus, & eius Seclatores Terræ quoque; & queratur utrum inueniatur in rerum Naturâ aliquis talis Motus, an potius res conficta sit & supposita, ad Compendia & Commodityates Calculationum, & ad pulchrum illud, scilicet de Expediendis Motibus Cælestibus per Circulos perfectos. Neutiquam enim evincitur iste Motus esse in Supernis verus & realis, nec per Defectum Restitutio-
nis Planetæ in Motu Diurno ad idem punctum Cæli stellati; nec per diuersam Politatem Zodiaci, habito respectu ad Polos Mundi; quæ duo nobis hunc Motum pepererunt. Primum enim Phænomenon per Anteuer-
sionem & Derelictionem optimè saluatur; Secundum per Lineas Spirales; adeò ut in equalitas Restitutio-
nis, & Declinatio ad Tropicos, possint esse potius Modifi-
cationes Motus unici illius Diurni, quam Motus reni-
tentes, aut circa diuersos Polos. Et certissimum est,
si paulisper pro Plebeijs nos geramus, (missis Astro-
nomorum & Scholæ commentis, quibus illud in more
est, ut Sensui in multis immerito vim faciant, & ob-
scuriora malint) talem esse Motum istum ad Sen-
sum, qualém diximus; Cuius imaginem per fila ferrea
(veluti in Machinâ) aliquando repræsentari fecimus.

Verum

Verum Instantia Crucis super hoc subiectum poterit esse talis. Si inueniatur in aliqua Historia fide digna, fuisse Cometam aliquem vel sublimiorem, vel humiliorum, qui non rotauerit cum Consensu manifesto (licet admodum irregulariter) Motus Diurni, sed potius rotauerit in Contrarium Cœli; tum certe hucusque iudicandum est, posse esse in Naturâ aliquem talem Motum. Sin nihil huiusmodi inueniatur, habendus est pros suspecto, & ad alias Instantias Crucis circa hoc configiendum.

Similiter, sit Natura Inquisita, Pondus siue Graue. Biuum circa hanc Naturam tale est. Necesse est, ut Grauia & Ponderosa vel tendant ex Naturâ suâ ad Centrum Terræ, per proprium Schematismum; vel ut à Massâ Corporeâ ipsius Terræ, tanquam à Congregatione Corporum Connaturalium, attrahantur & rapiantur, & ad eam per Consensum ferantur. At posterius hoc si in causâ sit, sequitur ut quod propius grauia appropinquant ad Terram, eò fortius & maiore cum impetu ferantur ad eam; quod longius ab eâ absint, debilius & tardius, (ut sit in Attractionibus Magnetis;) idque fieri intra spatiū certum; adeò ut si elongata fuerint à Terrâ tali distantiâ, ut virtus Terræ in ea agere non possit, pensilia mansura sint, ut & ipsa Terra, nec omnino decasura.

Itaque talis circa hanc rem poterit esse Instantiae Crucis. Sumatur Horologium ex ijs quæ mouentur per Pondera plumbea; & aliud ex ijs quæ mouentur per compressionem laminæ ferreæ; atque verè probentur, nè alterum altero velocius sit, aut tardius; Deinde ponatur

ponatur Horologium illud mouens per pondera, super fastigium alicuius Templi altissimi, altero illo infrā detento; & notetur diligenter, si Horologium in alto situm tardius moueatur quām solebat, propter diminutam virtutem Ponderum. Idem fiat Experimentum in profundis Minerarum, altè sub Terrā depresso; utrum Horologium huiusmodi non moueatur velocius quām solebat, propter auctam virtutem Ponderum. Quod si inueniatur virtus Ponderum minui in sublimi, agrauari in subterraneis; recipiatur pro Causā Ponderis, Attratio à Massā Corporeā Terræ.

Similiter, si Natura Inquisita, Verticitas Acūs ferreæ, tactæ Magnete. Circa hanc Naturam tale erit Biuum. Necesse est, ut Tactus Magnetis vel ex se indat ferro Verticitatem, ad Septentriones & Austrum; vel ut excitet ferrum tantummodo & habilitet: Motus autem ipse indatur ex præsentia Terræ; ut Gilbertus opinatur, & tanto conatu probare nititur. Itaque hic spectant ea, quæ ille perspicaci industria conquisuit. Nam quod Clavis ferreus, qui diu dumuit in situ versus Septentriones & Austrum, colligat morā diutinā Verticitatem, absque Tactu Magnetis: Ac si Terra ipsa, quæ ob distantiam debiliter operatur (namque superficies aut extima incrustatio Terræ virtutis Magneticæ (ut ille vult) expers est) per moram tamen longam, Magnetis Tandum suppleret, & ferrum exciret, deinde excitum conformaret, & verteret. Rursus, quod Ferrum Ignitum & Candens, si in extinctione suā exporrigatur inter Septentriones & Austrum, colligat quoque Ver-

Verticitatem absque Tactu Magnetis: Ac si partes Ferri in Motu positæ per Ignitionem, & postea se recipientes, in ipso articulo extinctionis suæ magis essent susceptiæ & quasi sensitiæ Virtutis manantis à Terra, quam alias; & inde fierent tanquam excitæ. Verum hæc, licet bene obseruata, tamen non euincunt prorsus quod ille asserit.

Instantia Crucis autem circa hoc subiectum poterit esse talis. Capiatur Terrella ex Magnete, & notentur Poli eius; & ponantur Poli Terrellæ versùs Orientem & Occasum, non versùs Septentriones & Austrum, atque ita iaceant: deinde superponatur Acus ferrea Intacta, & permittatur ita manere ad dies sex aut septem. Acus verò (nam de hoc non dubitatur) dum manet super Magnetem, relicta Polis mundi, se vertet ad Polos Magnetis; Itaque quamdiu ita manet, vertitur scilicet ad Orientem & Occidentem Mundi. Quòd si inueniatur Acus illa remota à Magnete, & posita super Versorium, statim se applicare ad Septentriones & Austrum, vel etiam paulatim se eò recipere; tum recipienda est pro Causâ, præsentia Terræ: Sin aut vertatur (ut priùs) in Orientem & Occidentem, aut perdat Verticitatem, habenda est illa Causa pro suspectâ, & ulterius inquirendum est.

Similiter, sit Natura inquisita, Corporea substantia Lunæ; an sit Tenuis, Flammea, sive Aërea, ut plurimi ex priscis Philosophis opinati sunt; an solida & Densa, ut Gilbertus & multi Moderni, cum nonnullis ex Antiquis, tenent. Rationes posterioris istius Opinionis fundantur in hoc maximè, quòd

quod Luna radios Solis reflectat; neque videtur fieri Reflexio Lucis nisi à Solidis.

Itaque Instantiæ Crucis circa hoc subiectum eæ esse poterint (si modò aliquæ sint) quæ demonstrent Reflexionem à Corpore tenui, qualis est Flamma, modò sit crassitie i sufficientis. Certè Causa Crepusculi inter alias, est Reflexio radiorum Solis à superiore parte Aëris. Etiam quandoque reflecti videmus radios Solis temporibus vespertinis serenis, à fimbrijs nubium roscidarum, non minori splendore, sed potius illustriori, & magis glorioso, quam qui redditur à Corpore Lunæ; neque tamen constat eas nubes coalusse in Corpus densum Aquæ. Etiam videmus Aërem tenebrosum ponè fenestras noctù reflectere lucem Candelæ, non minus quam Corpus densum. Tentandum etiam foret Experimentum immisionis radiorum Solis per foramen, super Flammam aliquam subfuscam & cæruleam. Sanè radij aperti Solis incidentes in Flammas obscuriores, vindentur eas quasi mortificare, ut conspiciantur magis instar Fumi albi, quam Flammarum. Atque hæc impræsentiarum occurrunt, quæ sunt ex Naturâ Instantiarum Crucis circa hanc rem; & meliora fortasse reperiri possunt. Sed notandum semper est, Reflexionem à Flammarum non esse expectandam, nisi à Flammarum alicuius profunditatis: nam aliter vergit ad Diaphanum. Hoc autem pro certo ponendum, Lucem semper in Corpore æquali, aut excipi & transmitti, aut resilire.

Similiter, si Naturâ Inquisita, Motus Missilium; veluti Spicularum, Sagittarum, Globulorum, per Aërem. Hunc Motum Schola (more suo) valde negligenter

ligenter expedit; satis habens, si eum nomine Motus violenti à Naturali (quem vocant) distinguat: & quod ad primam percusionem sive impulsionem attinet, per illud, (quod duo Corpora non possint esse in uno loco, ne fiat penetratio Dimensionum) sibi satisfaciat; & de Processu continuato istius Motus nihil curet. At circa hanc Naturam Biuum est tale: Aut iste Motus fit ab Aere vehente, & pone Corpus emissum se colligente, instar fluuij erga Scapham, aut venti erga paleas; aut à partibus ipsius Corporis non sustinentibus impressionem, sed ad eandem laxandam per successionem se promouentibus. Atque priorem illum recipit Fracastorius, & ferè omnes qui de hoc Motu paulò subtilius inquisuerunt: Neque dubium est, quin sint Aeris partes in hac re nonnullæ; sed alter Motus proculdubio verus est, ut ex infinitis constat Experimentis. Sed inter cæteras, poterit esse circa hoc subiectum Instantia Crucis talis; Quod Lamina, aut filum Ferri paulò contumacius, vel etiam Calamus sive penna in medio diuisa, adducta & curuata inter pollicem & digitum, exiliant. Manifestum enim est, hoc non posse imputari Aeris se pone Corpus colligenti, quia fons Motus est in medio Laminæ vel Calami, non in Extremis.

Similiter fit Natura Inquisita, Motus ille rapi-dus & potens Expansionis Pulueris Pyrij in Flam-mam; unde tantæ moles subuertuntur, tanta pondera emittuntur, quanta in Cuniculis maioribus, & Bom-bardis videmus. Biuum circa hanc Naturam tale est. Aut excitatur iste Motus à mero Corporis Appetitu se dilatandi, postquam fuerit inflammatum; aut ab

I i appe-

appetitu mixto Spiritus Crudi, qui rapidè fugit fgnē, & ex eo circumfuso, tanquam ex Carcere, violenter erumpit. Schola autem, & vulgaris Opinio tantum versatur circa priorem illum Appetitum. Putant enim homines se pulchrè philosophari, si asserant Flammam ex Formā Elementi necessitate quādam donari, locum ampliorem occupandi, quam idem Corpus expluerat, cūm subiret Formam Pulueris, atque inde sequi Motum istum. Interim minimè aduertunt, licet hoc verum sit, posito quod Flamma generetur, tamen posse impediti Flammæ generationem, à tantā Mole quæ illam comprimere & suffocare queat; ut non deducatur res ad istam Necessitatem, de quā loquuntur. Nam quod necesse sit fieri Expansionem, atque inde sequi Emissionem, aut remotionem Corporis quod obstat, si generetur Flamma, redē putant. Sed ista Necessitas planè euitatur, si Moles illa solida Flammam supprimat, antequām generetur. Atque videmus Flammam, præsertim in primā generatione, mollem esse & lenem, & requirere Cauum, in quo experiri & ludere possit. Itaque tanta violentia huic rei per se assignari non potest. Sed illud verum; generationem huiusmodi Flamarum flatulentarum, & veluti ventorum ignecorum, fieri ex conflictu duorum Corporum, eorūmque Naturæ inter se planè contrariae; Alterius admodum inflammabilis, quæ Naturæ viget in Sulphure; alterius Flammam exhorrentis, qualis est Spiritus Crudus, qui est in Nitro; adeò ut fiat Conflictus mirabilis, inflammante se Sulphure quantum potest; nam tertium Corpus, nimirūm Carbo Salicis, nil aliud ferè præ-

præstat, quam ut illa duo Corpora incorporet, & com-
modè vniat, & erumpente Spiritu Nitri quantum po-
test, & vna se dilatante (nam hoc faciunt & Aer, &
omnia Cruda, & Aqua, ut à Calore dilatentur) &
per istam fugam & eruptionem, interim Flammam
Sulphuris, tanquam follibus occultis, undequaquè exuf-
flante.

Poterant autem esse Instantiæ Crucis circa hoc
Subiectum duorum generum. Alterum eorum Corporum
quæ maximè sunt inflammabilia, qualia sunt Sulphur,
Caphura, Naphtha, & huiusmodi, cum eorum mistu-
ris; quæ citius & facilius concipiunt flammatam, quam
Puluis Pyrius, si non impedianter: Ex quo liquet, Ap-
petitum inflammandi per se Effectum illum stupendum
non operari. Alterum eorum quæ Flammatam fugi-
unt & exhorrent, qualia sunt Sales omnes. Videmus
enim, si iacentur in Ignem, Spiritum Aqueum erumpere
cum fragore, antequam Flamma concipiatur; quod eti-
am leniter sit in Folijs paulò contumacioribus, parte A-
quea erumpente, antequam Oleosa concipiatur Flam-
matam. Sed maximè cernitur hoc in Argento viuo, quod
non male dicitur Aqua Mineralis. Hoc enim, absque
inflammatione, per Eruptionem & Expansionem sim-
plicem, vires Pulueris Pyri ferè adæquat; quod etiam
admixtum Pulueri Pyrio, eius vires multiplicare di-
citur.

Similiter, sit Natura Inquisita, Transitoria Na-
tura Flammeæ, & Extinctio eius Momentanea. Non
enim videtur Natura Flammea hic apud nos figi &
consistere, sed singulis quasi momentis generari, & sta-

tim extingui. Manifestum enim est, in Flammis quæ hic continuantur & durant, istam durationem non esse eiusdem Flammæ in Individuo, sed fieri per successiōnem nouæ Flammæ seriatim generatæ, minimè autem manere eandem Flammam Nūmero; Id quod facile perspicitur ex hoc, quòd substracto alimento sive fomite Flammæ, Flamma statim pereat. Biuum autem circa hanc naturam tale est. Momentanea ista Natura, aut fit remittente se Causâ quæ eam primò genuit, ut in Lumine, Sonis, & Motibus (quos vocant) Violentis; aut quòd Flamma in Naturā suā possit hic apud nos manere, sed à contrarijs Naturis circumfusis vim patiatur & destruatur.

Itaque poterit esse circa hoc subiectum Instantia Crucis talis. Videmus Flamas in Incendijs maioribus, quam altè in sursum ascendant. Quantò enim Basis Flammæ est latior, tantò Vertex sublimior: Itaque videtur principium Extinctionis fieri circa Latera, ubi ab Aëre Flamma comprimitur, & male habetur. At Medullia Flammæ, quæ Aér non contingit, sed alia Flamma vndique circundat, eadem numero manent; neque extinguntur, donec paulatim angustientur ab Aëre per Latera circumfuso. Itaque omnis Flamma Pyramidalis est Basí circa fomitem largior, Vertice autem (inimicante Aëre, nec suppeditante fomite) acutior. At Fumus angustior circa Basin, ascendendo dilatatur, & fit tanquam Pyramis inuersa; quia scilicet Aér Fumum recipit, Flammam (neque enim quispiam somniat Aërem esse Flammam accensam, cùm sint Corpora planè Heterogenea) comprimit.

Accu-

Accuratio autem poterit esse Instantia Crucis ad hanc rem accommodata, si res forte manifestari possit per Flamas Bicolores. Capiatur igitur Situla parua ex metallo, & in ea sigatur parua Candela Cerea accensa; ponatur Situla in pateram, & circumfundatur Spiritus Vini in modica quantitate, quae ad labra Situlae non attingat, tum accende Spiritum Vini. At Spiritus ille Vini exhibebit Flammam magis scilicet ceraeum, Lychnus Candela autem magis flauam. Notetur itaque utrum Flamma Lychni (quam facile est per Colorem à Flamme Spiritus Vini distinguere, neque enim Flammæ, ut Liquores, statim commiscentur) maneat Pyramidalis, an potius magis tendat ad Formam globosam, cum nihil inueniatur quod eam destruat aut comprimat. At hoc posterius si fiat, manere Flammam eandem numero, quamdiu intra aliam Flammam concludatur, nec vim inimicam Aëris experietur, pro certo ponendum est.

Atque de Instantijs Crucis hæc dicta sunt. Longiores autem in ijs tractandis ad hunc finem fuimus, ut homines paulatim discant & assuefiant, de Naturâ iudicare per Instantias Crucis, & Experimenta Luciferæ, & non perrationes probabiles.

XXXVII.

Inter Prærogatiuas Instantiarum ponemus loco Decimo-quinto Instantias Diuortij, quæ indicant Separationes Naturarum earum, quæ ut plurimum occurrunt. Differunt autem ab Instantijs quæ subiun-

subiunguntur Instantijs Comitatūs; quia illæ indicant Separationes Naturæ alicuius ab aliquo Concreto, cum quo illa familiariter consuescit: hæ verò Separationes Naturæ alicuius ab alterā Naturā. Differunt etiam ab Instantijs Crucis; quia nihil determinant, sed monent tantum de Separabilitate vnius Naturæ ab alterā. Usus autem earum est ad prodendas falsas Formas, & dissipandas leues Contemplationes ex rebus obuijs orientes; adeò ut veluti plumbum & pondera Intellectui addant.

Exempli gratia: Sint Naturæ Inquisitæ, quatuor Naturæ illæ; quas Contubernales vult esse Telesius, & tanquam ex eādem Camera: viz. Calidum, Lucidum, Tenui, Mobile sive promptum ad Motum. At plurimæ inueniuntur Instantiæ Diuortij inter ipsas. Aer enim Tenuis est & habilis ad Motum, non Calidus aut Lucidus: Luna Lucida, absque Calore: Aqua feruens, Calida absque Lumine: Motus Acus ferræ super Vensorium, pernix & agilis; & tamen in Corpore Frigido, Denso, Opaco: & complura id genus.

Similitèr sint Naturæ Inquisitæ, Naturæ Corporea, & Actio Naturalis. Videtur enim non inueniri Actio Naturalis, nisi subsistens in aliquo Corpore. Attamen possit fortassis esse circà hanc rem Instantia nonnulla Diuortij. Ea est Actio Magnetica, per quam Ferrum fertur ad Magnetem, Grauia ad globum Terræ. Addi etiam possint aliæ nonnullæ Operationes ad Distans. Actio siquidem huiusmodi & in Tempore fit, per Momenta, non in Puncto temporis; & in Loco, per gradus & spatia. Est itaque aliquod Momen-

tum

tum Temporis, & aliquod Interuallum Loci, in quibus ista Virtus sue Actio hæret in Medio inter duo illa Corpora quæ Motum carent. Reducitur itaque Contemplatio ad hoc; utrum illa Corpora, quæ sunt Termini Motus, disponant vel alterent Corpora Media, ut per successionem & tacitum verum labatur Virtus à Termino ad Terminum, & interim subsistat in corpore Medio; an horum nihil sit, præter Corpora, & Virtutem, & Spatia? Atque in Radijs Opticis, & Sonis, & Calore, & alijs nonnullis operantibus ad Distans, probabile est Media Corpora disponi & alterari: eò magis, quod requiratur Medium qualificatum ad deferendam operationem talem. At Magnetica illa sue Continua Virtus admittit Media tanquam adiaphora, nec impeditur Virtus in omnigeno Medio. Quod si nil rei habeat Virtus illa aut Actio cum Corpore Medio, sequitur quod sit Virtus aut Actio Naturalis ad Tempus nonnullum, & in Loco nonnullo, subsistens sine Corpore: cum neque subsistat in Corporibus Terminantibus, nec in Medijs. Quare Actio Magnetica poterit esse Instantia Diuortij circa Naturam Corpoream, & Actionem Naturalem. Cui hoc adjici potest tanquam Corollarium aut Lucrum non prætermittendum: viz. quod etiam secundum Sensum philosophanti sumi possit probatio, quod sint Entia & Substantiæ Separatae & Incorporeæ. Si enim Virtus & Actio Naturalis, emanans à Corpore, subsistere possit aliquo Tempore, & aliquo Loco, omnino sine Corpore; propè est ut possit etiam emanare in origine sua à Substantiâ Incorporeâ. Videtur enim

non

non minùs requiri Natura Corporea ad Actionem
Naturalem sustentandam & deuebendam, quam ad
excitandam aut generandam.

XXXVIII.

Sequuntur Quinque Ordines Instantiarum, quas
vno vocabulo generali Instantias Lampadis, siue
Informationis primæ, appellare consueimus. Eæ
sunt quæ auxiliantur Sensui. Cùm enim omnis Inter-
pretatio Naturæ incipiat à Sensu; atque à Sensuum
perceptionibus, rectâ, constanti, & munitâ viâ ducat
ad perceptiones Intellectus, quæ sunt Notiones veræ
& Axiomata: necesse est ut quanto magis copiosæ &
exactæ fuerint repræsentationes, siue præbitiones ipsius
Sensus, tanto omnia cedant facilius & fælicius.

Harum autem Quinque Instantiarum Lampa-
dis; Primæ roborant, ampliant, & rectificant actio-
nes Sensus immediatas: Secundæ deducunt non-Sensi-
bile ad Sensibile: Tertiæ indicant Processus continua-
tos siue Series earum rerum & motuum, quæ (ut pluri-
mum) non notantur, nisi in exitu aut periodis: Quartæ
aliquid substituunt Sensui in meritis destitutionibus: Quintæ
excitant attentionem Sensus & aduertentiam, at-
que una limitant subtilitatem rerum. De his autem
singulis iam dicendum est.

Inter

XXXIX.

INter Prærogatiuas Instantiarum, ponemus loco Decimo sexto Instantias Ianuæ sive Portæ: Eo enim nomine eas appellamus, quæ iuuant actiones Sensus immediatas. Inter Sensus autem manifestum est partes primas tenere Visum, quoad informationem: quare huic Sensui præcipue auxilia conquirenda. Auxilia autem triplicia esse posse videntur: vel, ut percipiat non visa; vel, ut maiore interuallo; vel ut exactius & distinctius.

Primi generis sunt (missis Bis-oculis, & huiusmodi, quæ valent tantum ad corrigendam & leuandam infirmitatem Visus non benè dispositi, atque ideo nibil amplius informant) ea, quæ nuper inuenta sunt Perspicilla; quæ latentes & inuisibiles Corporum minutias, & occultos schematismos, & motus (aucta insigniter specierum magnitudine) demonstrant: quorum vi, in Pulice, Musca, Vermiculis, accurata corporis figura & lineamenta, nec non colores & motus priùs non conspicui, non sine admiratione cernuntur. Quinetiam aiunt lineam rectam calamo vel penecillo descriptam, per huiusmodi Perspicilla inæqualem admodum & tortuosam cerni: quia scilicet nec motus manus licet per regulam adiutare, nec impressio atramenti aut coloris, reuerâ æqualia existant; licet illæ inæqualitates tam minutæ sint, ut sine adiumento huiusmodi Perspicillorum conspiciri nequeant. Etiam superstitionis quandam obseruationem in hac re (ut sit in

rebus nouis & miris) addiderunt homines: viz. quod
tuiusmodi Perspicilla opera Naturae illustrent, Artis
de honestent. Illud vero nihil aliud est, quam quod
texturæ Naturales multò subtiliores sint quam Arti-
ficiosæ. Perspicillum enim illud ad minuta tantum
valet: quale Perspicillum si vidisset Democritus, exi-
luisset forte, & modum videndi Atomum (quem ille
invisibilem omnino affirmavit) inuentum fuisse putasset.
Verum incompetentia huiusmodi Perspicillorum, præ-
terquam ad minutias tantum; (neque ad ipsas quoque,
si fuerint in corpore maiusculo) usum rei destruit. Si
enim Inuentum extendi posset ad corpora maiora, aut
corporum maiorum minutias; adeò ut textura panni lin-
tei conspici posset tanquam rete; atque hoc modo minu-
tiæ latentes & inæqualitates Gemmarum, Liquorum,
Vrinarum, Sanguinis, Vulnerum, & multarum alia-
rum rerum cerni possent; magnæ proculdubio ex eo In-
uento commoditates capi possent.

Secundi generis sunt illa altera Perspicilla, quæ
memorabili conatu adiuvuit Galilæus: quorum ope,
tanquam per scaphas aut nauiculas, aperiri & exerceri
possint propiora cum Cœlestibus commercia. Hinc enim
constat, Galaxiam esse nodum sive coaceruationem stel-
larum paruarum, planè numeratarum & distinarum:
de quâre apud Antiquos tantum suspicio fuit. Hinc
demonstrare videtur, quod spatia Orbium (quos vo-
cant) Planetarum non sint planè vacua alijs stellis;
sed quod Cœlum incipiat stellecere, antequam ad Cœ-
lum ipsum stellatum ventum sit; licet stellis minoribus,
quam ut sine Perspicillis istis conspici possint. Hinc
choreas

choreas illas stellarum paruarum circa Planetam Iouis
(vnde coniici possit esse in motibus stellarum plura
centra) intueri licet. Hinc inæqualitates luminosi &
opaci in Lunâ distinctius cernuntur & locantur; adeò
ut fieri possit quædam Seleno-graphia. Hinc maculæ
in Sole, & id genus: Omnia certè Inuenta nobilia,
quatenus fides huiusmodi demonstrationibus tutò adhi-
beri possit. Quæ nobis ob hoc maximè suspectæ sunt,
quod in istis paucis sistatur Experimentum, neque alia
complura inuestigatu æquè digna eadem ratione inuen-
ta sint.

Tertij generis sunt Bacilla illa ad terras mensu-
randas, Astrolabia, & similia: quæ sensum Videndi
non ampliant, sed rectificant & dirigunt. Quod si sint
alia instantiæ, quæ reliquos Sensus iuuent in ipsorum
actionibus immediatis & indiuiduis; tamen si eiusmodi
sint quæ informationi ipsi nihil addant plus quam iam-
habetur; ad id, quod nunc agitur, non faciunt. Itaque
earum mentionem non fecimus.

XL.

INter Prærogatiuas Instantiarum ponemus loco
Decimo-septimo Instantias Citantes; sumpto vo-
cabulo à Foris Ciilibus, quia citant ea ut compareant,
quæ priùs non comparuerunt: quas etiam Instantias
Evocantes appellare consueuimus. Eæ deducunt
Non-Sensibile ad Sensibile.

Sensum autem fugiunt res, vel propter distantiam
Obiecti locati; vel propter interceptionem Sensus per

corpora Media; vel quia Obiectum non est habile ad impressionem in Sensu faciendam; vel quia deficit Quantum in Obiecto, pro feriendo Sensu; vel quia Tempus non est proportionatum ad actuandum Sensum; vel quia Obiecti percussio non toleratur à Sensu; vel quia Obiectum antè impleuit & possedit Sensum, ut novo motui non sit locus. Atquè hæc præcipue ad Usum pertinent, & deinde ad Tactum. Nam bi duo Sensus sunt informatiui ad largum, atque de Communibus Obiectis; ubi reliqui tres non informent ferè nisi immensatè & de Proprijs Obiectis.

In Primo genere non fit Deductio ad Sensibile, nisi rei, quæ cerni non possit propter distantiam, adjiciatur aut substituatur alia res, quæ Sensum magis è longinquo prouocare & ferire possit: veluti in significatione rerum per Ignes, Campanas, & similia.

In Secundo genere fit Deductio, cùm ea quæ interiorius propter interpositionem corporum latent, nec commodè aperiri possunt, per ea quæ sunt in superficie, aut ab interioribus effluunt, perducuntur ad Sensum: ut status humanorum corporum per Pulsus, & Urinas, & similia.

At Tertiij & Quarti generis Deductiones ad plurima spectant, atque undique in rerum Inquisitione sunt conquirendæ. Huius rei Exempla sunt. Patet quod Aer, & Spiritus, & huiusmodi res, quæ sunt toto corpore tenues & subtile, nec cerni nec tangi possint. Quare in Inquisitione circa huiusmodi corpora, Deductionibus omnino est opus.

*Sit itaque Natura inquisita, Actio & Motus
Spiritū*

Spiritus qui includitur in corporibus Tangibilibus. Omne enim Tangibile apud nos continet Spiritum inuisibilem & intactilem, eique obducitur atque eum quasi vestit. Hinc fons triplex potens ille, & mirabilis Processus Spiritus in corpore Tangibili. Spiritus enim in re Tangibili, Emissus corpora contrahit & desiccat: Detentus, corpora intenerat & colliquat: nec prorsus Emissus nec prorsus Detentus, informat, membrificat, assimilat, egerit, organizat, & similia. Atque hæc omnia deducuntur ad Sensibile per effectus conspicuos.

Etenim in omni Corpore Tangibili inanimato, Spiritus inclusus primò multiplicat se, & tanquam depascat partes Tangibles eas quæ sunt maxime ad hoc faciles & præparatæ; eásque digerit, & conficit, & vertit in spiritum, & deinde unā enolant. Atque hæc confeccio & Multiplicatio Spiritus deducitur ad Sensum per diminutionem Ponderis. In omni enim Desiccatione, aliquid defluit de Quanto; neque id ipsum ex Spiritu tantum præexistenti, sed ex corpore quod priùs fuit Tangibile & nouiter versum est: Spiritus enim non ponderat. Egressus autem siue Emissio Spiritus deducitur ad Sensibile in Rubigine Metallorum, & alijs Putrefactionibus eius generis, quæ sistunt se antequam peruerterint ad rudimenta vitæ; Nam illæ ad Tertium genus Processus pertinent. Etenim in corporibus magis compactis Spiritus non inuenit poros & meatus per quos euocet: Itaque cogitur partes ipsas Tangibles protrudere & antè se agere, ita ut illæ simul exeat; atque inde fit Rubigo, & similia. At Contractio partium Tangibilium, postquam aliquid de Spiritu fuerit emis-

sum;

sum, (vndē sequitur illa Desiccatio) deducitur ad Sensibile, tum per ipsam duritiem rei auctam, tūm multò magis per scissuras, angustiations, corrugationes, & complicationes corporum, qnæ indē sequuntur. Etenim partes Ligni defiliunt & angustiantur; Pelles corrugantur; neque id solum, sed (si subita fuerit emissio Spiritus per calorem ignis) tantū properant ad Contradictionem, ut se complicant & conuoluant.

At contrā, vbi Spiritus detinetur, & tamen dilatatur & excitatur per calorem aut eius Analogia; (id quod fit in corporibus magis solidis aut tenacibus) tum verò Corpora emolliuntur, vt Ferrum candens; fluunt, vt Metalla; liquefunt, vt Gummi, Cera, & similia. Itaque contrarie illæ operationes Caloris (vt ex eo alia durescant, alia liquefiant) facile reconcilian-
tur; quia in illis, Spiritus emittitur; in his, agitatur & detinetur: quorum posterius, est actio propria Caloris & Spiritus; prius, actio partium Tangibilium tantū per occasionem Spiritus emissi.

Ast vbi Spiritus nec detinetur prorsùs, nec prorsùs emittitur; sed tantū inter claustra sua tentat & experitur, atque nacta est partes Tangibles obedientes & sequaces in promptu; ita vt quò Spiritus agit, eae simul sequantur: tum verò sequitur efformatio in Corpus Organicum, & membrificatio, & reliquæ actiones vitales, tam in Vegetabilibus quam in Animalibus. Atque hæc maximè deducuntur ad Sensum, per notationes diligentes primorum incæptuum, & rudimentorum sive testamentorum vitae in Animalculis ex Putrefactione natis: vt in ouis Formicarum, Ver-
mibus,

mibus, Muscis, Ranis post imbre, &c. Requiritur autem ad Vniificationem, & lenitas Caloris, & lento corporis; ut Spiritus nec per festinationem erumpat, nec per contumaciam partium coerceatur: quin potius ad ceræ modum illas plicare & effingere possit.

Rursus, Differentia illæ Spiritus, maximè nobilis & ad plurima pertinens, (viz. Spiritus Abscissi; Ramosi simplicitè; Ramosi simul & Cellulati: ex quibus Prior, est Spiritus omnium corporum Inanimatorum; Secundus, Vegetabilem; tertius, Animalium:) per plurimas Instantias Deductorias tanquam sub oculos ponitur.

Similiter patet, quod subtiliores texturæ & Schematismi rerum (licet toto corpore visibilium, aut tangibilium) nec cernantur, nec tangantur. Quare in his quoque per Deductionem procedit Informatio. At differentia Schematismorum maximè radicalis & primaria sumitur ex copiâ vel paucitate Materiæ, quæ subit idem spatiū sive dimensum. Reliqui enim Schematismi (qui referuntur ad dissimilaritates partium, quæ in eodem corpore continentur, & collocationes ac posituras earundem) præ illo altero sunt secundarij.

Sit itaque Natura Inquisita, Expansio sive Coitio materiæ in corporibus respectuè: viz. quantum Materiæ impleat quantum Dimensum in singulis. Etenim nil verius in Natura, quam propositio illa gemella; Ex nihilo nihil fieri: neque, Quicquam in nihilum redigi: verum Quantum ipsum Materiæ sive Summam totalem constare, nec augeri aut minui. Nec illud minus verum; Ex Quanto illo Materiæ sub ijsdem spatijs,

spatijs siue dimensionibus, pro diuersitate corporum, plus & minus contineri; ut in Aquá plus, in Aëre minus: Adeò ut si quis afferat, aliquod contentum Aquæ in par contentum Aeris verti posse; idem sit ac si dicat, Aliquid posse redigi in Nihilum: Contra si quis afferat, aliquod contentum Aëris in par contentum Aquæ verti posse; idem sit ac si dicat, Aliquid posse fieri ex nihilo. Atque ex copiâ istâ & Paucitate Materiæ, Notiones illæ Densi & Rari, quæ varie & promiscuè accipiuntur, propriè abstrahuntur. Assumenda est & Assertio illa tertia, etiam satis certa: quòd hoc, de quo loquimur, Plus & Minus Materiæ in corpore hoc vel illo, ad Calculos (factâ collatione) & Proportiones exactas, aut exatis propinquas reduci possit. Veluti si quis dicat inesse in dato contento Auri talem coaceruationem Materiæ, vt opus habeat Spiritus vini, ad tale Quantum Materiæ æquandum, spatio vicies & semel maiore, quam implet Aurum: non errauerit.

Coaceruatio autem Materiæ, & rationes eius deducuntur ad Sensibile per Pondus. Pondus enim respondet Copiæ Materiæ, quoad partes rei Tangibilis: Spiritus autem, & eius Quantum ex Materiâ, non venit in computationem per Pondus; leuat enim Pondus potius, quam grauat. At nos huius rei Tabulam fecimus satis accuratam; in quâ Pondera & Spatia singularum Metallorum, Lapidum præcipuorum, Lignorum, Liquorum, Oleorum, & plurimorum aliorum corporum tam Naturalium quam Artificialium, exceptimus. Rem polychrestam, tam ad lucem Informatio-

mationis, quam ad normam Operationis; & quæ multas res reuelet omnino præter expectatum. Neque illud pro minimo habendum est, quod demonstret omnem varietatem, quæ in Corporibus Tangibilibus nobis notis versatur, (intelligimus autem Corpora bene unita, nec planè spongiosa, & caua, & magnâ ex parte Aere impleta) non vltra rationes partium 21. excedere: Tam finita scilicet est Natura, aut saltem illa pars eius, cuius usus ad nos maximè pertinet.

Etiam diligentiae nostræ esse putauimus, experiri si fortè capi possint rationes Corporum Non-Tangibilem sive Pneumaticorum, respectu Corporum Tangibilem. Id quod tali molitione aggressi sumus. Phialam vitream accepimus, quæ vnciam fortasse unam capere possit: paruitate Vasis usi, ut minori cum calore posset fieri Euaporatio sequens. Hanc Phialam Spiritu vini impleuimus ferè ad collum; eligentes Spiritum vini, quod per Tabulam priorem, eum esse ex Corporibus Tangibilibus (quæ bene unita, nec caua sunt) rarissimum, & minimum continens Materiæ sub suo Dimenso, obseruárimus. Deinde pondus Aquæ cum Phialâ ipsâ exactè notauimus. Postea Vesicam accepimus, quæ circa duas pintas contineret. Ex ea aërem omnem, quoad fieri potuit, expressimus, eò usque ut vesicæ ambo latera essent contigua: Etiam prius Vesicam oleo obleuimus cùm fricatione leni, quò Vesica esset clausior; eius, si qua erat, porositate oleo obturata. Hanc Vesicam circa os Phialæ, ore Phialæ intra os Vesicæ recepto, fortiter ligauimus; filo parùm cerato, ut melius adhæresceret & arctius ligaret. Tum der-

mùm Phialam supra carbones ardentes in foculo collocauimus. At paulò pòst Vapor siue Aura Spiritus vini per calorem dilatati & in Pneumaticum verfi, Vesicam paulatim sufflauit, eamque vniuersam veli instar undequaque extendit. Id postquam factum fuit, continuò Vitrum ab igne remouimus, & super tapetem posuimus, ne frigore disrumperetur: Statim quoque in summitate Vesicæ foramen fecimus, ne vapor cessante calore in liquorem restitutus refideret, & rationes confunderet. Tum vero Vesicam ipsam sustulimus, & rursus pondus excepimus Spiritus vini qui remanebat. Inde quantum consumptum fuisset in vaporem seu Pneumaticum, computauimus; & factâ collatione, quantum locum siue spatiū illud Corpus implèset, quando esset Spiritus vini in Phialâ; & rursus quantum spatiū impleuerit, postquam factum fuisset Pneumaticum in Vesicâ; rationes subduximus: ex quibus manifestè liquebat, Corpus istud ita versum & mutatum, expansionem centuplo maiorem, quam ante habuisset, acquisuisse.

Similiter sit Natura Inquisita, Calor aut Frigus; eius nempè gradus, ut à sensu non percipiatur ob debilitatem. Hæc deducuntur ad Sensum per Vitrum Calendare, quale superius descripsimus. Calor enim & Frigus, ipsa non percipiuntur ad tactum: At Calor Aerem expandit, Frigus contractit. Neque rursus illa Expansio & Contractio Aeris percipitur ad Vism: At Aer ille Expansus, Aquam d' primit, Contractus, attollit; ac tum demùm fit deductio ad Vism, non antè, aut alias.

Simi-

Similiter sit *Natura Inquisita, Mistura Corporum*; viz. quid habeant ex *Aquo*, quid ex *Oleoso*, quid ex *Spiritu*, quid ex *Cinere*, & *Salibus*, & huiusmodi: Vel etiam (in particulari) quid habeat *Lac Butyri*, quid *Coaguli*, quid *Seri*, & huiusmodi. Hæc deducuntur ad *Sensum per artificiosas & peritas Separationes*, quatenus ad *Tangibilia*. At *natura Spiritus* in *ipsis*, licet immediate non percipiatur, tamen deprehenditur per *varios motus & nixus Corporum Tangibilium*, in *ipso actu & processu Separationis suæ*: atque etiam per *acrimonias, corrofiones, & diuersos colores, odores, & sapores eorundem Corporum post Separationem*. Atque in *hac parte*, per *Distillationes* atque *artificiosas Separationes*, strenue sane ab *homini-bus elaboratum est*; sed non multiò fælicius quam in *cæteris Experimentis*, quæ adhuc in *usu* sunt: modis nimis prorsùs palpatorijs, & vijs cæcis, & magis operose quam intelligentè; & (quod pessimum est) nullâ cum imitatione aut emulazione *Naturæ*, sed cum destructione (per *Calores vehementes, aut virtutes nimis validas*) omnis subtilioris *Schematismi*, in quo occultæ rerum *Virtutes & consensus præcipue sitæ sunt*. Neque illud etiam, quod alias monuimus, *hominibus intentem aut obseruationem venire solet in huiusmodi Separationibus*: hoc est, plurimas qualitates in *Corporum vexationibus* tam per *ignem quam alios modos*, indi ab *ipso Igne, iisque corporibus que ad Separationem adhibentur, quæ in Composito prius non fuerunt*: unde miræ fallacie. Neque enim scilicet *Vapor* *vniuersus*, qui ex *Aqua* emittitur per *Ignem*, *Vapor* aut *Aer* anteà fuit

in corpore Aquæ; sed factus est maximâ ex parte per dilatationem Aquæ ex calore Ignis.

Similiter in genere omnes exquisitæ Probationes corporum sue Naturalium sue Artificialium, per quas Vera dignoscuntur ab Adulterinis, Meliora à Vilioribus, hoc referri debent: Deducunt enim Non-Sensible ad Sensibile. Sunt itaque diligentî curâ undique conquirendæ.

Quintum verò genus Latitantiæ quod attinet; manifestum est actionem Sensus transfigi in Motu, Motum in Tempore. Si igitur Motus alicuius corporis sit vel tam tardus vel tam velox, ut non sit proportionatus ad Momenta, in quibus transfigitur actio Sensus; Obiectum omnino non percipitur: ut in motu Indicis Horologij, & rursus in motu Pilæ Sclopeti. Atque Motus, qui ob tarditatem non percipitur, facile & ordinariò deducitur ad Sensum, per Summas Motus: qui verò ob velocitatem, adhuc non bene mensurari consuevit; sed tamen postulat Inquisitio Naturæ, ut hoc fiat in aliquibus.

Sextum autem genus, ubi impeditur Sensus propter nobilitatem Obiecti, recipit Deductionem; vel per Elongationem maiorem Obiecti à Sensu; vel per Hebetationem Obiecti per Interpositionem Medij talis, quod Obiectum debilitet, non annibilet; vel per Admissionem & Exceptionem Obiecti Reflexi, ubi percussio Directa sit nimis fortis; ut Solis in pelvi aquæ.

Septimum autem genus Latitantiæ, ubi Sensus ita oneratur Obiecto, ut nouæ admissioni non sit locus, non habet ferè locum nisi in Olfactu & Odoribus; nec ad id, quod

quod agitur, multum pertinet. Quare de Deductionibus Non-Sensibilis ad Sensibile, hæc dicta sint.

Quandoque tamen Deductio fit non ad Sensum hominis, sed ad Sensum alicuius alterius Animalis, cuius Sensus in aliquibus humanum excellit: ut nonnullorum Odorum, ad sensum Canis; Lucis, quæ in aëre non extinsecus illuminato, latentè existit, ad sensum Felis, Noctuæ, & huiusmodi Animalium quæ cernunt noctù. Rectè enim notauit Telesius, etiam in Aëre ipso inesse Lucem quandam originalem, licet exilem & tenuem, & maximâ ex parte oculis hominum aut plurimorum animalium non inseruentem: quia illa Animalia, ad quorum Sensus huiusmodi lux est proportionata, cernant noctu; id quod vel sine luce fieri, vel per lucem internam, minùs credibile est.

Atque illud utique notandum est, de Destitutis Sensuum, eorūque remedijs, hic nos tractare. Nam Fallaciæ Sensuum ad proprias Inquisitiones de Sensu & Sensibili remittendæ sunt: exceptâ illâ magna Fallaciâ Sensuum, nimirum quod constituent lineas rerum ex analogia Hominis, & non ex analogia Universi: quæ non corrigitur, nisi per Rationem & Philosophiam uniuersalem.

XLI.

INTER Prærogatiwas Instantiarum, ponemus loco Decimo-octavo Instantias Viæ, quas etiam Instantias Itinerantes, & Instantias Articulatas appellare consueimus. Ex sunt, quæ indicant Naturæ Motus

Motus gradatim continuatos. Hoc autem genus Instantiarum potius fugit Observationem, quam Sensum. Mira enim est hominum circa hanc rem indiligentia. Contemplantur siquidem Naturam tantummodo de sultoriè & per periodos, & postquam corpora fuerint absoluta ac completa; & non in operatione suā. Quod si Artificis alicius Ingenia & industriam explorare, & contemplari quis cuperet; is non tantum materias rudes Artis, atque deinde opera perfecta conspicere desideraret; sed potius præsens esse, cum Artifex operatur & opus suum promouet. Atque simile quiddam circa Naturam faciendum est. Exempli gratiâ; si quis de vegetatione Plantarum inquirat, ei inspiciendum est ab ipsâ satione seminis alicuius, (id quod per extractionem, quasi singulis diebus, semen quæ per biduum, triduum, quatriduum, & sic deinceps in terrâ manse runt, eorumque diligentem intuitum facile fieri potest) quomodo & quando semen intumescere & turgere incipiat, & veluti spiritu impleri; deinde quomodo corticulam rumpere, & emittere fibras, cum latione nonnullâ sui interim sursum, nisi terra fuerit admodum contumax; quomodo etiam emitat fibras, partim radicales deorsum, partim caulinulares sursum, aliquando serpendo per latera, si ex ea parte inueniat terram aper tam & magis facilem, & complura id genus. Similiter facere oportet circa exclusionem Ovorum; ubi facile conspicit dabitur Processus vivificandi & organizandi, & quid & quæ partes siant ex vitello, quid ex albume Ovi & alia. Similis est ratio circa Animalia ex putrefactione. Nam circa Animalia perfecta &

terrestria, per exectiones fætuum ex utero, minus humnanum esset ista inquirere; nisi forte per occasiones abortuum, & venationum, & similium. Omnidigitur vigilia quædam seruanda est circa Naturam, ut quæ melius se conficiendam præbeat noctù, quam interdiu. Itæ enim Contemplationes tanquam Nodurnæ censeri possint, ob lucernæ paruitatem & perpetuationem.

Quin & in Inanimatis idem tentandum est: Id quod nos fecimus in inquirendis Aperturis Liquorum, per ignem. Alius enim est modus Aperturæ in Aquâ, alius in Vino, alius in Aceto, alius in Omphacio; longè alius in Lacte, & Oleo, & cæteris. Id quod facilè cernere erat per ebullitionem super ignem lenem, & in vase vitreo, ubi omnia cerni perspicuè possint. Verum hæc breuius perstringimus; fusius & exactius de ijs sermones habituri, cum ad inuentionem Latentis rerum procesus ventum erit. Semper enim memoria tenendum est, nos hoc loco non Res ipsas tractare, sed Exempla tantum adducere.

XLII.

In ter Prærogatiwas Instantiarum, ponemus loco Decimo nono Instantias Supplementi, sive Substitutionis; quas etiam Instantias Perfugij appellare consueuimus. Eæ sunt, quæ supplent Informationem, ubi Sensus planè destituitur: atque idcirco ad eas configimus, cum Instantiae propriæ haberri non possint. Dupliciter autem fit Substitutione: aut per Graduacionem,

nem, aut per Analogia. Exempli gratia: Non inuenitur Medium, quod inhibeat prorsus operationem Magnetis in mouendo ferrum: non Aurum interpositum, non Argentum, non Lapis, non Vitrum, Lignum, Aqua, Oleum, Pannus aut Corpora fibrosa, Aer, Flamma, & cetera. Attamen per probationem exactam fortasse inueniri possit aliquod Medium, quod hebet virtutem ipsius plus quam aliquod aliud, comparatuè & in aliquo gradu: veluti quod non trahat Magnes Ferrum per tantam crassitatem Auri, quam per par spatum Aeris; aut per tantum Argentum ignitum, quam per frigidum; & sic de similibus. Nam de his nos Experimentum non fecimus: sed sufficit tamen, ut proponantur loco Exempli. Similiter non inuenitur hic apud nos Corpus, quod non suscipiat Calidum igni approximatum. Attamen longè citius suscipit calorem Aer, quam Lapis. Atque talis est Substitutione, quæ fit per Gradus.

Substitutione autem per Analogia, utilis sane, sed minus certa est; atque idcirco cum iudicio quodam adhibenda. Ea fit, cum deducitur Non-sensibile ad Sensum; non per operationes Sensibiles ipsius corporis Insensibilis, sed per contemplationem Corporis alicuius cognati Sensibilis. Exempli gratia: si inquiratur de Mistura Spirituum, qui sunt corpora non-visibilia; Videtur esse cognatio quedam inter Corpora, & Fomites sive Alimenta sua. Fomes autem Flammæ, videtur esse Oleum & Pinguia; Aeris, Aqua & Aquea: Flammæ enim multiplicant se super halitus Olei, Aer super vapores Aquæ. Videndum itaque de Mistura Aquæ

Aqua & Olei, quæ se manifestat ad Sensum; quandoquidem Mistura Aeris & Flammei generis fugiat Sensum. At Oleum & Aqua inter se per compositionem aut agitationem imperfecte admodum miscentur; eadem in Herbis, & Sanguine, & Partibus Animalium, accuratè & delicate miscentur. Itaque simile quiddam fieri possit circa Misturam Flammei & Aerei generis in Spiritualibus; quæ per Confusionem simplicem non bene sustinent Misturam, eadem tamen in Spiritibus Plantarum & Animalium misceri videntur: Præsertim cum omnis Spiritus Animatus depascat Humidavtraque, Aquea & Pinguia, tanquam somites suos.

Similiter, si non de Perfectioribus Misturis Spiritalium, sed de Compositione tantum inquiratur: nempe, utrum facile inter se incorporentur, an potius (exempli gratia) sint aliqui Venti & Exhalationes, aut alia Corpora Spiritalia, quæ non miscentur cum Aere communi; sed tantum hærent & natant in eo, in globulis & guttis; & potius franguntur ac comminuantur ab Aere, quam in ipsum recipiuntur & incorporantur: Hoc in Aere Communi & alijs Spiritualibus, ob subtilitatem corporum, percipi ad Sensum non potest; atamen imago quædam huius rei, quatenus fiat, concipi possit in Liquoribus Argenti viui, Olei, Aquæ; atque etiam in Aere, & fracione eius, quando dissipatur & ascendit in paruis portiunculis per Aquam; atque etiam in Fumis crassioribus; denique in Pulvere excitato & hærente in Aere; in quibus omnibus non fit Incorporatio. Atque Repræsentatio prædicta in hoc Subiecto

non mala est, si illud primò diligentè inquisitum fuerit; utrum possit esse talis Heterogenia inter Spiritalia, qualis inuenitur inter Liquida: Nam tum demùm hæc Simulacra per Analogiam non incommodè substituentur.

*Aitque de Instantijs istis Supplementi, quod diximus Informationem ab ijs hauriendam esse, quando defint Instantiæ propriæ, loco Perfugij; nihilominus intelligi volumus, quod illæ etiam magni sint usus, etiam cum Propriæ Instantiæ adsint; ad roborandam scilicet Informationem una cum Proprijs. Verum de his exactius dicemus, quando ad Adminicula Inductio-
nis tractanda sermo ordine dilabetur.*

XLIII.

*Inter Prærogatiwas Instantiarum, ponemus loco Vicefimo Instantias Persecantes; quas etiam Instantias Vellicantes appellare consueuimus, sed diversâ ratione. Vellicantes enim eas appellamus, quia vellicant Intellectum; Persecantes, quia persecant Naturam: unde etiam illas quandoque Instantias Democriti nominamus. Eæ sunt, quæ de admirabili & exquisitâ Subtilitate Naturæ Intellectum submo-
nent, ut excitetur & expurgiscatur ad attentionem, & obseruationem, & inquisitionem debitam. Exempli gratiâ: Quod parùm guttulae Atramenti ad tot literas vel lineas extendatur; Quod Argentum exterius tan-
tum inauratum, ad tantam longitudinem fili inaurati continuetur; Quod pusillus Vermiculus, qualis in cute inuenitur, habeat in se spiritum simul & figuram dis-
simila-*

similarem partium; Quod parum Croci, etiam dolium
Aquæ colore inficiat; Quod parum Zibethi aut Aro-
matis, longè maius contentum Aeris, odore; Quod exi-
guo suffitu tanta excitetur nubes sumi; Quod Sonorum
tam accuratae differentiae, quales sint voces articulatae,
per Aerem undequaque vebantur, atque per foramina
& poros etiam Ligni & Aquæ (licet admodum exte-
nuatae) penetrant, quin etiam repercutiantur, idque tam
distinctè & velociter; Quod Lux & Color, etiam tan-
to ambitu & tam perniciter, per corpora solidâ Virtù
Aquæ, & cum tantâ & tam exquisitâ varietate ima-
ginum permeant, etiam refringantur & reflectantur;
Quod Magnes per corpora omnigena, etiam maxime
compacta, operetur. Sed (quod magis mirum est) quod
in his omnibus, in Medio adiaphoro (quale est Aer)
unius actio aliam non magnopere impedit; Nempe,
quod eodem tempore, per spatia Aeris deuebantur &
Visibilium tot imagines; & Vocis articulatae tot per-
cussiones; & tot odores specificati, ut Violæ, Rosæ;
etiam Calor & Frigus; & virtutes Magneticæ; Om-
nia (inquam) simul, uno alterum non impediente; ac si
singula haberent vias & meatus suos proprios separa-
tos, neque unum in alterum impingeret aut incurreret.

Solemus tamen utiliter huiusmodi Instantijs Per-
secantibus subiungere Instantias, quas Metas perfe-
ctionis appellare consueuimus: veluti, quod in ijs, quæ
diximus, una actio in diuerso genere aliam non pertur-
bet aut impedit; cum tamen in eodem genere, una ali-
am domet & extinguat: veluti, lux Solis, lucem Ci-
cindelæ; sonitus Bombardæ, vocem; fortior Odor, deli-

catiorem; intensior Calor, remissiorem; Lamina Ferri interposita inter Magnetem & aliud Ferrum, operationem Magnetis. Verum de his quoque, inter Admnicula Inductionis, erit proprius dicendi locus.

XLIV.

ATque de Instantijs, quæ iuvant Sensum, iam dictum est: quæ præcipui usus sunt ad partem Informatiuam. Informatio enim incipit à Sensu. At uniuersum negotium definit in Opera: Atque quemadmodum illud principium, ita hoc finis rei est. Sequentur itaque Instantiæ præcipui usus ad partem Operatiuam. Eæ genere duæ sunt, numero septem: Quas uniuersas, generali nomine, Instantias Practicas appellare consueuimus. Operatiuæ autem Partis, Vicia duo; totidemque Dignitates Instantiarum in genere. Aut enim fallit Operatio, aut onerat nimis. Fallit Operatio maximè (præsertim post diligentem Naturarum Inquisitionem) propter male determinatas & mensuratæ Corporum vires & actiones. Vires autem & Actiones corporum circumscribuntur & mensurantur, aut per spatia Loci, aut per momenta Temporis, aut per unionem Quanti, aut per prædominantiam Virtutis: quæ quatuor nisi fuerint probè & diligentè pensata, erunt fortasse Scientiæ speculatione quidem pulchræ, sed opere inactiæ. Instantias verò quatuor itidem, quæ buc referuntur, uno nomine Instantias Mathematicas vocamus, & Instantias Mensuræ.

Onerosa autem fit Praxis, vel propter Misturam

rerum

rerum inutilium; vel propter Multiplicationem instru-
mentorum; vel propter Molem materiæ, & Corporum
quæ ad aliquod opus requiri contigerint. Itaque eæ In-
stantiæ in pretio esse debent, quæ aut dirigunt Operati-
uam ad ea quæ maximè hominum intersunt; aut quæ
parcunt Instrumentis; aut quæ parcunt Materiæ sive
Supellecili. Eas autem tres Instantias, quæ buc perti-
nent uno nomine, Instantias Propitias sive Beneuo-
las vocamus. Itaque de his septem Instantijs iam si-
gillatim dicemus; atque cum ijs partem illam de Præ-
rogatiis sive Dignitatibus Instantiarum claudemus.

XLV.

INter Prærogatiwas Instantiarum ponemus loco vi-
cesimo primo Instantias Virgæ, sive Radij; quas
etiam Instantias Perlationis, vel de Non vltra ap-
pellare consueuimus. Virtutes enim rerum & Motus
operantur & expediuntur per spatia, non indefinita
aut fortuita, sed finita & certa; quæ ut in singulis
Naturis Enquisitis teneantur & notentur, plurimum
interest Practicæ; non solùm ad hoc, ut non fallat, sed
etiam ut magis sit audita & potens. Etenim interdum
datur Virtutes producere, & Distantias tanquam re-
trahere in propriis; ut in Perspicillis.

Atque plurimæ Virtutes operantur & afficiunt
tantum per Tactum manifestum; ut sit in percussione
Corporum, ubi alterum non summovet alterum, nisi im-
pellens impulsu tangat. Etiam Medicinæ, quæ exte-
rius applicantur, ut Unguenta, Emplastræ, non exer-
cent

cēnt vires suas, nisi per Tactum Corporis. Denique Obiecta Sensuum, Tactus & Gustus, non feriunt nisi contigua Organis.

Sunt & aliae Virtutes quae operantur ad Distantiam, verūm valde exiguum, quarum paucæ adhuc notatæ sunt, cùm tamen plures sint quam homines suscipiēntur: ut (capiendo exempla ex Vulgatis) cùm Succinum aut Gagates trahunt paleas; Bullæ approximatæ soluunt bullas; Medicinæ nonnullæ Purgatiæ eliciunt humores ex alto, & huiusmodi. At Virtus illa Magnetica per quam Ferrum & Magnes, vel Magnetæ inuicem coēunt, operatur intra orbem Virtutis certum, sed paruum: Ubi contrà, si sit aliqua Virtus Magnetica emanans ab ipsâ Terrâ (paulò nimirūm interiore) super Acum ferream, quatenus ad verticitatem; operatio fiat ad Distantiam magnam.

Rursus, si sit aliqua Vis Magnetica, quæ operatur per Consensum, inter globum Terræ & Ponderosa, aut inter globum Lunæ & Aquas Maris (quæ maximè credibilis videtur in Fluxibus & Refluxibus Semimensualibus) aut inter Cælum Stellatum & Planetas, per quam euocentur & attollantur ad sua Apogæa; Hæc omnia operantur ad Distantias admodum longinas. Inueniuntur & quædam Inflammationes siue Conceptiones Flammæ, quæ fiunt ad Distantias bene magnas, in aliquibus Materijs; ut referunt de Naphthæ Babylonica. Calores etiam insinuant se per Distantias amplas; quod etiam faciunt Frigora; adeò ut Habitantiibus circa Canadam, Moles siue Massæ glaciales quæ abrumpuntur & natant per Oceanum.

Septen-

Septentrionalem, & deferuntur per Atlanticum
versus illas oras, percipientur & incutiant frigora e
longinquo. Odores quoque (licet in his videatur sem-
per esse quædam Emissio corporea) operantur ad Di-
stantias notabiles; ut euenire solet nauigantibus iuxta
litora Floridae, aut etiam nonnulla Hispaniæ, ubi sunt
Sylæ totæ ex arboribus Limonum, Arantiorum, &
huiusmodi Plantarum adoratarum, aut frutices Ro-
rismarini, Maioranæ, & similium. Postremò Ra-
diationes Lucis, & Impressiones Sonorum operantur
scilicet ad Distantias spatioas.

Verum hæc omnia vicunque operentur ad Di-
stantias paruas sive magnas, operantur certè ad finitas
& Naturæ notas, ut sit quiddam Non vltra; idque
pro rationibus, aut Molis seu Quanti Corporum; aut
Vigoris & Debilitatis Virtutum; aut Fauoribus &
Impedimentis Mediorum; quæ omnia in Computatio-
nem venire & notari debent. Quin etiam Mensura
Motuum Violentorum (quos vocant) ut Missilium,
Tormentorum, Rotarum, & similium, cum hæ quo-
que manifestò suos habeant limites certos, notandæ
sunt.

Inueniuntur etiam quidam Motus & Virtutes
contrariae illis quæ operantur per Tactum, & non ad
Distans; quæ operantur scilicet ad Distans, & non
ad Tactum; Et rursus, quæ operantur remissius ad Di-
stantiam minorem, & fortius ad distantiam maiorem.
Etenim Visio non bene transfigitur ad Tactum sed in-
diget Medio & Distantiâ. Licet meminerim me-
audisse ex relatione cuiusdam fide digni, quod ipse
in

in curandis oculorum suorum Cataractis (erat autem Cura talis, ut immitteretur Festuca quædam parua argentea intra primam oculi tunicam, quæ pelliculam illam (Cataractæ remoueret & truderet in angulum oculi) clarissimè vidisset Festucam illam supra ipsam pupillam mouentem. Quod utcunque verum esse posse, manifestum est maiora corpora non bene aut distinctè cerni, nisi in cuspidi Coni, coeuntibus radijs Obiecti ad nonnullam Distantiam. Quid etiam in Seribus Oculus melius cernit remoto Obiecto paulò longius, quam proprius. In Missilibus autem certum est percussionem non fieri tam fortem ad Distantiam nimis paruam, quam paulò post. Hæc itaque & similia in Mensuris Motuum quoad Distantias notandas sunt.

Est & aliud genus Mensuræ Localis Motuum, quod non prætermittendum est. Illud vero pertinet ad Motus non Progressivos, sed Sphæricos; hoc est, ad Expansionem Corporum in maiorem Sphæram, aut Contractionem in Minorem. Inquirendum enim est inter Mensuras istas motuum, quantam Compressionem aut Extensionem Corpora (pro Naturâ ipsorum) facile & libenter patientur, & ad quem Terminum reluctari incipient, adeò ut ad extremum Non ultra ferant; ut cum Vesica inflata comprimitur, sustinet illa Compressionem nonnullam Aeris; sed si maior fuerit; non patitur Aer, sed rumpitur Vesica.

At Nos hoc ipsum subtiliore Experimento magis exactè probauimus. Accepimus enim Campanulam ex Metallo, leuiorem scilicet & tenuiorem, quali ad

exci-

excipiendum Salem utimur; eamque in peluum Aquæ immisimus, ita ut deportaret secum Aerem, qui continebatur in Concauo, usque ad fundum peluis. Locaueramus autem prius Globulum in fundo peluis, super quem Campanula imponenda esset. Quare illud euenerat, ut si Globulus ille esset minusculus (pro ratione Concaui) reciperet se Aer in locum minorem, & contruderetur solum, non extruderetur. Quod si grandioris esset magnitudinis, quam ut Aer libenter cederet; tum Aer maioris Pressuræ impatiens, Campanulam ex aliquâ parte eleuabat, & in bullis ascen-debat.

Etiam ad probandum qualem Extensionem (non minus quam Compressionem) pataretur Aer, tale quippiam practicauimus. Ouum vitreum accepimus, cum paruo foramine in uno extremo Oui. Aerem per foramen exutione forti attraximus, & statim dito foramen illud obturauimus; & Ouum in Aquam immersimus, & dein digitum remouimus. Aer vero Tensurâ illâ per exutionem factâ, tortus, & magis quam pro Naturâ suâ dilatatus, ideoque se recipere & coiurahere nitens (ita ut si Ouum illud in Aquam non fuisset immersum, Aerem ipsum traxisset cum Sibili) Aquam traxit ad tale Quantum, quale sufficerre possit ad hoc, ut Aer antiquam recuperaret Sphærām sive Dimensionem.

Atque certum est Corpora tenuiora (quale est Aer) pati Contractionem nonnullam notabilem, ut dictum est: At Corpora tangibilia (quale est Aqua) multò ægrius, & ad minus spatiū patiuntur Compressionem.

Qualem autem patiatur, tali Experimento inquisiuimus.

Fieri fecimus Globum ex plumbō Cauum, qui duas circiter pintas vinarias contineret; eumque satis per latera crassum, ut maiorem vim sustineret. In illum Aquam immisimus, per foramen alicubi factum; atque foramen illud, postquam Globus Aquā impletus fuisset, plumbō liquefacto obturauimus, ut Globus deueniret planè consolidatus. Dein Globum forti Malleo ad duo latera aduersa complanauimus; Ex quo necesse fuit Aquam in minus contrahi, cùm Sphera Figurarum sit capacissima. Deinde, cùm Malleatio non amplius sufficeret, ægrius se recipiente Aquā, Molendino seu Torculari usi sumus; ut tandem Aqua impatiens Pressuræ vltioris, per solida plumbi (instar Roris delicati) exstillaret. Postea, quantum spatiij per eam Compressionem imminutum foret, computauimus: Atque tantam Compressionem passare esse Aquam (sed violentiā magnā subactam) intelleximus.

At Solidiora, Sicca, aut magis Compacta, qualia sunt Lapides & Ligna, necnon Metalla, multò adhuc minorem Compressionem aut Extensionem, & ferè imperceptibilem ferunt; sed vel Fractione, vel Progressione, vel alijs Perturbationibus se liberant; ut in Curuationibus Ligni aut Metalli Horologij mouentibus per Complicationem laminæ, Missilibus, Malleationibus, & innumeris alijs Motibus appareat. Atque hæc omnia cum Mensuris suis in Indagatione Naturæ notanda & exploranda sunt; aut in Certitudine suâ

suā, aut per *Æstimatiuas*, aut per *Comparatiuas*, pro-
ut dabitur *Copia*.

XLVI.

INter Prærogatiuas Instantiarum ponemus loco
vice simo secundo Instantias Curriculi, quas etiam
Instantias ad Aquam appellare consueuimus; sumpto
vocabulo à Clepsydris apud Antiquos, in quas infunde-
batur Aqua, loco Arenæ. Eæ mensurant Naturam
per Momenta Temporis, quemadmodum Instantiæ
Virgæ per Gradus Spatij. Omnis enim Motus siue
Actio Naturalis transigitur in Tempore; alius velo-
cius, alius tardius, sed ut cunquè Momentis certis, &
Naturæ notis. Etiam illæ Actiones, quæ subito vi-
dentur operari, & in fætu oculi (ut loquimur) depre-
henduntur recipere Maius & Minus quoad Tempus.

Primò itaque videmus Restitutiones Corporum
Cœlestium fieri per Tempora numerata; etiam Fluxus
& Refluxus Maris. Latio autem Grauium versus
Terram, & Leuium versus ambitum Cœli, fit per cer-
ta Momenta, pro ratione Corporis quod fertur, &
Medij. At Velificationes Nauium, Motus Anima-
lium, Perlationes Missilium, omnes sunt itidem per
Tempora (quantum ad Summas) numerabilia. Calo-
rem verò quod attinet, videmus Pueros per hyemem
manus in flammâ lauare, nec tamen viri; & Ioculatores
vasa plena Vino vel Aquâ, per motus agiles & æqua-
les vertere deorsum, & sursum recuperare, non effuso
liquore, & multa huiusmodi. Nec minus ipsæ Com-

pressiones, & Dilatationes, & Eruptiones Corporum fiunt, aliæ velociùs, aliæ tardius, pro Naturâ Corporis & Motûs, sed per Momenta certa. Quinetiam in explosione plurium Bombardarum simul, quæ exaudiuntur quandoquè ad Distantiam triginta milliarium, percipitur Sonus prius ab ijs qui propè absunt à loco ubi fit Sonitus, quam ab ijs qui longè. At in Visu (cuius Actio est perniciosa) liquet etiam requiri ad eum actuandum Momenta certa Temporis; idque probatur ex ijs, quæ propter Motûs velocitatem non cernuntur; ut ex latione pilæ ex Scloppeto. Velocior enim est præteruolatio pilæ, quam impressio Speciei eius quæ deferri poterat ad Vism.

Atque hoc, cum similibus, nobis quandoquè dubitationem peperit planè monstrosam; videlicet, utrum Cœli Sereni & Stellati Facies ad idem Tempus cernatur quando verè existit, an potius aliquantò post; Et utrum non sit (quatenus ad Vism Cœlestium) non minus Tempus verum, & Tempus visum, quam Locus verus, & Locus visus, qui notatur ab Astronomis in Parallaxibus. Adeò incredibile nobis videbatur, Species sue Radios Corporum Cœlestium, per tam immensa spatiæ milliarium subitò deferri posse ad Vism; sed potius debere eas in tempore aliquo notabili delabi. Verùm illa Dubitatio (quoad maius aliquod interuallum Temporis inter Tempus Verum & Vism) posteà planè evanuit; Reputantibus nobis iacturam illam infinitam, & diminutionem Quantitatis, quatenus ad apparentiam inter Corpus Stellæ Verum, & Speciem Vism, quæ causatur à Distantia; Atque simul Notantibus ad quantam

iam Distantiam (sexaginta scilicet ad minimum mil- liariorum) Corpora, eaque tantum Albicantia, subito hic apud nos cernantur; cum dubium non sit Lucem Cœlestium, non tantum Albedinis viuidum colorem, verum etiam omnis Flammæ (quæ apud nos nota est) Lucem, quoad vigorem radiationis multis partibus excedere; Etiam immensa illa Velocitas in ipso Corpore, quæ cer- nitur in Motu Diurno (quæ etiam viros graues ita obstupefecit, ut mallent credere Motum Terræ) facit Motum illum, Eiaculationis Radiorum ab ipsis (licet celeritate, ut diximus, mirabilem) magis credibilem. Maximè verò omnium nos mouit, quod si interponeretur inter uallum Temporis aliquod notabile inter Veritatem & Visum, foret ut Species, per nubes interim orientes, & similes Medij perturbationes, intercipe- rentur sæpenumerò, & confunderentur. Atque de Mensuris Temporum Simplicibus hæc dicta sint.

Verum non solum quaerenda est Mensura Mo- tuum & Actionum Simpliciter, sed multò magis Com- paratiuē: Id enim eximij est usus, & ad plurima spe- Etat. Atque videmus Flammam alicuius Tormenti ignei citius cerni, quam Sonitus audiatur; licet necesse sit pilam prius Aerem percutere, quam Flamma quæ ponè erat, exire potuerit; fieri hoc autem propter velociorem transactionem Motus Lucis, quam Soni. Vide- mus etiam Species Visibiles à Visu citius excipi, quam dimitti; Unde fit quod Nerui Fidium digito impulsi, duplicantur, aut triplicantur quoad Speciem, quia Spe- cies noua recipitur, antequam Prior demittatur; Ex quo etiam fit, ut Annuli rotati videantur globosi, &

Fax

Fax ardens noctū velociter portata, conspicatur Caudata. Etiam ex hoc fundamento Inequalitatis Motuum quoad Velocitatem, excogitauit Galilæus Causam Fluxūs & Refluxūs Maris; rotante Terrā velocius, Aquis tardius; ideoque accumulantibus se Aquis in sursūm, & deinde per vices se remittentibus in deorsūm; ut demonstratur in vase Aquæ incitatiūs mouente. Sed hoc commentus est conceſſo non conceſſibili, (quod Terra nempe moueatur,) ac etiam non bene informatus de Oceani Motu Sexhorario.

At Exemplum huius rei de quā agitur, videlicet de Comparatiis Mensuris Motuum, neque solūm rei ipsius, sed & Vſūs insignis eius, (de quo paulò antè loqui-
ti sumus) eminet in Cuniculis subterraneis, in quibus collocatur Puluis pyrius; ubi immensa Moles Terræ,
Ædificiorum, & similiū, subuertuntur, & in altum iaciuntur, à pusilliā quantitate Pulueris pyrij. Cuius Causa pro certo illa est, quod Motus Dilatationis Pulueris qui impellit, multis partibus sit perniciōr, quam Motus Gravitatis per quem fieri possit aliqua resistētia; adeò ut primus Motus perfunditus sit, antequam Motus aduersus inceperit; ut in principijs nullitas quedam sit resistētiae. Hinc etiam sit, quod in omni Mīſili, fētus non tam robustus, quam acutus & celer, ad Perlationem potissimum valeat. Neque etiam fieri potuisset, ut parua quantitas Spiritus Animalis in Animalibus, præsertim in tam vastis Corporibus, qualia sunt Balenæ aut Elephanti, tantam molem corpoream flecteret & regeret; nisi propter Velocitatem Motus Spiritus, & hebetudinem Corporeæ molis, quatenus ad expediendam suam resistētiam. Deni-

Denique, hoc unum ex præcipuis fundamentis est Experimentorum Magicorum, de quibus mox dicemus; ubi scilicet parua Moles Materiæ longè maiorem superat, & in ordinem redigit: Hoc inquam; Si fieri possit Anteuersio Motuum per Velocitatem unius, antequam alter se expeditat.

Postremò, Hoc ipsum Prius & Posterius in omni Actione Naturali notari debet; veluti quod in Infusione Rhabarbari eliciatur Purgatiua vis prius, Astrictiua post; Simile quiddam etiam in Infusione Violarum in Acetum experti sumus; ubi primò excipitur suavis & delicatus Floris odor; post, pars Floris magis terrea, quæ odorem confundit. Itaque si infundantur Violæ per diem integrum, Odor multò languidius excipitur, quod si infundantur per partem quartam horæ tantum, & extrahantur; & (quia paucus est Spiritus odoratus qui subsistit in Viola) infundantur post singulas quartas horæ Violæ nouæ & recentes ad sexies; tum demùm nobilitatur Infusio, ita ut licet non manserint Violæ, vt cunque renouatae, plus quam ad sesquiboram; tamen permanserit Odor gratissimus, & Violâ ipsâ non inferior, ad annum integrum. Notandum tamen est, quod non se colligat Odor ad vires suas plenas, nisi post mensem ab Infusione. In Distillationibus vero Aromatum maceratorum in spiritu vini patet quod surgat primò phlegma aqueum & inutile, deinde, Aqua plus habens ex spiritu vini, deinde post aqua plus habens ex Aromate. Atque huius generis quamplurima inueniuntur in Distillationibus notatu digna. Verum hæc sufficient ad Exempla.

Inter

XLVII.

INter Prerogatiwas Instantiarum ponemus loco Vicesimo tertio Instantias Quanti, quas etiam Doses Naturæ (Sumpto vocabulo à Medicinis) vocare consueuimus. Eæ sunt quæ Mensurant Virtutes per Quanta Corporum, & indicant quid Quantum Corporis faciat ad Modum Virtutis. Ac primò sunt quædam Virtutes quæ non subsistunt nisi in Quanto Cosmicō, hoc est, tali Quanto quod habeat consensum cum Configuration & Fabricâ Uniuersi. Terra enim stat; partes eius cadunt. At quæ in Mari bus fluunt & refluunt; in Fluijs minimè, nisi per ingressum Maris. Deinde etiam omnes ferè Virtutes particulares secundum Multum aut Parum Corporis operantur. Aquæ largæ non facile corrumpuntur; exiguae citò. Multum & Ceruisia maturescunt longè citius & fiunt potabilia in vtribus paruis, quam in dolijs magnis. Si Herba ponatur in maiore portione Liquoru, fit Infusio, magis quam Imbibitio: Si in Minore, fit Imbibitio, magis quam Infusio. Aliud igitur erga Corpus Humanum est Balneum, aliud leuis Irroratio. Etiam parui Rores in Aere nunquam cadunt, sed dissipantur, & cum Aere incorporantur. Et videre est in anhelitu super Gemmas, parum illud humoris, quasi nubeculam vento dissipatam, continuò solui. Etiam Frustum eiusdem Magnetis non trahit tantum Ferri, quantum Magnes integer. Sunt etiam Virtutes in quibus Paruitas Quanti magis potest; ut in

pene-

penetrationibus, stylus acutus citius penetrat, quam obtusus; Adamas puntuatus sculpit in vitro; & similia.

Verum non hic morandum est in fñdefinitis, sed etiam de Rationibus Quanti Corporis erga Modum Virtutis inquirendum. Proclive enim foret credere, quod rationes Quanti Rationes Virtutis adæquarent; ut si Pila plumbea vnius vnciæ caderet in tali tempore, pila vnciarum duarum deberet cadere duplo celerius, quod falsissimum est; Nec eadem rationes in omni genere Virtutum valent, sed longè diuersæ. Itaque hæ Menſuræ ex rebus ipsis petendæ sunt, & non ex verisimilitudine, aut Coniecturis.

Denique in omni Inquisitione Naturæ Quantum Corporis requiratur ad aliquod Effectum, tanquam Dosis, notandum; & Cautiones de Nimis & Parum aspergendas.

XLVIII.

In ter Prærogatiuas Instantiarum, ponemus loco Vicefimo quarto Instantias Luctæ; quas etiam Instantias Prædominantiaæ appellare consueuimus. Eæ indicant Prædominantiam & Cessionem Virtutum ad Inuicem; & quæ ex illis sit fortior & vincat, quæ infirmior & succumbat. Sunt enim Mortus & Nixus Corporum compositi, decompositi, & complicati, non minus quam Corpora ipsa. Proponemus igitur primùm Species præcipuas Motuum sive Virtutum Actuarum; ut magis perspicua sit ipsarum Comparatio in Robore, & exinde Demonstratio

Oe

atque

atque Designatio Instantiarum Luctæ & Prædominantia.

Motus primus sit Motus Antitypiæ Materiæ, quæ inest in singulis portionibus eius; per quem planè Annibilari non vult: ita ut nullum incendium, nullum pondus, aut depresso, nulla violentia, nulla denique ætas aut diuturnitas temporis possit redigere aliquam vel minimam portionem Materiæ in Nihilum; quin illa sit Aliquid, & Loci aliquid occupet; & se (in qualicunque necessitate ponatur) vel Formam mutando vel Locum, liberet; vel (si non detur copia) ut est, subsistat; neque unquam res eò deueniat, ut aut Nihil sit, aut Nullibi. Quem Motum Schola (quæ semper ferè & denominat & definit Res, potius per Effectus & Incommoda, quam per Causas Interiores) vel denotat per illud Axioma, quod Duo corpora non possint esse in uno loco; vel vocat Motum, Ne fiat penetratio dimensionum. Neque huius Motus exempla proponi consentaneum est: fñest enim omni Corpori.

Sit Motus Secundus, Motus (quem appellamus) Nexus; per quem Corpora non patiuntur se ullâ ex parte sui dirimi à contactu alterius Corporis, ut quæ mutuo nexu & contactu gaudeant. Quem Motum Schola vocat Motum, Ne detur vacuum: Veluti cùm Aqua attrahitur sursum exudione, aut per Fistulas; Caro per Ventosas; aut cùm Aqua frstitur, nec effluit in Hydrijs perforatis, nisi os Hydriæ ad immittendum Aerem aperiatur; & innúmera id genus.

Sic

Sit *Motus Tertius*, *Motus* (quem appella-
mus) *Libertatis*; per quem *Corpora* se liberare nitun-
tur à *Pressurâ* aut *Tensurâ* *Præter-naturali*, & re-
ſituere se in *Dimensum corpori* suo conueniens. *Cuius*
Motus etiam innumera sunt exempla: *Veluti* (quate-
nus ad *Liberationem* à *Pressurâ*) *Aqua* in *Natando*,
Aëris in *volando*; *Aqua* in *Remigando*, *Aëris* in *vn-
dulationibus Ventorum*, *Laminæ* in *Horologij*. *Nec*
inelegantè ſe ostendit *Motus Aëris* compreſſi in *Sclo-
pettis* *ludicris puerorum*, cùm *Alnum* aut ſimile quid-
dam excauant, & infarciunt frusto alicuius *Radicis*
succulentæ, vel ſimilium, ad utroſque ſines; deinde per
Embolum trudunt radicem, vel huiusmodi *farcimen-
tum* in *foramen alterum*: *Vnde* emittitur & eiicitur
Radix cum ſonitu ad *foramen alterum*, idque antequām
tangatur à *Radice* aut *Farcimento* citimo, aut *Embolo*.
Quatenus verò ad *Liberationem* à *Tensurâ*, ostendit ſe
hic *Motus* in *Aëre* post *exuſionem*, in *Ouis vitreis*
remanente; in *Chordis*, in *Corio*, & *Panno*; *resilienti-
bus* post *Tensuras suas*, niſi *Tensuræ illæ* per *moram* in-
ualuerint, &c. Atque hunc *Motum Schola* sub no-
mine *Motus ex Formâ Elementi innuit*: *satis* qui-
dem *inſcītē*, cùm hic *Motus* non tantum ad *Aërem*,
Aquam, aut *Flammam* pertineat, ſed ad omnem diuer-
ſitatem *Consistentiæ*; ut *Ligni*, *Ferri*, *Plumbi*, *Pan-
ni*, *Membranæ*, &c. in quibus, ſingula *Corpora* ſuę
habent Dimensionis modulum; & ab eo aegrè ad ſpa-
tium aliquod notabile abripiuntur. *Verūm* quia *Motus*
iſte *Libertatis omnium* eſt maximè obuius, & ad inſi-
nita ſpectans; *consultum* fuerit eum bene & perſpicie

distinguere. Quidam enim valde negligentè confundunt hunc Motum, cum gemino illo Motu Antitypiæ & Nexūs; Liberationem scilicet à Pressurā, cum Motu Antitypiæ; à Tensurā, cum Motu Nexūs: ac si ideo cederent aut se dilatarent corpora compressa, ne sequeretur Penetratio dimensionum; ideo resilirent & contraherent se Corpora tensa, ne sequeretur Vacuum. Atqui si Aér compressus se vellet recipere in densitatem Aquæ, aut Lignum in densitatem Lapidis; nil opus foret penetratione dimensionum: & nihilominus longè maior posset esse Compressio illorum, quam illa ullo modo patiuntur. Eodem modo si Aquæ se dilatare vellet in raritatem Aëris, aut Lapis in raritatem Ligni; non opus foret vacuo: & tamen longè maior posset fieri Extensio eorum, quam illa ullo modo patiuntur. Itaque non reducitur res ad Penetratiōnem dimensionum, & Vacuum, nisi in ultimitatis Condensationis & Rarefactionis: cum tamen isti Motus longè citrā eas fiant & versentur; neque aliud sint, quam Desideria Corporum conseruandi se in Consistentijs suis, (sue, si malint, in Formis suis) nec ab ijs recedendi subito, nisi per modos suaves, ac per consensum alterentur. At longè magis necessarium est (quia multa secum trahit) ut intimetur hominibus; Motum Violentum (quem nos Mechanicum; Democritus, qui in Motibus suis primis expediendis etiam infrā Mediocres Philosophos ponendus est, Motum Plagæ vocauit) nil aliud esse quam Motum Libertatis, scilicet à Compressione ad Relaxationem. Etenim in omni sue simplici Protrusione, sue Volatu per aérem,

aerem, non fit summatio aut *Latio Localis*, antequam partes Corporis Praeter-naturaliter patiantur & comprimantur ab Impellente. Tum vero Partibus alijs alias per successionem trudentibus, fertur Totum, nec solum Progrediendo, sed etiam Rotando simul; ut etiam hoc modo Partes se liberare, aut magis ex aequo tolerare possint. Atque de hoc Motu hactenùs.

Sit *Motus Quartus*, Motus cui nomen dedimus *Motus Hyles*: Qui Motus *Antistrophus* est quodammodo Motui, de quo diximus, Libertatis. Etenim in Motu Libertatis Corpora nouum Dimensum, siue nouam Sphaeram, siue nouam Dilatationem aut Contractionem (hac enim Verborum varietas idem innuit) exhorrent, respiciunt, fugiunt, & resilire ac veterem Consistentiam recuperare totis viribus contendunt. At contra in hoc Motu Hyles, Corpora nouam Sphaeram siue Dimensum appetunt; atque ad illud libenter & properè, & quandoquè valentissimo nixu (ut in Puluere Pyrio) aspirant. Instrumenta autem huius Motus, non sola certe, sed potentissima, aut saltè frequenter, sunt Calor & Frigus. Exempli gratia: Aer, si per Tensuram (velut per exusionem in Quis vi- treis) dilatetur, magno laborat desyderio seipsum restituendi. At admoto Calore, è contrà appetit dilatari, & concupiscet nouam sphæram, & transit & migrat in illam libenter, tanquam in nouam Formam (ut loquuntur). Nec post dilatationem nonnullam de reditu curat, nisi per admotionem Frigidi ad eam inuitetur; quæ non Reditus est, sed Transmutatio repetita. Eodem modo & Aqua, si per compressionem ardetur, recalcitat;

calcitat; & vult fieri qualis fuit, scilicet latior. At si interueniat Frigus intensum & continuatum, mutat se sponte sua & libenter in condensationem Glaciei: atque si planè continuetur Frigus, nec à temporibus interrumpatur, (ut fit in Speluncis & Cauernis paulò profundioribus) vertitur in Crystallum, aut materiam similem, nec vñquam restituitur.

Sit Motus Quintus, Motus Continuationis: Intelligimus autem non Continuationis simplicis & primariae, cum corpore aliquo altero; (nam ille est Motus Nexus) sed Continuationis sui, in Corpore certo. Certissimum enim est, quod Corpora omnia solutionem Continuitatis exhorreant; alia magis, alia minus, sed omnia aliquatenus. Nam ut in Corporibus Duris (veluti Chalybis, Vitri) Reluctatio contra Discontinuationem est maximè robusta & valida; ita etiam in Liquoribus, ubi cessare aut languere saltem videtur Motus eiusmodi, tamen non prorsus reperitur Priuatio eius; sed plane inest ipsis in gradu tanquam infimo, & prodit se in Experimentis plurimis; sicut in Bullis, in rotunditate Guttarum, in filis tenuioribus Stillicidiorum, & in sequacitate Corporum Glutinosorum, & eiusmodi. Sed maximè omnium se ostendit Appetitus iste, si Discontinuatio tentetur usque ad fractiones minores. Nam in Mortarijs, post contumionem ad certum gradum, non amplius operatur Pistillum: Aqua non subintrat rimas minores: Quin & ipse Aër, non obstante subtilitate corporis ipsius, Poros Vasorum paulò solidiorum non pertransit subito, nec nisi per diuturnam insinuationem.

Sit

Sit Motus Sextus, Motus quem nominamus Motum ad Lucrum, sive Motum Indigentiae. Is est, per quem Corpora, quando versantur inter planè Heterogenea & quasi inimica; si forte nanciscantur copiam aut commoditatem euitandi illa Heterogenea, & se applicandi ad magis Cognata; (licet illa ipsa Cognata talia fuerint, quæ non habeant arctum consensum cum ipsis) tamen statim ea amplectuntur, & tanquam potiora malunt; & Lucri loco (unde vocabulum sumptimus) hoc ponere videntur, tanquam talium Corporum indiga. Exempli gratia: Aurum, aut aliud Metallum foliatum non delectatur Aëre circumfuso. Itaque si Corpus aliquod Tangibile & Crassum nanciscatur, (ut Digitum, Papyrus, quiduis aliud) adhæret statim, nec facile diuelliatur. Etiam Papyrus, aut Pannus, & huiusmodi, non bene se habent cum Aëre qui inseritur & commixtus est in ipsorum Poris. Itaque Aquam aut Liquorem libenter imbibunt, & Aërem exterminant. Etiam Saccharum, aut Spongia infusa in Aquam aut Vinum, licet pars ipsorum emineat & longè attollatur suprà Vinum aut Aquam, tamen Aquam aut Vinum paulatim & per gradus attrahunt in sursum.

Vnde optimus Canon sumitur Aperturæ & Solutionum Corporum. Mis̄is enim Corrosiis & Aquis fortibus, quæ viam sibi aperiunt; si possit inueniri Corpus proportionatum & magis consentiens & amicum Corpori alicui solido, quam illud cum quo tanquam per necessitatem commiscetur; statim se aperit & relaxat Corpus, & illud alterum intrò recipit, priore excluso aut

aut summoto. Necque operatur, aut potest iste Motus ad Lucrum, solummodo ad Tactum. Nam Electrica Operatio (de quâ Gilbertus, & alij post eum tantas excitârunt fabulas) non alia est quam Corporis per fricationem leuem excitati Appetitus; qui Aerem non bene tolerat, sed aliud tangibile mauult, si reperiatur in propinquo.

Sit Motus Septimus, Motus (quem appellamus) Congregationis Maioris; per quem Corpora feruntur ad Massas Connaturalium suorum: Grauia, ad globum Terræ; Levia, ad Ambitum Cœli. Hunc Schola nomine Motus Naturalis insigniuit; leui contemplatione, quia scilicet nil spectabile erat ab extra, quod eum Motum cieret: (Itaque Rebus ipsis innatum atque insitum putauit:) Aut fortè quia non cessat. Nec mirum: Semper enim præstò sunt Cœlum & Terra; cum è contrà causæ & origines plurimorum ex reliquis Motibus interdùm absint, interdum adjint. Itaque hunc, quia non intermittit, sed cæteris intermittentibus statim occurrit, Perpetuum & Proprium; reliquos, Ascititos posuit. Est autem iste Motus reuerâ satis infirmus & hebes, tanquam is qui (nisi sit Males Corporis maior) cæteris Motibus, quandiu operantur, cedat & succumbat. Atque cum hic Motus hominum cogitationes ita impleuerit, ut ferè reliquos Motus occultauerit; tamen parùm est quod homines de eo sciunt, sed in multis circa illum erroribus versantur.

Sit Motus Octauus; Motus Congregationis Minoris; per quem Partes Homogeneæ in Corpore aliquo

aliquo separant se ab Heterogeneis, & coëunt inter se-
se; per quem etiam Corpora Integra ex similitudine
Substantiae se amplectunt & fouent, & quandoque
ad distantiam aliquam congregantur, attrahuntur,
& conueniunt: Veluti, cum in Lacte Flos lactis post
moram aliquam supernatet; in Vino Fæces & Tarta-
rum subsidunt. Neque enim hæc sunt per Motum
Gravitatis & Leuitatis tantum, ut aliæ partes sum-
mit item petant, alie ad imum vergant; sed multò ma-
gis per Desiderium Homogeneorum inter se coëundi,
& se uniendi. Differt autem iste Motus à Motu In-
digentiae, in duobus. Uno, quod in Motu Indigen-
tiae sit stimulus maior Naturæ malignæ & contrariæ:
At in hoc Motu (si modo impedimenta & vincula ab-
sint) uniuntur partes per Amicitiam, licet absit Natur-
a aliena quæ litem moueat: Altero, quod arctior sit
unio, & tanquam maiore cum delectu. In illo enim,
modo evitetur Corpus inimicum, Corpora etiam non
admodum cognata concurrunt: At in hoc coëunt Sub-
stantiae, germana planè similitudine deuinctæ; & con-
flantur tanquam in unum. Atque hic Motus omni-
bus Corporibus Compositis inest; & se facile confici-
endum in singulis daret, nisi ligaretur & frænaretur
per alios Corporum Appetitus & Necessitates, quæ
istam Coitionem disturbant.

Ligatur autem Motus iste plerumque tribus
modis: Torpore Corporum; Fræno Corporis Domi-
nantis; & Motu externo. Ad Torporem Corpo-
rum quod attinet; certum est inesse Corporibus tangi-
bilibus Pigritiam quandam secundum magis & mi-

nus, & Exhorrentiam Motus Localis; ut nisi ex-
citentur, malint statu suo (prout sunt) esse contenta,
quam in melius se expedire. Discutitur autem iste
Torpor triplici Auxilio: aut per Calorem, aut per
Virtutem alicuius Cognati corporis eminentem, aut
per Motum viuidum & potentem. Atque primò
quoad auxilium Caloris: hinc fit, quod Calor pro-
nuntietur esse illud quod separat Heterogenea, con-
greget Homogenea. Quam Definitionem Peripa-
teticorum meritò derisit Gilbertus; dicens eam esse
perinde ac si quis diceret ac definiret Hominem illud
esse, quod serat Triticum, & plantet Vineas: esse
enim Definitionem tantum per Effectus, eosque parti-
culares. Sed adhuc magis culpanda est illa Definitio;
quia etiam Effectus illi (quales, quales sunt) non sunt
ex proprietate Caloris, sed tantum per accidens,
(idem enim facit Frigus, ut postea dicemus) nempe
ex desiderio partium Homogenearum coeundi; adiu-
uante tantum Calore ad discutiendum Corporem, qui
Torpor desiderium illud anteà ligauerat. Quoad verò
Auxilium Virtutis inditæ à Corpore Cognato; illud
mirabiliter elucescit in Magnete armato, qui excitat
in Ferro virtutem detinendi Ferrum per similitudinem
substantiæ, discusso Corpore Ferri per Virtutem Mag-
netis. Quoad verò Auxilium Motus, conspicitur
illud in sagittis ligneis, cuspide etiam ligneâ; quæ altius
penetrant in alia ligna, quam si fuissent armatae ferro,
per similitudinem substantiæ, discusso Corpore Ligni per
Motum celerem: de quibus duobus Experimentis etiam
in Aphorismo de Instantijs Clandestinis, diximus.

Liga-

Ligatio verò Motus Congregationis Minoris, quæ fit per Frænum Corporis Dominantis, conspicitur in solutione Sanguinis & Urinarum per Frigus. Quamdiù enim repleta fuerint Corpora illa spiritu agili, qui singulas eorum partes cuiuscunque generis, ipse ut Dominus Totius ordinat & cohabet; tamdiù non coēunt Heterogenea propter Frænum: sed postquam ille Spiritus evaporauerit, aut suffocatus fuerit per Frigus, tum solutæ Partes à Fræno, coēunt secundūm de fiderium suum naturale. Atque ideo fit, ut omnia Corpora, quæ continent Spiritum acrem, (ut Sales, & huiusmodi) durent & non soluantur, ob Frænum permanens & durabile Spiritus dominantis & impetuosus.

Ligatio verò Motus Congregationis Minoris, quæ fit per Motum Externum, maximè conspicitur in Agitationibus Corporum, per quas arcetur putrefactio. Omnis enim Putrefactio fundatur in Congregatione Homogeneorum, unde paulatim fit Corruptio prioris (quam vocant) Formæ, & Generatio nouæ. Nam Putrefactionem, quæ sternit viam ad Generationem nouæ Formæ, præcedit Solutio veteris; quæ est ipsa Coitio ad Homogeniam. Ea verò si non impedita fuerit, sic Solutio simplex; sin occurrant varia que obstant, sequuntur Putrefactiones quæ sunt rudimenta generationis nouæ. Quod si (id quod nunc agitur) fiat agitatione frequens per Motum Externum, tum verò Motus iste Coitionis (qui est delicatus & mollis, & indiget quiete ab externis) disturbatur & cessat; ut fieri videmus in innumeris: Veluti, cum quotidiana agitatio aut profusa

entia Aquæ arceat Putrefactionem; Venti arceant pestilentiam Aëris; Grana in granarijs versa & agitata maneat pura; Omnia denique agitata exterius non facilè putrefiant interius.

Supereft ut non omittatur Coitio illa Partium Corporum, vnde fit præcipue Induratio & Desiccatio. Postquam enim Spiritus, aut Humidum in Spiritum versum euolauerit in aliquo Corpore porosiore, (ut in Ligno, Osse, Membranā, & huiusmodi) tum Partes crassiores maiore nixu contrahuntur & coēunt, vnde sequitur Induratio aut Desiccatio: quod existimamus fieri, non tam ob Motum Nexus, ne detur Vacuum, quam per Motum istum Amicitiae & Unionis.

Ad Coitionem verò ad distans quod attinet, ea infrequens est & rara: & tamen in pluribus ineſt, quam quibus obſeruatur. Huius ſimulacra ſunt, cum Bulla ſoluat Bullam; Medicamenta ex ſimilitudine ſubſtantiae trahant humores; Chorda in diuersis fidibus ad Unisonum moueat Chordam; & huiusmodi. Etiam in Spiritibus Animalium hunc Motum vigere existimamus, ſed planè incognitum. At eminet certè in Magnete, & Ferro excito. Cum autem de Motibus Magnetis loquimur, diſtinguendi planè ſunt. Quatuor enim Virtutes ſive Operationes ſunt in Magnete, quæ non confundi, ſed separari debent; licet admiratio hominum & stupor eas commiſſuerit. Una, Coitionis Magnetis ad Magnetem, vel Ferri ad Magnetem, vel Ferri exciti ad Ferrum. Secunda, Verticitatis eius ad Septentriones & Austrum, atque simul declinatio- nis eius. Tertia, Penetrationis eius per Aurum, Vitrum, Lapidem,

Lapidem, omnia. Quarta, Communicationis Virtutis eius de Lapide in Ferrum, & de Ferro in Ferrum, absque Communicatione substantiae. Verum hoc loco de primâ Virtute eius tantum loquimur, videlicet Coitionis. Insignis etiam est Motus Coitionis Argenti Viui & Auri; adeò ut Aurum alliciat Argentum Viuum, licet confectum in vnguenta: atque Operarij inter vapores Argenti Viui soleant tenere in ore frustum Auri ad colligendas emissiones Argenti Viui, alias crania & ossa eorum inuasuras; unde etiam frustum illud paulò post albescit. Atque de Motu Congregationis Minoris hæc dida sint.

Sit Motus Nonus, Motus Magneticus; qui licet sit ex genere Motus Congregationis Minoris, tamen si operetur ad Distantias magnas, & super Massas rerum magnas, inquisitionem meretur separatam; præsertim si nec incipiat à Tactu, quemadmodum Plurimi, nec perducat actionem ad Tactum, quemadmodum omnes Motus Congregatiui; sed Corpora tantum eleuet, aut ea intumescere faciat, nec quicquam ultra. Nam si Luna attollat Aquas, aut turgescere aut intumescere faciat Humida; aut Cœlum Stellatum attrahat Planetas versus sua Apogœa; aut Sol alliget Astra Veneris & Mercurij, nè longius absint à Corpore eius, quam ad Distantiam certam; videntur hi Motus nec sub Congregatione Maiore, nec sub Congregatione Minore bene collocari, sed esse tanquam Congregatiua Media & imperfecta, ideoque Speciem debere constituere propriam.

Sit Motus Decimus, Motus Fugæ; Motus scilicet

cet Motui Congregationis Minoris contrarius; per quem Corpora ex Antipathia fugiunt & fugant inimica, sique ab illis separant, aut cum illis miscere se recusant. Quamvis enim videri possit in aliquibus hic Motus esse Motus tantum per accidens, aut per consequens, respectu Motus Congregationis Minoris, quia nequeunt coire Homogenea, nisi Heterogeneis exclusis & remotis: tamen ponendus est Motus iste per se, & in Speciem constituendus, quia in multis Appetitus Fugae cernitur magis principalis, quam Appetitus Coitionis.

Eminet autem hic Motus insigniter in Excretionibus Animalium; nec minus etiam in Sensuum nonnullorum odiosis Obiectis, præcipue in Olfactu & Gustu. Odor enim foetidus ita reicitur ab Olfactu, ut etiam inducat in Os stomachi Motum Expulsionis per Consensum; Sapor amarus & horridus ita reicitur à Palato aut Guttura, ut inducat per Consensum Capitis conquassationem & horrorem. Veruntamen etiam in alijs locum habet iste Motus. Conspicitur enim in Antiperistatis nonnullis; ut in Aeris media Regione, cuius Frigora videntur esse Rejectiones Naturæ frigidæ ex Confinijs Cœlestium; quemadmodum etiam videntur magni illi feruores & inflammationes quæ inueniuntur in locis subterraneis, esse Rejectiones Naturæ calidæ ab interioribus Terræ. Calor enim & Frigus, si fuerint in Quanto minore, se in vicem perimunt; si fuerint in Massis maioribus, & tanquam iustis exercitibus, tum verò per Conflictum se locis inuicem summovent, & ejiciunt. Etiam tradunt Cinamomum & Odorifera sita

sita iuxta latrinas & loca fætida, diutius odorem retinere, quia recusant exire & commisceri cum fætidis. Certè Argentum viuum, quod alias se reuniret in Corpus integrum, prohibetur per saliuam hominis, aut Axungiam porci, aut Terebinthinam, & huiusmodi, ne partes eius coëant; propter malum Consensum quem habent cum huiusmodi Corporibus; à quibus vndique circumfusis se retrahunt; adeò ut fortior sit earum Fuga ab istis interiacentibus, quam desiderium vniendi secum partibus sui similibus; id quod vocant Mortificationem Argenti viui. Etiam quòd Oleum cum Aquâ non misceatur, non tantum in Causâ est differentia Leuitatis; sed malus ipsorum Consensus: ut videre est in Spiritu vini, qui cùm leuior sit Oleo, tamen se benè miscet cum Aquâ. At maximè omnium insignis est Motus Fugæ in Nitro, & huiusmodi Corporibus crudis, quæ Flammam exhorrent; ut in puluere pyrio, Argento viuo, necnon in Auro. Fuga verò ferri ab altero polo Magnetis, à Gilberto bene notatur non esse Fuga propria, sed Conformatas, & Coitio ad situm magis accommodatum.

Sit Motus Undecimus, Motus Assimulacionis, sive Multiplicationis sui, sive etiam Generationis simplicis. Generationem autem simplicem dicimus non Corporum Integralium, ut in Plantis, aut Animalibus; sed Corporum similarium. Nempe per hunc Motum Corpora similaria vertunt Corpora alia affinia, aut saltē benè disposita & præparata, in Substantiam & Naturam suam; ut Flamma, quæ super halitus & oleosa multiplicat se, & generat nouam

uam Flammam; Aér, qui super Aquam & Aquea multiplicat se, & generat nouum Acerem; Spiritus Vegetabilis & Animalis, qui super tenuiores partes tam Aquei quam Oleosi in alimentis suis multiplicat se, & generat nouum Spiritum; partes solidæ plantarum & Animalium, veluti Foliū, Flos, Caro, Os, & sic de ceteris, quæ singulæ ex Succis alimentorum assimilant & generant substantiam successiām, & Episiam. Neque enim quenquam cum Paracelso delirare iuuet, qui (distillationibus suis scilicet occæcatus) Nutritionem per separationem tantum fieri voluit; quodque in Pane vel Cibo lateat Oculus, Nasus, Cerebrum, Iecur; in succo Terræ Radix, Foliū, Flos. Etenim sicut Faber ex rudi Massâ lapidis vel ligni, per Separationem & Rejectionem superflui educit Foliū, Florem, Oculum, Nasum, Manum, Pedem, & similia; ita Archæum illum Fabrum internum ex alimento per Separationem & Rejectionem educere singula membra & partes afferit ille. Verum missis nugis, certissimum est partes singulas, tam similares, quam Organicas, in Vegetabilibus & Animalibus, succos alimentorum suorum ferè communes, aut non multū diuersos, primò attrahere cum nonnullo delectu, deinde assimilare, & vertere in Naturam suam. Neque Assimilatio ista, aut Generatio simplex sit solum in Corporibus Animatis; verum & Inanimata ex hac re participant; veluti de Flammâ & Aere dictum est. Quinetiam Spiritus emortuus, qui in omni Tangibili Animato continetur, id perpetuò agit, ut partes crassiores digerat & vertat in Spiritum,
qui

qui deinde exeat; unde fit diminutio ponderis & exsiccatio, ut alibi diximus. Neque etiam responda est in Assimilatione, Accretio illa, quam vulgo ab Alimentatione distinguunt; veluti cum lutum inter lapillos concrescit, & vertitur in materiam lapideam; squammæ circa dentes, vertuntur in substantiam non minus duram, quam sunt dentes ipsi, &c. Sumus enim in ea opinione, inesse Corporibus omnibus desiderium Assimilandi, non minus quam Coëundi ad Homogenea: verum ligatur ista virtus, sicut & illa; licet non iisdem modis. Sed modos illos, necnon solutionem ab iisdem omni diligentia inquirere oportet, quia pertinent ad Senectutis refocillationem. Postremo videtur notatum dignum, quod in nouem illis Motibus, de quibus diximus, Corpora tantum Naturæ suæ Conseruationem appetere videntur; in hoc decimo autem Propagationem.

Sit Motus Duodecimus, Motus Excitationis; qui Motus videtur esse ex genere Assimilationis, atque eo nomine quandoque a nobis promiscue vocatur. Est enim Motus Diffusius, & Communicatius, & Transficiens, & Multiplicatus; sicut & ille; atque Effectu (ut plurimum) consentiunt, licet efficiendi modo & subiecto differant. Motus enim Assimilationis procedit tanquam cum imperio, & potestate; fubet enim, & cogit Assimilatum in Assimilantem verti & mutari. At Motus Excitationis procedit tanquam Arte & insinuatione, & furtim; & iniuitat tantum, & disponit Excitatum ad naturam Excitantis. Etiam Motus Assimilationis multiplicat & transformat Corpora & substancias; veluti, Plus fit Flammæ, Plus Aeris, Plus Spiritus,

Plus Carnis. At in Motu Excitationis, multipli-
cantur & transeunt virtutes tantum; & Plus fit Ca-
lidi, Plus magnetici, Plus putridi. Eminet autem
iste Motus præcipue in Calido & Frigido. Neque
enim Calor diffundit se in calefaciendo per Commu-
nicationem primi Caloris; sed tantum per Excitatio-
nem partium Corporis ad Motum illum, qui est For-
ma Calidi; de quo in Vindemiatione primâ de
Natura Calidi diximus. Itaque longè tardius &
difficilius excitatur Calor in Lapide aut Metallo,
quam in Aere; ob inabilitatem & impromptitudinem
Corporum illorum ad Motum illum; Ita ut verisimile
sit, posse esse interius versus viscera Terræ materias,
quæ calefieri prorsus respuant; quia ob Condensatio-
nem maiorem spiritu illo destituuntur, à quo Motus iste
Excitationis plerunque incipit. Similiter Magnes
induit Ferrum nouâ partium dispositione, & Motu Con-
formi; ipse autem nihil ex Virtute perdit. Similiter
Fermentum Panis, & Flos Ceruisiæ, & Coagulum
Lactis, & nonnulla ex venenis, excitant & inuitant
Motum in massâ farinariâ, aut Ceruisiâ, aut Caseo,
aut Corpore humano successuum & continuatum; non
tam ex vi Excitantis, quam ex prædispositione & faci-
li Cessione Excitati.

Sit Motus decimus tertius, Motus Impressionis;
qui Motus est etiam ex genere Motus Assimilationis;
estque ex Diffusuis Motibus subtilissimus. Nobis au-
tem visum est eum in Speciem propriam constituere,
propter differentiam insignem quam habet erga priores
duos. Motus enim Assimilationis simplex Corpora
ipsa transformat; ita ut si tollas primum Movens, nihil

inter-

intersit ad ea quæ sequuntur. Neque enim prima accessio in Flammam, aut prima versio in Aërem, aliquid facit ad Flammam, aut Aërem, in Generatione succedentem. Similiter, Motus Excitationis omnino manet, remoto primo mouente, ad tempora bene diuturna; ut in Corpore calefacto, remoto primo Calore; in Ferro excito, remoto Magnete; in Massâ farinaria, remoto Fermento. At Motus Impressionis, licet sit Diffusius, & Transitiuus, tamen perpetuò pendere videtur ex primo Mouente; adeò ut sublato aut cessante illo, statim deficiat & pereat; Itaque etiam momento, aut saltem exiguo tempore transigitur. Quare Motus illos Assimilationis & Excitationis, Motus Generationis Iouis, quia generatio manet; Hunc autem Motum, Mctum Generationis Saturni, quia natus statim deuoratur & absorbetur, appellare consueimus. Manifestat se verò hic Motus in tribus; In Lucis radijs; Sonorum percussionibus; & Magneticis, quatenus ad Communicationem. Etenim Amotâ Luce, statim pereunt Colores, & reliquæ Imagines eius; Amotâ percussione primâ, & quassatione Corporis indè factâ, paulò post perit sonus. Licet enim Soni, etiam in Medio per ventos, tanquam per Undas agitantur: tamen diligenterius notandum est, quod Sonus non tam diù durat, quam fit Resonatio. Etenim impulsâ Campanâ, Sonus ad bene magnum tempus continuari videtur; unde quis facile in errorem labatur, si existimet toto illo tempore Sonum tanquam natare & hærere in Aere; quod falsissimum est. Etenim illa Resonatio non est idem. Sonus Numero, sed renouatur. Hoc autem manifestatur ex

Sedatione sive *Cohibitione Corporis percussi.* Si enim
sistatur & detineatur Campana fortiter, & fiat immo-
bilis, statim perit Sonus, nec resonat amplius; ut in
chordis, si post primam percussionem tangatur chorda,
vel digito, ut in Lyrā; vel calamo, ut in Espinetis; sta-
tim desinit Resonatio. Magnete autem remoto, statim
Ferrum decidit. Luna autem à Mari non potest remo-
ueri; nec Terra à Ponderoso dum cadit. Itaque de illis
nullum fieri potest Experimentum, sed ratio eadem est.

Sit Motus decimus quartus, Motus Configurationis, aut Sitūs; per quem Corpora appetere videntur
non Coitionem, aut Separationem aliquam; sed Situm,
& Collocationem, & Configurationem cum alijs.
Est autem iste Motus valde abstrusus, nec bene Inquisi-
tus. Atque in quibusdam videtur quasi incausabilis; li-
cet reuera (ut existimamus) non ita sit. Etenim si quæ-
ratur, cur potius Cælum voluatur ab Oriente in Occi-
dentem, quam ab Occidente in Orientem: aut cur ver-
tatur circa Polos positos iuxta Ursas, potius quam cir-
ca Orionem, aut ex alia aliquâ parte Cæli; videtur ista
Quæstio tanquam quedam Extasis; cùm ista potius ab
Experienciâ, & vt Positiua recipi debeant. At in Naturâ profectò sunt quedam ultima & incausabilia; ve-
rūm hoc ex illis non esse videtur. Etenim hoc fieri exi-
stimamus ex quadam *Harmonia* & *Consensu Mundi*,
qui adhuc non venit in obseruationem. Quòd si recipia-
tur Motus Terræ ab Occidente in Orientem; eadem
manent Quæstiones. Nam & ipsa super aliquos Po-
los mouetur. Atque cur tandem debeant isti Poli collo-
cari magis ubi sunt, quam alibi? Item Verticitas, &
Directio

Dire^ctio, & Declinatio Magnetis ad hunc Motum referuntur. Etiam inueniuntur in Corporibus tam Naturalibus quam Artificialibus, præsertim Conscientibus, & non Fluidis, Collocatio quædam & Positura partium, & tanquam Villi & Fibrae, quæ diligenter inuestigandæ sunt; ut potè sine quarum invenzione Corpora illa commode tractari aut regi non possunt. At Circulationes illas in Liquidis, per quas illa dum pressa sint, antequam se liberare possunt, se inuicem relevant, ut Compressionem illam ex aequo tolerent; Motui Libertatis verius assignamus.

Sit Motus decimus quintus, Motus Pertransitio-
nis, siue Motus secundū Meatus; per quem Vir-
tutes Corporum magis aut minus impediuntur, aut pro-
uebuntur à Medijs ipsorum, pro Naturâ Corporum
& Virtutum Operantium, atque etiam Medij. Aliud enim Medium Luci conuenit, aliud Sono, aliud Calori & Frigori, aliud Virtutibus Magneticis, necnon alijs nonnullis respectiue.

Sit Motus decimus sextus, Motus Regius (ita
enim eum appellamus) siue Politicus; per quem Partes
in Corpore aliquo Prædominantes & Imperantes, re-
liquas partes frænant, domant, subigunt, ordinant, &
cogunt eas adunari, separari, consistere, moueri, collo-
cari, non ex desiderijs suis, sed prout in Ordine sit, &
conducat, ad bene esse Partis illius Imperantis; adeò ut
sit quasi Regimen & Politia quædam, quam exercet
Pars Regens, in partes Subditas. Eminet autem hic
Motus præcipue in Spiritibus Animalium, qui Motus
omnes partium reliquarum, quamdiu ipse in vigore est,
contem-

contemperat. Inuenitur autem in alijs Corporibus in gradu quodam inferiore; quemadmodum dictum est de Sanguine & Vrinis, quæ non soluuntur, donec Spiritus qui partes earum commiscebat & cohiebat, emissus fuerit aut suffocatus. Neque iste Motus omnino Spiritibus proprius est, licet in plerisque Corporibus Spiritus dominantur ob Motum celerem, & penetracionem. Veruntamen in Corporibus magis condensatis, nec Spiritu viuido & vigente (qualis inest Argento viuo & Vitriolo) repletis, dominantur potius Partes crassiores; adeo ut nisi frænum & iugum hoc arte aliqua excutiatur, de nouâ aliquâ huiusmodi Corporum transformatione minimè sperandum sit. Neque vero quispiam nos oblitos esse existimet, eius quod nunc agitur; quia cum ista Series & Distributio Motuum ad nil aliud spectet, quam ut illorum Prædominantia per Instantias Luctæ melius inquiratur; iam inter Motus ipsos, Prædominantiae mentionem faciamus. Non enim in Descriptione Motus istius Regij, de Prædominantia Motuum aut Virtutum tractamus, sed de Prædominantia Partium in Corporibus. Hæc enim ea est Prædominantia, quæ Speciem istam Motus peculiarem constituit.

Sit Motus decimus septimus, Motus Rotationis spontaneus; per quem Corpora Motu gaudentia, & benè collocata, Naturâ suâ fruuntur, atque seipsa sequuntur, non aliud; & tanquam proprios petunt amplexus. Etenim videntur Corpora aut mouere sine Termino; aut planè quiescere; aut ferri ad Terminum, ubi pro Naturâ suâ aut rotent, aut quiescant. Atque

quæ

quæ benè collocata sunt, si Motu gaudeant; mouent per Circulum: Motu scilicet æterno, & infinito. Quæ benè collocata sunt, & motum exhorrent, prorsus quiescunt. Quæ non benè collocata sunt; mouent in linea rectâ (tanquam trahite breuissimo) ad consortia suorum Connaturalium. Recipit autem Motus iste Rotationis Differentias nouem. Primam, Centri sui, circa quod Corpora mouent: Secundam, Polorum suorum, supra quos mouent: Tertiam, Circumferentia seu Ambitus sui, prout distant à Centro: Quartam, Incitationis suæ, prout celerius aut tardius rotantur: Quintam, Consequutionis Motus sui, veluti ab Oriente in Occidentem, aut ab Occidente in Orientem: Sextam, Declinationis à Circulo perfecto per Spiræ longius aut propius distantes à Centro suo: Septimam, Declinationis à Circulo perfecto per Spiræ longius aut propius distantes à Polis suis: Octauam, Distantiæ propioris aut longioris Spirarum suarum ad inuicem: Nonam & ultimam, Variationis ipsorum Polorum, si sint mobiles: quæ ipsa ad Rotationem non pertinet, nisi fiat circulariter. Atque iste Motus communis & inueterata opinione habetur pro proprio Cœlestium. Attamen grauis de illo Motu Lis est inter nonnullos tam ex Antiquis quam Modernis, qui Rotationem Terræ attribuerunt. At multò fortasse iustior mouetur Controuerfa (si modò res non sit omnino extra Controuersiam) an Motus videlicet iste (concesso quod Terra stet) Cœli simibus continetur, an potius descendat, & communicetur Aeri, & Aquis. Motum autem Rotationis in Missilibus, ut in Spiculis,

Sa-

Sagittis, Pilis Sclopetorum, & similibus, omnino ad Motum Libertatis reijsimus.

Sit Motus Decimus octauus, Motus Trepidationis, cui (ut ab Astronomis intelligitur) non multum fidei adhibemus. Nobis autem Corporum Naturalium Appetitus ubique serio perscrutantibus, occurrit iste Motus; & constitui debere videtur in speciem. Est autem hic Motus veluti aeternae cuiusdam Captiuitatis. Videlicet ubi Corpora non omnino pro Naturâ suâ bene locata, & tamen non prorsus male se habentia, perpetuò trepidant, & irquietè se agant, nec statu suo contenta, nec ulterius ausa progredi. Talis inuenitur Motus in Corde & pulsibus Animalium; & necesse est ut sit in omnibus Corporibus, quæ statu ancipiiti ita degunt, inter Commoda & Incommoda, ut distracta liberare se tentent, & denuò repulsam patiantur, & tamen perpetuò experiantur.

Sit Motus Decimus nonus & postremus, Motus ille cui vix nomen Motus competit, & tamen est planè Motus. Quem Motum, Motum Decubitus, sive Motum Exhorrentiae Motus vocare licet. Per hunc Motum Terra stat mole suâ, mouentibus se Extremis suis in Medium; non ad Centrum Imaginatum, sed ad Unionem. Per hunc etiam Appetitum Omnia maiorem in modum Condensata Motum exhorrent; atque illis pro omni Appetitu est non moueri; & licet infinitis modis vellicentur & prouocentur ad Motum, tamen Naturam suam (quoad possunt) carent. Quod si ad Motum compellantur, tamen hoc agere semper videntur, ut quietem & statum suum

suum recuperent, neque amplius moueant. Atque circa hoc certè se agilia præbent, & satis perniciter & rapi-dè (ut pertæsa & impatientia omnis Moræ) contendunt. Huius autem Appetitus Imago ex parte tantùm cerni potest; quia hic apud Nos, ex Subactione & Con-coctione Cœlestium, omne Tangibile non tantùm non Condensatum est ad Ultimitatem, sed etiam cum Spiritu nonnullo miscetur.

Proposuimus itaque iam Species, sive Elementa simplicia Motuum, Appetituum, & Virtutum Actuarum, quæ sunt in Naturâ maximè Catholica. Neque parùm Scientiæ Naturalis sub illis adumbratum est. Non negamus tamen & alias Species fortasse addi posse; atque istas ipsas Diuisiones secundùm veriores rerum venas transferri; denique in minorem numerum posse redigi. Neque tamen hoc de Diuisionibus aliquibus abstractis intelligimus: Veluti, si quis dicat; Corpora appetere vel Conseruationem, vel Exaltationem, vel Propagationem, vel Fruitionem Naturæ suæ; Aut si quis dicat, Motus rerum tendere ad Conseruationem & Bonum, vel Vniuersi, ut Antitypiam & Nexus; vel Vniuersitatum magnarum, ut Motus Congregationis Maioris, Rotationis, & Exhorrentię Motus; vel Formarum spacialium, ut reliquos. Licet enim hæc vera sint, tamen nisi terminentur in Materia & Fabricâ, secundùm veras lineas; spculatiua sunt, & minus utilia. Interim sufficient, & boni erunt usus ad penitandas Prædominantias Virtutum, & exquirendas Instantias Lucte; id quod nunc agitur.

Etenim ex his quos proposuimus Motibus, Alij

Rr

prorsus

prorsus sunt Inuincibiles; Alij alijs sunt fortiores, & illos ligant, frænant, disponunt; Alij alijs longius iaculantur; Alij alias tempore & celeritate præuertunt; Alij alias fouent, roborant, ampliant, accelerant.

Motus Antitypiæ omnino est Adamantinus & Inuincibilis. Utrum verò Motus Nexus sit Inuincibilis, adhuc hæremus. Neque enim pro certo affirmauerimus, utrum detur Vacuum, siue Coaceruatum, siue Permistum. At de illo nobis constat; Rationem illam, propter quam introductum est Vacuum a Leucippo, & Democrito (videlicet quod absque eo non possent eadem Corpora compleedi & implere maiora & minora spatia) falsam esse. Est enim planè Plica Materiæ complicantis & replicantis se per spatia, inter certos fines, absque interpositione Vacui: Neque est in Aëre, ex Vacuo, bis millies (tantum enim esse oportet) plus quam in Auro. Id quod ex potentissimis Corporum Pneumaticorum Virtutibus (quæ aliter tanquam pulueres minuti natarent in Vacuo) & multis alijs Demonstrationibus, nobis satis liquet. Reliqui verò Motus regunt & reguntur inuicem, pro rationibus Vigoris, Quantitatis, Incitationis, Eiaculationis, necnon tum Auxiliorum, tum Impedimentorum quæ occurrunt.

Exempli gratiâ; Magnes armatus nonnullus detinet & suspendit Ferrum, ad Sexagecuplum pondus ipsum; Eò usque dominatur Motus Congregationis Minoris, super Motum Congregationis Majoris: Quod si maius fuerit Pondus, succumbit. Vectis tanti roboris subleuabit tantum pondus; Eò usque dominatur Motus Libertatis, super Motum Congregationis Majoris

Maioris; Sin maius fuerit Pondus, succumbit. Corium tensum ad Tensuram talem non rumpitur; Eò usquè dominatur Motus Continuationis, super Motum Tensuræ; Quòd si ulterior fuerit Tensura, rumpitur Corium, & succumbit Motus Continuationis. Aqua per Rimam perforationis talis effluit; Eò usquè dominatur Motus Congregationis Maioris, super Motum Continuationis; Quòd si minor fuerit Rima, succumbit; & vincit Motus Continuationis. In Puluere Sulphuris solius immisi in Sclopetum cum Pilâ, & admoto igne, non emittitur Pila; In eo Motus Congregationis Maioris vincit Motum Hyles. At in Puluere pyrio immisso vincit Motus Hyles in Sulphure; adiutus Motibus Hyles & Fugæ in Nitro. Et sic de cæteris. Etenim Instantiæ Luctæ (quæ indicant Prædominantiam Virtutum, & secundum quas rationes & calculos prædominentur & succumbant) acri & sedulâ diligentia vndiquè sunt conquiriendæ.

Etiam Modi & Rationes ipsius Succubentiae Motuum, diligenter sunt introspiciendæ. Nempe, an omnino cessent, vel potius usquè nitantur, sed ligentur. Etenim in Corporibus hic apud Nos, nulla vera est Quies, nec in Integris, nec in Partibus; sed tantum secundum apparentiam. Quies autem ista apparens, caufatur aut per Äquilibrium; aut per absolutam Prædominantiam Motuum. Per Äquilibrium, ut in Bilancibus, quæ stant si æqua sint pondera. Per Prædominantiam, ut in Hydrijs perforatis, ubi quiescit Aqua, & detinetur à decasu, per Prædominantiam

Motus Nexus. Notandum tamen est (ut diximus) quatenus nitantur Motus illi Succumbentes. Etenim si quis per luctam detineatur extensus in terrā, brachijs & tibijs vindis, aut aliter detentis; atque ille tamen totis viribus resurgere nitatur; non est minor Nixus, licet non proficiat. Huius autem rei conditio (scilicet utrum per Prædominantiam, Motus Succubens quash annihiletur; an potius continuetur Nixus, licet non conspicatur) quæ latet in Conflitibus, apparebit fortasse in Concurrentijs. Exempli gratiâ; Fiat Experimentum in Sclopeticis, utrum Sclopetus, protantospatio quo emittat Pilam in linea directa, sive (ut vulgo loquuntur) in Puncto Blanco, debiliorem edat percussionem eiaculando in suprà, ubi Motus Idus est simplex; quam desuper, ubi Motus Grauitatis concurrit cum Idu.

Etiam Canones Prædominariarum qui occur-
runt, colligendi sunt. Veluti, quod quod Communius est Bonum quod appetitur, eò Motus est fortior: ut Mo-
tus Nexus qui respicit Communionem Vniuersi; fortior
est Motu Grauitatis, qui respicit Communionem Den-
sorum. Etiam, quod Appetitus qui sunt Boni Pri-
uati, non præualent plerunque contrà Appetitus Boni
magis Publici; nisi in paruis Quantis. Quæ utinam ob-
tinerent in Ciuilibus.

XLIX.

In ter Prærogatiwas Instantiarum ponemus loco Vicefimo-quinto Instantias Innuentes; eas scili-
cet, quæ Commoda hominum innuunt aut designant.
Etenim

Etenim ipsum Posse & ipsum Scire, Naturam humanaam amplificant, non beant. Itaque decerpenda sunt ex Uniuersitate rerum Ea quæ ad usus vitæ maxime faciunt. Verum de ijs erit magis proprius dicendi locus, cum Deductiones ad praxim tractabimus. Quinetiam in ipso Opere Interpretationis circa singula subiecta, locum semper Chartæ humanæ, sive Chartæ Optatiæ assignamus. Etenim & Quærere & Optare non ineptè, pars Scientiæ est.

L.

Inter Prærogatiwas Instantiarum ponemus loco Vicefimo-sexto Instantias Polychrestas. Eæ sunt, quæ pertinent ad varia, & saepius occurrunt; ideoque operæ & nouis probationibus haud parùm parcunt. Atque de fñstrumentis ipsis atque Ingeniationibus propriis erit dicendi locus, cum Deductiones ad praxim & Experimentandi Modos tractabimus. Quin etiam quæ adhuc cognita sunt & in usum venerunt, in Historijs Particularibus singularum Artium describentur. In præsenti autem subiungemus quædam Catholica circaea pro Exemplis tantum Polycrestis.

Operatur igitur Homo super Corpora Naturalia (præter ipsam Admotionem & amotionem Corporum simplicem) septem præcipue modis: nempe, vel per Exclusionem eorum quæ impediunt & disturbant: vel per Compressiones, Extensiones, Agitationes, & huiusmodi: vel per Calorem & Frigus: vel per Mo-

ram

ram in loco conuenienti : vel per Frænum & Regimen Motūs : vel per Consensus speciales : vel per Alternationem tempestiuam & debitam , atque Seriem & Successionem horum omnium ; aut saltem nonnullorum ex illis.

Ad Primum igitur quod attinet ; Aër communis qui vndeque præstò est & se ingerit , atque Radij Cœlestium , multùm turbant . Quæ itaque ad illorum Exclusionem faciunt , meritò haberí possint pro Polycristis . Huc igitur pertinent Materies & Crassities Vasorum , in quibus Corpora ad Operationem præparata reponuntur . Similiter , Modi accurati Obturationis Vasorum , per Consolidationem & Lutum sapientiæ , ut loquuntur Chymici . Etiam Clausura per Liquores in Extimis , utilissimares est : ut cum infundunt oleum super vinum aut succos herbarum ; quod expandendo se in summitate instar operculi , optimè ea conseruat illæsa ab Aëre . Neque Pulueres res malæ sunt ; qui licet contineant Aërem permistum , tamen vim Aëris coaceruati & circumfusi arcent ; ut fit in conseruatione vuarum & fructuum intrà arenam , & farinam . Etiam Cera , Mel , Pix , & huiusmodi tenacia , redè obducuntur ad Clausuram perfectiorem , & ad summouendum Aërem & Cœlestia . Etiam nos Experimentum quandoque fecimus , ponendo Vas necnon aliqua alia Corpora intra Argentum Vium , quod omnium longè densissimum est ex ijs quæ circumfundī possunt . Quintam specus & Cauernæ subterraneæ magni usus sunt ad prohibendum Insolationem & Aërem istum apertum prædatorium ; qualibus utuntur Ger-

Germani Septentrionales pro Granarijs. Nec non
Repositio Corporum in fundo Aquarum, ad hoc spectat:
ut memini me quipiam audisse de Vtribus vini demis-
sis in profundum puteum, ad infrigidationem scilicet;
sed casu & per neglegitum ac obliuionem ibidem rema-
nentibus per multos annos, & deinde extractis; unde
Vinum factum est non solum non vapidum aut emor-
tuum, sed multò magis nobile ad gustum; per commix-
tionem partium suarum (ut videtur) magis exquisitam.
Quòd si postulet res, ut Corpora demittantur ad fundum
Aquarum, veluti intra Fluuios aut Mare, Neque
tamen Aquas tangant, nec in Vasibus obturatis con-
cludantur, sed Aere tantum circundentur; bonus est
vsus Vas illius quod adhibitum est nonnunquam ad
operandum subter Aquis super Nauigia demersa, ut
Vrinatores diutiū manere possint sub Aquis, & per
vices ad tempus respirare. Illud huiusmodi erat. Con-
ficiebatur Dolium ex Metallo concavum, quod demit-
tebatur æquabilitè ad superficiem Aquæ, atque sic de-
portabat totum aërem qui continebatur in Dolio secum
in fundum Maris. Stabat autem super pedes tres,
(instar Tripodis) qui Longitudinis erant aliquantò
minoris staturā hominis; ita ut Vrinator posset, cùm
anhelitus desiceret, immittere caput in cauum Dolij,
& respirare, & deinde opus continuare. Atque audi-
uimus inuentam esse iam Machinam aliquam Nar-
uiculæ aut Scaphæ, quæ homines subter Aquis vebe-
re possit ad spatiā nonnulla. Verūm sub tali Vase, qua-
le modò diximus, Corpora quævis facile suspendi pos-
sint; cuius causa hoc Experimentum adduximus.

Et

Est & aliis usus diligentis & perfedæ Clauſuræ Corporum : nempe , non ſolū ut prohibeatur aditus Aeris per exteriū , (de quo iam dictum eſt) verū etiam ut prohibeatur exitus Spiritus Corporis , ſuper quod fit operatio per interiū . Necesse eſt enim ut operanti circa Corpora Naturalia conſtet de Summis Iuis : viz. quod nihil expirarit aut effluxerit . Fiunt enim profundæ alteratiōnes in corporibus , quando Naturā prohibente Annihilationem , Ars prohibeat etiam Deperditionem aut Euolationem alicuius partis . Atque hac de re inualuit opinio falſa ; (quæ ſi vera eſſet , de iſtā conſeruatione Summæ certæ abſque diminutione eſſet ferè deſperandum :) viz. Spiritus Corporum , & Aerem maiori gradu caloris attenuatum , nullis Vaso- rum clauſtris poſſe contineri , quin per poros Vazorū ſubtiliores euolent . Atque in hanc opinionem adducti ſunt homines per vulgata illa Experimenta , Poculi inuerſi ſuper Aquam cum Candelā aut Chartā inflammatā ; ex quo fit ut Aqua ſurſum attrahatur : atque ſimiliter Ventosarum , quæ ſuper flammam calefactæ trahunt carnes . Existimant enim in utroque Experi- mento Aerem attenuatum emitti , & inde Quantum ipius minui ; ideoque Aquam aut Carnes per Nexum ſuccedere . Quod falſiſſimum eſt . Aer enim non Quanto diminuitur , ſed ſpatio contrahitur ; neque incipit Motus iſte Successionis Aquæ , antequam fiat extin- diō Flammæ aut refrigeratio Aeris : Adeò ut Medici , quò fortiū attrahant Ventosæ , ponant ſpongias frigi- das aquā madefactas ſuper Ventosas . Itaque non eſt cur homines multum ſibi metuant de facili exitu Aeris ,

aut

aut Spirituum. Licet enim verum sit, etiam solidissima Corpora habere suos poros, tamen ægrè patitur Aer, aut Spiritus comminutionem sui ad tantam subtilitatem; quemadmodum & Aqua exire recusat per rimam minusculam.

De Secundo verò Modo ex septem prædictis illud imprimis notandum est, valere certè Compressiones & huiusmodi Violentias, ad Motum localem, atque alia id genus, potentissimè; ut in Machinis & Missilibus: Etiam ad destructionem Corporis Organici, atque earum Virtutum quæ consistunt planè in Motu. Omnis enim vita, immò etiam omnis Flamma & Ignitio destruitur per Compressions; ut & omnis Machina corrumpitur & confunditur per easdem. Etiam ad destructionem Virtutum quæ consistunt in Positulis, & dissimilaritate partium paulò crassiore; ut in Coloribus: (Neque enim idem color Floris integri & contusi, neque Succini integri & puluerizati:) Etiam in Saporibus: (neque enim idem sapor Pyri immaturi, & eiusdem compressi ac subacti; nam manifestò dulcedinem maiorem concipit.) Verùm ad transformaciones & alterationes nobiliores Corporum Similarium non multùm valent istæ Violentiae; quia Corpora per eas non acquirunt consistentiam aliquam nouam constanter & quiescentem, sed transitoriam & nitentem semper ad restitutionē & liberationem sui. Attamen non abs re foret huius rei facere Experimenta aliqua diligentiora; ad hoc scilicet, vtrum Condensatio Corporis benè similaris, (qualia sunt Aer, Aqua, Oleum, & huiusmodi) aut Rarefactio similiter per violentiam in-

Sf dita,

dita, possint fieri constantes & fixæ & quasi mutatae
in Naturam. Id quod primò experiendum per Moram simplicem; deinde per Auxilia & Consensus. Atque illud nobis in promptu fuisset, (si modò in mentem venisset) cùm Aquam (de qua alibi) per malleationes & pressoria condensauimus, antequām erumperet. Debueramus enim Sphærām complanatam per aliquot dies sibi permisise, & tum demūm Aquam extraxisse; ut fieret Experimentum, vtrum statim impletura fuisset talem dimensionem, qualem habebat ante condensationem. Quod si non fecisset aut statim, aut certè paulò post; constans videlicet facta videri potuisset ista condensatio: Sin minùs, apparuisset factam fuisse Restitutionem; & Compressionem fuisse transitoriam. Etiā simile quiddam faciendum erat circā Extensionem Aeris in Ouis vitreis. Etenim debuerat fieri, post exulsionem fortem, subita & firma Obturatio; deinde debuerant Oua illa manere ita obturata per nonnullos dies; & tum demūm experiendum fuisset, vtrum aperito foramine attractus fuisset Aer cum sibilo; aut etiam attracta fuisset tanta quantitas Aquæ post immersiōnem, quanta fuisset ab initio, si nulla adhibita fuisset mora. Probabile enim, aut saltem dignum probatione est, hæc fieri potuisse & posse; propterea quod in Corporibus paulò magis dissimilaribus similia efficiat Mora Temporis. Etenim Baculum per Compressionem curuatum post aliquod tempus non resilit: neque id imputandum est alicui deperditioni ex Quanto Ligni per Moram; nam idem fiet in laminâ Ferri (si augeatur mora) quæ non est expirabilis. Quod si non succedat

Expe-

Experimentum per Moram simplicem; tamen non deserendum est negotium, sed Auxilia alia adhibenda.

Non enim parùm lucri sit, si per Violentias indi possint Corporibus Naturæ fixæ & constantes. Hac enim ratione Aer possit verti in Aquam per Condensationes, & complura alia id genus. Dominus enim est Homo Motuum Violentorum, magis quam cæterorum.

At tertius Ex septem Modis, refertur ad magnum illud Organum, tam Naturæ quam Artis, quoad operandum; videlicet Calidum & Frigidum. Atque in hac parte claudicat planè Potentia humana, tanquam ex uno pede. Habemus enim Calorem Ignis, qui Caloribus Solis (prout ad Nos deferuntur) & Caloribus Animalium, quasi infinitis partibus potentior est & intensior. At deest Frigus, nisi quale per tempestates hyemales, aut per Cauernas, aut per Circundationes Nivis & Glaciei, haberi potest: quod in Comparatione æquari potest cum Calore fortasse Solis Meridiano in Regione aliquâ ex Torridis, aucto insuper per reuerberationes Montium & Parietum: Nam huiusmodi utique tam Calores, quam Frigora ab Animalibus ad Tempus exiguum tolerari possunt. Nibili autem sunt ferè præ Calore Fornacis ardantis, aut alii cuius Frigoris quod huic gradui respondeat. Itaque omnia hic apud nos vergunt ad Rarefactionem, & Desiccationem, & Consumptionem: nihil ferè ad Condensationem & Intenerationem, nisi per Misturas & Modos quasi spuriós. Quare Instantiae Frigoris omni diligentia sunt conquirendæ; quales videntur in-

ueniri in Expositione Corporum super Turres quando gelat acriter: in Cauernis subterraneis: circundationibus Nivis & Glaciei in locis profundioribus, & ad hoc excavatis: Demissione Corporum in puteos: Eepulturis Corporum in Argento viuo & Metallis: Immersione Corporum in Aquis, quæ vertunt Ligna in Lapides: Defoßione Corporum in Terrâ; (qualis fertur apud Chinenses esse Confedatio Porcellanæ, ubi Massæ ad hoc factæ dicuntur manere intra terram per quadraginta aut quinquaginta Annos, & transmitti ad hæredes, tanquam Mineræ quædam artificiales) & huiusmodi. Quinetiam quæ interueniunt in Naturâ Condensationes, factæ per Frigora, similitè sunt inuestigandæ; ut Causis eorum cognitis, transferri possint in Artes. Quales cernuntur in exudatione Marmoris & Lapidum: in Rorationibus super Vitra per interius Fenestrarum, sub Auroram, post gelu Noctis: in Originibus & Collectionibus Vaporum in Aquas sub Terrâ, unde sèpè scaturiunt Fontes: & quæcunque sunt huius generis.

Inueniuntur autem præter illa quæ sunt Frigida, ad Tactum, quædam alia potestate Frigida, quæ etiam Condensant; Veruntamen operari videntur super Corpora Animalium tantum, & vix vltrâ. Huius generis se ostendunt multa in Medicinis & Emplastris. Alia autem Condensant Carnes & Partes tangibles; qualia sunt Medicamenta Astringentia, atque etiam Inspissantia; Alia Condensant Spiritus, id quod maximè cernitur in Soporiferis. Duplex autem est Modus Condensationis Spirituum, per Medicamenta

menta Soporifera, sive prouocantia Somnum: Alter per Sedationem Motus; Alter per Fugam Spirituum. Etenim Viola, Rosa sicca, Lactuca, & huiusmodi Benedicta sive benigna per vapores suos amicos & moderate refrigerantes, inuitant Spiritus ut se uniant, & ipsorum acrem & inquietum Motum compescunt. Etiam Aqua rosacea apposta ad Nares in deliquijs animæ, Spiritus resolutos & nimium relaxatos, se recipere facit, & tanquam alit. At Opiata & eorum Affinia, Spiritus planè fugant, ex qualitate suâ malignâ & inimicâ. Itaque si applicentur parti exteriori, statim aufigiunt Spiritus ab illâ parte, nec amplius liberter influunt: Sin sumantur interiùs; Vapores eorum ascendentis ad Caput, Spiritus in Ventriculis Cerebri contentos, undequaque fugant; Cumque se retrahant Spiritus, neque in aliam partem effugere possint, per Consequens coeunt, & condensantur; & quandoque planè extinguentur & suffocantur; Licet rursus eadem Opiata moderatè sumpta, per accidens secundarium, (videlicet Condensationem illam quæ à Coitione succedit,) confortent Spiritus, eosque reddant magis robustos, & redundant eorum inutiles & incensuos Motus, ex quo ad Curas Morborum, & vitæ Prolongationem haud parùm conferant.

Etiam Præparationes Corporum ad excipiendum Frigus non sunt omittendæ; veluti quod Aqua parùm tepida, faciliter conglacietur, quam omnino frigida & huiusmodi.

Præterea, quia Natura Frigus tam parcè suppeditat; faciendum est quemadmodum Pharmacopolæ solent;

solent ; qui quando simplex aliquod haberi non possit, capiunt Succedaneum eius, & Quid pro Quo, ut vocant : Veluti Lignum Aloes pro Xylobalsamo, Cassiam pro Cinamomo. Simili modo diligentè circumspiciendum est, si quæ sint Succedanea Frigoris; videlicet, quibus Modis fieri possint Condensationes in Corporibus, aliter quam per Frigus, quod illas efficit, ut Opus suum proprium. Illæ autem Condensationes videntur intra quaternum numerum (quantum adhuc liquet) contineri. Quarum prima videtur fieri per Contrarietatem simplicem : quæ parum potest ad Densitatem constantem (resiliunt enim Corpora) sed nihilominus forte res auxiliaris esse queat. Secunda fit per Contradictionem partium crassiorum in Corpore aliquo, post evolationem aut exitum partium tenuiorum, ut fit in Indurationibus per Ignem, & repetitis Extinctionibus Metallorum, & similibus. Tertia fit per Coitionem partium homogenearum, quæ sunt maxime solidæ in Corpore aliquo, atque ante à fuerant distractæ, & cum minus solidis commixtæ : Veluti in Restitutione Mercurij Sublimati, qui in puluere longè maius occupat spatum, quam Mercurius simplex, & similiter in omni Repurgatione Metallorum à Scorijs suis. Quarta fit per Consensus, admouendo quæ ex vi Corporum occultâ condensant; qui Consensus adhuc raro se ostendunt, quod mirum minime est, quoniam antequam Inuentio Succedat Formarum & Schematismorum, de Inquisitione Consensuum non multum sperandum est. Certè quoad Corpora Animalium, dubium non est quin sint complures Medicinæ tam interiùs quam exterius sumptæ,

sumptæ, quæ condensant, tanquam per Consensū, ut pau-
lò ante diximus. Sed in Inanimatis rara est huiusmo-
di Operatio. Percrebuit sanè tam scriptis quam fa-
mā, Narratio de Arbore in una ex Insulis sue Ter-
ceris sue Canarijs, (neque enim benè memini,) quæ per-
petuò stillat; adeò ut Inhabitantibus nonnullam com-
moditatem Aquæ præbeat. Paracelsus autem ait, Her-
bam vocatam Rorem Solis Meridie & feruente
Sole Rore impleri, cum aliæ Herbæ vndique sint siccæ.
At nos vtramque narrationem fabulosam esse existi-
mamus. Omnipotens autem illæ Instantiæ nobilissimi fo-
rent usus, & introspectione dignissimæ, si essent veræ.
Etiam Rores illos Mellitos, & instar Mannæ, qui
super folijs Quercus inueniuntur Mense Maio, non
existimamus fieri & densari à Consensu aliquo, sive à
Proprietate Folij Quercus; sed cum super alijs Folijs
pariter cadant, contineri scilicet & durare in Folijs
Quercus quia sunt benè vnta, nec spongiosa, ut pluri-
ma ex alijs.

Calorem verò quod attinet; Copia & Potestas
nimirum homini abundè adest; Observatio autem &
Inquisitio deficit in nonnullis, ijsque maximè necessarijs;
ut cunque Spagyrici se venditent. Etenim Caloris In-
tensioris Opificia Exquiruntur & Conspiciuntur; Re-
missioris verò, quæ maximè in vias Naturæ incidunt,
non tentantur, ideoque latent. Itaque videmus per
Vulcanos istos qui in pretio sunt, Spiritus Corporum
magnopere exaltari, ut in Aquis fortibus, & nonnullis
alijs Oleis Chymicis, partes tangibiles indurari, &
emisso Volatili, aliquando figi; partes homogeneas se-

para-

parari; etiam Corpora heterogenea groſſo modo incorporari & commisceri; Maximè autem Compages Corporum Compositorum, & subtiliores Schematismos deſtrui & confundi. Debuerant autem Opificia Caloris lenioris tentari & exquiri; unde subtiliores Mifturæ & Schematismi ordinati gigni possint, & educi, ad Exemplum Naturæ, & Imitationem Operum Solis; quemadmodū in Aphorismo de Instantijs Fœderis quædam adumbravimus. Opificia enim Naturæ transfiguntur per longè minores portiones, & posituras magis exquisitas & varias, quam Opificia Ignis, prout nunc adhibetur. Tum verò videatur Homo reuerà audus Potestate, si per Calores & Potentias artificiales, Opera Naturæ possint Specie repræsentari, Virtute perfici, copiâ variari: Quibus addere oportet Accelerationem Temporis. Nam Rubigo Ferri longo tempore procedit, at Verho in Crocum Martis subito: Et ſimiliter de Aerugine & Ceruſā: Chriftallum longo tempore conficitur, Vitrum subito conflatur: Lapiſes longo tempore concreſcant, Lateres subito coquuntur, &c. Interim (quod nunc agitur) Omnes diuerſitatis Caloris cum Effectibus suis reſpectuē diligenter & inuſtriè vndique ſunt colligendæ & exquirendæ: Cœleſtium, per radios ſuos directos, reflexos, refractos & unitos in ſpeculis Comburentibus: Fulguris, Flammæ, Ignis Carbonum; Ignis ex diuerſis Materijs; Ignis aperti, concluſi, anguſtiati & inundantis, denique per diuerſas fabricas Fornacium qualificati; Ignis flatu exicti, quieti & non exciti; Ignis ad Maiorem aut minorem Distantiam remoti; Ignis per varia Media permeantis

meantis; Calorum humidorum, ut Balnei Mariæ, Fimi, Caloris Animalium per exteriū, Caloris Animalium per interiū, Fœni conclusi: Calorum aridorum, Cineris, Calcis, Arenæ tepidæ; denique Calorum cuiusvis generis cum gradibus eorum.

Præcipue vero tentanda est Inquisitio & Inuentio Effectuum & Opificiorum Caloris Accedentis & Recedentis graduatim, & ordinatim, & periodice, & per debita spatia & Moras. Ista enim Inequalitas ordinata reverâ Filia Cœli est, & Generationis Mater: Neque a Calore aut vehementi, aut præcipiti, aut subsultorio, aliquid magni expectandum est. Et enim & in vegetabilibus hoc manifestissimum est; Atque etiam in Uteris Animalium magna est Caloris Inequalitas, ex Motu, Somno, Alimentationibus & Passionibus Fœmellarum quæ uterum gestant; Denique in ipsis Matricibus Terræ, ijs nimirum in quibus Metalla & Fossilia efformantur, locum habet & viget ista Inequalitas. Quo magis notanda est Inscititia aliquorum Alchymistarum ex Reformatis, qui per Calores æquabiles Lampadum & huiusmodi, perpetuo uno tenore ardenti, se voti compotes fore existimarent. Atque de Opificijs & Effectibus Caloris hæc dicta sint. Neque vero tempestivum est illa penitus scrutari, antequam Rerum Formæ & Corporum Schematismi ulterius inuestigati fuerint, & in lucem prodierint. Tum enim quærenda & adoperanda, & aptanda sunt Instrumenta, quando de Exemplaribus constiterit.

Quartus Modus operandi est per Maram, que

certè & Promus & Condus Naturæ est, & quædam Dispensatrix. Moram appellamus, cùm Corpus ali- quod sibi permittitur ad tempus notabile, munitum inter- rim & defensum ab aliqua vi externâ. Tum enim Motus intestini se produnt & perficiunt, cùm Mo- tus extranei & aduentitij cessant. Opera autem Æta- tis sunt longè subtiliora quam Ignis. Neque enim posse fieri talis Clarificatio vini per Ignem, qualis fit per Moram; Neque etiam Incinerationes per Ignem, tam sunt exquisitæ, quam Resolutiones & Consumptio- nes per sacula. Incorporationes etiam & Mistiones subitæ & præcipitatae per Ignem, longè inferiores sunt illis, quæ sunt per Moram. At dissimilares & va- rij Schematismi, quos Corpora per Moras tentant (qua- les sunt putredines) per Ignem aut Calorem uehe- mentiorem destruuntur. Illud interim non abs re fue- rit notare; Motus Corporum penitus Concluso- rum habere nonnihil ex violento. Incarceratio enim illa impedit Motus spontaneos Corporis. Itaque Mora in Vase aperto plus facit ad Sepa- rationes; in Vase penitus clauso ad Commixtio- nes; in Vase nonnihil clauso, sed subintrante Aere, ad Putrefactiones; Ut cunque de Opificijs & Effectibus Moræ undique sunt diligenter Conquiren- dæ Instantiæ.

At Regimen Motus (quod est Quintus ex Modis Operandi) non parùm valet. Regimen autem Motus vocamus, cùm Corpus aliud occurrens, Corporis alte- rius Motum spontaneum impedit, repellit, admittit, dirigit. Hoc verò plerunque in Figuris & Situ Vasorum

rum consistit. Etenim Conus erectus iuuat ad Condensationem Vaporum in Alembicis; At Conus inuersus iuuat ad Defaecationem Sacchari in Vasis resupinatis. Aliquando autem Sinuatio requiritur, & Angustiatio, & Dilatatio per vices, & huiusmodi. Etiam omnis Percolatio hic spectat; scilicet cum Corpus Occurrens, vni parti Corporis alterius viam aperit, alteri obstruit. Neque semper Percolatio aut aliud Regimen Motus fit per extrā: sed etiam per Corpus in Corpore: ut cum Lapilli immittuntur in Aquas ad colligendam Limositatem ipsarum; Syrupi clarificantur cum Albuminibus Ovorum, ut crassiores partes adhaerescant, & postea separari possint. Etiam huic Regimini Motus satis leuitè & inscitè attribuit Teleius Figuras Animalium, obriulos scilicet & loculos Matricis. Debuerat autem notare similem efformationem in Testis Ovorum, ubi non sunt rugæ aut inæqualitas. At verum est Regimen Motus Efformationes perficere in Modulis & Proplasticis.

Operationes verò per Consensus aut Fugas (qui sextus Modus est) latent sèpenumérò in profundo. Fstæ enim (quas vocant) Proprietates Occultæ, & Specificæ, & Sympathiae, & Antipathiae, sunt magnâ ex parte Corruptelæ Philosophiæ. Neque de Consensibus rerum inueniendis multum sperandum est ante Inventionem Formarum, & Schematismorum simplicium. Consensus enim nil aliud est quam Symmetria Formarum & Schematismorum ad inuicem.

Atqui Maiores & magis Catholici rerum Consensus non prorsus obscuri sunt. Itaque ab ijs Ordiendum.

Eorum prima & summa diuersitas ea est; ut quædam Corpora Copiâ & Raritate Materiæ admodum discrepent, Schematismis Consentiant: Alia Contrâ, Copiâ & Raritate Materiæ Consentiant, Schematismis discrepent. Nam non malè notatum est à Chymicis, in principiorum suorum Triade, Sulphur & Mercurium, quasi per Vniuersitatem rerum permeare. (Nam de Sale inepta ratio est, sed introducta, ut possit comprehendere Corpora terrea, sicca, & fixa.) At certe in illis duobus videtur Consensus quidam Naturæ ex maxime Catholicis conspicere. Etenim Consentiunt Sulphur; Oleum, & Exhalatio pinguis; Flamma; & fortasse Corpus Stellæ. Ex alterâ parte Consentiunt Mercurius; Aqua & Vapores Aquei; Aer; & fortasse Æther purus & interstellaris. Attamen istæ Quaterniones geminæ, siue Magnæ rerum Tribus, (utraque intra Ordines suos) Copiâ Materiæ atque Densitate immensum differunt, sed Schematismo valde conueniunt: ut in plurimis se produnt. At Contra Metalla diuersa Copiâ & Densitate multum conueniunt (præser-tim respectu vegetabilium, &c.) sed Schematismo mul-tifariam differunt; & similiter Vegetabilia & Anima-lia diuersa Schematismis quasi infinitis variantur; sed intra Copiam Materiæ, siue Densitatem paucorum graduum continentur.

Sequitur Consensus maximè post priorem Catholicus, videlicet Corporum principalium & Fomitum suorum; videlicet Menstruorum, & Alimentorum. Itaque exquirendum, sub quibus Climatibus, & in qua Tellure, & ad quam profunditatem Metalla singula generen-

generentur; Et similitè de Gemmis, siue ex Rupibus, siue inter Mineræ natis: In qua gleba terræ, Arbores singulæ, & Frutices, & Herbæ potissimum proueniant, & tanquam gaudeant: Et insimul quæ Impinguationes, siue per Stercorationes cuiuscunque generis, siue per Cretam, Arenam Maris, Cineres, &c. maxime iuuent; & quæ sint ex his pro varietate glebarum magis aptæ & auxiliares. Etiam Infusio & Inoculatio Arborum & Plantarum, earumq; ratio; quæ scilicet Plantæ super quas fælicius inserantur, &c. multum pendet de Consensu. In qua parte non iniucundum foret Experimentum quod nouiter audiuiimus esse tentatum, de Infusione Arborum Sylvæ strium, (quæ hucusq; in Arribus hortensibus fieri consuevit) unde Folia, & Glan-des maiorem in modum amplificantur, & Arbores sunt magis umbrosæ. Similitè, Alimenta Animalium respe-diuita notanda sunt in genere, & cum Negatiuis. Neque enim Carnivora sustinent herbis nutriti; unde etiam Ordo Folitanorum (licet Voluntas humana plus possit quam Animantium Cæterorum super Corpus suum) post experientiam factam (vt aiunt) tanquam ab humana Natura non tolerabilis, ferè euanuit. Etiam Materiæ diuersæ Putrefactionum, unde Animalcula generantur, notandæ sunt.

Atque Consensus Corporum Principalium erga Subordinata sua (tales enim ij possint censi quos notauimus) satis in aperto sunt. Quibus addi possunt Sensuum Consensus erga Obiecta sua. Qui Consensus cum manifestissimi sint; benè notati, & acriter excusi, etiam alijs Consensibus qui latent, magnam præbere possint lucem.

At Interiores Corporum Consensus & Fugæ, siue Amicitiæ & Lites (tædet enim nos fere voculorum Sympathia & Antipathia, propter Superstitiones & inania) aut falsò Ascriptæ, aut Fabulis confusæ, aut per neglectum Raræ admodum sunt. Etenim si quis afferat inter Vineam & Brassicam esse dissidium, quia iuxta sat a minus læte prouenient, præstò ratio est: quod utraque Planta succulenta sit & de prædatrix, vnde altera alteram defraudat. Si quis afferat esse Consensum & Amicitiam inter Segetes, & Cyaneum, aut Papaver Sylvestre, quia Herbæ illæ ferè non prouenient nisi in aruis cultis: debuit is potius afferere dissidium esse inter ea, quia Papaver & Cyaneus emittuntur & creantur ex tali Succo terræ, qualem Segetes reliquerint & repudiauerint; adeò ut Satio Segetum terram præparet ad eorum prouentum. Atque huiusmodi falsarum Ascriptionum magnus est numerus. Quoad Fabulas verò, illæ omnino sunt exterminandæ. Restat tenuis certè Copia eorum Consensuum, qui certo probati sunt Experimento; quales sunt Magnetis & Ferri, atque Auri & Argenti viui, & similium. At in Experimentis Chymicis circa Metalla inueniuntur & alij nonnulli obseruatione digni. Maxima verò frequentia eorum (ut in tantâ paucitate) inuenit in Medicinis nonnullis, quæ ex proprietatibus suis occultis (quas vocant) & specificis, respiciunt aut Membra, aut Humores, aut Morbos, aut quandoque Natus Individuas. Neque omittendi sunt Consensus inter Motus & Affectus Lunæ, & Passiones Corporum Inferiorum, prout ex Experimentis

tis Agriculturæ, Nauticæ, & Medicinae, aut alijs
cum delectu seuero, & sincero colligi & recipi possint.
Verum Instantiæ vniuersæ Consensuum secretorum
quò magis sunt infrequentes, eò maiori cum diligentia
sunt inquirendæ, per traditiones, & narrationes fidas
& probas; modò hoc fiat absque vlla leuitate, aut cre-
dulitate, sed fide anxia & quasi dubitabundâ. Restat
Consensus Corporum Modo operandi tanquam Inarti-
ficialis, sed vsu Polychrestus, qui nullo modo omissendus
est, sed sedula obseruatione inuestigandus. Is est Co-
tio, sive Vno Corporum procliuis, aut difficilis, per
Compositionem, sive Appositionem simplicem. Etenim
Corpora nonnulla facile & libenter commiscentur &
incorporantur: Alia autem ægrè & peruersè: veluti
Pulueres melius incorporantur cum Aquis; Calces &
Cineres, cum Oleis; & sic de similibus. Neque tan-
tum sunt colligendæ Instantiæ Propensionis, aut Au-
ersionis Corporum erga Misturam, sed etiam Collo-
cationis partium, & Distributionis, & Digestionis,
postquam commissa sint; Denique & Prædominantia
post Misturam transactam.

Supereft ultimo loco ex Modis septem Operandi,
septimus & postremus; Operatio scilicet per Alterna-
tionem, & Viciſſitudines priorum Sex: de quo ante-
quam in singulos illos paulò altius fuerit inquisitum,
tempestiuum non foret exempla proponere. Series au-
tem, sive Catena huiusmodi Alternationis, prout ad
singula Effecta accommodari possit, res est & Cognitu
maxime difficultis, & ad Opera maxime valida. Sum-
ma autem detinet & occupat homines Impatientia, hu-
iusmodi

iusmodi tam Inquisitionis, quam Praxeos; Cum tamen sint instar filii Labyrinthi, quoad Opera Maiora. Atque haec sufficient ad Exemplum Polychresti.

LI.

INTER Prærogatiuas Instantiarum ponemus loco vicesimo septimo atque ultimo Instantias Magicas Hoc nomine illas appellamus, in quibus Materia, aut Efficiens tenuis aut parua est, pro magnitudine Operis & Effectus qui sequitur; adeò ut etiam si fuerint vulgares, tamen sint instar Miraculi; Aliæ primo intuitu, Aliæ etiam attentiùs contemplanti. Has verò Natura ex sese subministrat parcè; Quid verò factura sit Sinu excusso, & post Inventionem Formarum, & Processuum, & Schematismorum, futuris temporibus apparebit. At ista Effecta Magica (quantum adhuc conijcimus) fiunt tribus modis: Aut per Multiplicationem sui; ut in Igne, & Venenis, quæ vocant Specifica; necnon in Motibus, qui transeunt & fortificantur de Rotâ in Rotam; Aut per Excitationem sine Frustratione in altero; ut in Magnete, qui excitit Acus innumeras, virtute nullatenus deperditâ, aut diminutâ; aut in fermento, & huiusmodi; Aut per Anteversionem Motus, ut dictum est, de Puluere pyrio, & Bombardis, & Cuniculis: quorum priores duo Modi Indagationem Consensuum requirunt; Tertius, Mensuræ Motuum. Vtrum verò sit aliquis Modus mutandi corpora per minima (ut vocant) & transponendi subtiles Materiæ Schematismos (id quod ad omnimas

das Corporum Transformationes pertinet, ut Ars breui tempore illud facere possit, quod Natura per multas ambages molitur) de eo nulla hactenùs nobis constant Indicia. Quemadmodum autem in Solidis & Veris aspiramus ad ultima & Summa; ita Vana & Tumida perpetuò odimus, & quantum in nobis est profligamus.

LII.

ATque de Dignitatibus sue Prærogatiis Instantiarum hæc dicta sint. Illud verò monendum, nos in hoc nostro Organo tractare Logicam, non Philosophiam. Sed cùm Logica nostra, doceat Intelledum & erudit ad hoc, ut non tenuibus Menti quasi Claviculis, rerum Abstracta captet & prenset, (ut Logica vulgaris;) sed Naturam reuerâ persecet, & Corporum virtutes & Actus, eorumque Leges in Materia determinatas inueniat; ita ut non solum ex Naturâ Menti, sed ex Naturâ Rerum quoque hæc Scientia emanet; Mirum non est, si ubique Naturalibus Contemplationibus & Experimentis, ad Exempla Artis nostræ, Conspersa fuerit & illustrata. Sunt autem (ut ex ijs quæ dicta sunt patet) Prærogatiæ Instantiarum Número 27. Nominibus: Instantiæ Solitariæ: Instantiæ Migrantes: Inst. Ostensiæ: Inst. Clandestinæ: Inst. Constitutiæ: Inst. Conformes: Inst. Monodicæ: Inst. Deuiantes: Inst. Limitaneæ: Inst. Pote-

Potestatis : Instantiæ Comitatus & Hostiles : Inst. Subiunctiuæ : Inst. Fœderis : Inst. Crucis : Inst. Diuortij : Inst. Ianuæ : Inst. Citantes : Inst. Viæ : Inst. Supplementi : Inst. Persecantes : Inst. Virgæ : Inst. Curriculi : Doses Naturæ : Inst. Luctæ : Inst. Innuentes : Inst. Polycrestæ : Inst. Magicæ. *Vsus autem harum Instantiarum in quo Instantias vulgares excellunt, versatur in genere, aut circa partem Informatiuam ; aut circa Operatiuam : aut circa Vtramque. Atque quoad Informatiuam, iuant illæ aut Sensum, aut Intellectum. Sensum, ut quinque Instantiæ Lampadis : Intellectum, aut Accelerando Exclusiuam Formæ, ut Solitariæ ; aut Angustiando & proprius indicando Affirmatiuam Formæ, ut Migrantes, Ostensiæ, Comitatus, cum Subiunctiuis : aut Erigendo Intellectum, & Ducendo ad Genera & Naturas communes : idque aut immediate, ut Clandestinæ, Monodicæ, Fœderis : aut Gradu proximo, ut Constitutiæ : aut Gradu infimo, ut Conformes : aut Rectificando Intellectum à consuetis, ut Deuiantes : aut Ducendo ad Formam Magnam, sive Fabricam Uniuerſi, ut Limitaneæ : aut Cauendo de Formis & Causis falsis, ut Crucis & Diuortij. Quod verò ad Operatiuam attinet ; Illæ Practicam aut Designant ; aut Mensurant ; aut Subleuant. Designant aut Ostendendo à quibus incipendum, ne actum agamus ; ut Inst. Potestatis : aut ad quid Aspirandum, si detur facultas, ut Innuentes : Mensurant quatuor illæ Mathematicæ : Subleuant Polycrestæ & Magicæ.*

Rur-

Rursus ex istis Instantijs 27. Nonnullarum
(ut superius diximus de aliquibus) facienda est Col-
lectio iam ab initio, nec Expedienda particularis In-
quisitio Naturarum. Cuius generis sunt Instantiae
Conformes, Monodice, Deuiantes, Limitaneæ,
Potestatis, Ianuae, Innuentes, Polycrestæ, Magi-
cæ. Hæ enim aut Auxiliantur & Medentur Intel-
lectui & Sensui; aut Instruunt Praxin, in genere.
Reliquæ tum demum conquirendæ sunt, cum Consi-
ciemus Tabulas Comparentiæ ad Opus Interpretis
circa aliquam Naturam particularem. Sunt enim
Instantiae Prærogatiuis istis insignitæ & donatae Ani-
mæ instar, inter vulgares Instantias Comparentiæ:
Et ut ab initio diximus, paucæ illarum sunt vice mul-
tarum; Quocirca cum Tabulas conficimus, illæ om-
ni studio sunt inuestigandæ, & in Tabulas referen-
dæ. Erit etiam earum mentio necessaria in ijs quæ se-
quuntur. Præponendus itaque erat earum Tracta-
tus. Nunc verò ad Adminicula & Rectificationes
Inductionis, & deinceps ad Concreta, & Laten-
tes Processus, & Latentes Schematismos, & reli-
qua quæ Aphorismo 21. ordine proposuimus, pergen-
dum; ut tandem (tanquam Curatores Probi & fide-
les) tradamus hominibus fortunas suas, emancipato In-
tellectu, & facto tanquam Maiore; Unde necesse est
sequi emendationem Status hominis, & Ampliationem
potestatis eius super Naturam. Homo enim per lap-
sum & de Statu Innocentiae decidit, & de Regno in
Creaturas. Utraque autem res etiam in hâc vita non-
nulla

nulla ex parte reparari potest; prior per Religionem & Fidem, posterior per Artes & Scientias. Neque enim per Maledictionem facta est Creatura prorsus & ad extremum rebellis. Sed in virtute illius Diplomatis, In sudore vultus comedes panem tuum, per labores varios, (non per Disputationes certe, aut per otiosas Ceremonias magicas) tandem aliqua ex parte ad panem homini præbendum, id est, ad usum vitæ humanæ subigitur.

Finis Libri Secundi Noui Organi.



PARASCEVE,
AD
HISTORIAM
NATVRALEM,
ET
EXPERIMENTALEM.

PARAСЕВЕ

Д

МАІЯОТСІН

ІМЕЛАУТАИ

ТА

EXPERIMENTAL

3

DESCRIPTIO HISTORIAE NATU- RALIS, ET EXPERIMENTALIS, *QVALIS SUFFICIAT, ET SIT* in Ordine ad Basin, & Fundamenta Philosophiae Veræ.



VO'D Instaturationem nostram per partes edamus, id eò spectat, ut aliquid extra periculum ponatur. Non absimilis nos mouet ratio, ut aliam quandam Operis particulam iam in præsenti subiungamus, & cum ijs quæ supra absoluimus, vna edamus. Ea est Descriptio & Delineatio Historiae Naturalis & Experimentalis, eius generis, quæ sit in Ordine ad Condendam Philosophiam; & complectatur Materiem probam, copiosam, & aptè digestam ad Opus Interpretis quod succedit. Huic autem rei locus proprius faret, quium ad Parasceuas Inquisitionis ordine deuentum fuerit. Hoc verò præuertere, nec locum proprium expectare, consutius nobis videtur; quod huiusmodi Historia, qualem animo metimur, & mox describemus, res perquam magnæ sit Molis, nec sine magnis laboribus & sump-tibus confici possit; ut quæ multorum operâ indigeat, &

(ut alibi diximus) Opus sit quasi Regium. Itaque occurrit illud, non abs re fore experiri, si fortè hæc aliquibus alijs curæ esse possint; ita ut dum nos destinata ordine perficiamus, hæc pars quæ tam multiplex est & onerosa, etiam viuis nobis (si ita Diuinæ placuerit Majestati) instrui & parari possit, alijs vñà nobiscum in id sedulò incumbentibus; præsertim quùm vires nostræ (si in hoc soli fuerimus) vix tantæ prouinciæ sufficere videantur. Etenim quæ ad Opus ipsum Intellectus pertinent, nos Marte nostro fortasse vincemus. At Intellectus Materialia tam latè patent, ut ea (tanquam per Procuratores & Mercatores) vndique conquiri & importari debeant. Accedit etiam illud, quod Cœptis nostris vix dignum esse æstimemus, ut in re tali, quæ ferè omnium Industriæ pateat, nos ipsi tempus teramus. Quod autem Caput rei est, Ipsi nunc præstabimus: Ut eiusmodi Historiæ Modum & Descriptionem, qualis Intentioni nostræ satisfaciat, diligentè & exactè proponamus; nè homines non admoniti aliud agant, & ad Exemplum Naturalium Historiarum quæ iam in usu sunt, se regant, atque ab Instituto nostro multùm aberrent. Illud interim quod sèpè diximus, etiam hoc loco præcipue repetendum est: Non si omnia omnium Ætatū ingenia couissent, aut posthac coierint; Non si uniuersum genus humanum Philosophiæ dedisset operam, aut dederit; Et Totus Terrarum Orbis nihil aliud fuisset, aut fuerit, quam Academiæ, & Collegia, & Scholæ virorum doctorum; tamen absque tali, qualem nunc præcipiemus, Historiâ Naturali & Experimentali, ullos qui genere humano digni sint progressus, in Philoso-

Philosophia & Scientijs fieri potuisse, aut posse. Contrà
verò comparatâ & benè instructâ huiusmodi Historiâ,
additis Experimentis Auxiliaribus & Luciferis, quæ
in ipso Interpretationis Curriculo occurrent, aut eruen-
da erunt; paucorum Annorum Opus futuram esse In-
quisitionem Naturæ & Scientiarum omnium. Itaque
aut hoc agendum est, aut Negotium deferendum.
Hoc enim solo & unico modo Fundamenta Philo-
sophiæ veræ & Actiua stabiliri possunt; Et simul perspi-
cient homines, tanquam ex profundo somno excitati,
quid inter Ingenij Placita & Commenta, ac Veram &
Actiuanam Philosophiam interficit; & quid demum sit de
Naturâ Naturam ipsam consulere.

Primò igitur de huiusmodi Historiâ conficiendâ
præcepta dabimus in genere; Deinde particularem eius
Figuram hominibus sub oculos ponemus: Inferentes
interdum non minus Ad quid Inquisitio aptan-
da & referenda sit, quam Quid queri debeat. Sci-
licet, ut Scopus rei benè intellectus & præuisus, etiam
alia hominibus in mentem redigat, quæ à Nobis for-
taſſe prætermissa erunt. Historiam autem istam Histo-
riam primam, sive Historiam Matrem appellare
conſueuimus.

APHO-

и то же самое в Греции и Италии. Следовательно, в Европе в то время не было никакой национальной политики. Тогда же в Азии и Африке, а также в Америке, где были созданы первые национальные государства, политика была еще более сложной. Так, в Китае и Японии политика была основана на идеях конфуцианства, в Индии на буддизме, в Персии на зороастризме, в Египте на исламе. В Америке политика была основана на идеях индейской культуры. Но в Европе политика была основана на идеях христианства. Это было связано с тем, что христианство было распространено в Европе гораздо раньше, чем в Азии и Африке. Поэтому политика в Европе была более развита, чем в других частях мира.

АПА

АПА — Ассоциация промышленников и предпринимателей Азии и Африки. Основана в 1960 году в Китае.

Публикация



A PHORISMI
DE
CONFICIENDA
HISTORIA

Prima.

A P H O R I S M V S

I.



Atura in triplici Statu ponitur, & tanquam Regimen subit trinum. Aut enim libera est, & cursu suo ordinario se explicat; aut à prauitatibus & insolentijs Materiæ, atque ab Impedimentorum violentiâ de statu suo detruditur; aut ab Arte & ministerio humano constringitur & fngitur. Atque Primus ille

Status

Status ad Species rerum refertur; Secundus ad Monstra; Tertius ad Artificialia. Etenim in Artificialibus Natura iugum recipit ab Imperio Hominis; nunquam enim Illa facta fuissent absque Homine. At per Operam & ministerium Hominis conspicitur prorsus noua Corporum Facies, & veluti Rerum Uniuersitas altera, sive Theatrum alterum. Triplex itaque est Historia Naturalis. Tractat enim aut Naturam Libertatem, aut Errores, aut Vincula; ut non male Eam partiri possumus, in Historiam Generationum, Prætergenerationum, & Artium; quarum postremam etiam Mechanicam & Experimentalem appellare consueuimus. Neq; tamen id præcipimus, ut hæc Tria separatim tractentur. Quidni enim possint Historiæ Monstrorum in singulis Speciebus cum Historiæ ipsarum Specierum coniungi. Etiam Artificialia quandoque cum Speciebus rectè coniunguntur, quandoque melius separantur. Quamobrèm è re natâ de his consilium capere optimum est. Methodus enim Iterationes & prolixitatem gignit, æquè ubi Ni-mia est, ac ubi Nulla.

II.

Historia Naturalis, ut Subiecto (quemadmodum diximus) triplex; ita Usu duplex est. Adhibetur enim aut propter rerum ipsarum cognitionem, quæ Historiæ mandantur; aut tanquam Materia Prima Philosophiæ, atque veræ Inductionis Supellex, sive Sylua. Atque Posterioris hoc nunc agitur; Nunc, in-

quam;

quam ; neque vñquām antehāc. Neque enim Ari-stoteles, aut Theophrastus, aut Dioscorides, aut Caius Plinius, multò minùs Moderni hunc finem (de quo loquimur) Historiæ Naturalis, vñquām sibi proposuerunt. Atque in Hoc plurimum est; ut qui par-tes scribendi Historiam Naturalem sibi posthāc sum-pserint, hoc perpetuò cogitent, atque animo agitent; se non Lectoris delectationi, non utilitati ipsi, quæ ex Narrationibus in præsens capi possit, debere inserui-re; sed conquirere & comparare Rerum Copiam & varietatem, quæ veris Axiomatibus conficiendis suffi-ciat. Hoc enim si cogitent, Modum huiusmodi Hi-storyæ Ipsi sibi præscribent. Finis enim regit Modum.

III.

Quod autem maioris est hæc res operæ & laboris; Quid illam minùs onerari superfluis consentaneum est. Tria itaque sunt, de quibus Homines sunt planè admonendi, ut in illis parcè admodùm operam suam col-locent; tanquām ijs quæ massam Operis in immensum augeant, virtutem parùm aut nihil promoueant.

Primò igitur faceant Antiquitates, & Citatio-nes, aut Suffragia Authorum; etiam Lites, & Contro-uersiae, & Opiniones discrepantes; Omnia denique Philologica. Neque enim citetur Author, nisi in re dubiæ fidei; neque interponatur Controuersia, nisi in re magni momenti. Quæ verò ad Ornamenta Orationis, & Similitudines, & Eloquentiæ Thesaurum, & hu-iusmodi inania spectant, omnino abijciantur. Etiam

quæ recipiuntur omnia, & ipsa proponantur breuiter & strictim, ut nihil minus sint quam verba. Nemo enim qui Materialia ad AEdificia, vel Naves, vel huiusmodi aliquas Structuras colligit & reponit, ea (Officinarum more) bellè collocat & ostentat ut placent; sed in hoc tantum sedulus est, ut proba & bona sint, & ut in Repertorio spatium minimum occupent. Atque ita prorsus faciendum est.

Secundò, non multum ad rem facit Luxuria illa Historiarum Naturalium in Descriptionibus & Pictures Specierum numerosis, atque earundem Varietate curiosâ. Huiusmodi enim pusillæ Varietates nihil aliud sunt, quam Lusus quidam Naturæ, & Lascivia, & propè ad Fndiuiduorum Naturam accedunt: Atque habent Peragrationem quandam in Rebus ipsis amœnam & iucundam; Informationem verò ad Scientias tenuem, & ferè superuacuam.

Tertiò, missæ planè facienda sunt omnes Narrationes Superstitiosæ (non dico Prodigiosæ, ubi Memoria earum reperietur fida & probabilis, sed Superstitiosæ) & Experimenta Magiæ Ceremonialis. Nolumus enim Philosophiæ Infantiam, cui Historia Naturalis primam præbet Mammam, Fabulis animalibus assuescere. Erit fortassè Tempus (postquam in Inquisitionem Naturæ paulò altius penetratum sit) huiusmodi res leuiter percurrendi; ut si quid in illis fæcibus hæreat virtutis Naturalis, ea extrahi & in usum condi possit. Interim seponendæ sunt. Etiam Magiæ Naturalis Experimenta diligenter & cum severitate ventilanda sunt, antequam recipiantur; præsertim

serit illa, quæ ex vulgaribus Sympathijs & Antipathijs, magna cum socordia & facilitate credendi simul & fingendi, deriuari solent.

Neque mil, aut parum actum est, in exoneranda Historia Naturali Tribus his (quæ diximus) rebus superfluis, quæ alias Volumina impleturæ fuissent. Nequè tamen hic Finis. Aequè enim requiritur in Opere magno, ut tam ea quæ recipiuntur, succinctè scribantur, quam ut superflua abscindantur: Licet nemini dubium esse possit, quin huiusmodi Castitas & Breuitas, deletionem multò minorem tum Legenti, tum Scribenti præbitura sit. Verum illud semper inculandum est, hoc quod paratur, Horreum esse tantummodo & Promptuarium Rerum; in quo non manendum, aut habitandum sit cum voluptate, sed eò descendendum, prout res postulat, cùm aliquid ad usum sumendum sit, circa Opus Interpretis quod succedit.

IV.

In Historiâ quam requirimus & animo destinamus, antè omnia videndum est, ut latè pateat, & facta sit ad Mensuram Universi. Neque enim arctandus est Mundus ad angustias Intellectus, (quod adhuc factum est) sed expandendus Intellectus, & laxandus, ad Mundi Imaginem recipiendam, qualis inuenitur. Istud enim, Respicere pauca, & pronunciare secundùm pauca, omnia perdidit. Resumentes igitur Partitionem, quam paulò antè fecimus Historiæ Naturalis (quòd sit Generationum, Prætergeneratio-

num, & Artium) Historiæ Generationum constituiimus Partes quinque. Sit Prima, Ætheris & Cœlestium. Secunda, Meteororum, & Regionum (quas vocant) Aëris; Tractum videlicet à Lunâ usque ad Superficiem Terræ; Cui etiam parti Cometas cuiuscunque generis, tum sublimiores, tum humiliores (ut cunque se habeat rei veritas) Ordinis causâ assignamus. Tertia, Terræ & Maris. Quarta, Elementorum (quæ vocant) Flammæ, sive Fgnis, Aëris, Aquæ, & Terræ. Elementa autem eo sensu accipi volumus, ut intelligantur non pro Primordijs Rerum, sed pro Corporum Naturalium Massis Maioribus. Ita enim Natura Rerum distribuitur, ut sit quorundam Corporum Quantitas sive Massa in Vniuerso perquam Magna; quia scilicet ad Schematismum eorum requiritur Textura Materiæ facilis & obuia; qualia sunt Ea quatuor (quæ diximus) Corpora: At quorundam aliorum Corporum sit Quantitas in Vniuerso parua, & parcè suppeditata, propter Texturam Materiæ valde dissimilarem, & subtilem, & in plurimis determinatam, & Organicam; qualia sunt Species Rerum Naturalium, Metalla, Plantæ, Animalia. Quare Prius Genus Corporum, Collegia Maiora; Posterius, Collegia Minora appellare consuevimus. At Collegiorum istorum Maiorum est Pars Historiæ Quarta, sub nomine Elementorum, ut diximus. Neque verò confunditur Pars Quarta cum Secundâ aut Tertiâ, in hoc quod in singulis mentionem Aëris, Aquæ, Terræ fecimus. In Secundâ enim & Tertiâ recipitur Historia eorum, tanquam Mundi Partium Integralium, &

quate-

quatenus pertinent ad Fabricam & Configurationm
Universi; At in Quartā continetur Historia Substan-
tiæ & Naturæ ipsorum, quæ in singulis eorum parti-
bus similaribus viget, nec ad totum refertur. Quinta
denique pars Historiæ Collegia Minora, sive Spe-
cies continet; circa quas Historia Naturalis hactenus
præcipue occupata est.

Historiam verò Prætergenerationum quod atti-
net; iamdudum à Nobis dictum est, quod Illa cum Hi-
storiâ Generationum commodissimè coniungi possit; Ea
scilicet, quæ sit Prodigiosa tantum, & Naturalis.
Nam Superstitiosam Miraculorum Historiam (cu-
iuscunque sit generis) omnino relegamus in Tracta-
tum proprium; Neque ipsum iam inde à principio sus-
cipiendum, sed paulò post, quando altius in Naturæ
Inquisitionem penetratum fuerit.

At Historiam Artium, & Naturæ ab Homine
versæ & immutatæ, sive Historiam Experimentalē,
triplicem constituimus. Aut enim de prompta est ex
Artibus Mechanicis; Aut ex Operatiua parte Scientia-
rum Liberalium; Aut ex Prædicis compluribus & Ex-
perimentis, quæ in Artes propriam non coaluerunt;
immò quæ quandoquæ ex Vulgatissimâ Experienciâ oc-
currunt, nec Artes omnino desiderant. Quamobrem si ex
his omnibus quæ diximus, Generationibus, Præterge-
nerationibus, Artibus, & Experimentis confecta
fuerit Historia; nihil prætermissum videtur, per quod
Sensus ad informandum Intellectum instrui posset.
Neque igitur amplius intra Circulos paruos (veluti
incantati) subsultabimus, sed Mundi Pomæria cir-
citione æquabimus.

Inter

V.

Inter Partes eas quas diximus Historiae, maximi
us est Historia Artium; propterea quod ostendat
Res in Motu, & magis recta ducat ad Praxin.
Quinetiam tollit laruam & velum à Rebus Naturali-
bus, quae plerunque sub varietate Figurarum & Ap-
parentiae externæ occultantur, aut obseurantur. Deni-
que Vexationes Artis sunt certè tanquam Vincula
& Manicæ Protei, quæ ultimos Materiæ Nixus &
Conatus produnt. Corpora enim perdi, aut annihilari
nolunt; sed potius in varias Formas se mutant. Itaque
circa hanc Historiam, licet Mechanicam (ut videri
possit) & minus Liberalem, (missâ arrogantiâ & fa-
stu) summa est adhibenda diligentia.

Rursus, inter Artes præferuntur Ææ, quæ Corpora
Naturalia & Rerum Materialia exhibent, alterant,
& præparant; ut Agricultura; Coquinaria; Chymica;
Tinctoria; Opificia Vitri, Esmaltæ, Sacchari, Pulue-
ris Pyrij, Ignium Artificialium, Papyri, & huiusmodi.
Ieiunioris autem sunt usus, quæ præcipue consistunt in
Motu subtili Manuum, & Instrumentorum; qua-
les sunt Textoria; Fabrilis; Architedura; Opificia
Molendinorum, Horologiorum, cum similibus; Licet
& istæ nullo modo negligendæ sint; tum quia in illis oc-
currunt multa, quæ ad Corporum Naturalium Altera-
tiones spectant; tum quia accuratè informant de Motu
Lationis, quæ res est magni prorsus ad plurima mo-
menti.

Verum

Verum in Congerie vniuersa istius Artium Historiae, illud omnino monendum est, & penitus memorie mandandum; recipienda esse Experimenta Artium, non solum ea quae ducunt ad finem Artis, sed etiam quae ullo modo interueniunt. Exempli gratia, quod Locustæ, aut Cancri cocti, cum prius Colorem luti referrent, rubescant, nihil ad mensam: sed haec ipsa Instantia tamen non mala est ad Inquirendam Naturam Rubedinis; cum idem eueniat etiam in Lateribus coctis. Similiter, quod Carnes minori morâ saliantur Hyeme quam Æstate, non eò tantum spectat, ut Coquus cibos benè & quantum sufficit condit; sed etiam Instantia bona est ad indicandam Naturam, & Impressionem Frigoris. Quamobrem toto (quod aiunt) Cœlo errauerit, qui Intentioni nostræ satisfieri existimauerit, si Artium Experimenta colligantur, huius rei solum gratia, ut hoc modo Artes singulæ melius perficiantur. Licet enim & hoc non prorsus contemnamus in multis; tamen ea planè est Mens nostra, ut omnium Experimentorum Mechanicorum riuali, in Philosophiae pelagus undeque fluant. Delectus autem Instantiarum in unoquoque genere eminentiorum (quas maximè & diligentissimè conquirere oportet, & quasi venari) ex Prærogatiis Instantiarum pendens est.

V I.

REsumendum etiam est hoc loco, quod in Aphorismis 99. 119. 120. Libri primi fusiū tradauimus;

hic

hic verò, Præcepti more, breuiter imperare sufficiat: Hoc est, ut recipiantur in hanc Historiam; Primò res Vulgatissimæ, quales quis superuacuum putaret scripto inserere, quia tam familiaritèr notæ sunt; Dein, res Viles, Illiberales, Turpes; (Omnia enim munda mundis; & si Lucrum ex Lotio boni odoris sit, multo magis Lumen & Informatio ex re qualibet:) Etiam res Leues & Pueriles; (nec mirum; repuerascendum enim planè est:) Postremò, res quæ nimic cuiusdam Subtilitatis esse videntur, quòd in se nullius sint usus. Neque enim (ut iam dictum est) quæ in hac Historiâ proponentur, propter se congesta sunt: Itaque neque dignitatem eorum ex se metiri par est, sed quatenus ad alia transferri possint, & influant in Philosophiam.

VII.

IL lud insuper præcipimus, ut omnia in Naturalibus tam Corporibus quam Virtutibus (quantum fieri potest) numerata, appensa, dimensa, determinata propo- nantur. Opera enim meditamur, non Speculationes. Physica autem & Mathematica benè commissæ, ge- nerant Practicam. Quamobrèm exactæ Restitutiones & Distantiæ Planetarum, in Historiâ Cœlestium: Terræ Ambitus, & Quantum occupet in superficie re- spectu Aquarum, in Historiâ Terræ & Maris: Quan- tam compressionem Aër patiatur absque forti Antitypiâ, in Historiâ Aëris: Quantum in Metallis alterum alteri præponderet, in Historia Metallorum; & in- numera

numera id genus perquirenda, & prescribenda sunt. Cùm verò exactæ Proportiones haberi non possint, tum certè ad Æstimatiuas aut Comparatiuas indefinitas configiendum est. Veluti (si forte calculis Astronomorum, de Distantijs, diffidimus) quòd Luna sit infrà umbram Terræ; quòd Mercurius sit supra Lunam; & huiusmodi. Etiam cùm Mediæ Proportiones haberi non possint, proponantur Extremæ: veluti, quòd languidior Magnes attollat Ferrum ad tale pondus, respectu ponderis ipsius Lapidis; & quod maximè virtuosus, etiam ad rationem sexagecuplam; quod nos in armato Magnete admodum paruo fieri vidimus. Atque satis scimus istas Instantias determinatas non facile aut sèpè occurrere; sed in ipso Interpretationis curriculo, tanquam Auxiliares, (quando res maximè postulat) debere exquiri. Veruntamèn si forte occurrant, modò non progressum conficiendæ Naturalis Historiæ nimis remorentrur, etiam in ipsam eas inserere oportet.

VIII.

FIdem verò eorum, quæ in Historiâ sunt recipienda, quòd attinet; necesse est ut illa sint aut fidei Certæ, aut fidei Dubiæ, aut fidei Damnatae. Atque Prius genus simpliciter est proponendum. Secundum, cum notâ; viz. per verbum Traditur, aut Referunt, aut Audiui ex fide-digno, & huiusmodi. Nam argumenta Fidei in alterutram partem, nimis operosum foret ascribere: & proculdubio scribentem nimis re-

morabitur. Neque multum etiam refert, ad id quod agitur: quoniam (ut in Aphorismo 118. Lib. 1. diximus) falsitatem Experimentorum, nisi ea ubique scateant, veritas Axiomatum paulo post conuincet. At tamen si Instantia fuerit nobilior, aut usu ipso, aut quia alia multa ex illa pendere possint; tum certe nominandus est Author: neque id nudè tantum, sed cum mentione aliquā, utrum ille ex Relatione, aut Exscriptione, (qualia sunt ferē, quae scribit C. Plinius) aut potius ex Scientiā propriā illa affirmauerit; atque etiam utrum fuerit res sui temporis, an vetustior; insuper, utrum sit tale quippiam, cuius necesse foret ut multi essent testes, si verum foret; denique, utrum Author ille fuerit vaniloquus & leuis, an sobrius & seuerus; & similia, quae faciunt ad pondus Fidei. Postremo res Damnatae fidei, & tamen iactatas & celebratas; quales, partim neglegdu, partim propter usum Similitudinum, per multa iam secula inualebunt, (veluti, quod Adamas liget Magnetem, Allium eneruet; Electrum omnia trahat praeter Ocymum; & alia multa huiusmodi) oportebit non silentio rei cedere, sed verbis expressis proscribere, ne illa amplius Scientijs molesta sint.

Præterea non abs re fuerit, si forte Origo Vanitatis aut Credulitatis alicuius occurrat, illam notare: veluti, quod herbæ Satyrio attributa sit vis ad excitandam Venerem, quia Radix scilicet in figuram testiculorum efformata sit: Cum reuerā hoc fiat, quia adnascitur annis singulis noua radix bulbosa, adhærente radice anni prioris; unde Didymi illi. Manifestum autem

autem hoc est, quod noua Radix semper inueniatur solida & succulenta, vetus emarcida & spongiosa. Quare nil mirum, si altera mergatur in aqua, altera natet: **Quod tamen pro re mira habetur, & reliquis eius Herbae virtutibus autoritatem addidit.**

IX.

Supersunt Additamenta quædam Historiæ Naturalis utilia, quæque eam magis commodè infletere & aptare possint ad Opus Interpretis, quod succedit. Illæ, quinque sunt.

Primum, Quæstiones (non Causarum dico, sed Facti) adiiciendæ sunt, ut inquisitionem ulteriore prouocent & sollicitent: Ut, in Historiâ Terræ & Maris, Utrum Mare Caspium fluat & refluat, & qualibet horarum spatio; Utrum sit aliqua Continens Australis, an potius Insulæ; & similia.

Secundò, in Experimento aliquo nouo & subtiliore, addendus est Modus ipse Experimenti, qui adhibitus est: ut liberum sit hominum Iudicium, utrum Informatio per Experimentum illud sit fidum aut fallax; atque etiam excitetur hominum Industria, ad exquirendos Modos (si fieri possit) magis accuratos.

Tertiò, si quid subsit in aliquâ Narratione dubij vel scrupuli, id supprimi aut reticeri omnino nolumus; Sed planè & perspicue ascribi, Notæ aut Moniti loco. Cupimus enim Historiam Primam, veluti factum Sacramento de veritate eius in singulis, religiosissimè scribi;

scribi; cùm sit Volumen Operum Dei, & (quantum
inter Maiestatem Diuinorum, & Humilitatem Ter-
renorum collationem facere liceat) tanquam Scriptura
altera.

Quartò, non abs re fuerit Observations quando-
què aspergere; (id quod C. Plinius fecit:) veluti in
Historiâ Terræ & Maris; Quòd Terrarum figura
(quatenus adbuc cognita est) respectu Marium, sit ad
Austrum angusta & veluti acuminata, ad Septentrio-
nes lata & ampla; Marium, contrà: Et quòd Oceani
Magni intersectent Terras alueis exporreditis inter Au-
strum & Septentriones, non inter Orientem & Occi-
dentem, nisi fortè in extremis Regionibus Polaribus.
Etiam Canones (qui nil aliud sunt quam Observa-
tiones generales & Catholicæ) optimè ascribuntur: ve-
luti in Historiâ Cœlestium; Quòd Venus nunquam
distet à Sole plus partibus 46. Mercurius, 23. Et quòd
Planetæ, qui suprà Solem locantur, tardissimè moue-
ant; cùm longissimè à Terrâ absint: Planetæ infra So-
lem, celerrimè. Aliud insuper Observationis genus ad-
bibendum; quod nondum in usum venit, licet sit haud
exigui momenti. Illud tale est: nempè, ut subiungan-
tur ijs quæ sunt, ea quæ non sunt. Veluti, in Historiâ
Cœlestium, Quòd non inueniatur stella oblonga vel tri-
angularis; sed quòd omnis stella sit globosa: vel Glo-
bosa simpliciter, ut Luna; vel ad aspectum Angulata, sed
in medio globosa, ut reliquæ Stellæ; vel ad aspectum Co-
mata, & in medio globosa, ut Sol: Aut quòd Stellæ nullo
prorsùs spargantur ordine; ut non inueniatur vel Quin-
cunx,

cunx, vel Quadrangulum, nec alia Figura perfecta;
(vtcunque imponantur nomina Deltæ, Coronæ, Crucis,
Quadrigarum, &c.) vix etiam Linea recta, nisi forte
in Cingulo & Pugione Orionis.

Quintò, iuuabit fortasse nonnihil Quærentem, quod
Credentem prorsùs peruerat & perdat: viz. ut Opinio-
nes, quæ nunc receptæ sunt, cum earum Varietate
& Sectis, breui Verborum complexu, & tanquam in
transitu recenseantur; ut Intellectum vellicent, & ni-
hil amplius.

X.

ATque hæc sufficient, quatenus ad Præcepta ge-
neralia: quæ si diligentè obseruentur, & finem
rectam petet hoc Opus Historiæ, nec excrescat suprà mo-
dum. Quòd si etiam, prout circumscribitur & limita-
tur, Vastum Opus alicui pusillanimo videri posse; is in
Bibliotecas oculos conuertat; &, inter alia, Corpora
Iuris Civilis aut Iuris Canonici ex una parte spedet, &
Commentarios Doctorum & Iurisconsultorum ex al-
terâ; & videat quid intersit quoad Molem & Volu-
mina. Nobis enim (qui, tanquam Scribæ fideles, le-
ges ipsas Naturæ, & nil aliud excipimus & conscri-
bimus) breuitas competit, & ferè ab ipsis Rebus impo-
nitur. Opinionum autem, & Placitorum, & Specu-
lationum, non est numerus neque finis.

Quòd verò in Distributione Operis nostri mentionem
fecimus Cardinalium Virtutum in Naturâ; &
quòd etiam harum Historia, antequâm ad Opus Inter-
preta-

ATA


pretationis ventum fuerit, perscribenda esset; Huius rei minimè obliti sumus, sed eam Nobis ipsis reseruauimus: cùm de aliorum Industriâ in hac re, priusquam homines cum Naturâ paulò arctius consuescere incœperint, prolixè spondere non audeamus. Nunc itaque ad Delineationem Historiarum Particularium veniendum.

Verùm, prout nunc negotijs distringimur, non ultrius suppetit otium, quàm ut Catalogum tantùm Historiarum Particularium secundùm Capita subiungamus. Enim uero cùm primùm huic rei vacare possimus, consilium est in singulis, veluti Interrogando, docere; qualia sint circa unamquamque Historiarum illarum potissimum inquirenda & conscribenda, tanquam ea quæ ad finem nostrum faciunt, instar Topicorum quorundam Particularium: vel potius, ut (sumpto exemplo à Causis Civilibus) in hac Vindicatione Magnâ sue Processu, à fauore & Prudentiâ Diuinâ concessò & inslituto, (per quem genus humanum Ius suum in Naturam recuperare contendit) Naturam ipsam & Artes super Articulos examinemus.

25

CATALOGVS HISTORIARVM PARTICVLARIVM.

secundum Capitula.



Historia Cometenit
de Astronomica.

Historia congiunt
eis Cœli & pa
rallax. Et de
luminis ex parte
eis. His & omni
graphis.

1. Historia Cometenit.

2. Historia Meteororum. *meteorum.*

3. Historia Fulgerum, Fulmenum, Tonitrum,
& Coruscationum.

4. Historia Veneris, & Planeti serpentino
sum. & Veneris historum. Aerris.

Historia

principia et causae sunt per se velut effectus
et causa, et si factum est effectus, et causa referuntur
sunt. Et ut de causis dicitur in libro de Causis et Effectu, non
conincit enim in Causa prout et Effectu, sed in causa antea
eripit, predicta sequitur et hoc est effectus. Quod dicitur
ad Delineationem Historiarum Particularium co-
incidentium.

Vero, prout nunc regula videtur esse, non solum
sunt causae et effectus, et causae et effectus
Historiarum Particularium secundum Capita subven-
tum. Exquirere enim principia huius eti naturae posse-
unt, consilium est in singulis, utricti Interrogande, do-
cere qualia sunt causa et effectus Historiarum par-
tium, prout enim prouendit et consilium videtur esse
in que ad finem noscum facilius inducatur. Temporum
particulis. Temporibus enim videtur ex his quae
tempora sunt, et tempore videtur ex his quae sunt
tempora. Temporibus enim videtur ex his quae sunt
tempora, et tempore videtur ex his quae sunt tempora. In
tempore videtur ex his quae sunt tempora, et tempore
videtur ex his quae sunt tempora. Non enim
tempore videtur ex his quae sunt tempora, et tempore
videtur ex his quae sunt tempora.



CATALOGVS HISTORIARVM PARTICVLARIVM,

secundùm Capita.

- | | | |
|----|--|--|
| 1. | | Istoria Cœlestium; siue Astronomica. |
| 2. | | Historia configurationis Cœli & partium eius, versus Terram & partes eius; siue Cosmographica. |
| 3. | Historia Cometarum. | |
| 4. | Historia Meteororum ignitorum. | |
| 5. | Historia Fulgorum, Fulminum, Tonitruum, & Coruscationum. | |
| 6. | Historia Ventorum, & Flatuum repentina- rum, & Vndulationum Aeris. | |

d

Histo-

7. Historia Iridum.
8. Historia Nubium, prout supernè conspiciuntur.
9. Historia Expansionis Cœruleę, Crepusculi, plurium Solium, plurium Lunarum, Halonum, Colorum variorū Solis & Lunæ; atq; omnis varietatis Cœlestium ad aspectum, quæ sit ratione Medij.
10. Historia Pluuiarum Ordinariarum, Procellosarum, & Prodigiosarum, etiam Cataraetarum (quas vocant) Cœli, & similiūm.
11. Historia Grandinis, Niuis, Gelu, Pruinę, Nebulæ, Roris, & similiūm.
12. Historia omnium aliorum Cadentiū siue Descendentium ex alto, & iupernè generatorū.
13. Historia Sonituum in alto (si modò sint aliqui) præter Tonitrua.
14. Historia Aeris, in Toto, siue in Configuratione Mundi.
15. Historia Tempestatum, siue Temperamentorum Anni, tam secundūm variationes Regionum, quam secundūm accidentia Temporum, & periodos Annorum; Diluviorum, Feruorum, Siccitatū, & similiūm.
16. Historia Terrę & Maris; Figurę & Ambitūs ipsorum, & Configurationis ipsorum inter se, atq; Exporrectionis ipsorum in latum aut angustum; Insularum Terrę in Mari, Siuum Ma-

nuum Maris, & Lacuum salsorum in Terrâ, Isthmorum, Promontoriorum.

17. Historia Motuum (si qui sint) globi Terræ & Maris; & ex quibus Experimentis illi colligi possint.

18. Historia Motuum maiorum & Perturbationum in Terrâ & Mari; nempè Terre Motuum & Tremorum & Hiatum, Insularum de novo enascentium, Insularum fluctuantium, Abruptum Terrarum per ingressum Maris, Inuasionum & Illuvionum, & contrâ Desertionū Maris; Eruptionum Ignium è Terrâ, Eruptionum subterranearum Aquarum è Terrâ, & similiū.

19. Historia Geographica Naturalis, Montium, Vallium, Syluarum, Planitierum, Arenarum, Paludum, Lacuum, Fluuiorum, Torrentium, Fontium, & omnis diuersitatis scaturiginis ipsorum, & similiū: missis Gentibus, Prouincijs, Vrbibus, & huiusmodi Ciuilibus.

20. Historia Fluxuum & Refluxuum Maris, Euriporum, Vndulationum & Motuum Maris aliorum.

21. Historia cæterorum Accidentium Maris; Salsuginis eius, Colorum diuersorum, Profunditatis: & Rupium, Montium, & Vallium submarinorum, & similiū.

Sequuntur Historiæ Massarum maiorum.

22. **H**istoria Flammæ, & Ignitorum.
23. **H**istoria Aeris, in Substantiâ, non in Configuration.
24. Historia Aquæ, in Substantiâ, non in Configuration.
25. Historia Terræ & diuersitatis eius, in Substantiâ, non in Configuration.

Sequuntur Historiæ Specierum.

26. **H**istoria Metallorum perfectorum, Auri, Argenti, & Minerarum, Venarum, Marcasitarum eorundem: Opera-
ria quoque in Mineris ipsorum.
27. Historia Argenti Viui.
28. Historia Fossilium; veluti Vitrioli, & Sulphuris, &c.
29. Historia Gemmarum; veluti Adamantis, Rubini, &c.
30. Historia Lapidum; vt Marmoris, Lapidis Lydij, Silicis, &c.
31. Historia Magnetis.
32. Historia Corporum Miscellaneorum, quæ nec sunt Fossilia prorsus, nec Vegetabilia; vt Salium, Succini, Ambræ-griseæ, &c.
33. Historia Chymica circa Metalla & Mine-
ralia.
34. Histo-

34. Historia Plantarum, Arborum, Fruticum, Herbarum : & Partium eorum, Radicum, Caulium, Ligni, Foliorum, Florum, Fructuum, Seminum, Lachrymarum, &c.
35. Historia Chymica circà Vegetabilia.
36. Historia Piscium, & partium ac Generationis ipsorum.
37. Historia Volatilium , & Partium ac Generationis ipsorum.
38. Historia Quadrupedum, & Partium ac Generationis ipsorum.
39. Historia Serpentum, Vermium, Muscarum, & cæterorum Insectorum ; & partium ac Generationis ipsorum.
40. Historia Chymica circà ea quæ sumuntur ab Animalibus.

Sequuntur Historiæ Hominis.

41. **H**istoria Figuræ, & Membrorum exter-
norum Hominis, Staturæ, Compaginis,
Vultus, & Lineamentorum ; eorumque
varietatis secundum Gentes & Climata,
aut alias minores Differentias.
42. Historia Physiognomica super ipsa.
43. Historia Anatomica, siue Membrorum inter-
norum Hominis ; & varietatis ipsorum,
qua-

quatenus inuenitur in ipsâ naturali Com-
page & Structurâ, & non tantum quoad
Morbos & Accidentia preternaturalia.

44. Historia partium similiarum Hominis; vt Carnis, Ossium, Membranarum, &c.
45. Historia Humorum in Homine; Sanguinis, Bilis, Spermati, &c.
46. Historia Excrementorum; Sputi, Vrinarum, Sudorum, Sedimentorum, Capillorum, Pilorum, Reductiarum, Vnguum, & simili.
47. Historia Facultatum; Attractionis, Digestionis, Retentionis, Expulsionis, Sanguificationis, Assimilationis alimentorum in membra, Versionis Sanguinis & Floris eius in Spiritum, &c.
48. Historia Motuum Naturalium & Inuoluntariorum; vt Motus Cordis, Motus Pulsu, Sternutationis, Motus Pulmonum, Motus Erectionis Virgæ, &c.
49. Historia Motuum mixtorum ex Naturalibus & Voluntarijs; veluti Respirationis, Tussis, Vrinationis, Sedis, &c.
50. Historia Motuum Voluntariorum; vt Instrumentorum ad voces articulatas; vt Motuum Oculorum, Linguæ, Faucium, Mammum, Digitorum, Deglutitionis, &c.
51. Histo-

51. Historia Somni & Insomniorum.
52. Historia diuersorum Habituum Corporis;
Pinguis, Macilenti ; Complexionum,
(quas vocant,) &c.
53. Historia Generationis Hominum.
54. Historia Conceptionis, Viuificationis, Ge-
stationis in Vtero, Partus, &c.
55. Historia Alimentationis Hominis, atque
omnis Edulij & Potabilis, atque omnis
Diætæ ; & Varietatis ipsorum secundùm
Gentes aut minores differentias.
56. Historia Augmentationis & Incrementi
Corporis in Toto & Partibus ipsius.
57. Historia Decursus Ætatis, Infantiae, Pue-
ritiae, Iuuentutis, Senectutis, Longæui-
tatis, Breuitatis Vitæ, & similium, secun-
dùm Gentes & minores differentias.
58. Historia Vitæ & Mortis.
59. Historia Medicinalis Morborum, & Symp-
tomatum & Signorum eorundem.
60. Historia Medicinalis, Curæ, & Remedio-
rum, & Liberationum à Morbis.
61. Historia Medicinalis eorum quæ conseruant
Corpus & Sanitatem.
62. Historia Medicinalis eorum quæ pertinent
ad Formam & Decus Corporis, &c.

63. Histo-

63. Historia Medicinalis eorum quæ corpus alterant, & pertinent ad Regimen Alterium.
64. Historia Pharmaco-polaris.
65. Historia Chirurgica.
66. Historia Chymica circa Medicinas.
67. Historia Visū & Visibilium, siue Optica.
68. Historia Picturæ, Sculptoria, Plastica, &c.
69. Historia Auditū & Sonorum.
70. Historia Musica.
71. Historia Olfactūs, & Odorum.
72. Historia Gustūs, & Saporum.
73. Historia Tactūs, & eius Obiectorum.
74. Historia Veneris, vt speciei Tactūs.
75. Historia Dolorum corporeorum, vt speciei Tactūs.
76. Historia Voluptatis & Doloris in genere.
77. Historia Affectuum; vt Irē, Amoris, Verecundiæ, &c.
78. Historia Facultatum Intellectualium; Cogitatiuæ, Phantasiæ, Discursūs, Memoriæ, &c.

79. Histo-

79. Historia Diuinationum Naturalium.
80. Historia Dignotionum, siue Diacrisium occultarum Naturalium.
81. Historia Coquinaria; & Artium subseruentium, veluti Macellaria, Auiaria, &c.
82. Historia Pistoria, & Panificiorum; & Artium subseruentium, vt Molendinaria, &c.
83. Historia Vinaria.
84. Historia Cellaria, & diuersorum generum Potūs.
85. Historia Bellariorum & Confecturarum.
86. Historia Mellis.
87. Historia Sacchari.
88. Historia Lacticiniorum.
89. Historia Balneatoria, & Vnguentaria.
90. Historia Miscellanea circa curam corporis; Tonsorum, Odorariorum, &c.
91. Historia Auri-fabrilis, & Artium subseruentium.
92. Histo-

92. *Historia Lanificiorum, & Artium subseruientium.*
93. *Historia Opificiorum è Serico & Bombyce, & Artium subseruientium.*
94. *Historia Opificiorum ex Lino, Cannabio, Gossipio, Setis, & alijs Filaceis; & Artium subseruientium.*
95. *Historia Plumificiorum.*
96. *Historia Textoria, & Artium subseruientium.*
97. *Historia Tinctoria.*
98. *Historia Coriaria, Alutaria; & Artium subseruientium.*
99. *Historia Culcitraria & Plumaria.*
100. *Historia Ferri-Fabrilis.*
101. *Historia Latomiæ siue Lapicidarum.*
102. *Historia Lateraria, & Tegularia.*
103. *Historia Figularis.*
104. *Historia Cæmentaria, & Crustaria.*
105. *Historia Ligni-fabrilis.*
106. *Historia Plumbaria.*
107. *Historia Vitri & omnium Vitreorum, & Vitriaria.*
108. *Historia Architecturæ in genere.*

109. *Histo-*

109. *Historia Plaustraria, Rhedaria, Lectaria, &c.*
110. *Historia Typographica, Libraria, Scrip-
toria, Sigillatoria; Atramenti, Calami,
Papyri, Membranae, &c.*
111. *Historia Ceræ.*
112. *Historia Viminaria.*
113. *Historia Storearia, & Opificiorum ex Stra-
mine, Scirpis, & similibus.*
114. *Historia Lotricaria, Scoparia, &c.*
115. *Historia Agriculturæ, Pascuariæ, Cultus
Syluarum, &c.*
116. *Historia Hortulana.*
117. *Historia Piscatoria.*
118. *Historia Venationis & Aucupij.*
119. *Historia Rei Bellicæ, & Artium subseruienti-
tium; ut Armamentaria, Arcuaria, Sa-
gittaria, Sclopetaria, Tormentaria, Balis-
taria, Machinaria, &c.*
120. *Historia Rei Nauticæ, & Practicarum, &
Artium subseruientium.*

121. *Historia Athletica, & omnis generis Exercitationum Hominis.*
122. *Historia Rei Equestris.*
123. *Historia Ludorum omnis generis.*
124. *Historia Præstigiatorum & Circulatorum.*
125. *Historia Miscellanea diuersarum Materia-
rum Artificialium; vt Esmaltæ, Porcella-
næ, complurium Cæmentorum, &c.*
126. *Historia Salium.*
127. *Historia Miscellanea diuersarum Machi-
narum, & Motuum.*
128. *Historia Miscellanea Experimentorum
Vulgarium, quæ non coaluerunt in Ar-
tem.*

*Etiam Mathematicarum purarum Historiæ
conscriptibendæ sunt, licet sint potius Ob-
seruationes quam Experimenta.*

129. *Historia naturarum & potestatum Nume-
rorum.*
130. *Historia naturarum & potestatum Figu-
rarum.*

Non

Non abs re fuerit admonere, quod, cum necesse sit multa ex Experimentis sub duobus Titulis vel pluribus cadere, (veluti Historia Plantarum, & Historia Artis Hortulanæ multa habebunt ferè communia) commodior sit Inquisitio per Artes, Dispositio verò per Corpora. Parùm enim nobis curæ est de Artibus ipsis Mechanicis, sed tantum de ijs quæ afferunt ad instruendam Philosophiam. Verùm hæc è re natâ melius regentur.

FINIS.

Errata.

Pag. 26. lin. 8. lege Materia. P. 30. l. 26. lege Apocalypsim. P. 53. l. 2. lege Ideas. P. 63. l. 10. lege quem. P. 77. l. 3. lege ut speciem ipsam. P. 82. l. 8. pro Prudentia, lege Sapientia. P. 100. l. 19. lege preparatiōnem. P. 122. l. 7. lege Ideas. P. 133. l. 7. lege quæ, pro que. P. 164. l. 15. dele &. P. 203. l. 16. lege mortis. P. 205. l. ante pen. lege Ideas. P. 217. l. 9. lege ut, pro &. P. 232. l. 13. lege incutientia. P. 251. l. 5. lege pro lolo, loto. P. 260. l. 14. legetrudantur. P. 278. l. 26. lege demonstrati. P. 299. l. 8. lege odoratuarum. P. 323. l. 22. lege Affimationis.

LONDINI,
Apud IOANNEM BILLIVM,
Typographum Regium.
M. DC. XX.


Non solum quod dicitur deus est in nobis sed etiam
quod dicitur in nobis deus est. Cetera sunt
Historia Auct. Historia deinde etiam
comparatio. Quod dicitur in nobis deus est
est deus in nobis. Tunc ergo dicitur
deus in nobis. Non solum quod dicitur
deus in nobis sed etiam quod dicitur
deus est in nobis.


FINIS


Non solum quod dicitur deus est in nobis sed etiam
quod dicitur in nobis deus est. Cetera sunt
Historia Auct. Historia deinde etiam
comparatio. Quod dicitur in nobis deus est
est deus in nobis. Tunc ergo dicitur
deus in nobis. Non solum quod dicitur
deus in nobis sed etiam quod dicitur
deus est in nobis.

NON SOLUM
QUOD DICITUR DEUS EST IN NOBIS
SED ETIAM QUOD DICITUR
IN NOBIS DEUS EST.

MFCXX









*Deutsche
National-
grammatik*